



6

16-c

42

M






66.8.

6-16-c-19







*Acting future in.*

*Cl. Dupont & Co.*

PUBLII  
VIRGILII  
MARONIS  
OPERA.  
TOMUS PRIMUS.




PARISIIS.

Typis BARBOU, viâ Mathurinenſium.



M DCC LXVII.







## PRÆFATIO.

NULLUS ignorat quanti interfit, ut quæ ornatius excuduntur, emendatè prodeant, quò naris emunctæ criticis hac potissimùm dote sese ipsa commendent. Est autem illud familiare iis vitium qui auctorem quemlibet e medio arripuerunt, ut eum non admirandum modò, sed divinum etiam hominem præjudicatâ quadam opinione appellent. Nos contra nihil ambiciosius hîc præfabimur de Poëtarum Latinorum principe, quippe quem satis celebret consentiens viginti prope seculorum fama, & ad cujus absolutissimum exemplar tot informata vario genere poëmata, eaque egregia, ad nos pervenerint.

a ij



In edendis autem summi vatis carminibus præcipuum ducem secuti sumus optimum atque antiquissimum ( mille trecentorum annorum ætatem superat ) codicem M. S. Bibliothecæ Mediceo-Laurentianæ , bono publico & commodo typis Mannianis Florentiæ descriptum anno C. N. 1741 : utpote qui animadverterimus viros doctiores hoc minùs anfasti errori præbuisse quò plura ex illo fonte saluberrimo hauserint. Nobis tamen religio fuit ne latum quidem unguem a probatissimis receptisque editionibus recedere , aut aliquid nostro scapello arroganter rescindere quod veterum recentiorumque consensus unanimis consecraverit.

Itaque nec laboris impatientes , nec operâ parci ( quæ minima laus est ) varias in variis codicibus legendi formulas quam accuratissimè perpendimus , col-

latis inter se quos undequaque conquifitos parare nobis licuit, libris editis, ne quid curæ Philologicæ defideraretur. Erat & aliud curandum, ne videlicet dum a mendis vindicare Virgilium tentaremus, novæ de nôstro fundo eidem inurerentur maculæ quibus huic noſtræ editioni aliquid pretii detraheretur.

Gemente autem prælo quantum moleſtiæ ac faſtidii non una res nobis pepererit, facilè intelliget quiſquis in eadem, quâ nos, palæſtra fuerit aliquandiu exercitatus. Verùm nec operæ nec tædii pœnitet, modò propoſitum affecuti diligentia noſtrâ nonnihil prodeſſe poſſimus ſtudioſis Muſarum cultoribus: neque idcirco dubitamus fore nonnullos qui noſtram hanc opellam caperato ſupercilio aſpernentur, & ad Philologicos exploratores nos noſtraque amandent. Ne iſti ſaltem graventur eximium habere Nicolaum

Heinsium e cujus fide non pauca restitui-  
mus , cùm ille novissimam Virgilii sui  
editionem ex MSS. triginta contexuerit.  
Sed Fogginium de Heinsio nostro loquen-  
tem audiamus.

Quamobrem laudandus certè est ele-  
gantissimus ille *Musarum Amasius* , ut  
eum vocat Norisius , ( *a* ) & *Poëtarum*  
*Latinorum* , ut a Bentleio ( *b* ) dicitur ,  
*Sospitator unicus* Nicolaus Heinsius , Da-  
nielis filius , qui , uti præsto essent omni-  
bus Vergilii Poëmata optimè emendata ,  
non solùm Scriptores rei Grammaticæ ,  
aliosque omnes ex antiquis Latinis in  
Marone illustrando occupatos , aut qui  
eum adhibent testem , diligenti ac sedulâ  
operâ consuluit , sed etiam triginta ferè  
MSS. Codices , illumque præcipuè , qui  
ab eo tanti est habitus , ut diceretur ( *c* ) :  
*Codex longè præstantissimus , atque unus*

( *a* ) Centoph. Pisân. diff. iv. §. 2.

( *b* ) Comment. in Hor. pag. 32.

( *c* ) In Præf.



*instar omnium, qui parem vetustate nulum per Europam universam nunc habet, Codicem, inquam, Florentiæ in Mediceo-Laurentiana Bibliotheca adservatum, qui totus Romanis litteris est scriptus, & emendatus fuit atque distinctus a Turcio Rufio Asterio Aproniano, viro doctissimo æquè ac nobilissimo, qui unà cum Præsidio Consulatum gessit an. Christi CCCCXCIV.*

Ecce autem Codex ille aureus cujus potissimùm ope VERGILII editionem suam adornavit Heinsius, & talem fecit, ut post illam nemo alius vir doctus adornare novam tentaverit, si Pancratium Masvicius excipias (a) qui tamen est fassus ab ea se nusquam recessisse, nisi aliquot in locis, quæ Heinsius, non Medi-

(a) Vergilius, quem Pancratius Masvicius Gymnasii Hagensis Moderator recensuit, editus est a Francisco Halma Leovardiæ, an. 1717. Venetiis resusus est, an. 1736.

cei Codicis auctoritate fretus , sed conjecturis ductus suis audacter receperat. Si quis post Heinſianam illam editionem VERGILII opera typis imprimenda curavit , illam deſcripſit ; quin etiam doctiſſimi viri , ut vulgatioꝛ fieret , conſultò recuſam voluerunt non ſemel , ſublatis tantummodo quibuſdam levibus maculis quæ Heinſium fugerant , aut nonnullis additis , ab Heinſio prætermiſſis , ſed a Noriſio adnotatis emendationibus , ex ipſo laudato antiquiſſimo Codice Florentino. Itaque VERGILIUS ex Nicolai Heinſii reſenſione editus typis Elzevirianis , Amſtelodami anno M DCLXXVI , ibidem iterum impreſſus eſt an. M DCLXXXVIII ; & cum Commentariis ad uſum Delphini a Carolo Ruæo S. J. ſcriptis anno M DCLXXXII ; & curante Cl. Viro Petro Burmanno anno M DCCIV. Porro VERGILIUS iſdem Commentariis

illustratus , & contextu juxta laudatam editionem Amstelodamensem emendato , Londini iterum impressus est anno M DCLXXXV , & anno M DCCVII ; deinde verò Venetiis anno M DCCXIII , & M DCCXXXVII ; & Parisiis anno M DCCXIV. Extat etiam planè insignis Vergilii editio Cantabrigienfis an. MDCCI ; quæ juxtà Heinsii recensitionem , non Elzevirianam tamen illam , sed prout eam descripsit , atque emendavit Emmenessius Lugdunensis Gymnasiarcha , concinnata est. Dissertatio quædam critica ad calcem libri appositâ , opus , Fabricio teste ( a ) Henrici Laughtoni Bibliothecæ publicæ Cantabrigienfis Præfecti , inter cetera , quæ de singulari opera ab Heinsio præstita in Vergilio emendando luculenter disputat , hæc etiam habet : *Hujus editio cum integris Servii , Philargyrii , Pierii ,*

( a ) Bibl. Lat. Lib. 1. Cap. 12.

*&c. Commentariis prout illam Emmenestius tom. 3, 1680 repræsentavit, meritò primas tenet. Itaque præstat reliquis hæcenus editis, ut sit aliis Polycletæi instar canonis, ad quem sive lectionem, sive scripturam exigant quicumque denuò Maroni manus accuratas, oculosque eruditos ad-moverint; in quo quidem exemplari, nec apex, nec elementum, neque dubius quivis, aut vexatus exhibetur locus, quem non pensiculatè firmaverit, & consignaverit Criticorum verè flos delibatus, & signifer Heinsius, Italiæ nempe Galliæque, & totius insuper Europæ perlustratis, & triginta paulo minùs vet. Codd. Mediceo præsertim & Romano præstantissimis omnium diligenter collatis, &c.*

Itaque contextum Vergilii ex edit. Nic. Heinsii emendatum dedit etiam Jacobus Emmenestius in sua elegantissima Vergilii editione notis variorum locupletata, quæ

tribus voluminibus in-8°. prodiit anno  
M DCLXXX Lugd. Bat. & Amst. & quam,  
cùm in medio opere fato raptus esset Em-  
menessius, Masvicius ejus auditor ab-  
solvit. Demum etiam Patavii anno  
M DCCXXXVIII a Josepho Comino Ver-  
gilii Opera satis nitidè sunt edita contextu  
juxta Heinsii Elzevirianam editionem  
emendato, sed habita etiam rationè Amste-  
lodamensis editionis ann. M DCCIV, ubi  
lectiones Codicis Medicei a Norisio ad-  
notatæ, ab Heinsio autem prætermis-  
sæ, religiosè sunt restitutæ. Heinsius in Præfa-  
tione laudatæ editionis Elzevirianæ pro-  
miserat plura se dicturum de ratione, qua  
usus erat in Vergilio emendando, cùm  
ederet suas in hunc Poëtam observationes,  
eas prælo typographo tantum non paratas  
habere apud se prædicans. Tunc fortassis  
majori etiam curâ Vergilii contextum edi-  
disset, sed, nescio quo fato, desideratissi-  
mum opus non comparuit.

Sunt & aliæ Vergilii editiones juxta Heinſianam recenſionem, ſed cùm multò minùs celebrentur, eas referri nihil attinet.

In hac nova Virgilii editione, multa minimè neceſſaria eruditorum conſilio reſecuiſimus. Hac ratione vera & genuina Virgilii opera uno & altero tantùm volumine includuntur. Nihil autem omiſimus ut emendatiſſima ſimul & nitidiſſima prodiret editio.



P. VIRGILII MARONIS  
V I T A ,  
*AUCTORE INCERTO.*

**P**UB. VIRGILIUS MARO parentibus modicis fuit, & præcipuè patre Marone, quem quidam opificem figulum, plures Magii cujusdam viatoris initio mercenarium, mox ob industriam generum tradiderunt; quem cùm agricolationi, rei que rusticæ & gregibus præfecisset socer, sylvis coëmundis & apibus curandis reculam auxit. Natus est Cn. Pompeio Magno & M. Licinio Crasso primùm coſſ. Iduum Octobrium die, in pago qui Andes dicitur, qui est a Mantua non procul. Prægnans eo mater somniavit Maia, enixam se laureum ramum, quem contactâ terrâ confestim cerneret coaluisse, & excrevisse illicò in speciem maturæ arboris, refertæ variis pomis & floribus; ac sequenti luce cum marito rus propinquum petens, ex itinere divertit, atque in subjecta fossa partu levata est. Ferunt infantem, ut fuit editus, nec vagisse, &

adeo miri vultu fuisse , ut haud dubiam spem  
prosperioris genituræ jam tum indicaret. Et ac-  
cessit aliud præfagium. Siquidem virga populea ,  
more regionis in puerperiis eodem statim loco  
depacta , ita brevi coaluit , ut multò antè satas  
populos adæquârit. Quæ arbor Virgilii ex eo  
dicta atque consecrata est , summâ gravidarum  
& foetarum religione , suscipientium ibi & sol-  
ventium vota. Initia ætatis , id est , usque ad  
septimum annum , Cremonæ egit ; & decimo  
septimo anno virilem togam cepit , illis consu-  
libus iterum , quibus natus erat : evenitque , ut  
eo ipso die Lucretius poëta decederet. Sed Vir-  
gilius Cremonâ Mediolanum , & inde paulò  
pòst Neapolim transiit ; ubi cùm litteris & Græ-  
cis & Latinis vehementissimam operam dedis-  
set , tandem omni curâ omnique studio indulsit  
Medicinæ & Mathematicæ. Quibus rebus cùm  
ante alios eruditior , peritiorque esset , se in Ur-  
bem contulit ; statimque magistri stabuli equo-  
rum Augusti amicitiam nactus , multos variof-  
que morbos incidentes equis curavit. At ille in  
mercedem singulis diebus panes Virgilio , ut  
uni ex stabulariis , dari jussit. Interea a Croto-  
niatis pullus equi miræ pulchritudinis Cæsari



dono fuit missus ; qui omnium iudicio spem portendebat virtutis & celeritatis immensæ. Hunc cùm aspexisset Maro , magistro stabuli dixit natum esse ex morbosa equa , & nec viribus valiturum , nec celeritate : idque verum fuisse inventum est. Quod cùm magister stabuli Augusto recitasset , duplicari ipsi in mercedem panes iussit. Cùm item ex Hispania Augusto canes dono mitterentur , & parentes eorum dixit Virgilius , & animum celeritatemque futuram. Quo cognito , mandat iterum Virgilio panes duplicari. Dubitavit Augustus , Octaviine filius esset , an alterius : idque Maronem aperire posse arbitratus est , quia canum & equi naturam parentesque cognôrat. Amotis igitur omnibus arbitris , illum in penitiorem partem domûs vocat , & solum rogat an sciat quisnam esset , & quam ad felicitandos homines facultatem haberet. Novi , inquit Maro , te , Cæsar Auguste , & ferme æquam cum Diis immortalibus potestatem habere , ut quemvis felicem facias. Eo animo sum , respondit Cæsar , ut , si verum pro rogatu dixeris , beatum te felicemque reddam. Utinam , ait Maro , interroganti tibi vera dicere queam ! Tunc Augustus ; Putant alii me natum Octavio ;

quidam suspicantur alio me genitum viro. Maro subridens: Facile, inquit, si impunè licenterque quæ sentio loqui jubes, id dicam. Affirmat Cæsar jurejurando, nullum ejus dictum ægre laturum, immo non nisi donatum ab eo discessurum. Ad hæc oculos oculis Augusti infigens Maro: Facilius, ait, in ceteris animalibus qualitates parentum a Mathematicis & Philosophiâ cognosci possunt; in homine nequaquam possibile est: sed de te conjecturam habeo similem veri, ut quid exercuerit pater tuus scire possim. Attentè expectabat Augustus quidnam diceret. At ille: Quantum ego rem intelligere possum, pistoris filius es, inquit. Obstupuerat Cæsar; & statim quo id pacto fieri potuerit, animo volvebat. Interrumpens Virgilius: Audi, inquit, quo pacto id conjicio: cùm quædam enuntiarim prædixerimque, quæ intelligi scirique non nisi ab eruditissimis summisque viris potuissent; tu princeps orbis, item & item panes in mercedem dari jussisti; quod quidem aut pistoris aut nati pistore officium erat. Placuit Cæsari facetia. At deinceps, inquit Cæsar, non a pistore, sed a rege magnanimo dona feres. Illumque plurimi fecit, & Pollioni commendavit. Corpore & staturâ

fuit grandî, aquilino colore, facie rusticanâ, valetudine variâ; nam plerumque ab stomacho & faucibus ac dolore capitis laborabat: sanguinem etiam sæpius ejecit: cibi vinique minimi. Ita eum pueros amasse putaverunt, ut Socrates Alcibiadem, & Plato suos pueros. Verùm inter omnes maximè dilexit Cebetem & Alexandrum, quem secundâ Bucolicorum Eclogâ Alexin appellat, donatum sibi ab Asinio Pollione. Utrumque non ineruditum dimisit; Alexandrum grammaticum, Cebetem verò & poëtam. Ore & animo tam probum fuisse constat, ut Neapoli Parthenias vulgò appellaretur: ac si quando Romæ, quò rarissimè commeabat, videretur in publico, sectantes, demonstrantesque se subterfugere solitum in proximum tectum. Bona autem cujusdam exsulantis offerente Augusto, non sustinuit accipere. Possedit propè centies sestertium ex liberalitatibus amicorum, habuitque domum Romæ in Esquiliis juxta hortos Mæcenatis; quamquam secessu Campaniæ Siciliæque plurimùm uteretur. Quæcumque ab Augusto peteret, repulsam numquam habuit. Parentibus quotannis aurum ad abundantem alitum mittebat, quos jam grandis amisit: ex qui-

bus patrem oculis captum , & duos fratres germanos, Silonem impuberem, Flaccum jam adultum , cujus exitum sub nomine Daphnidis deflet. Inter cetera studia , ut supra diximus , Medicinæ quoque , ac maximè Mathematicæ operam dedit. Egit & causam unam omnino , nec ampliùs quàm semel. Sermone tardissimum , ac pene indocto similem fuisse Melissus tradit. Poeticam puer adhuc auspicatus , in Balistam ludi gladiatorii magistrum ob infamiam latrociniorum coopertum lapidibus , distichon fecit :

*Monte sub hoc lapidum tegitur Balista sepultus :  
Nocte dieque tuum carpe , viator , iter.*

Deinde *Cataleſton* , & *Moretum* , & *Priapeia* , & *Epigrammata* , & *Diras* , & *Culicem* , cùm esset annorum quindecim : cujus materia talis est. Pastor fatigatus æstu cùm sub arbore obdormisset , & serpens ad illum proreperet e palude, culex provolavit , atque inter duo tempora aculeum fixit pastori. At ille continuò culicem contrivit , & visum serpentem interemit , ac sepulcrum culici statuit , & distichon fecit :

*Parve culex , pecudum custos tibi tale merenti  
Funeris officium , vitæ pro munere , reddit.*

Scripsit etiam , de qua ambigitur , *Ætnam*. Et

mox, cùm res Romanas inchoasset, offensus materiâ & nominum asperitate, ad Bucolica transiit; maximè ut Asinium Pollionem, Alphenum Varum, & Cornelium Gallum celebraret; quia in distributione agrorum, qui post Philipensem victoriam veteranis, Triumvirorum jussu, trans Padum dividebantur, indemnem se præstitissent. Deinde Georgica in honorem Mæcenatis edidit, cùm sibi vix dum noto opem tulisset adversus Claudii veterani militis, vel, ut alii putant, Arii centurionis violentiam, a quo in altercatione litis agrariæ parum abfuit quin occideretur. Novissimè autem *Æneidem* aggreßus est, argumentum varium & multiplex, & quasi amborum Homeri carminum instar; præterea nominibus ac rebus Græcis Latinisque commune; & in quo, quod maximè studebat, Romanæ simul urbis, & Augusti origo contineretur. Cùm Georgica scriberet, traditur quotidie meditados manè plurimos versus dictare solitum, ac per totum diem retractando ad paucissimos redigere, non absurdè carmen se, ursæ more, parere dicentem, & lambendo demum effingere. *Æneida* prosâ priùs oratione formatam, digestamque in duodecim libros, particu-

latim componere instituit, ut quidam tradunt. Alii ejus sententiæ sunt, ut existiment eum, si diutius vixisset, quatuor & viginti libros usque ad Augusti tempora scripturum, atque alia quædam percursum; Augusti verò gesta diligentissimè exsecuturum: quippe qui, dum scriberet, ne quid impetum moraretur, quædam imperfecta reliquit: alia levissimis versibus scripsit, quos per jocum pro tigillis vel tibicinibus interponi a se dicebat, ad sustinendum opus, donec solidæ columnæ advenirent. Bucolica triennio, Asinii Pollionis suasu, perfecit. Hic Transpadanam provinciam regebat; cujus favore, cum veteranis Augusti militibus Cremonensium & Mantuanorum agri distribuerentur, suos Virgilius non amisit: factâ enim distributione, suos, seu Claudio, seu Ario datos recuperavit. Hunc Pollionem maximè amavit Maro, & dilectus ab eo magna munera tulit: quippe qui invitatus ad cœnam, captus pulchritudine & diligentia Alexandri Pollionis pueri, eum dono accepit. Hujus Pollionis filium C. Asinium, & Cornelium Gallum, Oratorem clarum, & Poëtam non mediocrem, miro amore dilexit Virgilius. Hic primò in amicitia Cæsaris Augusti fuit: postea

in suspensionem conjunctionis contra illum adductus, occisus est. Verum usque adeo hunc Gallum Virgilius amarat, ut quartus Georgicorum a medio usque ad finem ejus laudem contineret; quem postea, jubente Augusto, in Aristæi fabulam commutavit. Georgica septennio Neapoli, Æneida partim in Sicilia, partim in Campania, duodecim confecit annis. Bucolica eo successu edidit, ut in scena quoque per cantores crebrâ pronuntiatione recitarentur. At cum Cicero quosdam versus audisset, & statim acri judicio intellexisset non communi venâ editos, jussit ab initio totam Eclogam recitari; quam cum accuratè pernotasset, in fine ait: *Magnæ spes altera Romæ*; quasi ipse linguæ Latinæ spes prima fuisset, & Maro futurus esset secunda. Quæ verba postea Æneidi ipse inseruit. Georgica reverso ab Actiaca victoria Augusto, atque reficiendarum virium causâ Atellæ commoranti, per continuum quatrimum legit, suscipiente Mæcenate legendi vicem, quoties interPELLARET ipse vocis offensione. Pronuntiabat autem maxima cum suavitate, & lenociniis miris. Seneca tradidit Julium Montanum poetam solitum dicere, involaturum se quædam Virgilio, si

vocem posset, & os, & hypocrisim: eosdem enim versus, eo pronuntiante, bene sonare; sine illo, inarescere, quasi mutos. Æneidos vix dum coeptæ tanta exstitit fama, ut Sextus Propertius non dubitârit sic prædicare:

*Cedite, Romani scriptores, cedite, Graji:  
Nescio quid majus nascitur Iliade.*

Augustus verò, cùm tum fortè expeditione Cantabricâ abesset, & supplicibus atque minacibus per jocum litteris efflagitaret, ut sibi de Æneide, ut ipsius verba sunt, vel prima carminis hypographa, vel quodlibet colon mitteret, negavit se facturum Virgilius: cui tamen multò post, perfectâ demum materiâ, tres omnino libros recitavit; secundum videlicet, quartum & sextum: sed hunc præcipuè ob Octaviam; quæ, cùm recitationi interesset, ad illos de filio suo versus,

*. . . . . Si quâ fata aspera rumpas,  
Tu Marcellus eris. . . . .*

defecisse fertur: atque ægrè refocillata, dena festertia pro singulo versu Virgilio dari jussit. Recitavit & pluribus; sed neque frequenter, & ferme illa de quibus ambigebat, quò magis judicium hominum experiretur. Erotem libra-



rium & libertum ejus , exactæ jam senectutis , tradunt referre solitum , quondam in recitando eum duos dimidiatos versus compleſſe ex tempore ; & huic ,

*Misenum Æolidem . . . . .*  
adjeciſſe ,

*. . . . . quo non præſtantior alter.*  
item huic ,

*Ære ciere viros . . . . .*  
ſimili calore jaſtatum ſubjunxiſſe ,

*. . . . . Martemque accendere cantu.*

ſtatimque ſibi imperaſſe , ut utrumque volumini adſcriberet. Bucolica Georgicaque emendavit. Anno verò quinquageſimo ſecundo , ut ultimam manum Æneidi imponeret , ſtatuit in Græciam & Aſiam ſecedere , triennioque continuo omnem operam limationi dare , ut in reliqua vita tantùm Philoſophiæ vacaret. Sed , cùm aggreſſus iter Athenis occuriſſet Auguſto ab Oriente Romam revertenti , unà cum Cæſare redire ſtatuit : at cùm Megaram , vicinum Athenis oppidum , viſendi gratiâ , peteret , languorem nactus eſt ; quem non intermiſſa navigatio auxit ; ita ut gravior in dies , tandem Brundifiſum

adventârit ; ubi diebus paucis obiit , decimo Kalendas Octob. C. Sentio & Q. Lucretio coff. Qui cùm gravari morbo sese sentiret , scrinia sæpe & magnâ instantiâ petivit , crematurus Æneida ; quibus negatis , testamento comburi jussit , ut rem inemendatam imperfectamque. Verùm Tucca & Varius monuerunt id Augustum non permissurum. Tunc eidem Vario , ac simul Tuccæ , scripta sub ea conditione legavit , ne quid adderent quod a se editum non esset ; & versus etiam imperfectos , si qui erant , relinquerent. Voluit etiam sua ossa Neapolim transferri , ubi diu & suavissimè vixerat , ac extremâ valetudine hoc ipse sibi epitaphium fecit distichon :

*Mantua me genuit ; Calabri rapuere ; tenet nunc  
Parthenope : cecini pascua , rura , duces.*

Translata igitur jussu Augusti ejus ossa , prout statuerat , Neapolim fuere , sepultaque viâ Puteolanâ , intra lapidem secundum , suoque sepulcro id distichon , quod fecerat , inscriptum est. Heredes fecit ex dimidia parte Valerium Proculum , fratrem ex alio patre , ex quarta Augustum , ex duodecima Mæcenatem , ex reliqua L. Varium , & Plotium Tuccam , qui

ejus Æneidem post obitum , prout petiverat ,  
jussu Cæsaris emendaverunt. Nam nullius om-  
nino sententiâ crematu Æneïs digna visa fuit ;  
de qua re Sulpitii Carthaginiensis exstant hu-  
jusmodi versus :

*Jusserat hæc rapidis aboleri carmina flammis  
Virgilius , Phrygium quæ cecinere ducem.  
Tucca vetat , Variusque simul : tu , maxime Cæsar ,  
Non finis , & Latiae consulis historia.  
Infelix gemino cecidit propè Pergamus igne ,  
Et pene est alio Troja cremata rogo.*

Exstant & Augusti de ipsa eadem re versus  
plures & clarissimi , quorum initium est :

*Ergone supremis potuit vox improba verbis  
Tam dirum mandare nefas ? ergo ibit in ignes ,  
Magnaque doctiloqui morietur Musa Maronis ?*

Et paulò post :

*Sed legum servanda fides : suprema voluntas  
Quod mandat , fierique jubet , parere necesse est.  
Frangatur potiùs legum veneranda potestas ,  
Quàm tot congestos noctesque diesque labores  
Hauferit una dies. . . . .*

Nihil igitur , auctore Augusto , Varius addi-  
dit , quod & Maro præceperat , sed summa-  
tim emendavit , ut qui versus etiam imperfec-  
tos , si qui erant , reliquerit. Hos multi mox  
supplere conati , non perinde valuerunt ob

difficultatem, quod omnia fere apud eum  
hemistichia, præter illud,

*Quem tibi jam Troja. . . . .*

ensum videntur habere perfectum. Nisus  
Grammaticus audisse se a senioribus dicebat,  
Varium duorum librorum ordinem commu-  
tasse; &, qui tum secundus erat, in tertium  
locum transtulisse: etiam primi libri correxisse  
principium, his demptis versibus:

*Ille ego, qui quondam gracili modulatus avenâ  
Carmen; & egressus sylvis, vicina coëgi  
Ut quamvis avido parerent arva colono;  
Gratum opus agricolis: at nunc horrentia Martis  
Arma virumque cano. . . . .*

Obtrectatores Virgilio numquam defuerunt;  
nam nec Homero quidem. Prolatis Bucolicis  
innominatus quidam rescripsit Antibucolica,  
duas modò Eclogas, sed insulsissimè *παρεπίγραψας*,  
quarum prioris initium est:

*Tityre, si toga calda tibi est, quo tegmine fagi?*

sequentis,

*Dic mihi Damoata, cujum pecus, anne Latinum?  
Non, verum Ægonis: nostri sic rure loquuntur.*

Alius, recitante ea ex Georgicis,

*Nudus ara , sere nudus ; . . . . .*

subjecit ,

*. . . . . habebis frigora , febrem.*

Est & adversus Æneida liber Carbilii Pictoris , titulo *Æneidomastix*. M. Vipranus eum a Mæcenate suppositum appellabat novæ *πανοζηλίας* repertorem , dicebatque neque tumidum esse , neque exilem , sed communibus verbis opus illud confecisse. Herennius vitia ejus tantum contraxit , Perilius Faustinus furta. Sunt & Q. Octavii Aviti volumina , quibus annotantur quos & unde versus transtulerit. Asconius Pedianus libro quem contra obtrectatores Virgilii scripsit , pauca admodum ei objecta proponit , & potissimum , quod non rectè historiam contexuit , & quod pleraque ab Homero sumpsit. Sed hoc crimen sic defendere assuetum ait : Cur non illi quoque eadem furta tentarent ? Verum intellecturos , facilius esse Herculi clavam , quàm Homero versum surripere ; & tamen destinasse secedere , ut omnia ad fatietatem malevolorum decideret. Refert etiam Pedianus , benignum , cultoremque omnium bonorum atque eruditorum fuisse , &

usque adeo invidiæ expertem , ut si quid eruditè dictum inspiceret alterius , non minùs gauderet , ac si suum fuisset : neminem vituperare , laudare bonos ; eâ humanitate esse , ut , nisi perversus maximè , quisque illum non diligeret modò , sed amaret. Nihil proprii habere videbatur. Ejus bibliotheca non minùs aliis doctis patebat , ac sibi : illudque Euripidis antiquum sæpe usurpabat : *τα τῶν φίλων κοινὰ*, hoc est , communia amicorum esse omnia. Quare coævus omnes Poëtas ita adjunctos habuit , ut , cùm inter se plurimùm invidiâ arderent , illum unà omnes colerent , Varius , Tucca , Horatius , Gallus , Propertius. Anser verò , quoniam Antonii partes secutus est , illum non observasse dicitur. Cornificius ob perversam naturam illum non tulit. Gloriæ verò adeo contemptor fuit : cùm quidam versùs quosdam sibi adscriberent , eâque de re docti haberentur , non modò ægre non ferebat , imo voluptuosum id illi erat : cùm enim distichon , quod laudem felicitatemque Augusti continebat , fecisset , valvisque , non nominato auctore , affixisset ; id erat ejusmodi :

*Nocte pluit totâ , redeunt spectacula manè :*  
*Divisum imperium cum Jove Cæsar habet.*

Diu quæritans Augustus , cujusnam hi versus essent , eorum auctorem non inveniebat ; Bathyllus verò , Poëta quidam mediocris , tacentibus aliis , sibi adscripsit. Quam ob rem donatus honoratusque a Cæsare fuit. Quod æquo animo non ferens Virgilius , iisdem valvis affixit quater hoc principium :

*Sic vos non vobis . . . . .*

Postulabat Augustus , ut hi versus complerentur : quod cùm frustra conati essent aliqui , Virgilius , præposito disticho , sic subjunxit :

*Hos ego versiculos feci ; tulit alter honores.*

*Sic vos non vobis nidificatis aves.*

*Sic vos non vobis vellera fertis oves.*

*Sic vos non vobis mellificatis apes.*

*Sic vos non vobis fertis aratra boves.*

Quo cognito , aliquamdiu Bathyllus Romæ fabula fuit , Maro verò exaltatior. Cùm is aliquando Ennium in manu haberet , rogareturque quidnam faceret ; respondit , se aurum colligere de stercore Ennii. Habet enim Poëta ille egregias sententias sub verbis non multùm ornatis. Interroganti Augusto quo pacto civitas feliciter gubernaretur : Si prudentiores , inquit , temonem tenuerint , & boni malis præponantur :

itaque optimi suos habeant honores, nulli tamen aliorum injusti quicquam fiat. At Mæcenas: Quid, inquit, Virgili, fatietatem homini non affert? Omnium rerum, respondit, aut similitudo, aut multitudo stomachum facit, præter intelligere. Idem interrogavit, quo pacto quis altam felicemque fortunam servare potest? Cui Maro: Si, quantum honore ac divitiis aliis præstantior sit, tantum liberalitate & justitiâ alios superare nitatur. Solitus erat dicere, nullam virtutem commodiorem homini esse patientiâ; ac nullam asperam adeo esse fortunam, quam prudenter patiando vir fortis non vincat. Quam sententiam in quinto Æneidos inseruit: *Nate Deâ, quò fata trahunt retrahuntque sequamur: Quicquid erit, superanda omnis fortuna ferendo est.*

Cùm quidam ejus amicus Cornificii in eum maledicta & inimicitias sibi enarraret: quam putas, inquit, esse hujusce malevolentiae causam? Nam neque umquam Cornificium offendi, & eum amo. An, inquit, Hesiodi sententiæ non meministi, ubi ait architectum architecto invidere, & poëtam poëtæ? De malis, inquit, Græcus ille intellexit: nam boni eruditiores amant. Sed magna cum mea laude & gloria vin-



dictam in manu habeo. Majore enim curâ virtuti intendam: atque quò elegantior ego fiam, eò vehementiùs invidiâ rumpetur. Erat Augusto familiaris Philistus quidam, orator, & poësin mediocriter doctus, cui multiplex variumque ingenium erat, quique omnium omnia dicta reprehendere conabatur; non ut verum dignosceret, quod Socrates facere consuevit, sed ut eruditior videretur. Hic Virgilium, ubicumque convenire dabatur, maledictis, salibusque vexabat. Quare ille sæpe aut tacibundus discedebat, aut suffusus pudore tacebat. Verùm, cùm Augusto audiente, elinguem illum diceret, & causam etiam suam, si linguam haberet, defendere nequire: Tace, inquit, rabula. Nam hæc mea taciturnitas defensorem causarum mearum Augustum fecit & Mæcenatem: & eâ tubâ, cùm volo, loquor, quæ ubique & diutissimè audietur. Tu loquacitate non modò aures hominum, sed muros rumpis. Augustus verò Philistum gravi vultu increpavit. Tunc Maro: Si tempus, Cæsar, inquit, tacendi hic sciret, raro loqueretur. Tacendum enim semper est, nisi cùm taciturnitas tibi noceat, aut oratio aliis proffit. Nam qui contendit, & an contentionis finis

utilis sit, non novit, stultis illum annumerandum sapientes putant. Posteaquam Augustus summâ rerum omnium potitus est, venit in mentem, an conduceret tyrannidem omittere, & omnem potestatem annuis consulibus, & senatui rempublicam reddere; in qua re diversæ sententiæ consultos habuit Mæcenatem & Agrippam. Agrippa enim utile sibi fore, etiam si honestum non esset, relinquere tyrannidem longâ oratione contendit: quod Mæcenâs dehortari magnopere conabatur. Quare Augusti animus & hinc ferebatur & illinc: erant enim diversæ sententiæ, variis rationibus firmatæ. Rogavit igitur Maronem, an conferat privato homini se in sua republica tyrannum facere. Tum ille: Omnibus ferme, inquit, rempublicam aucupantibus molesta ipsa tyrannis fuit, & civibus; quia necesse erat propter odia subditorum, aut eorum injustitiam, in magnâ suspicione, magnoque timore vivere. Sed si cives justum aliquem scirent quem amarent plurimum, civitati id utile esset, si in eo uno omnis potestas foret. Quare si justitiam, quod modò facis, omnibus in futurum, nullâ hominum factâ compositione, distribues; dominari te, & tibi conducet, &

orbi. Benevolentiam enim omnium ita habes , ut Deum te & adorent , & credant. Ejus sententiam secutus Cæsar principatum tenuit. Audivit a Scirone præcepta Epicuri , cujus doctrinæ socium habuit Varium. Quamvis diversorum Philosophorum opiniones libris suis inseruisse de animo maximè videatur , ipse tamen fuit Academicus ; nam Platonis sententias omnibus aliis prætulit.



## A R G U M E N T A

*Incerti Poëtæ in Libros Georgicon.*

### L I B E R P R I M U S.

**Q**UID faciat lætas segetes : quæ sidera servet Agricola , ut facilẽm terram proscindat aratris , Semina quo jacienda modo , cultusque locorum , Et messes docuit magno olim fœnore reddi.

### S E C U N D U S.

Haftenus arborum cultus , & sidera cœli : Pampineas exinde comas , collesque virentes , Descriptasque locis vites , & dona Lyæi , Atque oleæ ramos pomorum ex ordine lectos.

### T E R T I U S.

Teque , Pales , & te , pastor memorande per orbem ; Et pecorum cultus , & gramine pascua læta ,

Queis habitent armenta locis , stabulentur & agni,  
Omnia divino monstravit carmine vates.

## Q U A R T U S.

Protinus aërii mellis redolentia regna ,  
Hyblæas & apes , alveorum cerea testa :  
Quique apibus flores , examina quæque legenda  
Indicat , humentesque favos , cœlestia dona.

*Duodecim scholasticorum Poëtarum  
argumenta in Æneidem.*

## L I B R I P R I M I.

**Æ**OLUS immittit ventos, Junone precante,  
Trojanosque vagos Libycas expellit in oras.  
Solatur venerem diâis Pater ipse dolentem.  
Ænean recipit pulchrâ Carthagine Dido :  
Cui Venus Aſcanii ſub imagine mittit amorem.

## S E C U N D I.

Cogitur Æneas bellorum exponere caſus,  
Grajorumque dolos , & equum , fraudemque Sinonis ;  
Excifaſque urbem , Priamique miſerrima fata :  
Utque patrem impoſitum forti cervice per ignes  
Extulerit , caramque amiſerit ipſe Creuſam.

## T E R T I I.

Poſt caſum Trojæ , fabricatâ claſſe , ſuperſtes  
Vela dat Æneas , urbemque in littore Thracum ,  
Mox aliam pulſus Cretæis condidit oris.  
Cedit & hinc , Helenumque videt , præceptaque diſcit ;  
Ætnæum Cyclopa fugit , ſepeliturque parentem.

## Q U A R T I.

Ardet amore gravi Dido , foror Anna ſuadet  
Nubere : junguntur , nimbo cogente , ſub antro.

Incusat precibus patrem contemptus Iarbas.  
Navigat Æneas jussu Jovis. Illa, dolore  
Impatiens & amore, necem sibi protinus infert.

## Q U I N T I.

In Siculas iterum terras Fortuna reducit  
Ænean, tumuloque patris persolvit honorem.  
Tum cogit naves incendere Troadas Iris.  
Troes ibi relinquunt socios. Venus anxia placat  
Neptunum. Somnus Palinurum mergit in undis.

## S E X T I.

Sacratam Phœbo Cumarum fertur in urbem  
Rex Phrygius, vatisque petit responsa Sibyllæ.  
Misenum sepelit. Post hæc adit infera regna;  
Congressusque patri, discit genus omne suorum,  
Quoque modo casus valeat superare futuros.

## S E P T I M I.

Tandem deveniunt Laurentia Troes in arva :  
Et pace acceptâ læti nova mœnia condunt.  
Nocte satam Juno Furiam evocat. Illa Latinos  
Inter & Æneadas bellum ferit, & ciet arma.  
Protinus auxiliis terra instruit Itala turmas.

## O C T A V I.

Vidit ut Æneas summâ vi bella parari;  
Arcadas, Evandrumque senem sibi fœdere jungit,  
Dardanioque duci sociatur Etruria tota.  
Arma petit genitrix, dat Mulciber : in clypeoque  
Res pingit Latias ; & fortia facta nepotum.

## N O N I.

Ad Turnum properè Junonia mittitur Iris,  
Instigatque animos. Acies movet ille, Phrygasque  
Obsidet. In Nymphas versa est Æneïa classis.  
Euryalus Nisusque luunt nece prælia noctis.  
Vi Turnus potitur castris, Expellitur inde.

xxiv ARGUMENTA IN ÆNEID.

DECIMI.

Placat & uxoris dictis & jurgia natæ  
Jupiter. Auxiliis instructus Troïus heros  
Advenit. Occurrunt Rutuli, atque in littore pugnant.  
Occidit a Turno Pallas: victorque superbus  
Æneæ eripitur. Mezentius interit acer.

UNDECIMI.

Occisus proprium pars utraque reddit honorem.  
Supplicibus Calydone satus negat arma Latinis.  
Cum Drance alterno jurgat certamine Turnus.  
Æneas equitem præmittit, & obvia virgo  
Excipit: extinctâ Rutuli dant terga Camillâ.

DUODECIMI.

Trojanis Rutulisque placet conjungere fœdus.  
Id Rutuli rumpunt. Nato Venus alma medetur  
Diſſamno, Rutulique luunt perjuria viſti.  
Cogitur Æneæ Dauni concurrere proles:  
Pallantea necem misero dant cingula Turno.



ARGUMENTUM





*Chamaea fasciata*, Mill.

*Al. Dupont & Co.*



# ARGUMENTUM

## IN BUCOLICA


**BUCOLICUM** carmen, idem est ac pastorale, deducto nomine a pastoribus, quorum erant præcipui qui curarent boves, sive bubulci, Græcè βεκόλοι, α βῆς, bos. Quo in genere Virgilius Theocritum, Syracusanum poetam, imitandum sibi proposuit.

Carmina ejusmodi sua vocavit Theocritus, idyllia, Virgilius, eclogas. Est autem ἐκλογὴ, ecloga, delectus paucorum aliquot opusculorum e pluribus, quæ fecerit auctor, nec luce digna judicavit: vel delectus quorundam versuum quos a Theocrito per imitationem expresserit: est enim ἐκλέγειν, eligere, discernere. Malè autem scribitur a quibusdam Ægloga, quasi ab αἴξ capra, & λόγος sermo: tum quia non ἐκλογὴ, sed αἰγολογία dicenda esset: tum quia minima pars hujus operis ad capras pertinet; ad oves, cantus, amores, multò maxima: tum denique quia nomen eclogæ aliis operibus tribuitur bene

*multis, in quibus pastoritium nihil, immo nihil omnino præter delectum significat. Tales habemus hodie Polybii, Diodori, Strabonis eclogas, sive excerpta e majori opere: odas Horatii vocat Sidonius Apollinaris, varii carminis eclogas: ejusdem Horatii satiræ quibusdam in codicibus eclogæ inscribuntur.*

*Cæpta sunt Bucolica anno Virgilii 29 exeunte, U. C. 713. & triennio perfecta, ut jam in vita, moxque singulis in eclogis differemus. Ita Ruæus.*





PUBLII VIRGILII  
MARONIS  
BUCOLICA.

*ECLOGA I.*

TITYRUS, MELIBŒUS.

MELIBŒUS.



**T**ITYRE, tu parulæ recubans sub tegmine fagi,  
Sylvestrem tenui musam meditaris avenâ:  
Nos patriæ fines & dulcia linquimus arva;  
Nos patriam fugimus: tu, Tityre, lentus in umbra  
Formosam resonare doces Amaryllida sylvas.

A ij

## TITYRUS.

O Melibœe, Deus nobis hæc otia fecit.

Namque erit ille mihi semper Deus : illius aram  
Sæpe tener nostris ab ovilibus imbuet agnus.

Ille meas errare boves, ut cernis, & ipsum

10 Ludere quæ vellem calamo permisit agresti.

## MELIBŒUS.

Non equidem invideo, miror magis : undique totis

Usque adeo turbatur agris. En ipse capellas

Protinus æger ago : hanc etiam vix, Tityre, duco.

Hic inter densas corylos modò namque gernellos,

15 Spem gregis, ah ! filice in nuda connixa reliquit.

Sæpe malum hoc nobis, si mens non læva fuisset,

De coelo tactas memini prædicere quercus :

Sæpe sinistra cava prædixit ab ilice cornix.

Sed tamen, iste Deus, qui sit, da, Tityre, nobis.

## TITYRUS.

20 Urbem quam dicunt Romam, Melibœe, putavi

Stultus ego huic nostræ similem, quò sæpe solemus

Pastores ovium teneros depellere foetus.

Sic canibus catulos similes, sic matribus hoedos

Nôram : sic parvis componere magna solebam.

25 Verùm hæc tantùm alias inter caput extulit urbes,

Quantùm lenta solent inter viburna cupressi.

## MELIBŒUS.

Et quæ tanta fuit Romam tibi causa videndi ?

# ECLOGA I.

5

TITYRUS.

Libertas : quæ sera , tamen respexit inertem ,  
Candidior postquam tondenti barba cadebat :  
Respexit tamen , & longo post tempore venit , 30  
Postquam nos Amaryllis habet , Galatea reliquit.  
Namque , fatebor enim , dum me Galatea tenebat ,  
Nec spes libertatis erat , nec cura peculi.  
Quamvis multa meis exiret victima septis ,  
Pinguis & ingratae premeretur caseus urbi , 35  
Non umquam gravis ære domum mihi dextra redibat.

MELIBŒUS.

Mirabar quid mœsta Deos , Galatea , vocares :  
Cui pendere sua patereris in arbore poma.  
Tityrus hinc aberat : ipsæ te , Tityre , pinus ,  
Ipsi te fontes , ipsa hæc arbuta vocabant. 40

TITYRUS.

Quid facerem ? Neque servitio me exire licebat ,  
Nec tam præsentibus alibi cognoscere Divos.  
Hic illum vidi juvenem , Melibœe , quotannis  
Bis fenos cui nostra dies altaria fumant.  
Hic mihi responsum primus dedit ille petenti : 45  
Pascite , ut antè , boves , pueri : submittite tauros.

MELIBŒUS.

Fortunate senex , ergo tua rura manebunt ,  
Et tibi magna satis ; quamvis lapis omnia nudus ,  
Limosoque palus obducatur pascua junco.  
Non insueta graves tentabunt pabula ; foetas 50

A iij

Nec mala vicini pecoris contagia lædent.  
 Fortunate senex : hic inter flumina nota  
 Et fontes sacros , frigus captabis opacum.  
 Hinc tibi , quæ semper vicino ab limite sepes  
 55 Hyblæis apibus florem depasta salicti ,  
 Sæpe levi somnum suadebit inire susurro.  
 Hinc alta sub rupe canet frondator ad auras.  
 Nec tamen interea raucae , tua cura , palumbes ,  
 Nec gemere aëria cessabit turtur ab ulmo.

## TITYRUS.

60 Antè leves ergo pascentur in æthere cervi ,  
 Et freta destituent nudos in littore pisces :  
 Antè , pererratis amborum finibus , exsul  
 Aut Ararim Parthus bibet , aut Germania Tigrim ,  
 Quàm nostro illius labatur pectore vultus.

## MELIBŒUS.

65 At nos hinc alii sitientes ibimus Afros ;  
 Pars Scythiam , & rapidum Cretæ veniemus Oaxem ,  
 Et penitus toto divisos orbe Britannos.  
 En umquam patrios longo pòst tempore fines ,  
 Pauperis & tuguri congestum cespite culmen ,  
 70 Post aliquot , mea regna videns , mirabor aristas ?  
 Impius hæc tam culta novalia miles habebit ?  
 Barbarus has segetes ? En quò discordia cives  
 Perduxit miseros : en queis consecimus agros.  
 Infere nunc , Melibœe , pyros ; pone ordine vites.  
 75 Ite meæ , quondam felix pecus , ite capellæ.

## ECLOGA I. 7

Non ego vos posthac viridi projectus in antro ,  
Dumosa pendere procul de rupe videbo.  
Carmina nulla canam : non , me pascente , capellæ ,  
Florentem cytifum & salices carpetis amaras.

TITURUS.

Hic tamen hanc mecum poteris requiescere noctem 80  
Fronde super viridi. Sunt nobis mitia poma ,  
Castaneæ molles , & pressi copia lactis.  
Et jam summa procul villarum culmina fumant ,  
Majoresque cadunt altis de montibus umbræ.

---

## ECLOGA II.

ALEXIS.

**F**ORMOSUM pastor Corydon ardebat Alexim ,  
Delicias domini : nec quid speraret , habebat.  
Tantum inter densas , umbrosa cacumina , fagos  
Assidue veniebat : ibi hæc incondita solus  
Montibus & sylvis studio jactabat inani. 5  
O crudelis Alexi , nihil mea carmina curas ;  
Nil nostri miserere : mori me denique coges.  
Nunc etiam pecudes umbras & frigora captant :  
Nunc virides etiam occultant spineta lacertos ;  
Thestilis & rapido fessis messoribus æstu 10  
Allia serpillumque herbas contundit olentes.

A iv

At mecum raucis , tua dum vestigia lustro ,

Sole sub ardenti resonant arbuſta cicadis.

Nonne fuit fatius tristes Amaryllidis iras ,

15 Atque ſuperba pati faſtidia ? Nonne Menalcam ?

Quamvis ille niger , quamvis tu candidus eſſes.

O formoſe puer , nimiùm ne crede colori :

Alba liguſtra cadunt , vaccinia nigra leguntur.

Deſpectus tibi ſum , nec qui ſim quæris , Alexi ;

20 Quàm dives pecoris , nivei quàm lactis abundans.

Mille meæ Siculis errant in montibus agnæ :

Lac mihi non æſtaté novum , non frigore deſit.

Canto quæ ſolitus , ſi quando armenta vocabat ,

Amphion Dirceus in Actæo Aracyntho.

25 Nec ſum adeo informis : nuper me in littore vidi ,

Cùm placidum ventis ſtaret mare. Non ego Daphnim,

Judice te , metuam , ſi numquam fallit imago.

O tantùm libeat mecum tibi ſordida rura

Atque humiles habitare caſas , & figere cervos.

30 Hædorumque gregem viridi compellere hibifco !

Mecum unà in ſylvis imitabere Pana canendo.

Pan primus calamos cerâ conjungere plures

Inſtituit : Pan curat oves , oviumque magiſtros.

Nec te pœniteat calamo triviſſe labellum :

35 Hæc eadem ut ſciret , quid non faciebat Amyntas ?

Eſt mihi diſparibus ſeptem compaſta cicutis

Fiſtula , Damoetas dono mihi quam dedit olim.

Et dixit moriens : Te nunc habet iſta ſecundum.



Dixit Damœtas : invidit stultus Amyntas.

Præterea duo nec tutâ mihi valle reperti 40

Capreoli , sparsis etiam nunc pellibus albo ,

Bina die ficcant ovis ubera , quos tibi servo.

Jampridem a me illos abducere Thestilis orat :

Et faciet , quoniam fordent tibi munera nostra.

Huc ades , ô formose puer. Tibi lilia plenis 45

Ecce ferunt Nymphæ calathis : tibi candida Nais

Pallentes violas & summa papavera carpens ,

Narcissum & florem jungit bene olentis anethi :

Tum casîâ atque aliis intexens suavibus herbis ,

Mollia luteolâ pingit vaccinia calthâ. 50

Ipse ego cana legam tenerâ lanugine mala ,

Castaneasque nuces , mea quas Amaryllis amabat.

Addam cœrea pruna : & honos erit huic quoque pomos.

Et vos , ô lauri , carpam , & te , proxima myrte ;

Sic positæ quoniam suaves miscetis odores. 55

Rusticus es , Corydon ; nec munera curat Alexis :

Nec , si muneribus certes , concedat Iolas.

Eheu ! quid volui misero mihi ? floribus Austrum

Perditus , & liquidis immisi fontibus apros. 59

Quem fugis , ah demens ! Habitârunt Dii quoque sylvas ,

Dardaniusque Paris. Pallas quas condidit arces

Ipse colat : nobis placeant ante omnia sylvæ.

Torva læna lupum sequitur , lupus ipse capellam :

Florentem cytisum sequitur lasciva capella.

Te Corydon , ô Alexi ! Trahit sua quemque voluptas. 65

Aspice : aratra jugo referunt suspensa juvenci ;  
 Et sol crescentes decedens duplicat umbras ;  
 Me tamen urit amor : quis enim modus adfit amanti ?  
 Ah ! Corydon , Corydon , quæ te dementia cepit !  
 70 Semiputata tibi frondosa vitis in ulmo est.  
 Quin tu aliquid saltem potius , quorum indiget usus ,  
 Viminibus mollique paras detexere junco ?  
 Invenies alium , si te hic fastidit , Alexim.

---

### ECLOGA III.

PALÆMON.

MENALCAS, DAMÆTAS, PALÆMON.

MENALCAS.

**D**IC mihi , Damœta , cujum pecus ? an Melibœi ?

DAMÆTAS.

Non : verùm Ægonis ; nuper mihi tradidit Ægon.

MENALCAS.

Infelix ô semper oves pecus ! Ipse Neæram

Dum fovet , ac , ne me sibi præferat illa , veretur ;

5 Hic alienus oves custos bis mulget in hora :

Et succus pecori , & lac subducitur agnis.

DAMÆTAS.

Parcius ista viris tamen objicienda memento.

### *ECLOGA III.*      I F

Novimus & qui te... transversa tuentibus hircis,  
Et quo, sed faciles Nymphæ risere, sacello.

MENALCAS.

Tum, credo, cùm me arbustum videre Myconis      10  
Atque malâ vites incidere falce novellas.

DAMÆTAS.

Aut hîc ad veteres fagos, cùm Daphnidis arcum  
Fregisti & calamos; quæ tu, perverse Menalca,  
Et cùm vidisti puero donata, dolebas:  
Et, si non aliquâ nocuisses, mortuus esses.      15

MENALCAS.

Quid domini facient, audent cùm talia fures?  
Non ego te vidi Damonis, pessime, caprum  
Excipere insidiis, multùm latrante Lyciscâ?  
Et cùm clamarem: Quò nunc se proripit ille?  
Tityre, coge pecus; tu post carecta latebas.      20

DAMÆTAS.

An mihi cantando victus non redderet ille,  
Quem mea carminibus meruisset fistula caprum?  
Si nescis, meus ille caper fuit: & mihi Damon  
Ipse fatebarur; sed reddere posse negabat.

MENALCAS.

Cantando tu illum? aut umquam tibi fistula cerâ      25  
Juncta fuit? Non tu in triviis, indocte, solebas  
Stridenti miserum stipulâ disperdere carmen?

DAMÆTAS.

Vis ergo inter nos, quid possit uterque, vicissim

A VI

- Experiamur ? Ego hanc vitulam ( ne fortè recuses ,  
 30 Bis venit ad mulctram , binos alit ubere foetus )  
 Depono ; tu dic mecum quo pignore certes.

## M E N A L C A S.

- De grege non ausim quicquam deponere tecum ;  
 Est mihi namque domi pater , est injusta noverca :  
 Bisque die numerant ambo pecus , alter & hoedos.  
 35 Verùm id quod multò tute ipse fatebere majus ,  
 Insanire libet quoniam tibi , pocula ponam  
 Fagina , cælatum divini opus Alcimedontis ,  
 Lenta quibus torno facili superaddita vitis ,  
 Diffusos hederâ vestit pallente corymbos.  
 40 In medio duo signa , Conon : & . . . quis fuit alter ,  
 Descripsit radio totum qui gentibus orbem ?  
 Tempora quæ messor , quæ curvus arator haberet ?  
 Necdum illis labra admovi , sed condita servo.

## D A M Œ T A S.

- Et nobis idem Alcimedon duo pocula fecit ,  
 45 Et molli circùm est anfas amplexus acantho :  
 Orpheaque in medio posuit , sylvasque sequentes.  
 Necdum illis labra admovi , sed condita servo.  
 Si ad vitulam spectes , nihil est quòd pocula laudes.

## M E N A L C A S.

- Numquam hodie effugies : veniam quocumque vocâris.  
 50 Audiat hæc tantùm , vel qui venit : ecce Palæmon-  
 Efficiam posthac ne quemquam voce laceffas.

D A M Œ T A S.

Quin age , si quid habes : in me mora non erit ulla ,  
Nec quemquam fugio. Tantùm , vicine Palæmon ,  
Sensibus hæc imis , res est non parva , reponas.

P A L Œ M O N.

Dicite : quandoquidem in molli confedimus herba ; 55  
Et nunc omnis ager , nunc omnis parturit arbos :  
Nunc frondent sylvæ , nunc formosissimus annus.  
Incipe , Damoeta ; tu deinde sequere , Menalca.  
Alternis dicetis : amant alterna Camoenæ.

D A M Œ T A S.

Ab Jove principium , Musæ ; Jovis omnia plena. 60  
Ille colit terras : illi mea carmina curæ.

M E N A L C A S.

Et me Phœbus amat : Phœbo sua semper apud me  
Munera sunt , lauri , & suave rubens hyacinthus.

D A M Œ T A S.

Malo me Galatea petit , lasciva puella :  
Et fugit ad salices , & se cupit antè videri. 65

M E N A L C A S.

At mihi sese offert ultro meus ignis Amyntas ;  
Notior ut jam fit canibus non Delia nostris.

D A M Œ T A S.

Parta meæ Veneri sunt munera : namque notavi  
Ipse locum aëriæ quo congersere palumbes.

M E N A L C A S.

Quod potui , puero sylvestri ex arbore lecta 70

Aurea mala decem mihi : cras altera mittam.

D A M Æ T A S.

O quoties , & quæ nobis Galatea locuta est !

Partem aliquam , venti , Divûm referatis ad aures.

M E N A L C A S.

Quid prodest quòd me ipse animo non spernis , Amynta ,  
75 Si dum tu sectaris apros , ego retia servo ?

D A M Æ T A S.

Phyllida mitte mihi , meus est natalis , Iola :

Cùm faciam vitulâ pro frugibus , ipse venito.

M E N A L C A S.

Phyllida amo ante alias : nam me discedere flevit :

Et longum , formose , vale , vale , inquit , Iola.

D A M Æ T A S.

80 Triste lupus stabulis , maturis frugibus imbres ,  
Arboribus venti , nobis Amaryllidis iræ.

M E N A L C A S.

Dulce satis humor , depulsis arbutus hædis ,

Lenta salix foeto pecori : mihi solus Amyntas.

D A M Æ T A S.

Pollio amat nostram , quamvis est rustica , Musam.

85 Pieridès , vitulam lectori pascite vestro.

M E N A L C A S.

Pollio & ipse facit nova carmina. Pascite taurum :

Jam cornu petat , & pedibus qui spargat arenam.

D A M Æ T A S.

Qui te , Pollio , amat , veniat quò te quoque gaudet.

*E C L O G A III.* 15

Mella fluant illi : ferat & rubus asper amomum.

M E N A L C A S.

Qui. Bavium non odit , amet tua carmina , Mævi : 90

Atque idem jungat vulpes , & mulgeat hircos.

D A M Æ T A S.

Qui. legitis flores , & humi nascentia fraga ,

Frigidus , ô pueri , fugite hinc , latet anguis in herba.

M E N A L C A S.

Parcite , oves , nimium procedere : non bene ripæ

Creditur : ipse aries etiam nunc vellera ficcet. 95

D A M Æ T A S.

Tityre , pascentes a flumine reice capellas :

Ipse , ubi tempus erit , omnes in fonte lavabo.

M E N A L C A S.

Cogite oves , pueri : si lac præceperit æstus ,

Ut nuper , frustra pressabimus ubera palmis.

D A M Æ T A S.

Eheu ! quàm pingui macer est mihi taurus in arvo ! 100

Idem amor exitium est pecori , pecorisque magistro.

M E N A L C A S.

His certè neque amor causa est : vix ossibus hærent.

Nescio quis teneros oculus mihi fascinat agnos.

D A M Æ T A S.

Dic quibus in terris , & eris mihi magnus Apollo ,

Tres pateat coeli spatium non amplius ulnas. 105

M E N A L C A S.

Dic quibus in terris inscripti nomina Regum.

Nascantur flores ; & Phyllida solus habeto.

P A L A M O N.

Non nostrum inter vos tantas componere lites.

Et vitulâ tu dignus , & hic , & quisquis amores

110 Aut metuet dulces , aut experietur amaros.

Claudite jam rivos , pueri ; sat prata biberunt.

## E C L O G A IV.

P O L L I O.

**S**ICELIDES Musæ , paulò majora canamus ,  
Non omnes arbuſta juvant , humilesque myricæ.  
Si canimus ſylvas , ſylvæ ſint Conſule dignæ.

Ultima Cumæi venit jam carminis ætas :

5 Magnus ab integro ſæclorum naſcitur ordo.

Jam redit & Virgo , redeunt Saturnia regna ;

Jam nova progenies cœlo demittitur alto.

Tu modò naſcenti puero , quo ferrea primum

Deſinet , ac toto furget gens aurea mundo ,

10 Caſta , fave , Lucina : tuus jam regnat Apollo.

Teque adeo , decus hoc ævi , te Conſule , inibit ,

Pollio , & incipient magni procedere menſes.

Te duce , ſi qua manent ſcleris veſtigia noſtri ,

Irrita perpetuâ ſolvent formidine terras.

15 Ille Deûm vitam accipiet , Diviſque videbit



Permixtos heroas , & ipse videbitur illis ;  
Pacatumque reget patriis virtutibus orbem.

At tibi prima , puer , nullo munuscula cultu ,  
Errantes hederas passim cum baccare tellus ,  
Mixtaque ridenti colocasia fundet acantho. 20

Ipsæ lacte domum referent distenta capellæ  
Ubera ; nec magnos metuent armenta leones :  
Ipsa tibi blandos fundent cunabula flores.  
Occidet & serpens , & fallax herba veneni  
Occidet : Assyrium vulgò nascetur amomum. 25

At simul heroum laudes , & facta parentis  
Jam legere , & quæ sit poteris cognoscere virtus ;  
Molli paulatim flavescet campus aristâ ,  
Incultisque rubens pendebit sentibus uva ,  
Et duræ quercus sudabunt roscida mella. 30

Pauca tamen suberunt priscae vestigia fraudis ,  
Quæ tentare Thetim ratibus , quæ cingere muris  
Oppida , quæ jubeant telluri insindere fulcos.  
Alter erit tum Tiphys : & altera quæ vehat Argo  
Delectos heroas : erunt etiam altera bella , 35  
Atque iterum ad Trojam magnus mittetur Achilles.

Hinc , ubi jam firmata virum te fecerit ætas ,  
Cedet & ipse mari vector ; nec nautica pinus  
Mutabit merces ; omnis feret omnia tellus.  
Non rastros patietur humus , non vinea falcem : 40  
Robustus quoque jam tauris juga solvet arator :  
Nec varios discet mentiri lana colores.

Ipse sed in pratis aries jam suave rubenti  
Murice , jam croceo mutabit vellera luto :

45 Sponte suâ sandyx pascentes vestiet agnos.

Talia secla suis dixerunt , currite , fufis  
Concordes stabili fatorum numine Parcæ.

Aggredere ô magnos , aderit jam tempus , honores ,  
Cara Deûm soboles , magnum Jovis incrementum.

50 Aspice convexo nutantem pondere mundum ,  
Terrasque , tractusque maris , cœlumque profundum :  
Aspice venturo lætentur ut omnia seclø.

O mihi tam longæ maneat pars ultima vitæ ,  
Spiritus , & quantum sat erit tua dicere facta !

55 Non me carminibus vincet , nec Thracius Orpheus ,  
Nec Linus : huic mater quamvis , atque huic pater adfit ,  
Orphei Calliopea , Lino formosus Apollo.  
Pan etiam Arcadiâ mecum si judice certet ,  
Pan etiam Arcadiâ dicat se judice victum.

60 Incipe , parve puer , risu cognoscere matrem :  
Matri longa decem tulerunt fastidia menses.

Incipe , parve puer. Cui non risere parentes ,  
Nec Deus hunc mensâ , Dea nec dignata cubili est.





*ECLOGA V.*

DAPHNIS.

MENALCAS, MOPSUS.

MENALCAS.

**C**UR non, Mopse, boni quoniam convenimus ambo,  
Tu calamos inflare leves, ego dicere versus,  
Hic corylis mixtas inter consedimus ulmos?

MOPSUS.

Tu major: tibi me est æquum parere, Menalca;  
Sive sub incertas zephyris morantibus umbras,  
Sive antro potius succedimus. Aspice ut antrum  
Sylvestris raris sparsit labrusca racemis.

MENALCAS.

Montibus in nostris solus tibi certet Amyntas.

MOPSUS.

Quid si idem certet Phœbum superare canendo?

MENALCAS.

Incipe, Mopse, prior, si quos aut Phyllidis ignes, 10  
Aut Alconis habes laudes, aut jurgia Codri.  
Incipe: pascentes servabit Tityrus hædos.

MOPSUS.

Immo hæc, in viridi nuper quæ cortice fagi

Carmina descripsi , & modulans alterna notavi ,

15 Experiar : tu deinde iubeto certet Amyntas.

MENALCAS.

Lenta falix quantum pallenti cedit olivæ ,

Puniceis humilis quantum saliunca rosetis ;

Judicio nostro tantum tibi cedit Amyntas.

MOPSU S.

Sed tu define plura , puer : successimus antro.

20 Exstinctum Nymphæ crudeli funere Daphnim

Flebant : vos coryli testes , & flumina Nymphis ,

Cum complexa sui corpus miserabile nati ,

Atque Deos atque astra vocat crudelia mater.

Non ulli pastos illis egere diebus

25 Frigida, Daphni, boves ad flumina : nulla neque amnem

Libavit quadrupes , nec graminis attigit herbam.

Daphni , tuum Pœnos etiam ingemuisse leones

Interitum , montesque feri sylvæque loquuntur.

Daphnis & Armenias curru subjungere tigres

30 Instituit ; Daphnis thiafos inducere Baccho ;

Et foliis lentas intexere mollibus hastas.

Vitis ut arboribus decori est , ut vitibus uvæ ,

Ut gregibus tauri , segetes ut pinguibus arvis ;


Tu decus omne tuis. Postquam te fata tulerunt ,

35 Ipsa Pales agros , atque ipse reliquit Apollo.

Grandia sæpe quibus mandavimus hordea fulcis ,

Infelix lolium , & steriles dominantur avenæ.

Pro molli viola , pro purpureo narcisso ,



Carduus & spinis surgit paliurus acutis.  
 Spargite humum foliis, inducite fontibus umbras, 40  
 Pastores : mandat fieri sibi talia Daphnis.  
 Et tumulum facite , & tumulo superaddite carmen :  
*Daphnis ego in sylvis hinc usque ad sidera notus,*  
*Formosi pecoris custos formosior ipse.*

M E N A L C A S.

Tale tuum carmen nobis , divine Poëta , 45  
 Quale sopor fessis in gramine , quale per æstum  
 Dulcis aquæ saliente sitim restinguere rivo.  
 Nec calamis solùm æquiparas , sed voce magistrum.  
 Fortunate puer , tu nunc eris alter ab illo.  
 Nos tamen hæc quocumque modo tibi nostra vicissim 50  
 Dicemus , Daphninque tuum tollemus ad astra :  
 Daphnin ad astra feremus : amavit nos quoque Daphnis,

M O P S U S.

An quicquam nobis tali sit munere majus ?  
 Et puer ipse fuit cantari dignus , & ista  
 Jampridem Stimicon laudavit carmina nobis. 55

M E N A L C A S.

Candidus insuetum miratur limen Olympi ,  
 Sub pedibusque videt nubes & sidera Daphnis.  
 Ergo alacris sylvas & cetera rura voluptas ,  
 Panaque , pastoresque tenet , Dryadasque puellas.  
 Nec lupus insidias pecori , nec retia cervis 60  
 Ulla dolum meditantur : amat bonus otia Daphnis.  
 Ipsi lætitiâ voces ad sidera jactant



- Intonfi montes ; ipsæ jam carmina rupes ,  
 Ipsa sonant arbuſta : Deus , Deus ille , Menalca.
- 65 Sis bonus ô felixque tuis : en quatuor aras:  
 Ecce duas tibi , Daphni , duoque altaria Phoebo.  
 Pocula bina novo ſpumantia lacte quotannis ,  
 Craterasque duo ſtatuam tibi pinguis olivi :  
 Et multo in primis hilarans convivia Baccho :
- 70 Ante focum , ſi frigus erit ; ſi meſſis , in umbra ,  
 Vina novum fundam calathis Arviſia neſtar.  
 Cantabunt mihi Damœtas , & Lyctius Ægon :  
 Saltantes Satyros imitabitur Alpheſibœus.  
 Hæc tibi ſemper erunt , & cùm ſolemnia vota
- 75 Reddemus Nymphis , & cùm luſtrabimus agros.  
 Dum juga montis aper , fluvios dum piſcis amabit ,  
 Dumque thymo paſcentur apes , dum rore cicadæ ;  
 Semper honos, nomenque tuum, laudesque manebunt.  
 Ut Baccho Cererique , tibi ſic vota quotannis
- 80 Agricolaë facient : damnabis tu quoque votis.

## M O R S U S.

Quæ tibi , quæ tali reddam pro carmine dona ?  
 Nam neque me tantùm venientis ſibilus Auſtri ,  
 Nec percuffa juvant fluctu tam littora , nec quæ  
 Saxoſas inter decurrunt flumina valles.

## M E N A L C A S.

- 85 Hac te nos fragili donabimus antè cicutâ.  
 Hæc nos , formoſum Corydon ardebat Alexim :  
 Hæc eadem docuit , cujum pecus ? an Melibœi ?

## ECLOGA. V. 23

M O P S U S.

At tu fume pedum , quod , me cùm sæpe rogaret ,  
Non tulit Antigenes ( & erat tum dignus amari )  
Formosum paribus nodis atque ære , Menalca. 90

---

## ECLOGA. VI.

S I L E N U S.

**P**RIMA Syracosio dignata est ludere versu  
Nostra , nec erubuit sylvas habitare Thalia.  
Cùm canerem reges & prœlia , Cynthia aurem  
Vellit , & admonuit : Pastorem , Tityre , pingues  
Pascere oportet oves , deductum dicere carmen. 5  
Nunc ego ( namque super tibi erunt qui dicere laudes,  
Vare , tuas cupiant , & tristia condere bella )  
Agrestem tenui meditabor arundine musam.  
Non injussa cano : si quis tamen hæc quoque , si quis  
Captus amore leget ; te nostræ , Vare , myricæ , 10  
Te nemus omne canet : nec Phœbo gratior ulla est ,  
Quàm sibi quæ Vari præscripsit pagina nomen.

Pergite , Pierides. Chromis & Mnafylus in antro  
Silenum pueri somno videre jacentem ,  
Inflatum hesternò venas , ut semper , Iaccho. 15  
Serta procul tantùm capiti delapsa jacebant :  
Et gravis attritâ pendebat cantharus ansâ.

Aggressi ( nam sæpe senex spe carminis ambo  
Luferat ) injiciunt ipsis ex vincula fertis.

- 20 Addit se sociam , timidisque supervenit Ægle ,  
Ægle Naiadum pulcherrima : jamque videnti  
Sanguineis frontem moris & tempora pingit.  
Ille dolum ridens : Quò vincula nectitis , inquit ?  
Solvite me , pueri : satis est potuisse videri.

- 25 Carmina quæ vultis , cognoscite : carmina vobis ;  
Huic aliud mercedis erit. Simul incipit ipse.

Tum verò in numerum Faunosque ferasque videres  
Ludere , tum rigidas motare cacumina quercus.

- Nec tantum Phœbo gaudet Parnassia rupes ,  
30 Nec tantum Rhodope miratur & Ismarus Orphea.

Namque canebat uti magnum per inane coacta  
Semina terrarumque , animæque , marisque fuissent ,  
Et liquidi simul ignis : ut his exordia primis  
Omnia , & ipse tener mundi concreverit orbis :

- 35 Tum durare solum , & discludere Nerea ponto  
Coeperit , & rerum paulatim fumere formas :  
Jamque novum ut terræ stupeant lucescere solem ,  
Altiùs atque cadant summotis nubibus imbres :  
Incipiant sylvæ cum primùm surgere , cumque  
40 Rara per ignotos errent animalia montes.

Hinc lapides Pyrrhæ jactos , Saturnia regna ,  
Caucaseasque refert volucres , furtumque Promethei.  
His adjungit Hylan , nautæ quo fonte relictum  
Clamassent ; ut littus , Hyla , Hyla omne sonaret.

Et



Et fortunatam , si numquam armenta fuissent ,      45  
Pasiphaën nivei solatur amore juvenci.

Ah ! virgo infelix , quæ te dementia cepit !

Proetides implerunt falsis mugitibus agros :

At non tam turpes pecudum tamen ulla secuta est

Concubitus : quamvis collo timuisset aratrum ;      50

Et sæpe in levi quæsisset cornua fronte.

Ah ! virgo infelix , tu nunc in montibus erras :

Ille latus niveum molli-fultus hyacintho ,

Ilice sub nigra pallentes ruminat herbas :      54

Aut aliquam in magno sequitur grege. Claudite, Nymphæ

Diçtææ, Nymphæ nemorum jam claudite saltus :

Si quâ fortè ferant oculis sese obvia nostris

Errabunda bovis vestigia. Forfitan illum ,

Aut herbâ captum viridi , aut armenta secutum ,

Perducant aliquæ stabula ad Gortynia vaccæ.      60

Tum canit Hesperidum miratam mala puellam :

Tum Phaëtoniadas musco circumdat amaræ

Corticis , atque solo proceras erigit alnos.

Tum canit errantem Permessi ad flumina Gallum

Aonas in montes ut duxerit una fororum ;      65

Utqûe viro Phoebi chorus assurrexerit omnis :

Ut Linus hæc illi divino carmine pastor ,

Floribus atque apio crines ornatus amaro ,

Dixerit : Hos tibi dant calamos , en accipe , Musæ ,

Ascræo quos antè feni ; quibus ille solebat      70

Cantando rigidas deducere montibus ornos.

- His tibi Grynæi nemoris dicatur origo :  
 Ne quis sit lucus , quo se plus jactet Apollo.  
 Quid loquar aut Scyllam Nisi, aut quam fama secuta est ,  
 75 Candida succinctam latrantibus inguina monstis ,  
 Dulichias vexasse rates , & gurgite in alto  
 Ah ! timidos nautas canibus lacerasse marinis ?  
 Aut ut mutatos Terei narraverit artus ?  
 Quas illi Philomela dapes , quæ dona parârit ?  
 80 Quo cursu deserta petiverit , & quibus antè  
 Infelix sua tecta supervolitaverit alis ?  
 Omnia quæ , Phœbo quondam meditante , beatus  
 Audiit Eurotas , jussitque ediscere lauros ,  
 Ille canit : pulsæ referunt ad sidera valles.  
 85 Cogere donec oves stabulis , numerumque referre  
 Jussit , & invito processit vesper olympo.

---

*E C L O G A . VII.*
*M E L I B Œ U S.**MELIBŒUS, CORIDON, THYRSIS.**M E L I B Œ U S.*

**F**ORTÈ sub arguta confederat ilice Daphnis ,  
 Compulerantque greges Corydon & Thyrsis in unum ;  
 Thyrsis oves , Corydon distentas lacte capellas ;

# *E C L O G A VII.* 27

Ambo florentes ætatibus , Arcades ambo ;  
Et cantare pares , & respondere parati. 5

Hic mihi , dum teneras defendo a frigore myrtos ,  
Vir gregis ipse caper deerraverat : atque ego Daphnim  
Aspicio. Ille ubi me contrà videt : Ociùs , inquit ,  
Huc ades , ô Melibœe : caper tibi salvus & hædi.  
Et , si quid cessare potes , requiesce sub umbra. 10  
Huc ipsi potum venient per prata juvenci :  
Hic viridis tenerâ prætexit arundine ripas  
Mincius , eque sacra resonant examina quercu.

Quid facerem? neque ego Alcippen nec Phyllida habebam ,  
Depulsos a lacte domi quæ clauderet agnos : 15  
Et certamen erat Corydon cum Thyrside magnum.  
Posthabui tamen illorum mea seria ludo.  
Alternis igitur contendere versibus ambo  
Cœpere : alternos Musæ meminisse volebant.  
Hos Corydon , illos referebat in ordine Thyrsis. 20

## C O R Y D O N .

Nymphæ , noster amor , Libethrides , aut mihi carmen ,  
Quale meo Codro , concedite ( proxima Phœbi  
Versibus ille facit ) aut si non possumus omnes ,  
Hic arguta sacrâ pendebit fistula pinu.

## T H Y R S I S .

Pastores , hederâ crescentem ornate poëtam , 25  
Arcades ; invidiâ rumpantur ut ilia Codro.  
Aut si ultra placitum laudârit , baccare frontem  
Cingite , ne vati nôceat mala lingua futuro.

## CORYDON.

- Setosi caput hoc apri tibi, Delia, parvus  
 30 Et ramosa Mycon vivacis cornua cervi.  
 Si proprium hoc fuerit, levi de marmore tota  
 Puniceo stabis furas evincta cothurno.

## THYRSIS.

- Sinum lactis, & hæc te liba, Priape, quotannis  
 Expectare sat est; custos es pauperis horti.  
 35 Nunc te marmoreum pro tempore fecimus: at tu,  
 Si foetura gregem suppleverit, aureus esto.

## CORYDON.

- Nerine Galatea, thymo mihi dulcior Hyblæ,  
 Candidior cygnis, hederâ formosior albâ,  
 Cum primum pasti repetent præsepia tauri,  
 40 Si qua tui Corydonis habet te cura, venito.

## THYRSIS.

Immo ego Sardois videar tibi amarior herbis,  
 Horridior rusco, projectâ vilior algâ,  
 Si mihi non hæc lux toto jam longior anno est.  
 Ite domum pasti, si quis pudor, ite, juvenci.

## CORYDON.

- Muscosi fontes, & somno mollior herba,  
 45 Et quæ vos rarâ viridis tegit arbutus umbrâ  
 Solstitium pecori defendite: jam venit æstas  
 Torrida, jam læto turgent in palmitæ gemmæ.

## THYRSIS.

Hic focus, & tædæ pingues: hic plurimus ignis

Semper , & assiduâ postes fuligine nigri. 50

Hic tantùm Boreæ curamus frigora , quantùm  
Aut numerum lupus , aut torrentia flumina ripas.

C O R Y D O N.

Stant & juniperi , & castaneæ hirsutæ ;  
Strata jacent passim sua quæque sub arbore poma ;  
Omnia nunc rident : at si formosus Alexis 55  
Montibus his abeat , videas & flumina sicca.

T H Y R S I S.

Aret ager , vitio moriens sitit aëris herba :  
Liber pampineas invidit collibus umbras.  
Phyllidis adventu nostræ nemus omne virebit ;  
Jupiter & læto descendet plurimus imbri. 60

C O R Y D O N.

Populus Alcidae gratissima , vitis Iaccho :  
Formosæ myrtus Veneri , sua laurea Phœbo.  
Phyllis amat corylos : illas dum Phyllis amabit ,  
Nec myrtus vincet corylos , nec laurea Phœbi.

T H Y R S I S.

Fraxinus in sylvis pulcherrima , pinus in hortis , 65  
Populus in fluviis , abies in montibus altis :  
Sæpius at si me , Lycida formose , revisas ,  
Fraxinus in sylvis cedat tibi , pinus in hortis.

M E L I B Œ U S.

Hæc memini , & victum frustra contendere Thyrsim.  
Ex illo Corydon , Corydon est tempore nobis. 70



## E C L O G A VIII.

## PHARMACEUTRIA,

DAMON, ALPHEBIBÆUS.

**P**ASTORUM musam Damonis & Alphebibi,  
 Immemor herbarum quos est mirata juvenca  
 Certantes, quorum stupefactæ carmine lynces,  
 Et mutata suos requierunt flumina cursus;

5 Damonis musam dicemus & Alphebibi.

Tu mihi, seu magni superas jam saxa Timavi,  
 Sive oram Illyrici legis æquoris, en erit umquam  
 Ille dies, mihi cùm liceat tua dicere facta?

En erit, ut liceat totum mihi ferre per orbem

10 Sola Sophocleo tua carmina digna cothurno?

A te principium; tibi desinet: accipe jussis  
 Carmina cœpta tuis, atque hanc sine tempora circum  
 Inter victrices hederam tibi serpere lauros.

Frigida vix cœlo noctis decesserat umbra,

15 Cùm ros in tenera pecori gratissimus herba est,

Incumbens tereti Damon sic cœpit olivæ:

Nascere, præque diem veniens age, Lucifer, alium:  
 Conjugis indigno Nisæ deceptus amore

Dum queror, & divos (quamquam nil testibus illis

20 Profeci) extremâ moriens tamen alloquor horâ.

*ECLOGA VIII.* 31

Incipe Mænalios mecum , mea tibia , versus.

Mænalus argutumque nemus pinosque loquentes  
Semper habet : semper pastorum ille audit amores ;  
Panaque qui primus calamos non passus inertes.

Incipe Mænalios mecum , mea tibia , versus. 25

Mopso Nisa datur ! Quid non speremus amantes ?  
Jungentur jam gryphes equis , ævoque sequenti  
Cum canibus timidi venient ad pocula damæ.

Mopse , novas incide faces : tibi ducitur uxor.  
Sparge , marite , nuces : tibi deferit Hesperus Oetam. 30  
Incipe Mænalios mecum , mea tibia , versus.

O digno conjuncta viro ! dum despicias omnes ,  
Dumque tibi est odio mea fistula , dumque capellæ ,  
Hirsutumque supercilium , promissaque barba ;  
Nec curare Deum credis mortalia quemquam. 35  
Incipe Mænalios mecum , mea tibia , versus.

Sepibus in nostris parvam te roscida mala  
( Dux ego vester eram ) vidi cum matre legentem :  
Alter ab undecimo tum me jam coeperat annus :  
Jam fragiles poteram a terra contingere ramos. 40  
Ut vidi , ut perii , ut me malus abstulit error !  
Incipe Mænalios mecum , mea tibia , versus.

Nunc scio quid sit Amor. Duris in cotibus illum  
Ismarus , aut Rhodope , aut extremi Garamantes ,  
Nec nostri generis puerum , nec sanguinis edunt. 45  
Incipe Mænalios mecum , mea tibia , versus.

Sævus Amor docuit natorum sanguine matrem.

Commaculare manus : crudelis tu quoque mater !

Crudelis mater magis , an puer improbus ille ?

50 Improbus ille puer , crudelis tu quoque mater.

Incipe Mænaliis mecum , mea tibia , versus.

Nunc & oves ultro fugiat lupus , aurea duræ

Mala ferant quercus , narcisso floreat alnus :

Pinguia corticibus sudent electra myricæ :

55 Certent & cynnis ululæ : sit Tityrus Orpheus :

Orpheus in sylvis , inter delphinas Arion.

Incipe Mænaliis mecum , mea tibia , versus.

Omnia vel medium fiant mare : vivite , sylvæ.

Præceps ærii specula de montis in undas

60 Deferar : extremum hoc munus morientis habeto.

Define Mænaliis , jam define , tibia , versus.

Hæc Damon. Vos , quæ responderit Alpheſibœus ,

Dicite , Pierides : non omnia possumus omnes.

Effer aquam , & molli cinge hæc altaria vittâ :

65 Verbenasque adole pingues , & mascula thura ;

Conjugis ut magicis fanos avertere sacris

Experiar sensus : nihil hîc nisi carmina defunt.

Ducite ab urbe domum , mea carmina , ducite Daphnim.

Carmina vel cœlo possunt deducere Lunam :

70 Carminibus Circe focios mutavit Ulyſſei.

Frigidus in pratis cantando rumpitur anguis.

Ducite ab urbe domum , mea carmina , ducite Daphnim.

Terna tibi hæc primùm triplici diversa colore

Licia circumdo ; terque hæc altaria circum



Effigiem duco : numero Deus impare gaudet. 75

Ducite ab urbe domum , mea carmina , ducite Daphnim.

Necte tribus nodis ternos , Amarylli , colores :

Necte , Amarylli , modò ; & , Veneris , dic , vincula necto.

Ducite ab urbe domum , mea carmina , ducite Daphnim.

Limus ut hic durefcit , & hæc ut cera liquefcit 80

Uno eodemque igni ; fic noſtro Daphnis amore.

Sparge molam , & fragiles incende bitumine lauros.

Daphnis me malus urit ; ego hanc in Daphnide laurum.

Ducite ab urbe domum , mea carmina , ducite Daphnim.

Talis amor Daphnim , qualis cùm feſſa juvencum 85

Per nemora atque altos quærendo bucula lucos ,

Propter aquæ rivum viridi procumbit in herba

Perdita , nec feræ meminit decedere nocti ,

Talis amor teneat ; nec fit mihi cura mederi. 89

Ducite ab urbe domum , mea carmina , ducite Daphnim.

Has olim exſuvias mihi perfidus ille reliquit ,

Pignora cara fui , quæ nunc ego limine in ipſo ,

Terra , tibi mando : debent hæc pignora Daphnim.

Ducite ab urbe domum , mea carmina , ducite Daphnim.

Has herbas , atque hæc Ponto mihi lecta venena 95

Ipſe dedit Mœris : naſcuntur plurima Ponto.

His ego sæpe lupum fieri & ſe condere ſylvis

Mœrin , sæpe animas imis excire ſepulcris ,

Atque fatas aliò vidi traducere meſſes. 99

Ducite ab urbe domum , mea carmina , ducite Daphnim.

Fer cineres , Amarylli , foras : rivoque fluenti

# 34 BUCOLICA.

Transque caput jace: ne respexeris. His ego Daphnim  
Aggrediar: nihil ille Deos, nil carmina curat.

Ducite ab urbe domum, mea carmina, ducite Daphnim.

105 Aspice; corripuit tremulis altaria flammis

Sponte suâ, dum ferre moror, cinis ipse: bonum fit.

Nescio quid certè est: & Hylax in limine latrat.

Credimus? an qui amant, ipsi sibi somnia fingunt?

Parcite, ab urbe venit, jam parcite, carmina, Daphnis.



## ECLOGA IX.

MÆRIS.

LYCIDAS, MÆRIS.

LYCIDAS.

QUO te, Moëri, pedes? an quò via ducit in urbem?

MÆRIS.

O Lycida, vivi pervenimus, advena nostri

(Quod numquam veriti sumus) ut possessor agelli

Diceret: Hæc mea sunt; veteres, migrate, coloni.

5 Nunc victi, tristes, quoniam fors omnia versat,

Hos illi (quod nec bene vertat) mittimus hædos.

LYCIDAS.

Certè equidem audieram, quâ se subducere colles

Incipiunt, mollique jugum demittere clivo,

Usque ad aquam, & veteris jam fracta cacumina fagi,

*Omnia carminibus vestrum servasse Menalcam.* 10

*M Æ R I S.*

Aúdieras , & fama fuit : sed carmina tantùm  
 Nostra valent , Lycida , tela inter Martia , quantùm  
 Chaonias dicunt , aquilâ veniente , columbas.  
 Quod nisi me quacumque novas incidere lites  
 Antè sinistra cava monuisset ab ilice cornix , 15  
 Nec tuus hic Moëris , nec viveret ipse Menalcas. .

*L Y C I D A S.*

Heu, cadit in quemquam tantum scelus ! heu tua nobis  
 Pene simul tecum solatia rapta , Menalca !  
 Quis caneret Nymphas ? quis humum florentibus herbis  
 Spargeret , aut viridi fontes induceret umbrâ ? 20  
 Vel quæ sublegi tacitus tibi carmina nuper ,  
 Cùm te ad delicias ferres Amaryllida nostras ?  
 Tityre , dum redeo , brevis est via , pasce capellas :  
 Et potum pastas age , Tityre , & inter agendum  
 Occursare capro , cornu ferit ille , caveto. 25

*M Æ R I S.*

Immo hæc quæ Varo necdum perfecta canebat.  
 Vare , tuum nomen ( superet modò Mantua nobis ,  
 Mantua væ miseræ nimiùm vicina Cremonæ ! )  
 Cantantes sublime ferent ad sidera cycni.

*L Y C I D A S.*

Sic tua Cyrneas fugiant examina taxos ; 30  
 Sic cythiso pastæ distendent ubera vaccæ.  
 Incipe , si quid habes ; & me fecere poetam

B vj

Pierides : sunt & mihi carmina : me quoque dicunt  
Vatem pastores ; sed non ego credulus illis.

- 35 Nam neque adhuc Varo videor , nec dicere Cinnâ  
Digna , sed argutos inter strepere anser olores.

## MÆRIS.

Id quidem ago , & tacitus , Lycida , mecum ipse voluto ,  
Si valeam meminisse : neque est ignobile carmen.

Huc ades , ô Galatea : quis est nam ludus in undis ?

- 40 Hic ver purpureum , varios hic flumina circum  
Fundit humus flores : hic candida populus antro  
Imminet , & lentæ texunt umbracula vites.  
Huc ades : insani feriant sine littora fluctus.

## LYCIDA S.

Quid , quæ te pura solum sub nocte canentem

- 45 Audieram ? numeros memini , si verba tenerem.

## MÆRIS.

Daphni , quid antiquos signorum suspicis ortus ?

Ecce Dionæi processit Cæsaris astrum :

Astrum , quo segetes gauderent frugibus , & quo  
Duceret apricis in collibus uva colorem.

- 50 Infere , Daphni , pyros : carpent tua poma nepotes.  
Omnia fert ætas , animum quoque : sæpe ego longos  
Cantando puerum memini me condere soles.  
Nunc oblita mihi tot carmina : vox quoque Moerim  
Jam fugit ipsa : lupi Moerim videre priores.  
55 Sed tamen ista fatis referet tibi sæpe Menalcas.

## *E C L O G A IX.* 37

### *LYCIDA'S.*

Caufando nostros in longum ducis amores :  
Et nunc omne tibi stratum filet æquor , & omnes  
( Aspice ) ventosi ceciderunt murmuris auræ.  
Hinc adeo media est nobis via : namque sepulcrum  
Incipit apparere Bianoris : hic ubi densas 60  
Agricolæ stringunt frondes ; hic , Moeri , canamus.  
Hic hædos depone ; tamen veniemus in urbem :  
Aut si , nox pluviam ne colligat antè , veremur ;  
Cantantes licet usque ( minùs via lædet ) eamus.  
Cantantes ut eamus , ego hoc te fasce levabo. 65

### *MÆRIS.*

Define plura , puer ; & quod nunc instat , agamus :  
Carmina tum meliùs , cùm venerit ipse , canemus.

---

## *E C L O G A X.*

### *GALLUS.*

**E**X TREMUM hunc , Arethusa , mihi concede laborem.  
Pauca meo Gallo , sed quæ legat ipsa Lycoris ,  
Carmina sunt dicenda : neget quis carmina Gallo ?  
Sic tibi , cùm fluctus subter labere Sicanos ,  
Doris amara suam non intermisceat undam. 5  
Incipe , sollicitos Galli dicamus amores ,  
Dum tenera attendent simæ virgulta capellæ.  
Non canimus furdis , respondent omnia sylvæ. 10

- Quæ nemora , aut qui vos saltus habuere , puellæ  
10 Naiades , indigno cùm Gallus amore periret ?  
Nam neque Parnassi vobis juga , nam neque Pindi  
Ulla moram fecere , neque Aonia Aganippe.  
Illum etiam lauri , illum etiam flevire myricæ.  
Pinifer illum etiam sola sub rupe jacentem  
15 Mænalus , & gelidi flevērunt saxa Lycæi.  
Stant & oves circùm , nostri nec poenitet illas :  
Nec te poeniteat pecoris , divine Poëta ;  
Et formosus oves ad flumina pavit Adonis.  
Venit & upiliq̃ ; tardi venere bubulci :  
20 Uvidus hyberna venit de glande Menalcas.  
Omnes , unde amor iste rogant. Tibi venit Apollo.  
Galle , quid insanis , inquit ? tua cura Lycoris  
Perque nives alium , perque horrida castra secuta est.  
Venit & agresti capitis Sylvanus honore ,  
25 Florentes ferulas & grandia lilia quassans.  
Pan Deus Arcadiæ venit , quem vidimus ipsi  
Sanguineis ebuli baccis minioque rubentem.  
Ecquis erit modus , inquit ? Amor non talia curat.  
Nec lacrymis crudelis Amor , nec gramina rivis ,  
30 Nec cytiso saturantur apes , nec fronde capellæ.  
Tristis at ille : Tamen cantabitis , Arcades , inquit ,  
Montibus hæc vestris : soli cantare periti  
Arcades. O mihi tum quàm molliter ossa quiescant ,  
Vestra meos olim si fistula dicat amores !  
35 Atque utinam ex vobis unus , vestrique fuisset

Aut custos gregis , aut maturæ vinitor uvæ !  
 Certè , five mihi Phyllis , five effet Amyntas ,  
 Seu quicumque furor ( quid tum , si fuscus Amyntas ?  
 Et nigræ violæ sunt , & vaccinia nigra )  
 Mecum inter falices lenta sub vite jaceret : 40  
 Serta mihi Phyllis legeret , cantaret Amyntas .  
 Hic gelidi fontes , hic mollia prata , Lycori :  
 Hic nemus , hic ipso tecum consumerer ævo .  
 Nunc infanus amor duri te Martis in armis ,  
 Tela inter media atque adversos detinet hostes . 45  
 Tu procul a patria ( nec fit mihi credere tantum )  
 Alpinas , ah dura ! nives , & frigora Rheni  
 Me sine sola vides . Ah , te ne frigora lædant !  
 Ah , tibi ne teneras glacies secet aspera plantas !  
 Ibo , & Chalcidico quæ sunt mihi condita versu 50  
 Carmina , pastoris Siculi modulabor avenâ .  
 Certum est in sylvis , inter spelæa ferarum ,  
 Malle pati , tenerisque meos incidere amores  
 Arboribus : crescent illæ , crescetis amores .  
 Interea mixtis lustrabo Mænala Nymphis , 55  
 Aut acres venabor apros : non me ulla vetabunt  
 Frigora Parthenios canibus circumdare faltus .  
 Jam mihi per rupes videor , lucosque sonantes  
 Ire : libet Partho torquere Cydonia cornu  
 Spicula : tamquam hæc sint nostri medicina furoris , 60  
 Aut Deus ille malis hominum mitescere discat .  
 Jam neque Hamadryades rursus , nec carmina nobis

*Ipsa placent : ipsæ rursus concedite sylvæ.*

*Non illum nostri possunt mutare labores.*

- 65 *Nec si frigoribus mediis Hebrumque bibamus ,  
Scythoniaeque nives hyemis subeamus aquosæ :  
Nec si , cum moriens alta liber aret in ulmo ,  
Æthiopum versemus oves sub fidere cancri.  
Omnia vincit amor , & nos cedamus amori.*

- 70 *Hæc fat erit , Divæ , vestrum cecinisse Poëtam ;  
Dum sedet , & gracili fuscillam texit hibisco ,  
Pierides : vos hæc facietis maxima Gallo ,  
Gallo cujus amor tantum mihi crescit in horas ,  
Quantum vere novo viridis se subjicit alnus.*
- 75 *Surgamus : solet esse gravis cantantibus umbra :  
Juniperi gravis umbra ; nocent & frugibus umbra.  
Ite domum faturæ , venit Hesperus , ite , capellæ.*

*FINIS BUCOLICON.*





# ARGUMENTUM

## IN GEORGICA.

**G**EORGICON nomen à γεωργός , agricola : hoc autem à γῆα , sive γῆ , *terra* , & ἔργον opus. Traduntur hoc opere præcepta de Agricultura , quatuor libris.

I. De Aratione.

II. De Plantatione.

III. De Pastione , Cultuque Pecorum.

IV. De Apibus , & Mellatione.

Eaque omnia naturæ accommodantur Italici soli , præsertimque Veneti , in quo Mantua fuit. Ducem in eo genere secutus est Virgilius Hesiodum Ascræum ex Bœotia , cujus librum inscriptum ἔργα καὶ ἡμέραι , *Opera & Dies* , longè & copiâ & elegantia superavit. Cœptum est opus anno circiter U. C. 717, Virgilii 32 aut 33 , & septennio perpolitum.

Mæcenas , cui Georgica inscripta sunt , primos in Octaviani gratiâ tenuit cum Agrippa gradus. Genere Tuscus , ex antiquis Etruriæ Regibus : quorum poster , post multas gentis clades , Romanam in civitatem admissi , equestri digni-

tate vixerunt. Eruditos complexus est, in primis Virgilium & Horatium : adeo parum cupidus, ut qui ceteris Magistratibus imperabat, ipse equestri ordine, & Urbis atque Italiae praefecturâ contentus vixerit. Adhibitus ab Octaviano cum Agrippa in consilium de imperio deponendo, retinendum persuasit. Sectâ Epicureus fuit; in vestitu, incessu, supellectili, conviviiis, ipsâque dictione mollior ac remissior. Scripsit *Prometheum* & *Octaviam* Tragœdias, carminum libros decem; solutâ oratione commentarios de rebus ab Augusto gestis; item de Animalibus & Gemmis dialogos. Omnia periere. Decessit anno U. C. 746. C. Martio Censorino, & C. Asinio Gallo Coss.

Triples est apud eruditos de ejus nomine controversia.

I. Quodnam ipsius nomen fuerit? Lambinus in *Vipsaniam* gentem inducit, sed eum confundit cum Agrippa, cujus certè gentile nomen hoc fuit: Paulus Manutius in *Cinciam*: Glandorpius in *Heliam*: Muretus in *Aquiliam*: omnes, aut levibus, aut falsis conjecturis: maxima & optima pars, Turnebus, Lipsius, &c.

in *Cilniam*, quæ gens erat Aretinæ urbis in Etruria.

II. Unde cognomen *Mæcenatis*? Infulsè deducit Becmannus ab ejus moribus, quòd esset *μὴ κοινός*, *non communis*; aut *μὴ καινός*, *non novus*: nam & Græci numquam negativis nominibus, *μή*, sed privativum \* præfigunt: & Varro libro 7<sup>o</sup>. de L. L. à loco dictum testatur. Est igitur à mediterraneo quodam Etruriæ oppidulo, Cæsenæ vicino, qua in ora Plinius vina Cæsenatia simul & Mæcenatia commendat, lib. 24. 6.

III. Quo modo prima & media cognominis syllaba pingenda sit? Certè media, per *e* longum; quia Græcè vulgò per \* legitur. Prima, vel per *æ*, vel per *æ*: quia in veteribus codicibus utroque modo reperitur; per *æ* frequentius. Igitur nomen integrum fuit, CAIUS CILNIUS MÆCENAS.



---

# ARGUMENTUM

## LIBRI PRIMII.

**C**ONTINET hic liber propositionem totius operis, ejusdemque divisionem quadruplicem. Tum sequitur Deorum invocatio, quotquot rusticæ præfident rei, quos inter Octaviano Cæsari locus tribuitur; novo sanè illis temporibus adulationis exemplo: quo deinde Lucanus, in *Pharsalia*, & Statius, in *Thebaide*, ad laudem Neronis & Domitiani immodestiùs abusi sunt. Atque hæc exordio comprehenduntur. Liber verò ipse sex habet partes.

I. Multiplicem agri colendi rationem, juxta variam ejus naturam.

II. Agriculturae originem.


III. Agricolarum instrumenta.

IV. Rusticorum operum tempora.

V. Tempestatum prognostica.

VI. Digressionem ad varia prodigia, quæ eadem Julii Cæsaris, aut præcesserunt, aut subsequuta sunt.

Denique, Epilogi loco, Deos pro incolumitate Octaviani, & pro salute populi Romani precatur. Tamen ex iis, aliorumque librorum præceptis, non pauca obsolevere, contrario usu posteriorum temporum, nostrorum in primis; quæ multa, ut artibus ceteris, ita huic quoque addidere.





George. L. I.



et aliorum in.

et aliorum in.



PUBLII VIRGILII  
*GEORGICON*  
*LIBER PRIMUS.*

---

**Q**UID faciat lætas segetes ; quo fidere terram  
Vertere , Mæcenas , ulmisque adjungere vites  
Conveniat ; quæ curâ boum , qui cultus habendo  
Sit pecori , atque apibus quanta experientia parcis ,  
Hinc canere incipiam. Vos , ô clarissima mundi 5  
Lumina , labentem cœlo quæ ducitis annum ;  
Liber & alma Ceres , vestro si munere tellus  
Chaoniam pingui glandem mutavit aristâ ,  
Poculaque inventis Acheloïa miscuit uvis ;  
Et vos , agrestum præsentia numina , Fauni , 10  
Ferte simul , Faunique , pedem , Dryadesque puellæ :

- Munera vestra cano. Tuque ô, cui prima frementem  
 Fudit equum magno tellus percussa tridenti ,  
 Neprune , & cultor nemorum , cui pinguis Cææ
- 15 Ter centum nivei tondent dumeta juvenci :  
 Ipse nemus linquens patrium , saltusque Lycæi ,  
 Pan ovium custos , tua si tibi Mænala curæ ,  
 Adsis , ô Tegeæ , favens ; oleæque Minerva  
 Inventrix , unigue Puer monstrator aratri ;
- 20 Et teneram ab radice ferens , Sylvane , cupressum :  
 Diique , Deæque omnes , studium quibus arva tueri ,  
 Quique novas alitis non ullo semine fruges ,  
 Quique satis largum cœlo demittitis imbrem.
- Tuque adeo , quem mox quæ sint habitura Deorum
- 25 Concilia , incertum est , urbesne invisere , Cæsar ,  
 Terrarumque velis curam : & te maximus orbis  
 Auctorem frugum , tempestatumque potentem  
 Accipiat , cingens maternâ tempora myrto :  
 An Deus immensi venias maris , ac tua nautæ
- 30 Numina sola colant ; tibi serviat ultima Thule ;  
 Teque sibi generum Theris emat omnibus undis :  
 Anne novum tardis fidus te mensibus addas ,  
 Quà locus Erigonen inter , Chelæque sequentes  
 Panditur : ipse tibi jam brachia contrahit ardens
- 35 Scorpius , & cœli justâ plus parte relinquit.  
 Quicquid eris ( nam te nec sperent Tartara regem ,  
 Nec tibi regnandi veniat tam dira cupido ,  
 Quamvis Elysios miretur Græcia campos ,



Nec repetita sequi curet Proserpina matrem )  
Da facilem cursum , atque audacibus annue cœptis ; 40  
Ignarosque viæ mecum miseratus agrestes ,  
Ingredere , & votis jam nunc assuesce vocari.

Vere novo , gelidus canis cùm montibus humor  
Liquitur , & zephyro putris se gleba resolvit ,  
Depresso incipiat jam tum mihi taurus aratro 45  
Ingemere , & sulco attritus splendescere vomer.

Illa seges demum votis respondet avari  
Agricolæ , bis quæ solem , bis frigora sensit :  
Illius immensæ ruperunt horrea messes.  
At prius ignotum ferro quàm scindimus æquor , 50  
Ventos & varium cœli prædiscere morem

Cura sit , ac patrios cultusque habitusque locorum ;  
Et quid quæque ferat regio , & quid quæque recuset.  
Hic segetes , illic veniunt felicius uvæ :  
Arbori foetus alibi , atque injussa virescunt 55

Gramina. Nonne vides croceos ut Tmolus odores ,  
India mittit ebur , molles sua thura Sabæi ?  
At Chalibes nudi ferrum , virofaque Pontus  
Castorea , Eliadum palmas Epirus equarum ?  
Continuò has leges æternaque fœdera certis 60

Imposuit natura locis , quo tempore primum  
Deucalion vacuum lapides jactavit in orbem ,  
Unde homines nati , durum genus. Ergo age , terræ  
Pingue solum primis extemplo à mensibus anni  
Fortes invertant tauri , glebasque jacentes 65

Pulverulenta coquat maturis solibus æstas.

At si non fuerit tellus fecunda , sub ipsum

Arcturum tenui sat erit suspendere sulco :

Illic , officiant lætis ne frugibus herbæ ;

Hic , sterilem exiguus ne deferat humor arenam.

70 Alternis idem tonsas cessare novales ,

Et segnem patiēre situ durefcere campum :

Aut ibi flava feres mutato fidere farra ,

Unde prius lætum siliquâ quassante legumen ,

Aut tenues foetus viciæ , tristisque lupini

75 Sustuleris fragiles calamos , sylvamque sonantem.

Urit enim lini campum seges , urit avenæ ,

Urunt lethæo perfusa papavera somno.

Sed tamen alternis facilis labor : arida tantum

Ne saturare fimo pingui pudeat sola , neve

80 Effoetos cinerem immundum jactare per agros.

Sic quoque mutatis requiescunt foetibus arva ;

Nec nulla interea est inarata gratia terræ.

Sæpe etiam steriles incendere profuit agros ,

Atque levem stipulam crepitantibus urere flammis :

85 Sive inde occultas vires & pabula terræ

Pinguia concipiunt : sive illis omne per ignem

Excoquitur vitium , atque exsudat inutilis humor ;

Seu plures calor ille vias & cæca relaxat

Spiramenta , novas veniat quâ succus in herbas :

90 Seu durat magis , & venas adstringit hiantes ;

Ne tenues pluvix rapidive potentia solis

Acrior,

Acrior , aut Boreæ penetrabile frigus adurat.

Multùm adeo rastris glebas qui frangit inertes ,  
Vimineasque trahit crates , juvat arva : neque illum 95  
Flava Ceres alto nequicquam spectat Olympo :  
Et qui , profcisso quæ suscitât æquore terga ,  
Rursùs in obliquum verso perrumpit aratro ,  
Exercetque frequens tellurem , atque imperat arvis.  
Humida solstitia atque hyemes orate serenas , 100  
Agricolæ : hyberno lætissima pulvere farra ,  
Lætus ager : nullo tantùm se Mysia cultu  
Jactat , & ipsa suas mirantur Gargara messes.

Quid dicam , jacto qui semine cominùs arva  
Insequitur , cumulosque ruit malè pinguis arenæ ? 105  
Deinde fatis fluvium inducit , rivosque sequentes ;  
Et cùm exustus ager morientibus æstuat herbis ,  
Ecce supercilio clivosi tramitis undam  
Elicit : illa cadens raucum per levia murmur  
Saxa ciet , scatebrisque arentia temperat arva. 110  
Quid , qui , ne gravidis procumbat culmus aristis ,  
Luxuriam segetum tenera depascit in herba ,  
Cùm primùm fulcos æquant fata ; quique paludis  
Collectum humorem bibulâ deducit arenâ ?  
Præsertim incertis si mensibus amnis abundans 115  
Exit , & obducto latè tenet omnia limo ,  
Unde cavæ tepido sudant humore lacunæ.

Nec tamen, hæc cùm sint hominumque boumque labores  
Versando terram experti , nihil improbus anser ,

120 Strimoniaeque grues , & amaris intyba fibris  
 Officiunt , aut umbra nocet. Pater ipse colendi  
 Haudfacilem esse viam voluit , primusque per artem  
 Movit agros , curis acuens mortalia corda ;  
 Nec torpere gravi passus sua regna veterno.

125 Ante Jovem nulli subigebant arva coloni ;  
 Nec signare quidem aut partiri limite campum  
 Fas erat : in medium quærebant : ipsaque tellus  
 Omnia liberius , nullo poscente , ferebat.

Ille malum virus serpentibus addidit atris ,  
 130 Prædarique lupos jussit , pontumque moveri :  
 Mellaque decussit foliis , ignemque removit ,  
 Et passim rivis currentia vina repressit ;  
 Ut varias usus meditando extunderet artes  
 Paulatim , & fulcis frumenti quæreret herbam ,

135 Et filicis venis abstrusum excuderet ignem.

Tunc alnos primùm fluvii sensere cavatas :  
 Navita tum stellis numeros & nomina fecit ,  
 Pleiadas , Hyadas , claramque Lycaonis Arcton.  
 Tum laqueis captare feras , & fallere visco  
 140 Inventum , & magnos canibus circumdare saltus.  
 Atque alius latum fundâ jam verberat amnem ,  
 Alta petens , pelagoque alius trahit humida lina.  
 Tum ferri rigor , atque argutæ lamina ferræ :  
 Nam primi cuneis scindebant fissile lignum.

145 Tum variæ venere artes. Labor omnia vicit  
 Improbus , & duris urgens in rebus egestas.

Prima Ceres ferro mortales vertere terram  
Instituit , cùm jam glandes atque arbuta sacrae  
Deficerent sylvae , & victum Dodona negaret.  
Mox & frumentis labor additus : ut mala culmos 150  
Esset rubigo , segnisque horreret in arvis  
Carduus : intereunt segetes , subit aspera sylva ,  
Lappæque , tribulique ; interque nitentia culta  
Infelix lolium , & steriles dominantur avenæ.  
Quòd nisi & assiduis terram insectabere rastris , 155  
Et sonitu terrebis aves , & ruris opaci  
Falce premes umbras , votisque vocaveris imbrem ,  
Heu ! magnum alterius frustra spectabis acervum ,  
Concussâque famem in sylvis solabere quercu.

Dicendum & quæ sint duris agrestibus arma , 160  
Quæ sine nec potuere feri , nec surgere messes.  
Vomis , & inflexi primùm grave robur aratri ,  
Tardaue Eleusinae matris volventia plaustra ,  
Tribulaque , traheæque , & iniquo pondere rastris :  
Virgea præterea Celei , vilisque supellex , 165  
Arbutæ crates , & mystica vannus Iacchi :  
Omnia quæ multò antè memor provisâ repones ,  
Si te digna manet divini gloria ruris.  
Continuò in sylvis magnâ vi flexa domatur  
In burim , & curvi formam accipit ulmus aratri. 170  
Huic a stirpe pedes temo protentus in osto ,  
Binæ aures , duplici aptantur dentalia dorso.  
Cæditur & rilia antè iugo levis , altaque fagus ,

Stivaque , quæ currus a tergo torqueat imos :

175 Et suspenſa focis explorat robora fumus.

Poſſum multa tibi veterum præcepta referre ,

Ni reſugis , tenueſque piget cognoscere curas.

Area cum primis ingenti æquanda cylindro ,

Et vertenda manu , & cretâ ſolidanda tenaci :

180 Ne ſubeant herbæ , neu pulvere victa fatiſcat ,

Tum variæ illudant peſtes. Sæpe exiguus mus

Sub terris poſuitque domos , atque horrea fecit ,

Aut oculis capti fodere cubilia talpæ :

Inventuſque cavis buſo , & quæ plurima terræ

185 Monſtra ferunt;populatque ingentem farris acervum

Curculio , atque inopi metuens formica ſeneſtæ.

Contemplator item cùm ſe nux plurima ſylvis

Induet in florem , & ramos curvabit olentes :

Si ſuperant foetus , pariter frumenta ſequentur ,

190 Magnaque cum magno veniet tritura calore.

At ſi luxuriâ foliorum exuberat umbra ,

Nequicquam pingues palcâ teret area culmos.

Semina vidi equidem multos medicare ſerentes ,

Et nitro priùs , & nigrâ perfundere amurcâ ,

195 Grandior ut foetus filiquis fallacibus eſſet ,

Et quamvis igni exiguo properata maderent.

Vidi lecta diu , & multo ſpectata labore ,

Degenerare tamen , ni viſ humana quotannis

Maxima quæque manu legeret : ſic omnia fatiſ

200 In pejuſ ruere , ac retro ſublapſa referri.

Non aliter , quàm qui adverfo vix flumine lembum  
Remigiis subigit , fi brachia fortè remifit ,  
Atque illum in præceps pronò rapit alveus amni.

Præterea tam funt Arcturi fidera nobis ,  
Hædorumque dies fervandi , & lucidus anguis , 205  
Quàm quibus in patriam ventofa per æquora vectis  
Pontus , & oſtriferi fauces tentantur Abydi.

Libra die fomnique pares ubi fecerit horas ,  
Et medium luci atque umbris jam dividet orbem ;  
Exercete , viri , tauros , ferite hordea campis , 210  
Uſque ſub extremum brumæ intractabilis imbrem.  
Nec non & lini ſegetem , & cereale papaver  
Tempus humo tegere , & jamdudum incumbere aratris ,  
Dum ſiccâ tellure licet , dum nubila pendent.  
Vere fabis ſatio : tum te quoque , medica , putrēs 215  
Accipiunt fulci , & milio venit annua cura ,  
Candidus auratis aperit cùm cornibus annum  
Taurus , & adverfo cedens Canis occidit aſtro.

At ſi triticeam in meſſem robuſtaque farra  
Exercebis humum , ſoliſque inſtabis ariſtis ; 220  
Antè tibi Eoæ Atlantides abſcondantur ,  
Gnoſiaque ardentis decedat ſtella Coronæ ,  
Debita quàm fulcis committas ſemina , quàmque  
Invitæ properes anni ſpem credere terræ.  
Multi ante occaſum Maiæ cœpere ; ſed illos 225  
Exſpectata ſeges vanis eluſit ariſtis.  
Si verò viciamque ſeres , vilemque faſelum ,

Nec Pelusiacæ curam aspernabere lentis ;

Haud obscura cadens mittet tibi signa Bootes :

230 Incipe , & ad medias fementem extende pruinas.

Idcirco certis dimensum partibus orbem

Per duodena regit mundi sol aureus astra.

Quinque tenent cœlum zonæ , quarum una corusco

Semper sole rubens , & torrida semper ab igni :

235 Quam circum extremæ dextrâ lævâque trahuntur

Cœruleâ glacie concretæ atque imbris atris.

Has inter mediamque , duæ mortalibus ægris

Munere concessæ Divûm , & via secta per ambas ,

Obliquus quâ se signorum verteret ordo.

240 Mundus ut ad Scythiam , Riphæasque arduus arces

Confurgit , premitur Libyæ devexus in Austros.

Hic vertex nobis semper sublimis ; at illum

Sub pedibus Styx atra videt , Manesque profundi.

Maximus hic flexu sinuoso elabitur anguis

245 Circum , perque duas in morem fluminis Arctos ,

Arctos Oceani metuentes æquore tingi.

Illic , ut perhibent , aut intempesta filet nox

Semper : & obtentâ densantur nocte tenebræ ;

Aut redit a nobis aurora , diemque reducit :

250 Nosque ubi primus equis oriens afflavit anhelis ,

Illic fera rubens accendit lumina vesper.

Hinc tempestates dubio prædiscere cœlo

Possumus : hinc messisque diem tempusque ferendi ;

Et quando infidum remis impellere marmor



Conveniat ; quando armatas deducere classes , 255  
 Aut tempestivam sylvis evertere pinum.

Nec frustra signorum obitus speculamur & ortus ,  
 Temporibusque parem diversis quatuor annum.

Frigidus agricolam si quando continet imber ;  
 Multa , forent quæ mox cœlo properanda fereno , 260  
 Maturare datur : durum procudit arator

Vomeris obtusi dentem , cavat arbore lintres :  
 Aut pecori signum , aut numeros impressit acervis.

Exacuunt alii vallos furcasque bicornes ,  
 Atque Amerina parant lentæ retinacula viti. 265

Nunc facilis rubeâ texatur fiscina virgâ ;  
 Nunc torrete igni fruges , nunc frangite saxo.

Quippe etiam festis quædam exercere diebus  
 Fas & jura sinunt : rivos deducere nulla

Relligio vetuit , segeti prætere sepem , 270

Insidias avibus moliri , incendere vepres ,  
 Balantumque gregem fluvio mersare salubri.

Sæpe oleo tardi costas agitator aselli

Vilibus aut onerat pomis , lapidemque revertens

Incusum , aut atræ massam picis urbe reportat. 275

Ipse dies alios alio dedit ordine Luna

Felices operum. Quintam fuge : pallidus Orcus

Eumenidesque satæ : tum partu Terra nefando

Cœumque Japetumque creat , sævumque Typhœa ;

Et conjuratos cœlum rescindere fratres. 280

Ter sunt conati imponere Peljo Ossam ,

# 56 GEORGICON

Scilicet, atque Osiæ frondosum involvere Olympum:

Ter Pater exstructos disjecit fulmine montes.

Septima post decimam felix, & ponere vitem,

285 Et preñfos domitare boves, & licia telæ

Addere: nona fugæ melior, contraria furtis.

Multa adeo gelidâ meliùs se nocte dedere,

Aut cùm sole novo terras irrorat Eous.

Noctē leves stipulæ meliùs, nocte arida prata

290 Tondentur: noctis lentus non deficit humor.

Et quidam feros hyberni ad luminis ignes

Pervigilat, ferroque faces inspicat acuto.

Interea longum cantu solata laborem,

Arguto conjux percurrit pectine telas,

295 Aut dulcis musti Vulcano decoquit humorem,

Et foliis undam tepidi despumat aheni.

At rubicunda Ceres medio succiditur æstu,

Et medio tostas æstu terit area fruges.

Nudus ara, fere nudus: hyems ignava colono.

300 Frigoribus parto agricolæ plerumque fruuntur,

Mutuaque inter se læti convivia curant.

Invitat genialis hyems, curasque resolvit:

Ceu pressæ cùm jam portum tetigere carinæ,

Puppibus & læti nautæ imposuere coronas.

305 Sed tamen & quernas glandes tum stringere tempus,

Et lauri baccas, oleamque, cruentaque myrta;

Tum gruibus pedicas, & retia ponere cervis,

Auritosque sequi lepores; tum figere damas,

Stuppea torquentem Balearis verbera fundæ,  
Cum nix alta jacet, glaciem cum flumina trudent. 310

Quid tempestates autumnî, & sidera dicam?  
Atque ubi jam breviorque dies; & mollior æstas,  
Quæ vigilanda viris? vel cum ruit imbriferum ver,  
Spicea jam campis cum messis inhorruit, & cum  
Frumenta in viridi stipula lætentia turgent? 315

Sæpe ego, cum flavis messorum induceret arvis  
Agricola, & fragili jam fringeret hordea culmo,  
Omnia ventorum concurrere proelia vidi,  
Quæ gravidam latè fegetem ab radicibus imis  
Sublimè expulsam eruerent; ita turbine nigro 320  
Ferret hyems culmumque levem, stipulasque volantes.

Sæpe etiam immensum coelo venit agmen aquarum,  
Et foedam glomerant tempestatem imbribus atris  
Collectæ ex alto nubes: ruit arduus æther;  
Et pluviâ ingenti fata læta, boumque labores 325  
Diluit: implentur fossæ, & cava flumina crescunt  
Cum sonitu, fervetque fretis spirantibus æquor.

Ipsæ Pater, mediâ nimborum in nocte, coruscâ  
Fulmina molitur dextrâ; quo maxima motu  
Terra tremit; fugere feræ, & mortalia corda 330  
Per gentes humilis stravit pavor: ille flagranti  
Aut Atho, aut Rhodopen, aut alta Ceraunia telo  
Dejicit; ingeminant Austri, & densissimus imber:  
Nunc nemora ingenti vento, nunc littora plangunt.

Hoc metuens, cœli menses & sidera ferva, 335

Frigida Saturni sese quò stella receptet ,

Quos ignis coeli Cyllenius erret in orbes.

In primis venerare Deos , atque annua magnæ

Sacra refer Cereri , lætis operatus in herbis ,

340 Extremæ sub casum hyemis , jam vere fereno.

Tunc agni pingues , & tunc mollissima vina :

Tunc somni dulces , densæque in montibus umbræ.

Cuncta tibi Cererem pubes agrestis adoret ,

Cui tu lacte favos & miti dilue Baccho ,

345 Terque novas circum felix eat hostia fruges ,

Omnis quam chorus & focii comitentur ovantes ;

Et Cererem clamore vocent in tecta : neque antè

Falcem maturis quisquam supponat aristis ,

Quàm Cereri , tortà redimitus tempora quercu ,

350 Det motus incompósitos , & carmina dicat.

Atque hæc ut certis possimus discere signis ,

Æstusque , pluviasque , & agentes frigora ventos ,

Ipse Pater statuit quid menstrua Luna moneret ,

Quo signo caderent Austri , quid sæpe videntes

355 Agricolaë , propius stabulis armenta tenerent.

Continuò , ventis surgentibus , aut freta ponti

Incipiunt agitata tumescere , & aridus altis

Montibus audiri fragor , aut resonantia longè

Littora misceri , & nemorum increbrescere murmur.

360 Jam sibi tum curvis malè temperat unda carinis ,

Cùm medio celes revolant ex æquore mergi ,

Clamoremque ferunt ad littora , cùmque marinæ

In ficco ludunt fulicæ ; notasque paludes  
 Deferit , atque altam supra volat ardea nubem.  
 Sæpe etiam stellas , vento impendente , videbis 365  
 Præcipites cœlo labi , noctisque per umbram  
 Flammarum longos a tergo albescere tractus :  
 Sæpe levem paleam , & frondes volitare caducas ,  
 Aut summa nantes in aqua colludere plumas.  
 At Boreæ de parte trucidis cum fulminat , & cum 370  
 Eurique zephyrique tonat domus ; omnia plenis  
 Rura natant fossis , atque omnis navita ponto  
 Humida vela legit. Numquam imprudentibus imber  
 Obsuit : aut illum surgentem vallibus imis  
 Aëriæ fugere grues ; aut bucula cœlum 375  
 Suspiciens , patulis captavit naribus auras ;  
 Aut arguta lacus circumvolitavit hirundo ,  
 Et veterem in limo ranae cecinere querelam.  
 Sæpius & tectis penetralibus extulit ova  
 Angustum formica terens iter ; & bibit ingens 380  
 Arcus ; & e pastu decedens agmine magno  
 Corvorum increpuit densis exercitus alis.  
 Jam varias pelagi volucres , & quæ Asia circum  
 Dulcibus in stagnis rimantur prata Caystri ,  
 Certatim largos humeris infundere rores , 385  
 Nunc caput objectare fretis , nunc currere in undas ,  
 Et studio incassum videas gestire lavandi.  
 Tum cornix plenâ pluviam vocat improba voce ,  
 Et sola in ficca secum spatiatur arena.

- 390 Nec nocturna quidem carpentes pensâ puellæ  
 Nescivere hyemem , testâ cum ardente viderent  
 Scintillare oleum , & putres concrefcere fungos.  
 Nec minùs ex imbri soles , & aperta serena  
 Prospicere , & certis poteris cognoscere signis.
- 395 Nam neque tum stellis acies obtusa videtur ,  
 Nec fratris radiis obnoxia surgere Luna ;  
 Tenuia nec lanæ per cœlum vellera ferri.  
 Non tepidum ad Solem pennas in littore pandunt  
 Dilectæ Thetidi Alcyones ; non ore solutos
- 400 Immundi meminère fues jactare maniplos :  
 At nebulæ magis ima petunt , campoque recumbunt.  
 Solis & occasum fervans , de culmine summo  
 Nequicquam feros exercet noctua cantus.  
 Apparet liquido sublimis in aëre Nifus ,
- 405 Et pro purpureo poenas dat Scylla capillo.  
 Quâcumque illa levem fugiens secat æthera pennis ,  
 Ecce inimicus atrox magno stridore per auras  
 Insequitur Nifus : quâ se fert Nifus ad auras ,  
 Illa levem fugiens raptim secat æthera pennis.
- 410 Tum liquidas corvi presso ter gutture voces  
 Aut quater ingeminant ; & sæpe cubilibus altis ,  
 Nescio quâ præter solitum dulcedine læti ,  
 Inter se foliis strepitant : juvat , imbris actis ,  
 Progeniem parvam dulcesque revifere nidos.
- 415 Haud equidem credo quia fit divinitus illis.  
 Ingenium , aut rerum fato prudentia major.

Verùm ubi tempestas & cœli mobilis humor  
 Mutavere vias , & Jupiter humidus Austris  
 Densat, erant quæ rara modò, & quæ densa, relaxat :  
 Vertuntur species animorum , & pectora motus 420  
 Nunc alios , alios , dum nubila ventus agebat ,  
 Concipiunt : hinc ille avium concentus in agris ,  
 Et lætæ pecudes , & ovantes gutture corvi.

Si verò Solem ad rapidum Lunasque sequentes  
 Ordine respicies , numquam te craftina fallet 425  
 Hora , neque infidiis noctis capiere serenæ.  
 Luna revertentes cùm primùm colligit ignes ,  
 Si nigrum obscuro comprehenderit aëra cornu ,  
 Maximus agricolis pelagoque parabitur imber.  
 At si virgineum suffuderit ore ruborem , 430  
 Ventus erit : vento semper rubet aurea Phoebe.  
 Sin ortu in quarto ( namque is certissimus auctor )  
 Pura , neque obtusis per cœlum cornibus ibit ;  
 Totus & ille dies , & qui nascentur ab illo  
 Exactum ad mensem , pluvia ventisque carebunt ; 435  
 Votaque servati solvent in littore nautæ  
 Glauco , & Panopeæ , & Inoo Melicertæ.

Sol quoque & exoriens, & cùm se condet in undas ,  
 Signa dabit. Solem certissima signa sequuntur ,  
 Et quæ manè refert , & quæ surgentibus astris. 440  
 Ille ubi nascentem maculis variaverit ortum  
 Conditus in nubem , medioque refugerit orbe ;  
 Suspecti tibi sint imbres : namque urget ab alto

Arboribusque fatisque Notus , pecorique sinister.

445 Aut ubi sub lucem densa inter nubila sese

Diversi erumpent radii , aut ubi pallida surget

• Tithoni croceum linquens aurora cubile ;

Heu ! male tum mites defender pampinus uvas ,

Tam multa in tectis crepitans salit horrida grando.

450 Hoc etiam , emenso cùm jam decedet Olympo ,

Profuerit meminisse magis : nam sæpe videmus

• Ipsius in vultu varios errare colores.

Cœruleus pluviam denuntiat igneus Euros.

Sin maculæ incipient rutilo immiscerier igni ,

455 Omnia tunc pariter vento nimbisque videbis

Fervere : non illâ quisquam me nocte per altum

• Ire , neque a terra moneat convellere funem.

At si , cùm referetque diem , condetque relatum ,

Lucidus orbis erit ; frustra terrebere nimbis ,

460 Et claro sylvas cernes Aquilonē moveri.

Denique quid Vesper serus vehat , unde serenas

2. Ventus agat nubes , quid cogitet humidus Auster ,

Sol tibi signa dabit. Solem quis dicere falsum

Audeat ? Ille etiam cæcos instare tumultus

465 Sæpe monet , fraudemque & operta tumescere bella.

Ille etiam extincto miseratus Cæsare Romam ,

• Cùm caput obscurâ nitidum ferrugine texit ,

Impiaque æternam timuerunt secula noctem.

Tempore quamquam illo tellus quoque, & æquora ponti,

470 Obscœnique canes , importunæque volucres



Signa dabant. Quoties Cyclopum effervere in agros  
 Vidimus undantem ruptis fornacibus Ætnam,  
 Flammarumque globos, liquefactaque volvere saxa!  
 Armorum sonitum toto Germania cœlo  
 Audiit; insolitis tremuerunt motibus Alpes. 475  
 Vox quoque per lucos vulgò exaudita filentes  
 Ingens, & simulacra modis pallentia miris  
 Visa sub obscurum noctis; pecudesque locutæ,  
 Infandum! sistunt amnes, terræque dehiscunt:  
 Et moestum illacrymat templis ebur, æraque fudant. 480  
 Prôluit infano contorquens vortice sylvas  
 Fluviorum rex Eridanus, camposque per omnes  
 Cum stabulis armenta tulit: nec tempore eodem  
 Tristibus aut extis fibræ apparere minaces,  
 Aut puteis manare cruor cessavit, & altè 485  
 Per noctem resonare lupis ululantibus urbes.  
 Non aliàs cœlo ceciderunt plura sereno  
 Fulgura, nec diri toties arfere cometæ.

Ergo inter sese paribus concurrere telis  
 Romanas acies iterum vidêre Philippi: 490  
 Nec fuit indignum Superis bis sanguine nostro  
 Emathiam & lætos Æmi pinguescere campos.  
 Scilicet & tempus veniet, cum finibus illis  
 Agricola, incurvo terram molitus aratro,  
 Exesa inveniet scabrâ rubigine pila, 495  
 Aut gravibus rastris galeas pulsabit inanes,  
 Grandiaque effossis mirabitur ossa sepulcris.

- Dii patrii Indigetes, & Romule, Vestaque mater,  
 Quæ Thuscum Tyberim, & Romana palatia servas,  
 500 Hunc saltem everso juvenem succurrere seclo  
 Ne prohibete : fatis jampridem sanguine nostro  
 Laomedontæ luimus perjuria Trojæ.  
 Jampridem nobis cœli te regia, Cæsar,  
 Invidet, atque hominum queritur curare triumphos.  
 505 Quippe ubi fas versum atque nefas, tot bella per orbem,  
 Tam multæ scelerum facies. Non ullus aratro  
 Dignus honos ; squalent abductis arva colonis,  
 Et curvæ rigidum falces conflantur in ensen.  
 Hinc movet Euphrates, illinc Germania bellum :  
 510 Vicinæ ruptis inter se legibus urbes  
 Arma ferunt : sævit toto Mars impius orbe.  
 Ut cùm carceribus sese effudere quadrigæ,  
 Addunt se in spatia ; & frustra retinacula tendens  
 Fertur equis auriga, neque audit currus habenas.






५८

Georg. L. II.



G. Dufour sculp.



# ARGUMENTUM

## LIBRI SECUNDI.

**H**ABET hic liber de Plantatione partes septem.

I. Modos omnes producendarum arborum , tam ex naturâ , quàm ex arte.

II. Varias earum species , & quo singulæ modo tractandæ sint , naturali , an artificioso.

III. Quibus singulæ locis feliciùs proveniant : ubi excurritur in laudes Italici soli.

IV. Artem discernendæ naturæ cujusque soli.

V. Culturam vitis.

VI. Culturam oleæ , & aliarum aliquot arborum.

VII. Epilogum de vitæ rusticæ felicitate.





## LIBER SECUNDUS.

**H**ACTENUS arborum cultus, & sidera cœli:  
Nunc te, Bacche, canam, nec non sylvestria tecum  
Virgulta, & prolem tardè crescentis olivæ.  
Huc, pater ô Lenæ (tuis hîc omnia plena  
5 Muneribus: tibi pampineo gravidus autumnus  
Floret ager; spumat plenis vindemia labris)  
Huc pater ô Lenæ, veni, nudataque musto  
Tinge novo mecum direptis crura cothurnis.

Principio arboribus varia est natura creandis.

- 10 Namque aliæ, nullis hominum cogentibus, ipsæ  
Sponte suâ veniunt, camposque & flumina latè  
Curva tenent, ut molle siler, lentæque genistæ,  
Populus, & glaucâ canentia fronde salicæ.  
Pars autem posito surgunt de semine, ut altæ  
15 Castaneæ, nemorumque Jovi quæ maxima frondet  
Æsculus, atque habitæ Graiis oracula quercus.  
Pullulat ab radice aliis densissima sylva,  
Ut cerasis, ulmisque: etiam Parnassia laurus  
Parva sub ingenti matris se subjicit umbra.  
20 Hos natura modos primùm dedit, his genus omne  
Sylvarum fruticumque viret, nemorumque sacrorum.  
Sunt alii quos ipse viâ sibi repperit usus.  
Hic plantas tenero abscindens de corpore matrum  
Deposuit fulcis: hic stirpes obruit arvo,  
25 Quadrifidasque fudes, & acuto robore vallos;

Sylvarumque aliæ pressos propaginis arcus  
 Exspectant, & viva suâ plantaria terrâ.  
 Nil radicis egent aliæ, summumque putator  
 Haud dubitat terræ referens mandare cacumen.  
 Quin & caudicibus sectis ( mirabile dictu ) 30  
 Truditur e sicco radix oleagina ligno.  
 Et sæpe alterius ramos impunè videmus  
 Vertere in alterius, mutatamque insita mala  
 Ferre pyrum, & prunis lapidosa rubescere corna.  
 Quare agite, ô proprios generatim discite cultus, 35  
 Agricolaë, fructusque feros mollite colendo.  
 Neu segnes jaceant terræ: juvat Ismara Baccho  
 Conferere, atque oleâ magnum vestire Taburnum.  
 Tuque ades, inceptumque unâ decurre laborem,  
 O decus, ô famæ meritò pars maxima nostræ, 40  
 Mæcenas, pelagoque volans da vela patenti.  
 Non ego cuncta meis amplecti versibus opto:  
 Non, mihi si linguæ centum sint, oraque centum,  
 Ferrea vox. Ades, & primi lege littoris oram.  
 In manibus terræ: non hic te carmine ficto, 45  
 Atque per ambages & longa exorsa tenebo.  
 Sponte suâ quæ se tollunt in luminis auras,  
 Infecunda quidem, sed læta & fortia surgunt:  
 Quippe solo natura subest. Tamen hæc quoque si quis  
 Inferat, aut scrobibus mandet mutata subactis, 50  
 Exuerint sylvestrem animum, cultuque frequenti,  
 In quascumque voces artes, haud tardâ sequentur.

Nec non & sterilis quæ stirpibus exit ab imis ;  
 Hoc faciet ; vacuos si sit digesta per agros :  
 Nunc altæ frondes & ramî matris opacant ,  
 Crescentique adimunt foetus , uruntque ferentem.

Jam , quæ seminibus jactis se sustulit arbos ,  
 Tarda venit , seris factura nepotibus umbram ;  
 Pomaque degenerant succos oblita priores ;  
 60 Et turpes avibus prædam fert uva racemos.  
 Scilicet omnibus est labor impendendus , & omnes  
 Cogendæ in sulcum , ac multâ mercede domandæ.

Sed truncis oleæ meliùs , propagine vites  
 Respondent , solido Paphiæ de robore myrtus.  
 65 Plantis & duræ coryli nascuntur , & ingens  
 Fraxinus , Herculeæque arbos umbrosa coronæ ,  
 Chaonique patris glandes : etiam ardua palma  
 Nascitur , & casus abies visura marinos.  
 Inferitur verò ex foetu nucis arbutus horrida ;

70 Et steriles platani malos gessere valentes :  
 Castaneæ fagus , ornusque incanuit albo  
 Flore pyri ; glandemque sues fregere sub ulmis.

Nec modus inferere atque oculos imponere simplex.  
 Nam quâ se medio trudent de cortice gemmæ ,  
 75 Et tenues rumpunt tunicas , angustus in ipso  
 Fit nodo finis : huc aliena ex arbore germen  
 Includunt , udoque docent inolescere libro.  
 Aut rursus enodes trunci refecantur , & altè  
 Finditur in solidum cuneis via ; deinde feraces



Plantæ immittuntur : nec longum tempus , & ingens 80  
Exiit ad cœlum ramis felicibus arbos ,  
Miraturque novas frondes , & non sua poma.

Præterea genus haud unum , nec fortibus ulmis ,  
Nec falici , lotoque , nec Idæis cyparissis.  
Nec pingues unam in faciem nascuntur olivæ , 85  
Orchites , & radii , & amarâ pausia baccâ ,  
Pomaque ; & Alcinoï sylvæ : nec furculus idem  
Cruſtumiis , Syriisque pyris , gravibusque volemis.  
Non eadem arboribus pendet vindemia nostris ,  
Quam Methymnæo carpit de palmite Lesbos. 90  
Sunt Thasiæ vites , sunt & Mareotides albæ :  
Pinguibus hæ terris habiles , levioribus illæ.  
Et passo Pſythia utilior , tenuisque Lageos  
Tentatura pedes olim , vincituraque linguam ;  
Purpureæ , preciæquæ : & quo te carmine dicam , 95  
Rhætica ? nec cellis ideo contende Falernis.  
Sunt etiam Ammineæ vites , firmissima vina ,  
Tmolus & assurgit quibus , & rex ipse Phanæus ;  
Argitisque minor , cui non certaverit ulla ,  
Aut tantum fluere , aut totidem durare per annos. 100  
Non ego te , Diis & mensis accepta secundis ,  
Transferim , Rhodia , & tumidis , Bumaste , racemis.  
Sed neque quàm multæ species , nec nomina quæ sint ,  
Est numerus : neque enim numero comprehendere refert.  
Quem qui scire velit , Libyci velit æquoris idem 105  
Discere quàm multæ zephyro turbentur arenæ ;

Aut ubi navigiis violentior incidit Eurus ,  
 Nosse quot Ionii veniant ad littora fluctus.

Nec verò terræ ferre omnes omnia possunt.

110 Fluminibus salices , crassisque paludibus alni

Nascuntur ; steriles saxosis montibus orni :

Littora myrtetis lætissima : denique apertos  
 Bacchus amat colles , aquilonem & frigora taxi.  
 Aspice & extremis domitum cultoribus orbem ,

115 Eoasque domos Arabum , pictosque Gelonos :

Divisæ arboribus patriæ. Sola India nigrum

Fert ebum , solis est thurea virga Sabæis.

Quid tibi odorato referam sudantia ligno

Balsamaque , & baccas semper frondentis acanthi ?

120 Quid nemora Æthiopum molli canentia lanâ ;

Velleraque ut foliis depectant tenuia Seres ;

Aut quos Oceano propior gerit India lucos ,

Extremi sinus orbis ? ubi aëra vincere summum

Arboris haud ullæ jactu potuere sagittæ :

125 Et gens illa quidem sumptis non tarda pharetris.

Media fert tristes succos , tardumque saporem

Felicis mali , quo non præsentius ullum ,

Pocula si quando sævæ infecere novercæ ,

Miscueruntque herbas , & non innoxia verba ,

130 Auxilium venit , ac membris agit atra venena.

Ipse ingens arbor , faciemque simillima lauro ;

Et , si non alium latè jactaret odorem ,

Laurus erat : folia haud ullis labentia ventis ;

Flos apprima tenax : animas & olentia Medi  
Ora foveat illo , & senibus medicantur anhelis. 135

Sed neque Medorum sylvæ , ditissima terra ,  
Nec pulcher Ganges , atque auro turbidus Hermus ,  
Laudibus Italiæ certent : non Bactra , neque Indi ,  
Totaque thuriferis Panchaia pinguis arenis.

Hæc loca non tauri spirantes naribus ignem 140

Invertère , fatis immanis dentibus hydri ;  
Nec galeis , densisque virum seges horruit hastis.

Sed gravidæ fruges , & Bacchi Massicus humor  
Implevère : tenent oleæque , armentaque lata.

Hinc bellator equus campo sese arduus infert : 145

Hinc albi , Clitumne , greges , & maxima taurus  
Victima , sæpe tuo perfusi flumine sacro ,

Romanos ad templa Deum duxere triumphos.

Hic ver assiduum , atque alienis mensibus æstas :

Bis gravidæ pecudes , bis pomis utilis arbor. 150

At rabidæ tigres absunt , & sæva leonum

Semina ; nec miseros fallunt aconita legentes ;

Nec rapit immensos orbes per humum , neque tanto

Squameus in spiram tractu se colligit anguis.

Adde tot egregias urbes , operumque laborem , 155

Tot congesta manu præruptis oppida faxis ,

Fluminaque antiquos subter labentia muros.

An mare quod supra memorem , quodque alluit infra ?

Anne lacus tantos ? te , Lari maxime ; teque ,

Fluctibus & fremitu assurgens , Benace , marino ? 160

An memorem portus , Lucrinoque addita claustra ,  
 Atque indignatum magnis stridoribus æquor ,  
 Julia quâ ponto longè sonat unda refuso ,  
 Tyrrhenusque fretis immittitur æstus Avernis ?

- 165 Hæc eadem argenti rivos ærisque metalla  
 Ostendit venis , atque auro plurima fluxit.  
 Hæc genus acre virûm , Marfos , pubemque Sabellam ,  
 Assuetumque malo Ligurem , Volscosque verutos  
 Extulit : hæc Decios , Marios , magnosque Camillos ,  
 170 Scipiadas duos bello ; & te , maxime Cæsar ,  
 Qui nunc extremis Asiæ jam victor in oris  
 Imbellem avertis Romanis arcibus Indum.  
 Salve , magna parens frugum , Saturnia tellus ,  
 Magna virûm : tibi res antiquæ laudis & artis  
 175 Ingredior , sanctos ausus recludere fontes ;  
 Ascræumque cano Romana per oppida carmen.  
 Nunc locus arborum ingeniis : quæ robora cuique ,  
 Quis color , & quæ sit rebus natura ferendis.  
 Difficiles primùm terræ , collesque maligni ,  
 180 Tenuis ubi argilla , & dumosis calculus arvis ,  
 Palladiâ gaudent sylvâ vivacis olivæ.  
 Indicio est tractu surgens oleaster eodem  
 Plurimus , & strati baccis sylvestribus agri.  
 At quæ pinguis humus , dulcique uligine læta ,  
 185 Quique frequens herbis & fertilis ubere campus ,  
 Qualem sæpe cavâ montis convalle solemus  
 Despicere : huc summis liquuntur rupibus amnes ,  
 Felicemque

Felicemque trahunt limum : quique editus Austro ,  
 Et filicem curvis invisam pascit aratris.  
 Hic tibi prævalidas olim , multoque fluentes 193  
 Sufficiet Baccho vites ; hic fertilis uvæ ,  
 Hic laticis , qualem pateris libamus & auro ,  
 Inflavit cùm pinguis ebur Tyrrhenus ad aras ,  
 Lancibus & pandis fumantia reddimus exta.

Sin armenta magis studium , vitulosque tueri , 195  
 Aut foetus ovium , aut urentes culta capellas ,  
 Saltus , & faturi petito longinqua Tarenti ,  
 Et qualem infelix amisit Mantua campum ,  
 Pascentem niveos herbofo flumine cycnos.  
 Non liquidi gregibus fontes , non gramina defunt , 203  
 Et quantum longis carpent armenta diebus ,  
 Exiguâ tantum gelidus ros nocte reponet.

Nigra fere , & presso pinguis sub vomere terra ,  
 Et cui putre solum ( namque hoc imitamur arando )  
 Optima frumentis : non ullo ex æquore cernes 205  
 Plura domum tardis decedere plaustra juvencis :  
 Aut unde iratus sylvam devexit arator ,  
 Et nemora evertit multos ignava per annos ;  
 Antiquasque domos avium cum stirpibus imis  
 Eruit : illæ altum nidis petiêre relictis. 213  
 At rudis enituit impulso vomere campus.

Nam jejuna quidem clivosi glarea ruris  
 Vix humiles apibus casias , roremque ministrat :  
 Et tophus scaber , & nigris exesa chelydris

- 215 Creta : negant alios æquè serpentibus agros  
 Dulcem ferre cibum , & curvas præbere latebras.  
 Quæ tenuem exhalat nebulam, fumosque volucres;  
 Et bibit humorem , & , cùm vult , ex se ipsa remittit;  
 Quæque suo viridi semper se gramine vestit;
- 220 Nec scabie & falsâ lædit rubigine ferrum :  
 Illa tibi lætis intextet vitibus ulmos :  
 Illa ferax oleæ est : illam experiere colendo  
 Et facilem pecori , & patientem vomeris unci.  
 Talem dives arat Capua , & vicina Vesevo
- 225 Ora jugo , & vacuis Clanius non æquus Acerris.  
 Nunc , quo quamque modo possis cognoscere , dicam.  
 Rara fit , an supra morem fit densa , requiras :  
 Altera frumentis quoniam favet , altera Baccho :  
 Densa magis Cereri , rarissima quæque Lyæo :
- 230 Antè locum capies oculis , altèque jubebis  
 In solido puteum demitti , omnemque repones  
 Rursus humum , & pedibus summas æquabis arenas.  
 Si deerunt , rarum ; pecorique & vitibus almis  
 Aptius uber erit : sin in sua posse negabunt
- 235 Ire loca , & scrobibus superabit terra repletis ,  
 Spissus ager : glebas cunctantes crassaque terga  
 Exspecta , & validis terram proscinde juvencis.  
 Salsa autem tellus , & quæ perhibetur amara ,  
 Frugibus infelix ( ea nec mansuescit arando ,
- 240 Nec Baccho genus , aut pomis sua nomina fervat )  
 Tale dabit specimen : tu spisso vimine qualos ,  
 Colaue prælorum fumosis deripe testis.

Huc ager ille malus , dulcesque a fontibus undæ  
 Ad plenum calcentur : aqua eluctabitur omnis  
 Scilicet , & grandes ibunt per vimina guttæ : 245  
 At sapor indicium faciet manifestus , & ora  
 Tristitia tentatum sensu torquebit amaror.  
 Pinguis item quæ sit tellus , hoc denique pacto  
 Discimus : haud umquam manibus jactata fatiscit ,  
 Sed picis in morem ad digitos lentescit habendo. 250  
 Humida majores herbas alit ; ipsaque justo  
 Lætior : ah , nimiùm ne sit mihi fertilis illa ;  
 Neu se prævalidam primis ostendat aristis !  
 Quæ gravis est , ipso tacitam se pondere prodit ,  
 Quæque levis. Promptum est oculis prædiscere nigram ,  
 Et quis cui color : at sceleratum exquirere frigus 256  
 Difficile est ; piceæ tantùm , taxique nocentes  
 Interdum , aut ederæ pandunt vestigia nigræ.

His animadversis , terram multò antè memento  
 Excoquere , & magnos scrobibus concidere montes ; 260  
 Antè supinatas Aquiloni ostendere glebas ,  
 Quàm lætum infodias vitis genus : optima putri  
 Arva solo : id venti curant , gelidæque pruinaë ,  
 Et labefacta movens robustus jùgera fossor.

At si quos haud ulla viros vigilantia fugit , 265  
 Antè locum similem exquirunt , ubi prima paretur  
 Arboribus seges , & quò mox digesta feratur ;  
 Mutatam ignorent subitò ne semina matrem.  
 Quin etiam cœli regionem in cortice signant ;

270 Ut , quo quæque modo steterit , quâ parte calores  
Austrinos tulerit , quâ terga obverterit axi ,  
Restituant : adeo in teneris consuescere multum est !

Collibus an plano melius sit ponere vites  
Quære priùs. Si pinguis agros metabere campî ,  
275 Densa fere : in denso non segnior ubere Bacchus :  
Sin tumulis acclive solum , collesque supinos ,  
Indulge ordinibus ; nec fecius omnis in unguem  
Arboribus positis secto via limitè quadret.  
Ut sæpe ingenti bello cùm longa cohortes

280 Explicuit legio , & campo stetit agmen aperto ,  
Directæque acies , ac latè fluctuat omnis  
Ære renidenti tellus ; necdum horrida miscent  
Prœlia , sed dubius mediis Mars errat in armis.  
Omnia sint paribus numeris dimensa viarum ,  
285 Non animum modò uti pascat prospectus inanem ;  
Sed quia non aliter vires dabit omnibus æquas  
Terra , neque in vacuum poterunt se extendere rami.

Forfitan & scrobibus quæ sint fastigia quæras :  
Ausim vel tenui vitem committere fulco.  
290 Altiùs ac penitus terræ defigitur arbos ;  
Æsculus in primis , quæ quantum vertice ad auras  
Æthereas , tantum radice in tartara tendit.  
Ergo non hyemes illam , non flabra , neque imbres  
Convellunt : immota manet , multosque per annos  
295 Multa virum volvens durando secula vincit :  
Tum fortes latè ramos & brachia tendens



Huc illuc , media ipsa ingentem sustinet umbram.

Neve tibi ad solem vergant vineta cadentem :

Neve inter vites corylum fere : neve flagella

Summa pete, aut summas defringe ex arbore plantas : 300

( Tantus amor terræ ) neu ferro læde retuso

Semina ; neve oleæ sylvestres inferere truncos :

Nam sæpe incautis pastoribus excidit ignis ,

Qui furtim pingui primùm sub cortice tectus

Robora comprehendit , frondesque elapsus in altas 305

Ingentem cœlo sonitum dedit : inde secutus

Per ramos victor , perque alta cacumina regnat ,

Et totum involvit flammis nemus , & ruit atram

Ad cœlum piceâ crassus caligine nubem ;

Præsertim si tempestas a vertice sylvis 310

Incubuit , glomeratque ferens incendia ventus.

Hoc ubi , non a stirpe valent , cæsæque reverti

Possunt , atque imâ similes revirescere terrâ :

Infelix superat foliis oleaster amaris.

Nec tibi tam prudens quisquam persuadeat auctor 315

Tellurem Boreâ rigidam spirante movere.

Rura gelu tum claudit hyems , nec semine jacto

Concretam patitur radicem affigere terræ.

Optima vinetis fatio est , cùm vere rubenti

Candida venit avis , longis invisâ colubris ; 320

Prima vel autumnî sub frigora , cùm rapidus Sol

Nondum hyemem contingit equis , jam præterit æstas.

Ver adeo frondi nemorum , ver utile sylvis :

D iij

Vere tument terræ , & genitalia semina poscunt.

325 Tum Pater omnipotens fecundis imbris æther  
 Conjugis in gremium lætæ descendit , & omnes  
 Magnus alit , magno commixtus corpore , foetus.  
 Avia tum resonant avibus virgulta canoris ,  
 Et Venerem certis repetunt armenta diebus.

330 Parturit almus ager , zephyrique tepentibus auris  
 Laxant arva sinus , superat tener omnibus humor ;  
 Inque novos soles audent se gramina tutò  
 Credere , nec metuit surgentes pampinus Austros ,  
 Aut actum coelo magnis Aquilonibus imbrem :

335 Sed trudit gemmas , & frondes explicat omnes.

Non alios primâ crescentis origine mundi  
 Illuxisse dies , aliumve habuisse tenorem  
 Crediderim : ver illud erat , ver magnus agebat  
 Orbis , & hybernis parcebant flatibus Euri ;

340 Cùm primùm lucem pecudes hausere , virûmque  
 Ferrea progenies duris caput extulit arvis ,  
 Immissæque feræ sylvis , & sidera coelo.  
 Nec res hunc teneræ possent perferre laborem ;  
 Si non tanta quies iret frigusque caloremque

345 Inter , & exciperet coeli indulgentia terras.

Quod superest , quæcumque premes virgulta per agros ,  
 Sparge fimo pingui , & multâ memor occule terrâ ;  
 Aut lapidem bibulum , aut squalentes infode conchas ;  
 Inter enim labentur aquæ , tenuisque subibit

350 Halitus , atque animos tollent fata. Jamque reperti

Qui saxo super atque ingentis pondere testæ  
Urgerent : hoc effusos munimen ad imbres ;  
Hoc ubi hiulca siti findit Canis æstifer arva.

Seminibus positis , supereſt deducere terram  
Sæpius ad capita , & duros jaſtare bidentes ; 355  
Aut preſſo exercere ſolum ſub vomere , & ipſa  
Flectere luſtantes inter vineta juvencos : —  
Tum leves calamos & raſæ haſtilia virgæ ,  
Fraxineasque aptare fudes , furcaſque bicornes ,  
Viribus eniti quarum , & contemnere ventos \* 360  
Affueſcant , ſummaſque ſequi tabulata per ulmos.  
Ac dum prima novis adoleſcit frondibus ætas ,  
Parcendum teneris : & dum ſe lætus ad auras  
Palmeſ agit , laxis per purum immiſſus habenis ,  
Ipſa acies nondum falcis tentanda ; ſed uncis 365  
Carpendæ manibus frondes , interque legendæ.  
Inde ubi jam validis amplexæ ſtirpibus ulmos  
Exierint , tum ſtringe comas , tum brachia tonde.  
Antè reformidant ferrum : tum denique dura  
Exerce imperia , & ramos compeſce fluentes. 370  
Texendæ ſepes etiam , & pecus omne tenendum eſt  
Præcipuè dum frons tenera imprudentſque laborum :  
Cui ſuper indignas hyemes , ſolemque potentem ,  
Sylveſtres uri aſſiduè capreæque ſequaces  
Illudunt ; paſcuntur oves , avidæque juvencæ. 375  
Frigora nec tantùm canâ concreta pruinâ ,

Aut gravis incumbens scopulis arentibus æstas ,  
Quantum illi nocuere greges , durique venenum  
Dentis , & admorfo signata in stirpe cicatrix.

380 Non aliam ob culpam Baccho caper omnibus aris  
Cæditur , & veteres ineunt profcena ludi ;  
Præmiaque ingentes pagos & compita circum  
Theseidæ posuere , atque inter pocula læti  
Mollibus in pratis unctos saliere per utres.

385 Nec non Aufonii , Trojâ gens missa , coloni  
Versibus incomptis ludunt , risuque soluto ;  
Oraque corticibus sumunt horrenda cavatis ;  
Et te , Bacche , vocant per carmina læta , tibi que  
Oscilla ex alta suspendunt mollia pinu.

390 Hinc omnis largo pubescit vinea foetu ,  
Complentur vallesque cavæ , saltusque profundi ,  
Et quocumque Deus circum caput egit honestum :  
Ergo rite suum Baccho dicemus honorem  
Carminibus patriis , lanceisque & liba feremus ;

395 Et ductus cornu stabit sacer hircus ad aram ,  
Pinguiaque in verubus torrebimus exta columnis.

Est etiam ille labor curandis vitibus alter ,  
Cui numquam exhausti fatis est : namque omne quotannis  
Terque quaterque solum scindendum , glebaque versis  
400 Æternum frangenda bidentibus , omne levandum  
Fronde nemus : redivit agricolis labor actus in orbem ,  
Atque in se sua per vestigia volvitur annus.

Et jam olim seras posuit cùm vinea frondes ,  
 Frigidus & sylvis Aquilo decussit honorem ;  
 Jam tum acer curas venientem extendit in annum 405  
 Rusticus , & curvo Saturni dente relictam  
 Persequitur vitem attondens , fingitque putando.  
 Primus humum fodito , primus devecta cremato  
 Sarmenta , & vallos primus sub testa referto :  
 Postremus metito. Bis vitibus ingruit umbra : 410  
 Bis segetem densis obducunt sentibus herbæ :  
 Durus uterque labor. Laudato ingentia rura ,  
 Exiguum colito. Nec non etiam aspera rusci  
 Vimina per sylvam , & ripis fluvialis arundo  
 Cæditur , incultique exercet cura salicti. 415  
 Jam vinctæ vites , jam falcem arbuta reponunt ;  
 Jam canit extremos effoetus vinitor antes.  
 Sollicitanda tamen tellus , pulvisque movendus ;  
 Et jam maturis metuendus Jupiter uvis.

Contrà non ulla est olei cultura : neque illæ 420  
 Procurvam exspectant falcem , rastrosque tenaces,  
 Cùm semel hæserunt arvis , aurasque tulerunt.  
 Ipsa satis tellus , cùm dente recluditur unco ,  
 Sufficit humorem , & gravidas cum vomere fruges.  
 Hòc pinguem & placitam paci nutritor olivam. 425  
 Poma quoque , ut primùm truncos sensere valentes ,  
 Et vires habuere suas , ad fidera raptim  
 Vi propriâ nituntur , opisque haud indiga nostræ.

Nec minùs interea foetu nemus omne gravescit,

430 Sanguineisque inculta rubent aviaria baccis :

Tondentur cytisi : tædas sylva alta ministrat ;

Pascunturque ignes nocturni , & lumina fundunt.

Et dubitant homines ferere , atque impendere curam?

Quid majora sequar ? Salices , humilesque genistæ,

435 Aut illæ pecori frondem , aut pastoribus umbram

Sufficiunt , sepemque fatis , & pabula melli.

Et juvat undanrem buxo spectare Cytorum ,

Naryciæque picis lucos : juvat arva videre

Non rastris hominum , non ulli obnoxia curæ.

440 Ipsæ Caucaseo steriles in vertice sylvæ ,

Quas animosi Euri assidue franguntque feruntque ,

Dant alios aliæ foetus , dant utile lignum

Navigiis pinos , domibus cedrosque cupressosque.

Hinc radios trivere rotis , hinc tympana plaustris

445 Agricolæ , & pandas ratibus posuere carinas.

Viminibus salices fecundæ , frondibus ulmi :

At myrtus validis hastilibus , & bona bello

Cornus : Ityræos taxi torquentur in arcus.

Nec tiliæ leves , aut torno rasile buxum ,

450 Non formam accipiunt , ferroque cavantur acuto :

Nec non & torrentem undam levis innatat alnus

Missa Pado : nec non & apes examina condunt

Corticibusque cavis , vitiosæque ilicis alveo.

Quid memorandum æquæ Baccheia dona tulerunt ?

# L I B E R II. . 83

Bacchus & ad culpam causas dedit : ille furentes 455  
 Centauros letho domuit, Rhœtumque , Pholumque,  
 Et magno Hylæum Lapithis cratere minantem.

O fortunatos nimiùm , sua si bona nôrint ,  
 Agricolas ! quibus ipsa , procul discordibus armis ,  
 Fundit humo facilem victum justissima tellus. 460  
 Si non ingentem foribus domus alta superbis  
 Mane salutantum totis vomit ædibus undam ,  
 Nec varios inhiant pulchrâ testudine postes ,  
 Illusasque auro vestes , Ephyreïaque æra ,  
 Alba neque Assyrio fucatur lana veneno , 465  
 Nec casâ liquidi corrumpitur usus olivi :  
 At secura quies , & nescia fallere vita ,  
 Dives opum variarum ; at latis otia fundis ,  
 Speluncæ , vivique lacus ; at frigida Tempe ,  
 Mugitusque boum , mollesque sub arbore somni 470  
 Non absunt. Illic saltus ac lustra ferarum ;  
 Et patiens operum , parvoque affueta juvenus ;  
 Sacra Deùm , sanctique patres : extrema per illos  
 Justitia excedens terris vestigia fecit.

Me verò primùm dulces ante omnia Musæ , 475  
 Quarum sacra fero ingenti perculsus amore ,  
 Accipiant , coelique vias & sidera monstrent ;  
 Defectus Solis varios , Lunæque labores ;  
 Unde tremor terris ; quâ vi maria alta tumescant  
 Obicibus ruptis , rursusque in seipsa residant ; 480

D vj

Quid tantùm Oceano properent se tingere Soles  
Hyberni , vel quæ tardis mora noctibus obstet.

Sin , has ne possim naturæ accedere partes ,  
Frigidus obstiterit circum præcordia sanguis ;

485 Rura mihi , & rigui placeant in vallibus amnes :  
Flumina amem , sylvasque inglorius. O ubi campi ,  
Sperchiusque , & virginibus bacchata Lacænis  
Taygeta ! ô qui me gelidis in vallibus Hæmi  
Sistat , & ingenti ramorum protegat umbrâ !

490 Felix , qui potuit rerum cognoscere causas ,  
Atque metus omnes & inexorabile fatum  
Subjecit pedibus , strepitumque Acherontis avari !  
Fortunatus & ille , Deos qui novit agrestes ,  
Panaque , Sylvanumque senem , Nymphasque sorores !

495 Illum non populi fasces , non purpura regum  
Flexit , & infidos agitans discordia fratres ,  
Aut conjurato descendens Dacus ab Istro ;  
Non res Romanæ , perituraque regna : neque ille  
Aut dolum miserans inopem , aut invidit habenti.

500 Quos rami fructus , quos ipsa volentia rura  
Sponte tulere suâ , carpât ; nec ferrea jura ,  
Insanumque forum , aut populi tabularia vidit.

Sollicitant alii remis freta cæca , ruuntque  
In ferrum , penetrant aulas & limina regum.

505 Hic petit excidiis urbem , miserosque Penates ,  
Ut gemmâ bibat , & Sarrano dormiat ostro.



Condit opes alius , defossoque incubat auro.  
 Hic stupet attonitus rostris : hunc plausus hiantem  
 Per cuneos ( geminatur enim ) plebisque patrumque  
 Corripuit : gaudent perfusi sanguine fratrum , § 10  
 Ex filioque domos & dulcia limina mutant ,  
 Atque alio patriam quærunt sub sole jacentem.  
 Agricola incurvo terram dimovit aratro :  
 Hinc anni labor , hinc patriam parvosque nepotes  
 Sustinet : hinc armenta boum , meritosque juvencos ; § 15  
 Nec requies , quin aut pomis exuberet annus ,  
 Aut foetu pecorum , aut Cerealis mergite culmi ,  
 Proventuque oneret fulcos , atque horrea vincat.

Venit hyems , teritur Sicyonia bacca trapetis ;  
 Glande sues læti redcunt ; dant arbuta sylvæ ; § 20  
 Et varios ponit foetus autumnus , & altè  
 Mitis in apricis coquitur vindemia faxis.  
 Interea dulces pendent circum oscula nati :  
 Casta pudicitiam servat domus ; ubera vaccæ  
 Lactea demittunt , pinguesque in gramine læto § 25  
 Inter se adversis luctantur cornibus hædi.

Ipse dies agitat festos : fususque per herbam ,  
 Ignis ubi in medio , & focii cratera coronant ,  
 Te , libans , Lenæ , vocat ; pecorisque magistris  
 Velocis jaculi certamina ponit in ulmo , § 30  
 Corporaque agresti nudat prædura palæstrâ.

Hanc olim veteres vitam coluere Sabini :

86    *GEORG. LIB. II.*

Hanc Remus & frater : sic fortis Etruria crevit  
 Scilicet , & rerum facta est pulcherrima Roma ,  
 § 35 Septemque una sibi muro circumdedit arces.

Ante etiam sceptrum Dictæi regis , & antè  
 Impia quàm cæsis gens est epulata juvencis ,  
 Aureus hanc vitam in terris Saturnus agebat.  
 Necdum etiam audierant inflari classica , necdum  
 § 40 Impositos duris crepitare incudibus enses.

Sed nos immensum spatiiis confecimus æquor ,  
 Et jam tempus equùm fumantia solvere colla.








4. Primary release are -

*ad Diphtheria Scroph.*



# ARGUMENTUM

## LIBRI TERTII.

**E**XORDIUM tria continet : invocationem Deorum , qui pabulo & pecorum pastioni præsident : deinde laudes Octaviani : denique invitationem Mæcenatis cujus jussu susceptum id operis fuisse , rursus testatur. Sequuntur præceptiones de culturâ pecorum , quatuor in partes distinctæ.

I. Agit de Bobus , & Equis.

II. De Ovibus , & Capris.

III. De Canibus.

IV. De rebus pecori infestis ; nempe Serpentibus , scabie , feбри , ac peste : quæ pestis descriptio Epilogi locum obtinet.

Sparsæ sunt præterea toto libro fusiores , oblectationis causâ , descriptiones ; quasi quædam diverticula. Talis est descriptio Cursûs equestris ; Asili sive æstri ; Taurorum amantium ; Furiarum amoris ; Scythicæ hyemis.

## LIBER TERTIUS.

- T**E quoque, magna Pales, & te, memorande, canemus,  
Pastor ab Amphryso : vos sylvæ, amnesque Lycæi.  
Cetera quæ vacuas tenuissent carmina mentes,  
Omnia jam vulgata. Quis aut Eurysthea durum,  
5 Aut illaudati nescit Busiridis aras?  
Cui non dictus Hylas puer, & Latonia Delos,  
Hippodameque, humeroque Pelops insignis eburno,  
Acer equis? Tentanda via est, quâ me quoque possim  
Tollere humo, victorque virum volitare per ora.  
10 Primus ego in patriam mecum (modò vita superfit)  
Aonio rediens deducam vertice Musas:  
Primus Idumæas referam tibi, Mantua, palmas;  
Et viridi in campo templum de marmore ponam  
Propter aquam, tardis ingens ubi flexibus errat  
15 Mincius, & tenerâ prætexit arundine ripas.  
In medio mihi Cæsar erit, templumque tenebit.  
Illi victor ego, & Tyrio conspectus in ostro,  
Centum quadrijugos agitabo ad flumina currus.  
Cuncta mihi, Alpheum linquens lucosque Molorchi,  
20 Curfibus & crudo decernet Græcia cæstu.  
Ipse caput tonsæ foliis ornatus olivæ,  
Dona feram. Jam nunc solemnes ducere pompas  
Ad delubra juvat, cæsosque videre juvencos;  
Vel scena ut versis discedat frontibus, utque  
25 Purpurea intexti tollant aulæa Britannæ.

In foribus pugnam ex auro solidoque elephanto  
 Gangaridum faciam, victorisque arma Quirini.  
 Atque hinc undantem bello, magnumque fluentem  
 Nilum, ac navalis surgentes ære columnas:  
 Addam urbes Asiæ domitas, pulsumque Niphatem, 30  
 Fidentemque fugâ Parthum, versisque sagittis;  
 Et duo rapta manu diverso ex hoste tropæa,  
 Bisque triumphatas utroque ab littore gentes.  
 Stabunt & Parii lapides, spirantia signa,  
 Assaraci proles, demissæque ab Jove gentis 35  
 Nomina, Troscque parens, & Trojæ Cynthius auctor.  
 Invidia infelix Furias, amnemque severum  
 Cocyti metuet, tortosque Ixionis angues,  
 Immanemque rotam, & non exsuperabile saxum.

Interea Dryadum sylvas saltusque sequamur 40  
 Intactos: tua, Mæcenâs, haud mollia jussa.  
 Te sine, nil altum mens inchoat: en age, segnes  
 Rumpe moras. Vocat ingenti clamore Cirhæron,  
 Taygetique canes, domitrixque Epidaurus equorum:  
 Et vox assensu nemorum ingeminata remugit. 45  
 Mox tamen ardentes accingar dicere pugnâs  
 Cæsaris, & nomen famâ tot ferre per annos,  
 Tithoni prima quot abest ab origine Cæsar.

Seu quis Olympiæ miratus præmia palmæ,  
 Pascit equos, seu quis fortes ad aratra juvencos; 50  
 Corpora præcipuè matrum legat: optima torvæ  
 Forma bovis, cui turpe caput, cui plurima cervix,

- Et crurum tenus a mento palearia pendent :  
Tum longo nullus lateri modus : omnia magna ,  
55 Pes etiam , & camuris hirtæ sub cornibus aures.  
Nec mihi displiceat maculis insignis & albo ,  
Aut juga detrectans , interdumque aspera cornu ,  
Et faciem tauro propior ; quæque ardua tota ,  
Et gradiens imâ verrit vestigia caudâ.
- 60 Æras Lucinam justosque pati Hymenæos  
Definit ante decem , post quatuor incipit annos :  
Cetera nec foeturae habilis , nec fortis aratris.  
Interea superat gregibus dum læta juvenus ,  
Solve mares , mitte in Venerem pecuaria primus ,  
65 Atque aliam ex alia generando suffice prolem.  
Optima quæque dies miseris mortalibus ævi  
Prima fugit : subeunt morbi , tristisque senectus ,  
Et labor , & duræ rapit inclementia mortis.  
Semper erunt , quarum mutari corpora malis.
- 70 Semper enim refice : ac , ne post amissa requiras ,  
Anteveni , & sobolem armento fortire quotannis.  
Nec non & pecori est idem delectus equino.  
Tu modò , quos in spem statues submittere gentis ,  
Præcipuum jam inde a teneris impende laborem.
- 75 Continuò pecoris generosi pullus in arvis  
Altiùs ingreditur , & mollia crura reponit.  
Primus & ire viam , & fluvios tentare minaces  
Audet , & ignoto sese committere ponti ;  
Nec vanos horret strepitus : illi ardua cervix ,



Argutumque caput , brevis alvus , obesaque terga ; 80  
 Luxuriatque toris animosum pectus : honesti  
 Spadices , glaucique : color deterrimus albis ,  
 Et gilvo. Tum si qua sonum procul arma dedere ,  
 Stare loco nescit , micat auribus , & tremit artus ,  
 Collectumque premens volvit sub naribus ignem. 85  
 Densa juba , & dextro jactata recumbit in armo.  
 At duplex agitur per lumbos spina , cavatque  
 Tellurem , & solido graviter sonat ungula cornu.  
 Talis amyclæi domitus Pollucis habenis  
 Cyllarus , & quorum Graii meminere Poëtæ , 90  
 Martis equi bijuges , & magni currus Achillis.  
 Talis & ipse jubam cervice effudit equinâ  
 Conjugis adventu pernix Saturnus , & altum  
 Pelion hinnitu fugiens implevit acuto.

Hunc quoque, ubi aut morbo gravis, aut jam segnior annis  
 Deficit , abde domo ; nec turpi ignosce senectæ. 96  
 Frigidus in Venerem senior , frustra que laborem  
 Ingratum trahit : & , si quando ad proelia ventum est ,  
 Ut quondam in stipulis magnus sine viribus ignis ,  
 Incassum furit. Ergo animos ævumque notabis 100  
 Præcipuè : hinc alias artes , prolemque parentum ;  
 Et quis cuique dolor victo , quæ gloria palmæ.  
 Nonne vides , cùm præcipiti certamine campum  
 Corripuere , ruuntque effusi carcere currus ?  
 Cùm spes arrectæ juvenum , exsultantiaque haurit 105  
 Corda pavor pulsans ? Illi insiant verberare torto ,

Et proni dant lora ; volat vi fervidus axis :  
 Jamque humiles , jamque elati sublimè videntur  
 Aëra per vacuum ferri , atque affurgere in auras.

110 Nec mora , nec requies : at fulvæ nimbus arenæ  
 Tollitur : humescunt spumis flatuque sequentùm.  
 Tantus amor laudum , tantæ est victoria curæ !

Primus Erichthonius currus , & quatuor ausus  
 Jungere equos , rapidisque rotis insistere victor.

115 Fræna Pelethronii Lapithæ gyroſque dedêre ,  
 Impositi dorſo ; atque equitem docuere sub armis  
 Infultare ſolo , & gressus glomerare ſuperbos.  
 Æquus uterque labor , æquè juvenemque magiſtri  
 Exquirunt , calidumque animis & curſibus acrem :

120 Quamvis sæpe fugâ verſos ille egerit hoſtes ,  
 Et patriam Epirum referat , fortesque Mycenæ ,  
 Neptunique ipſâ deducat origine gentem.

His animadverſis , inſtant ſub tempus , & omnes  
 Impendunt curas denſo diſtendere pinguî ,

125 Quem legère ducem , & pecori dixere maritum :  
 Pubentesque ſecant herbas , fluvioſque miniſtrant ,  
 Farraque ; ne blando nequeat ſupereſſe labori ,  
 Invalidique patrum referant jejunia nati.

Ipfæ autem macie tenuant armenta volentes :

130 Atque ubi concubitus primos jam nota voluptas  
 Sollicitat ; frondeſque negant , & fontibus arcent.  
 Sæpe etiam curſu quatiunt , & ſole fatigant ,  
 Cùm graviter tunſis gemit area frugibus , & cùm

Surgentem ad zephyrum paleæ jaſtantur inanes.  
 Hoc faciunt , nimio ne luxu obtuſior uſus      135  
 Sit genitali arvo , & fulcos oblimet inertes ;  
 Sed rapiat ſitiens Venerem , interiuſque recondat.

Rurfus cura patrum cadere , & ſuccedere matrum  
 Incipit , exactis gravidæ cùm menſibus errant.  
 Non illas gravibus quiſquam joga ducere plauſtris , 140  
 Non ſaltu ſuperare viam ſit paſſus , & acri  
 Carpere prata fugà , fluvioſque innare rapaces.  
 Saltibus in vacuis paſcant , & plena ſecundùm  
 Flumina ; muſcus ubi , & viridiſſima gramine ripa ,  
 Speluncæque regant , & faxea procubet umbra.      145

Eſt lucos Silari circa , ilicibuſque virentem  
 Plurimus Alburnum volitans , cui nomen aſilo  
 Romanum eſt , œſtron Graii vertêre vocantes :  
 Aſper , acerba ſonans , quo tota exterrita ſylvis  
 Diffugiunt armenta , furit mugitibus æther      150  
 Concuffus , ſylvæque , & ficci ripa Tanagri.  
 Hoc quondam monſtro horribiles exercuit iras  
 Inachiae Juno peſtem meditata juvencæ.  
 Hunc quoque ( nam mediis fervoribus acrior inſtat )  
 Arcebis gravido pecori ; armentaque paſces      155  
 Sole recens orto , aut noctem ducentibus aſtris.

Poſt partum , cura in vitulos traducitur omnis ;  
 Continuóque notas & nomina gentis inurunt ,  
 Et quos aut pecori malint ſubmittere habendo ,  
 Aut aris ſervare ſacros , aut ſcindere terram ,      160

- Et campum horrentem fractis invertere glebis.  
Cetera pascuntur virides armenta per herbas.  
Tu quos ad studium atque usum formabis agrestem,  
Jam vitulos hortare, viamque insiste domandi,  
165 Dum faciles animi juvenum, dum mobilis ætas.  
Ac primum laxos tenui de vimine circlos  
Cervici subnecte: dehinc, ubi libera colla  
Servitio assuerint, ipsis e torquibus aptos  
Junge pares, & coge gradum conferre juvencos;  
170 Atque illis jam sæpe rotæ ducantur inanes  
Per terram, & summo vestigia pulvere signent.  
Post valido nitens sub pondere faginus axis  
Instrepat, & junctos temo trahat æreus orbes.  
Interea pubi indomitæ non gramina tantum,  
175 Nec vefcas falicum frondes, ulvamque palustrem,  
Sed frumenta manu carpes fata: nec tibi foetæ  
More patrum nivea implebunt mulctralia vaccæ;  
Sed tota in dulces confument ubera natos.  
Sin ad bella magis studium, turmasque feroces,  
180 Aut Alphæa rotis prælabi flumina Pisæ,  
Et Jovis in luco currus agitare volantes;  
Primus equi labor est, animos atque arma videre  
Bellantum, lituosque pati, tractuque gementem  
Ferre rotam; & stabulo frænos audire sonantes:  
185 Tum magis atque magis blandis gaudere magistri  
Laudibus, & plausæ sonitum cervicis amare.  
Atque hæc jam primo depulsus ab ubere matris

Audiat , inque vicem det mollibus ora capistris  
 Invalidus , etiamque tremens , etiam inscius ævi.  
 At , tribus exactis , ubi quarta accesserit æstas , 190  
 Carpere mox gyrum incipiat , gradibusque sonare  
 Compositis , sinuetque alterna volumina crurum ,  
 Sitque laboranti similis : tum curfibus auras  
 Provocet ; ac per aperta volans , ceu liber habenis,  
 Æquora , vix summâ vestigia ponat arenâ. 195  
 Qualis Hyperboreis Aquilo cùm densus ab oris  
 Incubuit , Scythiæque hyemes atque arida differt  
 Nubila : tum segetes altæ campique natantes  
 Lenibus horrescunt flabris , summæque sonorem  
 Dant sylvæ , longique urgent ad littora fluctus : 200  
 Ille volat , simul arva fugâ , simul æquora verrens.

Hic vel ad Elei metas & maxima campi  
 Sudabit spatia , & spumas aget ore cruentas ;  
 Belgica vel molli melius feret effeda collo.  
 Tum demum crassâ magnum farragine corpus 205  
 Crescere jam domitis finito : namque ante domandum  
 Ingentes tollent animos , prensique negabunt  
 Verbera lenta pati , & duris parère lupatis.

Sed non ulla magis vires industria firmat ,  
 Quàm Venerem & cæci stimulos avertere amoris , 210  
 Sive boum , sive est cui gratior usus equorum.  
 Atque ideo tauros procul atque in sola relegant  
 Pascua , post montem oppositum & trans flumina lata,  
 Aut intus clausos satura ad præsepia servant.

- 215 Carpit enim vires paulatim , uritque videndo  
 Femina, nec nemorum patitur meminisse, nec herbæ.  
 Dulcibus illa quidem illecebris , & sæpe superbos  
 Cornibus inter se subigit decernere amantes.  
 Pascitur in magna sylva formosa juvenca : .
- 220 Illi alternantes multâ vi proelia miscent  
 Vulneribus crebris ; lavit ater corpora sanguis ,  
 Versaque in obnixos urgentur cornua vasto  
 Cum gemitu, reboant sylvæque & magnus Olympus.  
 Nec mos bellantes unâ stabulare ; sed alter
- 225 Victus abit , longèque ignotis exfulat oris :  
 Multa gemens ignominiam , plagasque superbi  
 Victoris , tum quos amisit inultus amores ;  
 Et stabula aspectans , regnis excessit avitis.  
 Ergo omni curâ vires exercet , & inter
- 230 Dura jacet pernox infrato faxa cubili ,  
 Frondibus hirsutis & carice pastus acutâ :  
 Et tentat sese , atque irasci in cornua discit  
 Arboris obnixus trunco , ventosque laceffit  
 Ictibus , & sparsâ ad pugnam proludit arenâ.
- 235 Post , ubi collectum robur , viresque receptæ ,  
 Signa movet , præcepisque oblitum fertur in hostem.  
 Fluctus ut in medio cœpit cùm albescere ponto ,  
 Longius , ex altoque sinum trahit : utque volutus  
 Ad terras , immanè sonat per faxa , nec ipso
- 240 Monte minor procumbit ; at ima exæstuat unda  
 Vorticibus , nigramque altè subiectat arenam.

Omne

Omne adeo genus in terris hominumque, ferarumque,  
 Et genus æquoreum, pecudes, pictæque volucres  
 In furias ignemque ruunt: amor omnibus idem.  
 Tempore non alio catulorum oblita læna, 245  
 Sævior erravit campis: nec funera vulgò  
 Tam multa informes urfi, stragemque dedere  
 Per sylvas; tum sævus aper, tum pessima tigris.  
 Heu! malè tum Libyæ solis erratur in agris.  
 Nonne vides ut tota tremor pertentet equorum 250  
 Corpora, si tantùm notas odor attulit auras?  
 Ac neque eos jam fræna virùm, neque verbera sæva,  
 Non scopuli, rupeſque cavæ, atque objecta retardant  
 Flumina correptos undâ torquentia montes.  
 Ipse ruit, dentesque Sabellicus exacuit fus, 255  
 Et pede profubigit terram, fricat arbore costas,  
 Atque hinc atque illinc humeros ad vulnera durat.  
 Quid juvenis, magnum cui verſat in offibus ignem  
 Durus amor? Nempe abruptis turbata procellis  
 Nocte natat cæcâ ſerus freta; quem ſuper ingens 260  
 Porta tonat cœli, & ſcopulis illiſa reclamant  
 Æquora; nec miſeri poſſunt revocare parentes,  
 Nec moritura ſuper crudeli funere virgo.

Quid lynceſ Bacchi variæ, & genus acre luporum,  
 Atque canum? quid, quæ imbelles dant prælia cervi? 265  
 Scilicet ante omneſ furor eſt inſignis equarum:  
 Et mentem Venus ipſa dedit, quo tempore Glauci  
 Potniadeſ malis membra abſumpſere quadrigæ.

Illas ducit amor trans Gargara, transque sonantem

270 Aſcanium : ſuperant montes , & flumina tranant :

Continuóque avidis ubi ſubdita flamma medullis

( Vere magis , quia vere calor redit oſſibus ) illæ

Ore omnes verſæ in zephyrum , ſtant rupibus altis ;

Exceptantque leves auras ; & ſæpe ſine ullis

275 Conjugiis vento gravidæ ( mirabile dictu )

Saxa per & ſcopulos & depreſſas convalles

Diffugiunt , non , Eure , tuos , neque Solis ad ortus ;

In Boream Caurumque , aut unde nigerrimus Auſter

Nſcitur , & pluvio contriſtat frigore cœlum.

280 Hinc demum , Hippomanes vero quod nomine dicunt

Pæſtores , lentum diſtillat ab inguine virus :

Hippomanes quod ſæpe malæ legère novercæ ,

Miſcueruntque herbas , & non innoxia verba.

Sed fugit interea , fugit irreparabile tempus ,

285 Singula dum capti circumveſtamur amore.

Hoc fatiſ armentis : ſuperat pars altera curæ ,

Lanigeros agitare greges , hirtaſque capellas.

Hic labor : hinc laudem fortes ſperate coloni.

Nec ſum animi dubius verbis ea vincere magnum

290 Quàm fit ; & anguſtis hunc addere rebus honorem.

Sed me Parnaffi deſerta per ardua dulcis

Raptat amor : juvat ire jugis , quæ nulla priorum

Caſtaliæ molli divertitur orbita clivo.

Nunc , veneranda Pales , magno nunc ore ſonandum.

295 Incipiens , ſtabulis edico in mollibus herbam



Carpere oves , dum mox frondosa reducitur æstas ;  
 Et multâ duram stipulâ filicumque maniplis  
 Sternere subter humum , glacies ne frigida lædat  
 Molle pecus , scabiemque ferat , turpesque podagras.  
 Pòst , hinc digressus , jubeo frondentia capris 300  
 Arbuta sufficere , & fluvios præbere recentes ,  
 Et stabula a ventis hyberno opponere Soli ,  
 Ad medium conversa diem ; cùm frigidus olim  
 Jam cadit , extremoque irrorat Aquarius anno.

Hæ quoque non curâ nobis levior tuendæ , 305  
 Nec minor usus erit ; quamvis Milesia magno  
 Vellera mutantur , Tyrios incocta rubores.  
 Denfior hinc soboles , hinc largi copia lactis :  
 Quò magis exhausto spumaverit ubere mulctra ,  
 Læta magis pressis manabunt flumina mammis. 310  
 Nec minus interea barbas , incanaque menta  
 Cinyphii tondent hirci , fetasque comantes ,  
 Ufum in castrorum & miseris velamina gautis.  
 Pascuntur verò sylvas , & summa Lycæi ,  
 Horrentesque rubos , & amantes ardua dumos. 315  
 Atque ipsæ memores redeunt in tecta , suosque  
 Ducunt , & gravido superant vix ubere limen.  
 Ergo omni studio glaciem ventosque nivales ,  
 Quò minùs est illis curæ mortalis egestas ,  
 Avertes ; victumque feres & virgea lætus 320  
 Pabula , nec totâ claudes fœnilia brumâ.

At verò zephyris cùm læta vocantibus æstas ,

In saltus utrumque gregem atque in pascua mittes.

Luciferi primo cum sidere frigida rura

325 Carpamus, dum mane novum, dum gramina canent,

Et ros in tenera pecori gratissimus herba est.

Inde, ubi quarta sitim coeli collegerit hora,

Et cantu querulæ rumpent arbuta cicadæ,

Ad puteos aut alta greges ad stagna jubeto

330 Currentem ilignis potare canalibus undam :

Æstibus at mediis umbrosam exquirere vallem,

Sicubi magna Jovis antiquo robore quercus

Ingentes tendat ramos, aut ficubi nigrum

Ilicibus crebris sacrâ nemus accubet umbrâ.

335 Tum tenues dare rursus aquas, & pascere rursus,

Solis ad occasum; cum frigidus aëra Vesper

Temperat, & saltus reficit jam roscida Luna,

Littoraque halcyonem resonant, & acanthida dumi.

Quid tibi pastores Libyæ, quid pascua versu

340 Prosequar, & raris habitata mapalia testis?

Sæpe diem, noctemque, & totum ex ordine menssem

Pascitur, itque pecus longa in deserta sine ullis

Hospitiis: tantum campi jacet. Omnia secum

Armentarius Afer agit, tectumque, Laremque,

Armaque, Amyclæumque canem, Cressamque pharetram.

346 Non fecus ac patriis acer Romanus in armis,

Injusto sub fasce viam cum carpit, & hosti

Ante expectatum positus stat in agmine castris.

At non, quæ Scythiæ gentes, Mæoticaque unda,

Turbidus & torquens flaventes Iſter arenas ;      350  
 Quâque reſcit medium Rhodope porrecta ſub axem.  
 Illic clauſa tenent ſtabulis armenta ; neque ullæ  
 Aut herbæ campo apparent , aut arbore frondes :  
 Sed jacet aggeribus niveis informis & alto  
 Terra gelu latè , ſeptemque aſurgit in ulnas :      355  
 Semper hyems , ſemper ſpirantes frigora Cauri.  
 Tum Sol pallentes haud umquam diſcutit umbras ;  
 Nec cùm inveſtus equis altum petit æthera , nec cùm  
 Præcipitem Oceani rubro lavit æquore currum.  
 Concreſcunt ſubitæ currenti in flumine cruſtæ ,      360  
 Undaque jam tergo ferratos ſuſtinet orbes ,  
 Puppibus illa priùs patulis , nunc hoſpita plauſtris ;  
 Æraque diſſiliunt vulgò , veſtesque rigeſcunt  
 Indutæ , cæduntque ſecuribus humida vina ,  
 Et totæ ſolidam in glaciem vertère lacunæ ,      365  
 Stiriaque impexis induruit horrida barbis.  
 Interea toto non ſecius aëre ningit ;  
 Intereunt pecudes : ſtant circumfuſa pruinis  
 Corpora magna boum , confertoque agmine cervi  
 Torpent mole novâ , & ſummis vix cornibus exſtant.      370  
 Hos non immiſſis canibus , non caſſibus ullis ,  
 Puniceæve agitant pavidos formidine pennæ :  
 Sed fruſtra oppoſitum trudentes pectore montem  
 Cominuſ obtruncant ferro , graviterque rudentes  
 Cædunt , & magno læti clamore reportant.      375  
 Ipſi in deſoſſis ſpecubus ſecura ſub alta

Otia agunt terra ; congestaque robora , totasque  
Advolvêre focus ulmos , ignique dedêre.

Hic noctem ludo ducunt , & pocula læti

380 Fermento atque acidis imitantur vitea forbis.

Talis Hyperboreo septem subjecta trioni ,

Gens effræna virûm Riphæo tunditur Euro ;

Et pecudum fulvis velantur corpora setis.

Si tibi lanicium curæ , primûm aspera sylva ,

385 Lappæque , tribulique absint : fuge pabula læta ,

Continuôque greges villis lege mollibus albos.

Illum autem , quamvis aries sit candidus ipse ,

Nigra subest udo tantûm cui lingua palato ,

Rejice , ne maculis infuscet vellera pullis

390 Nascentum , plenoque alium circumspice campo.

Munere sic niveo lanæ ( si credere dignum est )

Pan Deus Arcadiæ captam te , Luna , fefellit ,

In nemora alta vocans : nec tu aspernata vocantem.

At cui lactis amor , cytisum , lotosque frequentes

395 Ipse manu , falsasque ferat præsepibus herbas.

Hinc & amant fluvios magis, & magis ubera tendunt,

Et falis occultum referunt in lacte saporem.

Multi jam excretos prohibent a matribus hoedos ,

Primaque ferratis præfigunt ora capistris.

400 Quod , surgente die , mulsere , horisque diurnis ,

Nocte premunt : quod jam tenebris & sole cadente ,

Sub lucem exportans calathis adit oppida pastor ,

Aut parco sale contingunt , hyemique reponunt.

Nec tibi cura canum fuerit postrema : sed una  
 Veloces Spartæ catulos , acremque Molossium 405  
 Pasce fero pingui : numquam custodibus illis  
 Nocturnum stabulis furem , incurfusque luporum ,  
 Aut impacatos a tergo horrebis Iberos.

Sæpe etiam cursu timidos agitabis onagros ,  
 Et canibus leporem , canibus venabere damas : 410  
 Sæpe volutabris pulsos sylvestribus apros  
 Latratu turbabis agens , montesque per altos  
 Ingentem clamore premes ad retia cervum.

Disce & odoratam stabulis accendere cedrum ,  
 Galbaneoque agitare graves nidore chelydros. 415  
 Sæpe sub immotis præsepibus aut mala tactu  
 Vipera delituit , coelumque exterrita fugit ;  
 Aut tecto assuetus coluber succedere & umbræ ,  
 Pestis acerba boum , pecorique aspergere virus ,  
 Fovit humum. Cape saxa manu, cape robora, pastor; 420  
 Tollentemque minas , & sibila colla tumentem ,  
 Dejice : jamque fugâ timidum caput abdidit altè,  
 Cùm medii nexus , extremæque agmina caudæ  
 Solvuntur , tardosque trahit sinus ultimus orbes.

Est etiam ille malus Calabris in saltibus anguis , 425  
 Squamea convolvens sublato pectore terga ,  
 Atque notis longam maculosus grandibus alvum :  
 Qui , dum amnes illi rumpuntur fontibus , & dum  
 Vere madent udo terræ ac pluvialibus Austris ,  
 Stagna colit ; ripisque habitans , hic piscibus atram 430

Improbis ingluviem , ranisque loquacibus explet.  
 Postquam exhausta palus, terræque ardore dehiscunt,  
 Exsilit in siccum , & flammantia lumina torquens  
 Sævit agris , asperque siti , atque exterritus æstu.

435 Ne mihi tum molles sub dio carpere somnos ,  
 Neu dorso nemoris libeat jacuisse per herbas ;  
 Cùm positis novus exsuviiis , nitidusque juventâ ,  
 Volvitur , aut catulos tectis , aut ova relinquens ,  
 Arduus ad Solem , & linguis micat ore trifulcis.

440 Morborum quoque te causas & signa docebo.  
 Turpis oves tentat scabies , ubi frigidus imber  
 Altiùs ad vivum perfedit , & horrida cano  
 Bruma gelu , vel cùm tonsis illotus adhæsit  
 Sudor , & hirsuti secuerunt corpora vepres.

445 Dulcibus idcirco fluviis pecus omne magistris  
 Perfundunt ; udisque aries in gurgite villis  
 Mersatur , missusque secundo defluit amni :  
 Aut tonsum tristi contingunt corpus amurcâ :  
 Et spumas miscent argenti ac sulphura viva ,

450 Idæasque pices , & pingues unguine ceras ,  
 Scillamque , helleborosque graves, nigrumque bitumen.  
 Non tamen ulla magis præsens fortuna laborum est ,  
 Quàm si quis ferro potuit rescindere summum  
 Ulceris os : alitur vitium , vivitque tegendo ,

455 Dum medicas adhibere manus ad vulnera pastor  
 Abnegat , & meliora Deos sedet omina poscens.  
 Quin etiam ima dolor balantum lapsus ad ossa

Cùm furit , atque artus depascitur arida febris ,  
 Profuit incensos æstus avertere , & inter  
 Ima ferire pedis salientem sanguine venam ; 460  
 Bifaltæ quo more solent , acerque Gelonus ,  
 Cùm fugit in Rhodopen , atque in deserta Getarum ,  
 Et lac concretum cum sanguine potat equino.

Quam procul , aut molli succedere sæpius umbræ  
 Videris , aut summas carpentem ignaviùs herbas , 465  
 Extremamque sequi , aut medio procumbere campo  
 Pascentem , & feræ solam decedere nocti ;  
 Continuò culpam ferro compesce , priusquam  
 Dira per incautum serpant contagia vulgus.  
 Non tam creber agens hyemem ruit æquore turbo , 470  
 Quàm multæ pecudum pestes : nec singula morbi  
 Corpora corripunt ; sed tota æstiva repentè ,  
 Spemque , gregemque simul , cunctamque ab origine gentem.

Tum sciat , aërias Alpes & Norica si quis  
 Castella in tumulis , & lapidis arva Timavi 475  
 Nunc quoque pòst tanto videat , desertaque regna  
 Pastorum , & longè saltus latéque vacantes.  
 Hic quondam morbo cœli miseranda coorta est  
 Tempestas , totoque autumnì incanduit æstu ;  
 Et genus omne neci pecudum dedit , omne ferarum ; 480  
 Corruptique lacus , infecit pabula tabo.  
 Nec via mortis erat simplex ; sed ubi ignea venis  
 Omnibus acta sitis miseros adduxerat artus ,  
 Rursus abundabat fluidus liquor , omniaque in se

- 485 Offa minutatim morbo collapsa trahebat.  
 Sæpe in honore Deum medio stans hostia ad aram,  
 Lanca dum niveâ circumdatur infula vittâ,  
 Inter cunctantes cecidit moribunda ministros.  
 Aut si quam ferro mactaverat antè sacerdos,  
 490 Inde neque impositis ardent altaria fibris,  
 Nec responsa potest consultus reddere vates;  
 Ac vix suppositi tinguntur sanguine cultri,  
 Summaque jejunâ fanie infuscaturn arena.  
 Hinc lætis vituli vulgò moriuntur in herbis,  
 495 Et dulces animas plena ad præsepia reddunt.  
 Hinc canibus blandis rabies venit, & quatit ægros  
 Tussis anhela fues, ac faucibus angit obesis.  
 Labitur infelix studiorum atque immemor herbæ  
 Victor equus, fontesque avertitur, & pede terram  
 500 Crebra ferit: demissæ aures, incertus ibidem  
 Sudor, & ille quidem morituris frigidus: aret  
 Pellis, & ad tactum tractanti dura resistit.  
 Hæc ante exitium primis dant signa diebus.  
 Sin in processu cœpit crudefcere morbus,  
 505 Tum verò ardentes oculi, atque attractus ab alto  
 Spiritus, interdum gemitu gravis; imaque longo  
 Ilia singultu tendunt: it naribus ater  
 Sanguis, & obsessas fauces premit aspera lingua.  
 Profuit inserto latices infundere cornu  
 510 Lenæos: ea visa salus morientibus una.  
 Mox erat hoc ipsum exitio: furiisque resecti



Ardebant , ipsique suos jam morte sub ægra  
 ( Dii meliora piis , erroremque hostibus illum ! )  
 Discissos nudis laniabant dentibus artus.

Ecce autem duro fumans sub vomere taurus § 15  
 Concidit , & mixtum spumis vomit ore cruorem ,  
 Extremosque ciet gemitus : it tristis arator ,  
 Moerentem abjungens fraternâ morte juvenum ,  
 Atque opere in medio defixa relinquit aratra.  
 Non umbræ aliorum nemorum , non mollia possunt § 20  
 Prata movere animum , non qui per saxa volutus  
 Purior electro campum petit amnis : at ima  
 Solvuntur latera , atque oculos stupor urget inertes ,  
 Ad terramque fluit devexo pondere cervix.  
 Quid labor , aut benefacta juvant ? quid vomere terras § 25  
 Invertisse graves ? Atqui non Massica Bacchi  
 Munera , non illis epulæ nocuere repostæ :  
 Frondibus & victu pascuntur simplicis herbæ :  
 Pocula sunt fontes liquidi , atque exercita cursu  
 Flumina ; nec somnos abrumpit cura salubres. § 30

Tempore non alio dicunt regionibus illis  
 Quæsitæ ad sacra boves Junonis , & uris  
 Imparibus ductos alta ad donaria currus.  
 Ergo ægre rastris terram rimantur , & ipsis  
 Unguibus infodiunt fruges , montesque per altos § 35  
 Contentâ cervice trahunt stridentia plaustra.

Non lupo insidias explorat ovilia circum ,  
 Nec gregibus nocturnus obambulat ; acrior illum

Cura domat : timidi damæ cervique fugaces

540 Nunc interque canes & circum tecta vagantur.

Jam maris immensi prolem & genus omne natantum

Littore in extremo , ceu naufraga corpora , fluctus

Proluit : insolitæ fugiunt in flumina phocæ

Interit & curvis frustra defensa latebris

545 Vipera , & attoniti squamis adstantibus hydri.

Ipsis est aër avibus non æquus , & illæ

Præcipites alta vitam sub nube relinquunt.

Præterea nec jam mutari pabula refert ;

Quæsitæque nocent artes : cessere magistri

550 Phillyrides Chiron , Amithaoniusque Mclampus.

Sævit & in lucem Stygiis emissa tenebris

Pallida Tisiphone , morbos agit antè metumque ,

Inque dies avidum surgens caput altiùs effert.

Balatu pecorum , & crebris mugitibus amnes ,

555 Arentesque sonant ripæ , collesque supini.

Jamque catervatim dat stragem , atque aggerat ipsi

In stabulis turpi dilapsa cadavera tabo :

Donec humo tegere ac foveis abscondere discant.

Nam neque erat coriis usus , nec viscera quisquam

560 Aut undis abolere potest , aut vincere flammâ.

Nec tondere quidem morbo , illuvieque peresa

Vellera , nec telas possunt attingere putres.


Verùm etiam invisos si quis tentarat amictus ,

Ardentes papulæ , atque immundus olentia sudor

565 Membra sequebatur ; nec longo deinde moranti

Tempore contactos artus sacer ignis edebat.





A. Schreyer del.

C. Dreyer sculp.



# ARGUMENTUM

## LIBRI QUARTI.

**P**OST brevem de Apibus, & Mellatione proposuionem, dedicationemque operis, opus ipsum octo partibus exsequitur.

I. Est de commoda Apum habitatione.

II. De earum pabulatione, examini-  
bus, pugnis.

III. De duabus earum speciebus.

IV. De earum quasi civili prudentiâ  
& Republicâ.

V. De Mellationis temporibus.

VI. De Morbis Apum, morborumque  
signis ac remediis.

VII. De Apum reparatione, cùm pe-  
rierunt.

VIII. De reparationis hujus inven-  
tione, & auctore, Aristæo, cujus fabu-  
lam, Epilogi loco, fusè narrat; eidem-  
que attexit fabulam Eurydices & Orphei.



## LIBER QUARTUS.

**P**ROTINUS aërii mellis cœlestia dona

Exsequar : hanc etiam , Mæcenas , aspice partem.

Admiranda tibi levium spectacula rerum ,

Magnanimosque duces , totiusque ordine gentis

5 Mores , & studia , & populos , & proelia dicam.

In tenui labor : at tenuis non gloria , si quem

Numina læva sinunt , auditque vocatus Apollo.

Principiò sedes apibus statioque petenda ,

Quò neque sit ventis aditus ( nam pabula venti

10 Ferre domum prohibent ) neque oves , hædique petulci

Floribus insultent , aut errans bucula campo

Decutiat rorem , & surgentes atterat herbas.

Absint & picti squalentia terga lacerti

Pinguibus a stabulis , meropesque , aliæque volucres ,

15 Et manibus Procne pectus signata cruentis.

Omnia nam latè vastant , ipsasque volantes

Ore ferunt , dulcem nidis immitibus escam.

At liquidi fontes , & stagna virentia musco

Adsint , & tenuis fugiens per gramina rivus ;

20 Palmaque vestibulum , aut ingens oleaster inumbret ;

Ut , cùm prima novi ducent examina reges

Vere suo , ludetque favis emissâ Juventus ,

Vicina invitet decedere ripa calori ,

Obviaque hospitiiis teneat frondentibus arbos.

25 In medium , seu stabit iners , seu profluet humor ,

# L I B E R IV. III

Transversas salices & grandia conjice saxa :  
 Pontibus ut crebris possint consistere , & alas  
 Pandere ad æstivum Solem , si fortè morantes  
 Sparserit , aut præceps Neptuno immerferit Euris.  
 Hæc circum casuæ virides , & olentia latè 30  
 Serpylla , & graviter spirantis copia thymbræ  
 Floreat ; irriguumque bibant violaria fontem.

    Ipsa autem , seu corticibus tibi suta cavatis ,  
 Seu lento fuerint alvearia vimine texta ,  
 Angustos habeant aditus : nam frigore mella 35  
 Cogit hyems , eademque calor liquefacta remittit.  
 Utraque vis apibus pariter metuenda : neque illæ  
 Nequicquam in tectis certatim tenuia cerâ  
 Spiramenta linunt , fucoque & floribus oras  
 Explent , collectumque hæc ipsa ad munera gluten 40  
 Et visco & Phrygiæ servant pice lentius Idæ.  
 Sæpe etiam effossis ( si vera est fama ) latebris ,  
 Sub terra fodere larem ; penitusque repertæ  
 Pumicibusque cavis , exesæque arboris antro.  
 Tu tamen e levi rimosa cubilia limo 45  
 Unge , fovens circum , & raras superinjice frondes.  
 Neu propius tectis taxum sine , neve rubentes  
 Ure foco cancos , altæ neu crede paludi ;  
 Aut ubi odor coeni gravis , aut ubi concava pulsu  
 Saxa sonant , vocisque offensa resultat imago. 50

    Quod superest, ubi pulsam hyemem Sol aureus egit  
 Sub terras , coelumque æstivâ luce reclusit ,

Illæ continuò saltus fylvasque peragrant ,  
 Purpureosque metunt flores , & flumina libant  
 55 Summa leves. Hinc nescio quâ dulcedine lætæ  
 Progeniem nidosque foveant : hinc arte recentes  
 Excudunt ceras , & mella tenacia fingunt.

Hinc ubi jam emissum caveis ad sidera cœli  
 Nare per æstatem liquidam suspexeris agmen ,  
 60 Obscuramque trahi vento mirabere nubem ,  
 Contemplator ; aquas dulces & frondea semper  
 Tecta petunt : huc tu jussos asperge sapores ,  
 Trita melisphylla , & cerinthæ ignobile gramen :  
 Tinnitusque cie , & Matris quate cymbala circum.  
 65 Ipsæ confident medicatis sedibus , ipsæ  
 Intima more suo sese in cunabula condent.

Sin autem ad pugnam exierint ( nam sæpe duobus  
 Regibus incessit magno discordia motu )  
 Continuòque animos vulgi , & trepidantia bello  
 70 Corda licet longè præsciscere ; namque morantes  
 Martius ille æris rauci canor increpat , & vox  
 Auditur fractos sonitus imitata tubarum.  
 Tum trepidæ inter se coeunt , pennisque coruscant,  
 Spiculaque exacuunt rostris , aptantque lacertos ,  
 75 Et circa regem atque ipsa ad prætoria densæ  
 Miscentur , magnisque vocant clamoribus hostem.  
 Ergo ubi ver noctæ sudum , camposque patentes ,  
 Erumpunt portis ; concurritur : æthere in alto  
 Fit sonitus , magnum mixtæ glomerantur in orbem ;



Præcipitesque cadunt : non densior aëre grando , 80  
Nec de concussa tantum pluit ilice glandis.

Ipsi per medias acies , insignibus alis ,  
Ingentes animos angusto in pectore versant :  
Usque adeo obnixi non cedere , dum gravis aut hos ,  
Aut hos versa fugâ victor dare terga subegit. 85

Hi motus animorum , atque hæc certamina tanta  
Pulveris exigui jactu compressa quiescent.

Verùm ubi ductores acie revocaveris ambos ,  
Deterior qui visus , eum , ne prodigus obsit ,  
Dede neci : melior vacuâ sine regnet in aula. 90  
Alter erit maculis auro squalentibus ardens :  
( Nam duo sunt genera ) hic melior , insignis & ore ,  
Et rutilis clarus squamis : ille horridus alter  
Desidia , latamque trahens inglorius alvum.

Ut binæ regum facies , ita corpora gentis. 95  
Namque aliæ turpes horrent , ceu pulvere ab alto  
Cum venit , & terram sicco spuit ore viator  
Aridus : elucent aliæ , & fulgore coruscant ,  
Ardentes auro , & paribus lita corpora guttis.  
Hæc potior soboles : hinc cœli tempore certo 100  
Dulcia mella premes ; nec tantùm dulcia , quantùm  
Et liquida , & durum Bacchi domitura saporem.

At cum incerta volant , cœloque examina ludunt,  
Contemnuntque favos , & frigida testâ relinquunt ;  
Instabiles animos ludo prohibebis inani. 105  
Nec magnus prohibere labor ; tu regibus alas

Eripe : non illis quisquam cunctantibus altum  
Ire iter , aut castris audebit vellere signa.

Invitent croceis halantes floribus horti ,  
110 Et custos furum atque avium , cum falce saligna ,  
Hellepontiaci fervet tutela Priapi.

Ipse thymum , pinosque ferens de montibus altis ,  
Tecta ferat latè circum , cui talia curæ :

Ipse labore manum duro terat , ipse feraces  
115 Figat humo plantas , & amicos irriget imbres.

Atque equidem , extremo ni jam sub fine laborum  
Vela traham , & terris festinem advertere proram ,  
Forfitan & pingues hortos quæ cura colendi  
Ornaret , canerem , biferique rosaria Pæsti ;  
120 Quoque modo potis gauderent intyba rivis ,  
Et virides apio ripæ , tortusque per herbam  
Cresceret in ventrem cucumis ; nec sera comantem  
Narcissum , aut flexi tacuisssem vimen acanthi ,  
Pallentesque hederas , & amantes littora myrtos.

125 Namque sub Œbalix memini me turribus altis ,  
Quà niger humectat flaventia culta Galefus ,  
Corycium vidisse senem , cui pauca relictæ  
Jugera ruris erant ; nec fertilis illa juvencis ,  
Nec pecori opportuna seges , nec commoda Baccho.

130 Hic rarum tamen in dumis olus , albaque circum  
Lilia , verbenasque premens , vescumque papaver ,  
Regum æquabat opes animis , serâque revertens  
Nocte domum , dapibus mensas onerabat inemptis.

Primus vere rosam , atque autumno carpere poma :  
 Et cùm triftis hyems etiam nunc frigore saxa 135  
 Rumperet ; & glacie curfus frænaret aquarum ,  
 Ille comam mollis jam tum tondebat acanthi ,  
 Æftatem increpitans feram , zephyrosque morantes.  
 Ergo apibus foëtis idem atque examine multo  
 Primus abundare , & fpumantia cogere preffis 140  
 Mella favis : illi tiliæ , atque uberrima pinus :  
 Quotque in flore novo pomis fe fertilis arbos  
 Induerat , totidem autumnò matura tenebat.  
 Ille etiam feras in verfum diftulit ulmos ,  
 Eduramque pyrum , & fpinos jam pruna ferentes , 145  
 Jamque miniftrantem platanum potantibus umbras.  
 Verùm hæc ipfe equidem fpatiis exclusus iniquis ,  
 Prætereo , atque aliis pòft commemoranda relinquo.

Nunc age , naturas apibus quas Jupiter ipfe  
 Addidit , expediam , pro qua mercede canoros 150  
 Curetum fonitus crepitantiaque æra fecutæ ,  
 Diætæo cœli regem pavere fub antro.

Solæ communes natos , confortia tefta  
 Urbis habent , magnifque agitant fub legibus ævum ,  
 Et patriam folæ , & certos novere penates ; 155  
 Venturæque hyemis memores , æftate laborem  
 Experiuntur , & in medium quæfita reponunt.  
 Namque aliæ victu invigilant , & foedere pacto  
 Exercentur agris : pars intra fepta domorum  
 Narciffi lacrymam , & lentum de cortice gluten , 160

Prima favis ponunt fundamina ; deinde tenaces  
 Suspendunt ceras : aliæ , spem gentis , adultos  
 Educunt foetus : aliæ purissima mella  
 Stipant , & liquido distendunt nectare cellas.

- 165 Sunt quibus ad portas cecidit custodia forti ,  
 Inque vicem speculantur aquas & nubila cœli ;  
 Aut onera accipiunt venientium , aut agmine facto  
 Ignavum fucos pecus a præsepibus arcent.  
 Fervet opus , redolentque thymo fragrantia mella.

- 170 Ac veluti lentis Cyclopes fulmina massis  
 Cum properant , alii taurinis follibus auras  
 Accipiunt , redduntque ; alii stridentia tingunt  
 Æra lacu : gemit impositis incudibus Ætna :  
 Illi inter sese magnâ vi brachia tollunt

- 175 In numerum , versantque tenaci forcipe ferrum.  
 Non aliter ( si parva licet componere magnis )  
 Cecropias innatus apes amor urget habendi ,  
 Munere quamque suo. Grandævis oppida curæ ,  
 Et munire favos , & dædala fingere testâ.

- 180 At fessæ multâ referunt se nocte minores ,  
 Crura thymo plenæ : pascuntur & arbuta passim ,  
 Et glaucas salices, casiamque , crocumque rubentem,  
 Et pinguem tiliam , & ferrugineos hyacinthos.  
 Omnibus una quies operum , labor omnibus unus.

- 185 Mane ruunt portis , nusquam mora : rursus easdem  
 Vesper ubi e pastu tandem decedere campis  
 Admonuit , tum testâ petunt , tum corpora curant.

Fit sonitus , mustantque oras & limina circum.  
 Pòst , ubi jam thalamis se composuere , filetur  
 In noctem , fessosque sopor suus occupat artus. 190

Nec verò a stabulis , pluviam impendente , recedunt  
 Longius ; aut credunt cœlo , adventantibus Euris.  
 Sed circum tutæ sub moenibus urbis aquantur ,  
 Excursusque breves tentant ; & sæpe lapillos ,  
 Ut cymbæ instabiles fluctu jactante saburram , 195  
 Tollunt : his sese per inania nubila librant.

Illum adeo placuisse apibus mirabere morem ,  
 Quòd nec concubitu indulgent , nec corpora segnes  
 In Venerem solvunt , aut foetus nixibus edunt.  
 Verùm ipsæ e foliis natos , & suavis herbis 200  
 Ore legunt : ipsæ regem , parvosque Quirites  
 Sufficiunt , aulasque & cerea regna refingunt.

Sæpe etiam duris errando in cotibus alas  
 Attrivere , ultroque animam sub fasce dedere :  
 Tantus amor florum , & generandi gloria mellis ! 205  
 Ergo ipsas quamvis angusti terminus ævi  
 Excipiat ( neque enim plus septima ducitur æstas )  
 At genus immortale manet , multosque per annos  
 Stat fortuna domûs , & avi numerantur avorum.

Præterea regem non sic Ægyptus , & ingens 210  
 Lydia , nec populi Parthorum , aut Medus Hydaspes  
 Observant. Rege incolumi , mens omnibus una est :  
 Amisso , rupere fidem ; constructaque mella  
 Diripere ipsæ , & crates solvere favorum.

215 Ille operum custos , illum admirantur , & omnes  
 Circumstant fremitu denso , stipantque frequentes  
 Et sæpe attollunt humeris , & corpora bello  
 Objectant, pulchramque petunt per vulnera mortem.

His quidam signis , atque hæc exempla secuti ,  
 220 Esse apibus partem divinæ mentis , & haustus  
 Æthereos dixere : Deum namque ire per omnes  
 Terrasque, tractusque maris, cœlumque profundum.  
 Hinc pecudes , armenta, viros, genus omne ferarum,  
 Quemque sibi tenues nascentem arcessere vitas :

225 Scilicet huc reddi deinde , ac resoluta referri  
 Omnia : nec morti esse locum ; sed viva volare  
 Sideris in numerum , atque alto succedere cœlo.

Si quando sedem angustam , servataque mella  
 Thesauris relines ; prius haustus sparsus aquarum  
 230 Ore fove , fumosque manu prætende sequaces.  
 Bis gravidos cogunt foetus : duo tempora messis ,  
 Taygete simul os terris ostendit honestum  
 Pleias , & Oceani spreto pede reppulit amnes ;  
 Aut eadem sidus fugiens ubi piscis aquosi

235 Tristior hybernas cœlo descendit in undas.  
 Illis ira modum supra est , læsæque venenum  
 Morfibus inspirant , & spicula cæca relinquunt  
 Affixæ venis , animasque in vulnere ponunt.

Sin duram metues hyemem , parcesque futuro ,  
 240 Contusosque animos & res miserabere fractas ;  
 At suffire thymo , cerasque recidere inanes

Quis dubitet ? nam sæpe favos ignotus adedit  
 Stellio , lucifugis congesta cubilia blattis ,  
 Immunisque sedens aliena ad pabula fucus ,  
 Aut asper crabro imparibus se immiscuit armis , 245  
 Aut durum tineæ genus , aut invisæ Minervæ  
 In foribus laxos suspendit aranea casset.

Quò magis exhaustæ fuerint , hòc acriùs omnes  
 Incumbent generis lapsi farcire ruinas ,  
 Complebuntque foros , & floribus horrea textent. 250

Si verò ( quoniam casus apibus quoque nostros  
 Vita tulit ) tristi languebunt corpora morbo ,  
 Quod jam non dubiis poteris cognoscere signis :  
 Continuò est ægris alius color ; horrida vultum  
 Deformat macies : tum corpora luce carentum 255  
 Exportant testis , & tristitia funera ducunt.

Aut illæ pedibus connexæ ad limina pendent ;  
 Aut intus clausis cunctantur in ædibus omnes ,  
 Ignavæque fame , & contracto frigore pigræ.  
 Tum sonus auditur gravior , tractimque susurrant : 260  
 Frigidus ut quondam sylvis immurmurat Auster ,  
 Ut mare sollicitum stridet refluentibus undis ,  
 Æstuat ut clausis rapidus fornacibus ignis.

Hic jam galbaneos suadebo incendere odores ,  
 Mellaque arundineis inferre canalibus , ultro 265  
 Hortantem , & fessas ad pabula nota vocantem.  
 Proderit & tunsu gallæ admiscere saporem ,  
 Arentesque rosas , aut igni pingua multo

- Defruta , vel psythia passos de vite racemos ,  
270 Cecropiumque thymum, & grave olentia centaurea.  
Est etiam flos in pratis , cui nomen amello  
Fecere agricolæ , facilis quærentibus herba.  
Namque uno ingentem tollit de cespite sylvam :  
Aureus ipse ; sed in foliis quæ plurima circum  
275 Funduntur , violæ sublucet purpura nigræ.  
Sæpe Deum nexis ornatae torquibus aræ.  
Asper in ore sapor : tonsis in vallibus illum  
Pastores , & curva legunt prope flumina Mellæ.  
Hujus odorato radices incoque Baccho ,  
280 Pabulaque in foribus plenis appone canistris.  
Sed si quem proles subito defecerit omnis ,  
Nec , genus unde novæ stirpis revocetur , habebit ;  
Tempus & Arcadii memoranda inventa magistri  
Pandere , quoque modo cæsis jam sæpe juvenis  
285 Infincerus apes tulerit cruor : altiùs omnem  
Expediam , prima repetens ab origine , famam.  
Nam quæ Pellæi gens fortunata Canopi  
Accolit effuso stagnantem flumine Nilum ,  
Et circum pictis vehitur sua rura phaselis ;  
290 Quæque pharetratae vicinia Persidis urget ,  
Et viridem Ægyptum nigrâ fecundat arenâ ,  
Et diversa ruens septem<sup>1</sup> discurrit in ora  
Usque coloratis amnis devexus ab Indis :  
Omnis in hac certam regio jacet arte salutem.  
295 Exiguus primùm , atque ipsos contractus ad usus  
Eligitur



Eligitur locus : hunc angustique imbrice tecti ,  
 Parietibusque premunt arctis ; & quatuor addunt  
 Quatuor a ventis obliquâ luce fenestras.  
 Tum vitulus limâ curvans jam cornua fronte  
 Quæritur : huic geminæ nares , & spiritus oris 300  
 Multa reluctanti obstruitur ; plagisque perempto  
 Tunsa per integram solvuntur viscera pellem.  
 Sic positum in clauso relinquunt , & ramea costis  
 Subjiciunt fragmenta , thymum , casiasque recentes.  
 Hoc geritur , zephyris primùm impellentibus undas , 305  
 Antè novis rubeant quàm prata coloribus , antè  
 Garrula quàm tignis nidum suspendat hirundo.  
 Interea teneris tepesfactus in ossibus humor  
 Æstuat , & visenda modis animalia miris ,  
 Trunca pedum primò , mox & stridentia pennis 310  
 Miscentur , tenuemque magis , magis aëra carpunt ;  
 Donec , ut æstivis effusus nubibus imber ,  
 Erupere ; aut ut nervo pulsante sagittæ ,  
 Prima leves ineunt si quando prælia Parthi.  
 Quis Deus hanc , Musæ , quis nobis extudit artem ? 315  
 Unde nova ingressus hominum experientia cepit ?

Pastor Aristæus , fugiens Peneïa Tempe ,  
 Amissis , ut fama , apibus morboque fameque ,  
 Tristis ad extremi sacrum caput adstitit amnis ,  
 Multa querens ; atque hac affatus voce parentem : 320  
 Mater Cyrene , mater , quæ gurgitis hujus  
 Ima tenes ; quid me præclarâ stirpe Deorum

( Si modò, quem perhibes, pater est Thymbræus Apollo )  
 Invisum fatis genuisti ? aut quò tibi nostri

325 Pulsus amor ? quid me cœlum sperare jubebas ?

En etiam hunc ipsum vitæ mortalis honorem ,  
 Quem mihi vix frugum & pecudum cûstodia solers  
 Omnia tentanti extuderat , te matre , relinquo.  
 Quin age , & ipsa manu felices erue sylvas :

330 Fer stabulis inimicum ignem , atque interfice messes.  
 Ure fata , & validam in vites molire bipennem ;  
 Tanta meæ si te ceperunt tædia laudis.

At mater sonitum thalamo sub fluminis alti  
 Sensit : eam circum Milesia vellera Nymphæ

335 Carcebant , hyali saturo fucata colore :

Drymoque , Xanthoque , Ligeaque , Phyllodoceque ,  
 Cæsariem effusæ nitidam per candida colla ,  
 Nesæ , Spioque , Thaliaque , Cymodoceque ,  
 Cydippeque , & flava Lycorias ( altera virgo ,

340 Altera tum primos Lucinæ experta labores )

Clioque , & Beroë soror , Oceanitides ambæ ,  
 Ambæ auro , pictis incinctæ pellibus ambæ ;  
 Atque Ephyre , atque Opis , atque Asia Deiopeia ,  
 Et tandem positis velox Arethusa sagittis.

345 Inter quas curam Clymene narrabat inanem  
 Vulcani , Martisque dolos , & dulcia furta ;  
 Aque Chao densos Divûm numerabat amores.  
 Carmine quo captæ , dum fufis mollia pensa  
 Devolvunt , iterum maternas impulit aures

Luctus Aristæi , vitreisque sedilibus omnes 350  
 Obstupuere : sed ante alias Arethusa sorores  
 Prospiciens summâ flavum caput extulit undâ.  
 Et procul : O gemitu non frustra exterrita tantô ,  
 Cyrene foror , ipse tibi , tua maxima cura ,  
 Tristis Aristæus , Penei genitoris ad undam 355  
 Stat lacrymans , & te crudelem nomine dicit.  
 Huic perculsa novâ mentem formidine mater :  
 Duc age , duc ad nos ; fas illi limina Divûm  
 Tangere , ait. Simul alta jubet discedere latè  
 Flumina , quâ juvenis gressus inferret : at illum 360  
 Curvata in montis faciem circumstetit unda ,  
 Accepitque sinu vasto , misitque sub amnem.  
 Jamque domum mirans genitricis , & humida regna,  
 Speluncisque lacus clausos , lucosque sonantes ,  
 Ibat , & ingenti motu stupefactus aquarum , 365  
 Omnia sub magna labentia flumina terra  
 Spectabat diversa locis , Phasimque , Lycumque ;  
 Et caput , unde altus primùm se erumpit Enipeus ;  
 Unde pater Tyberinus , & undæ Aniena fluentia ,  
 Saxosumque sonans Hypanis , Mysusque Caïcus , 370  
 Et gemina auratus taurino cornua vultu  
 Eridanus , quo non âlius per pingua culta  
 In mare purpureum violentior influit amnis.  
 Postquam est in thalami pendentia pumice tecta  
 Perventum , & nati fletus cognovit inanes 375  
 Cyrene , manibus liquidos dant ordine fontes

Germanæ , tonsisque ferunt mantilia villis.

Pars epulis onerant mensas , & plena reponunt

Pocula : Panchæis adolefcunt ignibus aræ.

330 Et mater : Cape Mæonii carchesia Bacchi :

Oceano libemus , ait. Simul ipsa precatur

Oceanumque patrem rerum , Nymphasque sorores,

Centum quæ fylvas , centum quæ flumina fervant.

Ter liquido ardentem perfudit nectare Vestam :

385 Ter flamma ad summum tecti subjecta reluxit ;

Omne quo firmans animum , sic incipit ipsa :

Est in Carpathio Neptuni gurgite vates ,

Cæruleus Proteus , magnum qui piscibus æquor

Et juncto bipedum curru metitur equorum.

390 Hic nunc Emathiæ portus , patriamque revisit

Pallenen : hunc & Nymphæ veneramur , & ipse

Grandævus Nereus : novit namque omnia vates ,

Quæ sint , quæ fuerint , quæ mox ventura trahantur.

Quippe ita Neptuno visum est , immania cujus

395 Armenta , & turpes pascit sub gurgite phocas.

Hic tibi , nate , prius vinclis capiendus , ut omnem

Expediat morbi causam , eventusque secundet.

Nam sine vi non ulla dabit præcepta , neque illum

Orando flectes : vim duram & vincula capto

400 Tende : doli circum hæc demum frangentur inanes.

Ipsa ego te , mediøs cum Sol accenderit æstus ,

Cum sitiunt herbæ , & pecori jam gratior umbra est,

In secreta senis ducam , quò fessus ab undis

Se recipit ; facile ut somno aggrediare jacentem.  
 Verùm ubi correptum manibus , vinclisque tenebis , 405  
 Tum variæ illudent species , atque ora ferarum :  
 Fiet enim subito sus horridus , atraque tigris ,  
 Squamosusque draco , & fulvâ cervice læna ;  
 Aut acrem flammæ sonitum dabit , atque ita vinclis  
 Excidet ; aut in aquas tenues dilapsus abibit. 410  
 Sed quantò ille magis formas se vertet in omnes ,  
 Tantò , nate , magis contende tenacia vincla ;  
 Donec talis erit mutato corpore , qualem  
 Videris , incepto tegeter cùm lumina somno.  
 Hæc ait , & liquidum ambrosiæ diffudit odorem , 415  
 Quo totum nati corpus perduxit : at illi  
 Dulcis compositis spiravit crinibus aura ,  
 Atque habilis membris venit vigor. Est specus ingens  
 Exesi latere in montis , quò plurima vento  
 Cogitur , inque sinus scindit sese unda reductos , 420  
 Deprensis olim statio tutissima nautis.  
 Intus se vasti Proteus tegit obice saxi.  
 Hic juvenem in latebris aversum a lumine Nympha  
 Collocat : ipsa procul nebulis obscura resistit.  
 Jam rapidus torrens sitientes Sirius Indos 425  
 Ardebat coelo , & medium Sol igneus orbem  
 Hauserat : arebant herbæ , & cava flumina siccis  
 Faucibus ad limum radii tepefacta coquebant ,  
 Cùm Proteus consueta petens e fluctibus antra  
 Ibat : eum vasti circum gens humida ponti 430

Exsultans , rorem latè dispergit amarum.

Sternunt se somno diversæ in littore phocæ.

Ipse , velut stabuli custos in montibus olim ,

Vesper ubi e pastu vitulos ad tecta reducit ,

435 Auditisque lupos acuunt balatibus agni ,

Confidit scopulo medius , numerumque recenset.

Cujus Aristæo quoniam est oblata facultas ,

Vix defessa senem passus componere membra ,

Cum clamore ruit magno , manicisque jacentem

440 Occupat. Ille suæ contrà non immemor artis ,

Omnia transformat sese in miracula rerum ,

Ignemque,horribilemque feram,fluviumque liquentem.

Verùm ubi nulla fugam reperit fallacia , victus

In sese redit , atque hominis tandem ore locutus :

445 Nam quis te , juvenum confidentissime , nostras

Jussit adire domos ? quidve hinc petis, inquit ? At ille :

Scis , Proteu , scis ipse ; neque est te fallere cuiquam :

Sed tu define velle. Deùm præcepta secuti

Venimus huc lapsis quæsitum oracula rebus.

450 Tantum effatus. Ad hæc Vates vi denique multâ ,

Ardentes oculos intorsit lumine glauco ;

Et graviter frendens , sic fatis ora resolvit :

Non te nullius exercent numinis iræ ;

Magna luis commissa : tibi has miserabilis Orpheus

455 Haudquaquam ob meritum pœnas, nisi fata resistent,

Suscitat , & raptâ graviter pro conjuge sævit.

Illa quidem , dum te fugeret per flumina præceps,

Immanem ante pedes hydram moritura puella  
 Servantem ripas altâ non vidit in herba.  
 At chorus æqualis Dryadum clamore supremos 463  
 Implерunt montes : flerunt Rhodopeiæ arces ,  
 Altaque Pangæa , & Rhesi Mavortia tellus ,  
 Atque Getæ , atque Hebrus , atque Aëtias Orithyia .  
 Ipse cavâ solans ægrum testudine amorem ,  
 Te , dulcis conjux , te solo in littore secum , 465  
 Te , veniente die , te , decedente , canebat.  
 Tænarias etiam fauces , alta ostia Diris ,  
 Et caligantem nigrâ formidine lucum  
 Ingressus , Manesque adiit , Regemque tremendum ,  
 Nesciaque humanis precibus mansuescere corda. 470

At cantu commotæ Erebi de sedibus imis  
 Ubræ ibant tenues , simulacraque luce carentum ;  
 Quàm multa in sylvis avium se millia condunt ,  
 Vesper ubi , aut hybernus agit de montibus imber :  
 Matres atque viri , defunctaque corpora vitâ 475  
 Magnanimûm heroum , pueri , innuptæque puellæ ,  
 Impositique rogis juvenes ante ora parentum ;  
 Quos circum limus niger , & deformis arundo  
 Cocyti , tardâque palus inamabilis undâ  
 Alligat , & novies Styx interfusa coeracet. 480

Quin ipsæ stupuere domus , atque intima lethi  
 Tartara , cæruleosque implexæ crinibus angues  
 Eumenides. ; tenuitque inhians tria Cerberus ora,  
 Atque Ixionii vento rota constitit orbis.

- 485 Jamque pedem referens , casus evaserat omnes ,  
Redditaque Eurydice superas veniebat ad auras ,  
Ponè sequens ( namque hanc dederat Proserpina legem )  
Cum subita incautum dementia cepit amantem ,  
Ignoscenda quidem , scirent si ignoscere Manes .
- 490 Restitit , Eurydicenque suam jam luce sub ipsa ,  
Immemor , heu ! victusque animi respexit : ibi omnis  
Effusus labor , atque immitis rupta tyranni  
Foedera : terque fragor stagnis auditus Averni.  
Illa, quis & me , inquit, miseram, & te perdidit, Orpheu ?
- 495 Quis tantus furor ? en iterum crudelia retro  
Fata vocant , conditque natantia lumina somnus.  
Jamque vale : feror ingenti circumdata nocte ,  
Invalidasque tibi tendens , heu ! non tua , palmas.  
Dixit , & ex oculis subito , ceu fumus in auras
- 500 Commixtus tenues , fugit diversa : neque illum  
Prenfantem nequicquam umbras , & multa volentem  
Dicere , præterea vidit ; nec portitor Orci  
Amplius objectam passus transire paludem.  
Quid faceret ? quò se raptâ bis conjuge ferret ?
- 505 Quo fletu Manes , quâ Numina voce moveret ?  
Illa quidem Stygiâ nabat jam frigida cymbâ.  
Septem illum totos perhibent ex ordine menses  
Rupe sub æria , deserti ad Strymonis undam ,  
Flevisse , & gelidis hæc evoluisse sub antris ,
- 510 Mulcentem tigres , & agentem carmine quercus.  
Qualis populeâ moerens philomela sub umbra  
Amisissos queritur foetus , quos durus arator



Observans nido implumes detraxit : at illa  
 Flet noctem , ramoque sedens miserabile carmen  
 Integrat , & mœstis latè loca questibus implet. §15  
 Nulla Venus , nullique animum flexere hymenæi.  
 Solus Hyperboreas glacies Tanaimque nivalem ,  
 Arvaque Riphæis numquam viduata pruinis  
 Lustrabat , raptam Eurydicen , atque irrita Ditis  
 Dona querens. Spretæ Ciconum quo munere matres, §20  
 Inter sacra Deûm , nocturnique Orgia Bacchi ,  
 Discerptum latos juvenem sparsere per agros.  
 Tum quoque marmoreâ caput a cervice revulsum ,  
 Gurgite cùm medio portans Oeagrius Hebrus  
 Volveret , Eurydicen vox ipsa & frigida lingua , §25  
 Ah ! miseram Eurydicen , animâ fugiente , vocabat :  
 Eurydicen toto referebant flumine ripæ.

Hæc Proteus : & se jactu dedit æquor in altum ;  
 Quaque dedit , spumantem undam sub vertice torfit.  
 At non Cyrene ; namque ultro affata timentem , §30  
 Nate , licet tristes animo deponere curas.  
 Hæc omnis morbi causa : hinc miserabile Nymphæ ,  
 Cum quibus illa choros lucis agitabat in altis ,  
 Exitium misere apibus. Tu munera supplex  
 Tende , petens pacem , & faciles venerare Naxæas. §35  
 Namque dabunt veniam votis , irasque remittent.  
 Sed modus orandi qui sit , priùs ordine dicam.

Quatuor eximios præstanti corpore tauros ,  
 Qui tibi nunc viridis depascunt summa Lycæi ,  
 Delige , & intactâ totidem cervice juvencas. §40

# 130 GEORG. LIB. IV.

Quatuor his aras alta ad delubra Dearum  
Constitue , & sacrum jugulis demitte cruorem ,  
Corporaque ipsa boum frondoso defere luco.

Pòst , ubi nona suos aurora ostenderit ortus ,  
545 Inferias Orphei lethæa papavera mittes ;  
Placatam Eurydicen vitulâ venerabere cæsâ ;  
Et nigram mactabis ovem , lucumque revises.

Haud mora : continuò matris præcepta faceffit ;  
Ad delubra venit , monstratas excitat aras ;  
550 Quatuor eximios præstanti corpore tauros  
Ducit , & intactâ totidem cervice juvencas.  
Pòst ubi nona suos aurora induxerat ortus ,  
Inferias Orphei mittit , lucumque revisit.

Hic verò subitum , ac dictu mirabile monstrum  
555 Aspiciunt ; liquefacta boum per viscera toto  
Stridere apes utero , & ruptis effervere costis ,  
Immensasque trahi nubes ; jamque arbore summâ  
Confluere , & lentis uvam demittere ramis.

Hæc super arborum cultu pecorumque canebam ,  
560 Et super arboribus , Cæsar dum magnus ad altum  
Fulminat Euphratem bello , victorque volentes  
Per populos dat jura , viamque affectat Olympo.  
Illo VIRGILIUM me tempore dulcis alebat  
Parthenope , studiis florentem ignobilis orti ;  
565 Carmina qui lusi pastorum , audaxque juventâ ,  
Tityre , te patulæ cecini sub tegmine fagi.

FINIS GEORGICON.





C. V. de la Roche del.

A. Dupont sculp.



# ARGUMENTUM

## IN ÆNEIDA.

---

### LIBER PRIMUS.

**P**ROPOSITIONE & invocatione præmissis, narratio incipit a septimo Æneæ expeditionis anno : quò tempore , Trojanis e Sicilia in Italiam solventibus , Juno tempestatem excitat , conciliato sibi Æolo. Sedat tempestatem Neptunus. Naves Æneæ septem in portum Africæ se recipiunt , reliquis aliò disjectis. Venus apud Jovem de filii calamitate queritur. Solatur eam Jupiter , expositâ Æneæ ejusque posteritatis futurâ felicitate. Mittitur Mercurius, qui Carthaginensium animos Trojanis placabiles reddat. Venus habitu venatricis occurrit Æneæ regionem cum Achate exploranti : indicatâque Didonis ac regionis conditione , utrumque

*nebulâ septum Carthaginem dimittit. Illie  
Æneas , templum ingressus , primùm in  
belli Trojani picturas incidit ; deinde in  
Didonem , & in socios , quos fluctibus  
oppressos putaverat , Didoni supplicantes.  
Dat se in conspectum Æneas : a Regina  
benignè excipitur : accersitur per Achatem  
Ascanius : cujus in locum dolo Veneris  
Cupido substituitur , ut Æneæ amorem  
Didoni inspiret. Abeunt omnes in aulam  
ad convivium.*





PUBLII VIRGILII  
*ÆNEIDOS*  
*LIBER PRIMUS.*

---

**I**LLE ego, qui quondam gracili modulatus avenâ  
Carmen; & egressus fylvis, vicina cœgî  
Ut quamvis avido parerent arva colono,  
Gratum opus agricolis; at nunc horrentia Martis

ARMA, virumque cano, Trojæ qui primus ab oris  
Italiam, fato profugus, Lavinaque venit  
Littora: multùm ille & terris jactatus & alto,  
Vi Superùm, sævæ memorem Junonis ob iram.  
Multa quoque & bello passus, dum conderet urbem, &  
Inferretque Deos Latio: genus unde Latinum,  
Albanique patres, atque altæ moenia Romæ.

Musa , mihi causas memora : quo numine læso ,  
Quidve dolens Regina Deum , tot volvere casus

- 10 Insignem pietate virum , tot adire labores ,  
Impulerit. Tantane animis coelestibus iræ !

Urbs antiqua fuit ( Tyrii tenuere coloni )

Carthago , Italiam contra , Tyberinaque longè  
Ostia , dives opum , studiisque asperrima belli :

- 15 Quam Juno fertur terris magis omnibus unam  
Posthabita coluisse Samo. Hic illius arma ,  
Hic currus fuit : hoc regnum Dea gentibus esse ,  
Si quæ fata sinant , jam tum tenditque fovetque.  
Progeniem sed enim Trojano a sanguine duci

- 20 Audierat , Tyrias olim quæ verteret arces ;  
Hinc populum latè regem belloque superbum ,  
Venturum excidio Libyæ : sic volvere Parcas.

Id metuens , veterisque memor Saturnia belli ,  
Prima quod ad Trojam pro caris gesserat Argis :

- 25 Necdum etiam causæ irarum , sævique dolores  
Exciderant animo. Manet altâ mente repostum  
Judicium Paridis , spretæque injuria formæ ,  
Et genus invisum , & rapti Ganymedis honores.  
His accensa super , jactatos æquore toto

- 30 Troas , reliquias Danaum atque immitis Achillei ,  
Arcebat longè Latio ; multosque per annos  
Errabant acti fati maria omnia circum.

Tantæ molis erat Romanam condere gentem !

Vix e conspectu Siculæ telluris in altum



Vela dabant læti, & spumas falis ære ruebant, 35  
 Cùm Juno æternum servans sub pectore vulnus,  
 Hæc secum : Mene incepto desistere victam !  
 Nec posse Italiâ Teucrorum avertere regem !  
 Quippe vetor fatis. Pallasne exurere classem  
 Argivûm, atque ipsos potuit submergere ponto, 40  
 Unius ob noxam & furias Ajacis Oïlei ?  
 Ipsa Jovis rapidum jaculata e nubibus ignem,  
 Disjecitque rates, evertitque æquora ventis ;  
 Illum exspirantem transfixo pectore flammâs  
 Turbine corripuit, scopuloque infixit acuto. 45  
 Ast ego, quæ Divûm incedo Regina, Jovisque  
 Et soror & conjux, una cum gente tot annos  
 Bella gero : & quisquam numen Junonis adoret  
 Præterea, aut supplex aris imponat honorem !  
 Talia flammato secum Dea corde volutans, 50  
 Nimborum in patriam, loca foeta furentibus austris,  
 Æoliam venit. Hic vasto rex Æolus antro  
 Luctantes ventos, tempestatesque sonoras  
 Imperio premit, ac vinclis & carcere frænât.  
 Illi indignantes magno cum murmure montis 55  
 Circum claustra fremunt. Celsâ sedet Æolus arce,  
 Sceptra tenens ; mollitque animos, & temperat iras.  
 Nî faciat, maria ac terras cœlumque profundum  
 Quippe ferant rapidi secum, verrantque per auras.  
 Sed Pater omnipotens speluncis abdedit atris, 60  
 Hoc metuens : molemque & montes insuper altos

Imposuit ; regemque dedit , qui foedere certō  
 Et premere , & laxas sciret dare iussus habenas.  
 Ad quem tum Juno supplex his vocibus usa est.

- 65 Æole ( namque tibi Divūm pater atque hominum rex  
 Et mulcere dedit fluctus , & tollere vento )

Gens inimica mihi Tyrrhenum navigat æquor ,  
 Ilium in Italiam portans , victosque Penates.

Incute vim ventis , submersasque obrue puppes ;

- 70 Aut age diversas , & disjice corpora ponto.

Sunt mihi his septem præstanti corpore Nymphæ :

Quarum , quæ formâ pulcherrima , Deiopeiam

Connubio jungam stabili , propriamque dicabo ;

Omnes ut tecum meritis pro talibus annos

- 75 Exigat , & pulchrâ faciat te prole parentem.

Æolus hæc contrâ ; Tuus , ô Regina , quid optes  
 Explorare labor ; mihi iussu capeffere fas est.

Tu mihi quodcumque hoc regni , tu sceptrâ , Jovemque  
 Concilias : tu das epulis accumbere Divūm ,

- 80 Nimborumque facis tempestatumque potentem.

Hæc ubi dicta , cavum conversâ cuspide montem

Impulit in latus , ac venti , velut agmine facto ,

Quâ data porta , ruunt , & terras turbine perflant.

Incubuerunt mari , torumque a sedibus imis

- 85 Unâ Eurūque Notūque ruunt , creberque procellis

Africus ; & vastos volvunt ad littora fluctus.

Insequitur clamorque virūm , stridorque rudentum ;

Eripiunt subito nubes cœlumque diemque

Teucrorum ex oculis : ponto nox incubat atra.  
 Intonuere poli , & crebris micat ignibus æther , 90  
 Præsentemque viris intentant omnia mortem.

Extemplo Æneæ solvuntur frigore membra :  
 Ingemit , & duplices tendens ad sidera palmas ,  
 Talia voce refert : O terque quaterque beati ,  
 Queis ante ora patrum , Trojæ sub moenibus altis 95  
 Contigit oppetere ! ô Danaum fortissime gentis  
 Tydide , mene Iliacis occumbere campis  
 Non potuisse , tuâque animam hanc effundere dextrâ ,  
 Sævus ubi Æacidæ telo jacet Hector , ubi ingens  
 Sarpedon ; ubi tot Simois correpta sub undis 100  
 Scuta virum , galeasque , & fortia corpora volvit !

Talia jactanti stridens Aquilone procella  
 Velum adversa ferit , fluctusque ad sidera tollit.  
 Franguntur remi ; tum prora avertit , & undis  
 Dat latus : insequitur cumulo præruptus aquæ mons. 105  
 Hi summo in fluctu pendent , his unda dehiscens  
 Terram inter fluctus aperit ; furit æstus arenis.  
 Tres Notus abreptas in faxa latentia torquet :  
 Saxa vocant Itali mediis quæ in fluctibus , Aras ,  
 Dorsum immane mari summo. Tres Eurus ab alto 110  
 In brevia & Syrtes urget , miserabile visu ;  
 Illiditque vadis , atque aggere cingit arenæ.  
 Unam , quæ Lycios fidumque vehebat Orontem ,  
 Ipsius ante oculos ingens a vertice pontus  
 In puppim ferit : excutitur , pronusque magister 115

Volvitur in caput : ast illam ter fluctus ibidem  
Torquet agens circum ; & rapidus vorat æquore vortex.

Apparent rari nantes in gurgite vasto ,  
Arma virum , tabulæque , & Troia gaza per undas.

120 Jam validam Ilionci navem , jam fortis Achatae ,  
Et quâ vectus Abas , & quâ grandævus Alethes ,  
Vicit hyems : laxis laterum compagibus , omnes  
Accipiunt inimicum imbrem , rimisque fatiscunt.  
Interea magno misceri murmure pontum ,

125 Emissamque hyemem sensit Neptunus , & imis  
Stagna refusa vadis : graviter commotus , & alto  
Prospiciens , summâ placidum caput extulit undâ.  
Disiectam Æneæ toto videt æquore classem ,  
Fluctibus oppressos Troas , coelique ruinâ.

130 Nec latuere doli fratrem Junonis , & iræ.  
Eurum ad se Zephyrumque vocat , dehinc talia fatur.

Tantane vos generis tenuit fiducia vestri ?

Jam coelum terramque , meo sine numine , venti ,  
Miscere , & tantas audetis tollere moles ?

135 Quos ego... Sed motos præstat componere fluctus.  
Post mihi non simili poenâ commissâ luetis.

Maturate fugam , regique hæc dicite vestro :  
Non illi imperium pelagi sævumque tridentem ,  
Sed mihi forte datum : tenet ille immania saxa ,

140 Vestras , Eure , domos : illa se jactet in aula  
Æolus , & clauso ventorum carcere regnet.  
Sic ait ; & dicto citius tumida æquora placat ,

Collectasque fugat nubes , solemque reducit.  
 Cymothoë simul , & Triton adnixus , acuto  
 Detrudunt naves scopulo : levat ipse tridenti , 145  
 Et vastas aperit Syrtes , & temperat æquor ,  
 Atque rotis summas levibus perlabitur undas.

Ac veluti magno in populo cum sæpe coorta est  
 Seditio , sævitque animis ignobile vulgus ;  
 Jamque faces & faxes volant , furor arma ministrat : 150  
 Tum , pietate gravem ac meritis si fortè virum quem  
 Conspexere , silent , erectisque auribus adstant ;  
 Ille regit dictis animos , & pectora mulcet.  
 Sic cunctus pelagi cecidit fragor : æquora postquam  
 Prospiciens genitor , cœloque innectus aperto , 155  
 Fleat equos , curruque volans dat lora secundo.

Defessi Æneadæ , quæ proxima littora , cursu  
 Contendunt petere , & Libyæ vertuntur ad oras,  
 Est in secessu longo locus : insula portum  
 Efficit objectu laterum , quibus omnis ab alto 160  
 Frangitur , inque sinus scindit sese unda reductos.  
 Hinc atque hinc vastæ rupes , geminique minantur  
 In cœlum scopuli , quorum sub vertice latè  
 Æquora tuta silent : tum sylvis scena coruscis  
 Desuper, horrentique atrum nœmus imminet umbra. 165  
 Fronte sub adversa scopulis pendentibus antrum :  
 Intus aquæ dulces , vivoque sedilia saxo ,  
 Nympharum domus : hic fessas non vincula naves  
 Ulla tenent , unco non alligat anchora morsu,

- 170 Huc septem Æneas collectis navibus omni  
Ex numero subit ; ac magno telluris amore  
Egressi optatâ potiuntur Troës arenâ ,  
Et sale tabentes artus in littore ponunt.  
Ac primùm filici scintillam excudit Achates ,
- 175 Suscepitque ignem foliis , atque arida circum  
Nutrimenta dedit , rapuitque in fomite flammam.  
Tum Cererem corruptam undis , Cerealiaque arma  
Expediunt fessi rerum ; frugesque receptas  
Et torrere parant flammis , & frangere saxo.
- 180 Æneas scopulum interea conscendit , & omnem  
Prospæctum latè pelago petit ; Anthea si quâ  
Jactatum vento videat , Phrygiâsque biremes ,  
Aut Capyn , aut celsis in puppibus arma Caici.  
Navem in conspectu nullam , tres littore cervos
- 185 Prospicit errantes : hos tota armenta sequuntur  
A tergo , & longum per valles pascitur agmen.  
Constitit hic , arcumque manu celeresque sagittas  
Corripuit fidus quæ tela gerebat Achates :  
Ductoresque ipsos primùm , capita alta ferentes
- 190 Cornibus arboreis , sternit : tum vulgus , & omnem  
Miscet agens telis nemora inter frondea turbam.  
Nec priùs absistit quàm septem ingentia victor  
Corpora fundat humi , & numerum cum navibus æquet.  
Hinc portum petit , & socios partitur in omnes.
- 195 Vina bonus quæ deinde cadis onerârat Acestes  
Littore Trinacrio , dederatque abeuntibus heros ,

Dividit , & dictis mœrentia pectora mulcet :  
 O focii ( neque enim ignari fumus antè malorum )  
 O passi graviores : dabit Deus his quoque finem.  
 Vos & Scyllæam rabiem , penitusque sonantes 200  
 Accēstis scopulos ; vos & Cyclopaefa saxa  
 Experti : revocate animos , mœstumque timorem  
 Mittite ; forsan & hæc olim meminisse juvabit.  
 Per varios casus , per tot discrimina rerum ,  
 Tendimus in Latium , sedes ubi fata quietas 205  
 Ostendunt : illic fas regna resurgere Trojæ.  
 Durate , & vosmet rebus servate secundis.  
 Talia voce refert : curisque ingentibus æger  
 Spem vultu simulat , premit altum corde dolorem.  
 Illi se prædæ accingunt dapibusque futuris ; 210  
 Tergora diripiunt costis , & viscera nudant.  
 Pars in frustra secant , verubusque trementia figunt.  
 Littore ahena locant alii , flammæque ministrant.  
 Tum victu revocant vires ; fusique per herbam  
 Implentur veteris Bacchi , pinguisque ferinæ. 215  
 Postquam exempta fames epulis , mensæque remotæ,  
 Amissos longo socios sermone requirunt :  
 Spemque metumque inter dubii , seu vivere credant,  
 Sive extrema pati , nec jam exaudire vocatos.  
 Præcipuè pius Æneas , nunc acris Orontei , 220  
 Nunc Amyci casum gemit , & crudelia secum  
 Fata Lyci , fortemque Gyan , fortemque Cloanthum.  
 Et jam finis erat , cùm Jupiter æthere summo

- Despiciens mare velivolum , terrasque jacentes ,  
225 Littoraque , & latos populos ; sic vertice coeli  
Constitit , & Libyæ defixit lumina regnis.  
Atque illum tales jactantem pectore curas ,  
Tristior , & lacrymis oculos suffusa nitentes ,  
Alloquitur Venus : O , qui res hominumque Deûmque  
230 Æternis regis imperiis , & fulmine terres ;  
Quid meus Æneas in te committere tantum ,  
Quid Troës potuere ? quibus tot funera passis  
Cunctus ob Italiam terrarum clauditur orbis ?  
Certè hinc Romanos olim volventibus annis  
235 Hinc fore ductores , revocato a sanguine Teucri ,  
Qui mare , qui terras omni ditione tenerent ,  
Pollicitus : quæ te , genitor , sententia vertit ?  
Hoc equidem occasum Trojæ tristesque ruinas  
Solabar , fatis contraria fata rependens.  
240 Nunc eadem fortuna viros tot casibus actos  
Insequitur : quem das finem , Rex magne , laborum ?  
Antenor potuit , mediis elapsus Achivis ,  
Illyricos penetrare sinus , atque intima tutus  
Regna Liburnorum & fontem superare Timavi ,  
245 Unde per ora novem vasto cum murmure montis  
It mare proruptum , & pelago premit arva sonanti.  
Hic tamen ille urbem Patavi sedesque locavit  
Teucrorum , & genti nomen dedit , armaque fixit  
Troia : nunc placidâ compositus pace quiescit.  
250 Nos , tua progenies , coeli quibus annuis arcem ,



Navibus ( infandum ) amissis , unius ob iram  
 Prodimur , atque Italis longè disjungimur oris.  
 Hic pietatis honos ? Sic nos in sceptrâ reponis ?

Olli subridens hominum fâtor atque Deorum ,  
 Vultu quo cœlum tempestatesque serenat , 255  
 Oscula libavit natæ , dehinc talia fatur :

Parce metu , Cytherea : manent immota tuorum  
 Fata tibi : cernes urbem & promissa Lavini  
 Moenia , sublimemque feres ad sidera cœli  
 Magnanimum Æneam , neque me sententia vertit. 260

Hic tibi ( fabor enim , quando hæc te cura remordet ,  
 Longiùs & volvens fâtorum arcana movebo )  
 Bellum ingens geret Italiâ , populosque feroces.  
 Contundet , moresque viris & moenia ponet ,  
 Tertia dum Latio regnantem viderit æstas , 265  
 Ternaque transferint Rutulis hyberna subactis.

At puer Ascanius , cui nunc cognomen Iulo  
 Additur ( Ilus erat , dum res stetit Ilia regno )  
 Triginta magnos volvendis mensibus orbes  
 Imperio explebit , regnumque ab sede Lavini 270  
 Transferet , & longam multâ vi muniet Albam.

Hic jam ter centum totos regnabitur annos  
 Gente sub Hectorea ; donec regina sacerdos ,  
 Marte gravis , geminam partu dabit Ilia prolem.  
 Inde lupæ fulvo nutricis tegmine lætus 275  
 Romulus excipiet gentem , & Mavortia condet  
 Moenia , Romanosque suo de nomine dicet.

- His ego nec metas rerum , nec tempora pono :  
 Imperium fine fine dedi. Quin aspera Juno ,  
 280 Quæ mare nunc , terrasque metu , cœlumque fatigat ,  
 Consilia in melius referet ; mecumque fovebit  
 Romanos rerum dominos , gentemque togatam.  
 Sic placitum. Veniet lustris labentibus ætas ,  
 Cùm domus Assaraci Phthiam clarasque Mycenæ  
 285 Servitio premet , ac victis dominabitur Argis.  
 Nascetur pulchrâ Trojanus origine Cæsar ,  
 Imperium Oceano , famam qui terminet astris ,  
 Julius , a magno demissum nomen Iulo.  
 Hunc tu olim cœlo , spoliis Orientis onustum ,  
 290 Accipies secura ; vocabitur hic quoque votis.  
 Aspera tum positis mitescent secula bellis.  
 Cana Fides , & Vesta , Remo cum fratre Quirinus ,  
 Jura dabunt : diræ ferro & compagibus arctis  
 Claudentur belli portæ : Furor impius intus  
 295 Sæva sedens super arma , & centum vinctus ahenis  
 Post tergum nodis , fremet horridus ore cruento.  
 Hæc ait , & Maiâ genitum demittit ab alto ,  
 Ut terræ , utque novæ pateant Carthaginis arces  
 Hospitio Teucris ; ne fati nescia Dido  
 300 Finibus arceret. Volat ille per aëra magnum  
 Remigio alarum , ac Libyæ citus adstitit oris.  
 Et jam jussa facit , ponuntque ferocia Pœni  
 Corda , volente Deo : in primis Regina quietum  
 Accipit in Teucros animum mentemque benignam.

At

At pius Æneas per noctem plurima volvens , 305  
 Ut primùm lux alma data est , exire , locosque  
 Explorare novos ; quas vento accesserit oras ;  
 Qui teneant ( nam inculta videt ) hominesne feræne ,  
 Quærere constituit , sociisque exacta referre.  
 Classẽ in convexo nemorum sub rupe cavata , 310  
 Arboribus clausam circùm atque horrentibus umbris  
 Occulit : ipse uno graditur comitatus Achate ,  
 Bina manu lato crispans hastilia ferro ,  
 Cui mäter mediâ sese tulit obvia sylvâ ,  
 Virginis os habitumque gerens , & virginis arma 315  
 Spartanæ : vel qualis equos Threïssa fatigat  
 Harpalice , volucremque fugâ prævertitur Eurum.  
 Namque humeris de more habilem suspenderat arcum  
 Venatrix , dederatque comam diffundere ventis ,  
 Nuda genu , nodoque sinus collecta fluentes. 320  
 Ac prior : Heus , inquit , juvenes , monstrate , mearum  
 Vidistis si quam hic errantem fortè sororum ,  
 Succinctam pharetrâ & maculosæ tegmine lyncis ,  
 Aut spumantis apri cursum clamore prementem.  
 Sic Venus. At Veneris contrâ sic filius orfus : 325  
 Nulla tuarum audita mihi , neque visa sororum ,  
 O , quam te memorem , Virgo ! namque haud tibi vultus  
 Mortalis , nec vox hominem sonat. O Dea , certè.  
 An Phœbi soror , an Nympharum sanguinis una ?  
 Sis felix , nostrumque leves quæcumque laborem ; 330  
 Et quo sub coelo tandem , quibus orbis in oris

Jactemur , doceas : ignari hominumque locorumque  
Erramus , vento huc & vastis fluctibus acti.

Multa tibi ante aras nostrâ cadet hostia dextrâ.

335 Tunc Venus : Haud equidem tali me dignor honore.

Virginibus Tyriis mos est gestare pharetram ,

Purpureoque altè furas vincere cothurno.

Punica regna vides , Tyrios , & Agenoris urbem :

Sed fines Libyci , genus intractabile bello.

340 Imperium Dido Tyriâ regit urbe profecta ,

Germanum fugiens : longa est injuria , longæ

Ambages ; sed summa sequar fastigia rerum.

Huic conjux Sichæus erat , ditissimus agri

Phoenicum , & magno miseræ dilectus amore ,

345 Cui pater intactam dederat , primisque jugârat

Ominibus ; sed regna Tyri germanus habebat

Pygmalion , scelere ante alios immanior omnes ;

Quos inter medius venit furor : ille Sichæum

Impius ante aras , atque auri cæcus amore ,

350 Clam ferro incautum superat , securus amorum

Germanæ : factumque diu celavit ; & ægram ,

• Multa malus simulans , vanâ spe lusit amantem.

Ipsa sed in somnis inhumati venit imago

Conjugis , ora modis attollens pallida miris :

355 Crudeles aras , trajectaque pectora ferro

Nudavit , cæcumque domûs scelus omne retexit.

Tum celerare fugam , patriâque excedere suadet ;

Auxiliumque viæ veteres tellure recludit

Thefauros , ignotum argenti pondus & auri.  
 His commota fugam Dido sociosque parabat: 360  
 Conveniunt , quibus aut odium crudele tyranni ,  
 Aut metus acer erat : naves , quæ fortè paratæ ,  
 Corripiunt , onerantque auro : portantur avari  
 Pygmalionis opes pelago : dux femina facti.  
 Devenere locos , ubi nunc ingentia cernes 365  
 Mœnia , surgentemque novæ Carthaginis arcem ;  
 Mercatique solum , facti de nomine Byrsam ,  
 Taurino quantum possent circumdare tergo.  
 Sed vos qui tandem ? quibus aut venistis ab oris ?  
 Quôve tenetis iter ? Quærenti talibus ille 370  
 Suspirans , imoque trahens a pectore vocem :  
 O Dea , si primâ repetens ab origine pergam ,  
 Et vacet annales nostrorum audire laborum ,  
 Antè diem clauso componet Vesper Olympo.  
 Nos Trojâ antiquâ ( si vestras fortè per aures 375  
 Trojæ nomen iit ) diversa per æquora vectos  
 Fortè suâ Libycis tempestas appulit oris.  
 Sum pius Æneas , raptos qui ex hoste Penates  
 Classe veho mecum , famâ super æthera notus.  
 Italiam quæro patriam , & genus ab Jove summo , 380  
 Bis denis Phrygium conscendi navibus æquor ,  
 Matre Deâ monstrante viam , data fata secutus :  
 Vix septem convulsæ undis Euroque supersunt.  
 Ipse ignotus , egens , Lybiæ deserta peragro ,  
 Europâ atque Asiâ pulsus , Nec plura querentem 385

Passa Venus, medio sic interfata dolore est :

Quisquis es, haud, credo, invisus coelestibus auras  
Vitales carpis, Tyriam qui adveneris urbem.

Perge modò, atque hinc te Reginae ad limina perfer.

390 Namque tibi reduces focios classemque relatam

Nuntio, & in tutum versis Aquilonibus actam ;

Ni frustra augurium vani docuere parentes.

Aspice bis senos lætantes agmine cyncnos,

Æthereâ quos lapsa plagâ Jovis ales aperto

395 Turbabat cœlo : nunc terras ordine longo

Aut capere, aut captas jam despectare videntur.

Ut reduces illi ludunt stridentibus alis,

Et coetu cinxere polum, cantusque dedêre ;

Haud aliter puppesque tuæ, pubesque tuorum,

400 Aut portum tenet, aut pleno subit ostia velo.\*

Perge modò, & quâ te ducit via dirige gressum.

Dixit ; & avertens roseâ cervice refulsit,

Ambrosiæque comæ divinum vertice odorem

Spiravere : pedes vestis defluxit ad imos,

405 Et vera incessu paruit Dea. Ille ubi matrem

Agnovit, tali fugientem est voce secutus :

Quid natum toties, crudelis, tu quoque falsis

Ludis imaginibus ? cur dextræ jungere dextram

Non datur, ac veras audire & reddere voces ?

410 Talibus incusat, gressumque ad mœnia tendit.

At Venus obscuro gradientes aëre sepsit,

Et multo nebulae circum Dea fudit amictu ;

Cernere ne quis eos , neu quis contingere posset ,  
 Molirive moram , aut veniendi poscere causas.  
 Ipsa Paphum sublimis abit , sedesque revisit      415  
 Læta suas , ubi templum illi , centumque Sabæo  
 Thure calent aræ , fertisque recentibus halant.

Corripuere viam interea , quæ semita monstrat.  
 Jamque ascendebant collem , qui plurimus urbi  
 Imminet , adversasque aspectat desuper arces.      420  
 Miratur molem Æneas , magalia quondam :  
 Miratur portas , strepitumque , & strata viarum.  
 Instant ardentes Tyrii : pars ducere muros ,  
 Molirique arcem , & manibus subvolvere faxa :  
 Pars optare locum testæ , & concludere fulco.      425  
 Jura magistratusque legunt , sanctumque senatum.  
 Hic portus alii effodiunt : hic alta theatris  
 Fundamenta locant alii , immanesque columnas  
 Rupibus excidunt , scenis decora alta futuris.  
 Qualis apes æstate novâ per florea rura      430  
 Exercet sub sole labor , cum gentis adultos  
 Educunt foetus , aut cum liquentia mella  
 Stipant , & dulci distendunt nectare cellas ,  
 Aut onera accipiunt venientum , aut agmine facto  
 Ignavum fucos pecus a præsepibus arcent :      435  
 Fervet opus , redolentque thymo fragrantia mella.

O fortunati , quorum jam moenia surgunt ,  
 Æneas ait , & fastigia suspicit urbis.  
 Infert se septus nebulâ ( mirabile dictu )

- 440 Per medios, miscetque viris; neque cernitur ulli.  
Lucus in urbe fuit media, lætissimus umbrâ;  
Quo primùm jactati undis & turbine Poeni  
Effodere loco signum, quod regia Juno  
Monstrârat, caput acris equi: sic nam fore bello  
445 Egregiam, & facilem victu per secula gentem.  
Hic templum Junoni ingens Sidonia Dido  
Condebat, donis opulentum & numine Divæ:  
Ærea cui gradibus surgebant limina, nexæque  
Ære trabes, foribus cardo stridebat ahenis.  
450 Hoc primùm in luco nova res oblata timorem  
Leniit: hic primùm Æneas sperare salutem  
Ausus, & afflictis meliùs confidere rebus.  
Namque sub ingenti lustrat dum singula templo,  
Reginam opperiens; dum, quæ fortuna sit urbi,  
455 Artificumque manus inter se, operumque laborem  
Miratur; videt Iliacas ex ordine pugnas,  
Bellaque jam famâ totum vulgata per orbem;  
Atriden, Priamumque, & sævum ambobus Achillem.  
Constitit, & lacrymans: Quis jam locus, inquit, Achate,  
460 Quæ regio in terris nostri non plena laboris?  
En Priamus: sunt hic etiam sua præmia laudi:  
Sunt lacrymæ rerum, & mentem mortalia tangunt.  
Solve metus: feret hæc aliquam tibi fama salutem.  
Sic ait, atque animum picturâ pascit inani,  
465 Multa gemens, largoque humectat flumine vultum.  
Namque videbat uti bellantes Pergama circum



Hàc fugerent Graii , premeret Trojana juvenus ;  
 Hàc Phryges , instaret curru cristatus Achilles.  
 Nec procul hinc Rhesi niveis tentoria velis  
 Agnoscit lacrymans , primo quæ prodita somno 470  
 Tydides multà vastabat cæde cruentus :  
 Ardentesque avertit equos in castra , priusquam  
 Pabula gustassent Trojæ , Xanthumque bibissent.  
 Parte aliâ fugiens amissis Troilus armis ,  
 Infelix puer , atque impar congressus Achilli , 475  
 Fertur equis , curruque hæret resupinus inani ,  
 Lora tenens tamen : huic cervixque comæque trahuntur  
 Per terram , & versâ pulvis inscribitur hastâ.  
 Interea ad templum non æquæ Palladis ibant  
 Crinibus Iliades passis , peplumque ferebant 480  
 Suppliciter tristes , & tunsæ pectora palmis ;  
 Diva solo fixos oculos averâ tenebat.  
 Ter circum Iliacos raptaverat Hæctora muros ,  
 Exanimumque auro corpus vendebat Achilles.  
 Tum verò ingentem gemitum dat pectore ab imo, 485  
 Ut spolia , ut currus ; utque ipsum corpus amici ,  
 Tendentemque manus Priamum conspexit inermes.  
 Se quoque principibus permixtum agnovit Achivis ,  
 Eoasque acies , & nigri Memnõnis arma.  
 Ducit Amazonidum lunatis agmina peltis 490  
 Penthesilea furens , mediisque in millibus ardet ,  
 Aurea subnectens exfertæ cingula mammæ  
 Bellatrix , audetque viris concurrere virgò.

Hæc dum Dardanio Æneæ miranda videntur ,

495 Dum stupet ; obtutuque hæret defixus in uno ;

Regina ad templum formâ pulcherrima Dido

Incessit , magnâ juvenum stipante catervâ.

Qualis in Eurotæ ripis , aut per juga Cynthi

Exercet Diana choros , quam mille secutæ

500 Hinc atque hinc glomerantur Oreades : illa pharetram

Fert humero , gradiensque Deas supereminet omnes :

Latonæ tacitum pertentant gaudia pectus.

Talis erat Dido , talem se læta ferebat

Per medios , instans operi regnisque futuris.

505 Tum foribus Divæ , mediâ testudine templi ,

Septa armis folioque altè subnixa , refedit.

Jura dabat legesque viris , operumque laborem

Partibus æquabat justis , aut sorte trahebat ;

• Cùm subito Æneas concursu accedere magno

510 Anthea Sergestumque videt , fortemque Cloanthum ,

Teucrorumque alios , ater quos æquore turbo

Dispulerat , penitusque alias advexerat oras.

Obstupuit simul ipse , simul perculsus Achates

Lætitiâque metuque , avidi conjungere dextras

515 Ardebant ; sed res animos incognita turbat.

Diffimulant , & nube cavâ speculantur amicti

Quæ fortuna viris , classem quo littore linquant ,

Quid veniant : cunctis nam lecti navibus ibant

Orantes veniam , & templum clamore petebant.

520 Postquam introgressi , & coram data copia sancti ,

Maximus Ilioneus placido sic pectore cœpit :  
 O Regina , novam cui condere Jupiter urbem ,  
 Justitiâque dedit gentes frænare superbas ,  
 Troës te miseri , ventis maria omnia veçti ,  
 Oramus : prohibe infandos a navibus ignes , 525  
 Parce pio generi , & propiùs res aspice nostras.  
 Non nos aut ferro Libycos populare Penates  
 Venimus , aut raptas ad littora vertere prædas.  
 Non ea vis animo , nec tanta superbia victis.  
 Est locus , Hesperiam Graii cognomine dicunt , 530  
 Terra antiqua , potens armis atque ubere glebæ :  
 Ænotrii coluere viri ; nunc fama , minores  
 Italiam dixisse ducis de nomine gentem.  
 Huc cursus fuit :  
 Cùm subito affurgens fluctu nimbofus Orion 535  
 In vada cæca tulit , penitusque procacibus Austris  
 Perque undas , superante falo , perque invia saxa  
 Dispulit : huc pauci vestris adnavimus oris.  
 Quod genus hoc hominum ? quæve hunc tam barbara morem  
 Permittit patria ? hospitio prohibemur arenæ : 540  
 Bella cient , primâque vetant consistere terrâ.  
 Si genus humanum & mortalia temnitis arma ;  
 At sperate Deos memores fandi atque nefandi.  
 Rex erat Æneas nobis , quo justior alter  
 Nec pietate fuit , nec bello major & armis , 545  
 Quem si fata virum servant , si vescitur aurâ  
 Æthereâ , neque adhuc crudelibus occubat umbris , .

Non metus ; officio nec te certasse priorem

Pœniteat. Sunt & Siculis regionibus urbes ,

550 Armaque , Trojanoque a sanguine clarus Acestes.

Quassatam ventis liceat subducere classem ,

Et sylvis aptare trabes , & stringere remos ;

Si datur Italiam , fociis & rege recepto ,

Tendere , ut Italiam læti Latiumque petamus.

555 Sin absumpta salus , & te , pater optime Teucrûm ,

Pontus habet Lybiæ , nec spes jam restat Iûli ,

At freta Sicaniaë saltem sedesque paratas ,

Unde huc adveçti , regemque petamus Acesten.

Talibus Ilioneus : cuncti simul ore fremebant

560 Dardanidæ.

Tum breviter Dido , vultum demissa profatur :

Solvite corde metum , Teucri , secludite curas.

Res dura , & regni novitas me talia cogunt

Moliri , & latè fines custode tueri.

565 Quis genûs Æneadûm , quis Trojæ nesciat urbem ,

Virtutesque , virosque , & tanti incendia belli ?

Non obrusa adeo gestamus pectora Pœni ;

Nec tam aversus equos Tyria Sol jungit ab urbe.

Seu vos Hesperiam magnam , Saturniaque arva ,

570 Sive Erycis fines , regemque optatis Acesten ;

Auxilio tutos dimittam , opibusque juvabo.

Vultis & his mecum pariter confidere regnis ?

Urbem quam statuo , vestra est : subducite naves :

Tros Tyriusque mihi nullo discrimine agetur.

Atque utinam rex ipse Noto compulsus eodem 575  
 Afforet Æneas ! Equidem per littora certos  
 Dimittam , & Lybiæ lustrare extrema jubebo ,  
 Si quibus ejectus sylvis aut urbibus errat.

His animum arrecti dictis , & fortis Achates ,  
 Et pater Æneas , jamdudum erumpere nubem 580  
 Ardebant. Prior Æneam compellat Achates :  
 Nate Deà , quæ nunc animo sententia surgit ?  
 Omnia tuta vides , classem , sociosquæ receptos.  
 Unus abest , medio in fluctu quem vidimus ipsi  
 Submersum : dictis respondent cetera matris. 585

Vix ea fatus erat , cùm circumfusa repente  
 Scindit se nubes , & in æthera purgat apertum.  
 Restitit Æneas , claraque in luce refulsit ,  
 Os , humerosque Deo similis : namque ipsa decoram  
 Cæsariem nato genitrix , lumenque juventæ 590  
 Purpureum , & lætos oculis afflarat honores.  
 Quale manus addunt ebori decus , aut ubi flavo  
 Argentum , pariusve lapis circumdatur auro.  
 Tum sic Reginam alloquitur , cunctisque repente  
 Improvisus ait : Coram , quem quæritis , adsum 595  
 Troïus Æneas , Libycis ereptus ab undis.  
 O sola infandos Trojæ miserata labores !  
 Quæ nos , reliquias Danaùm , terræque marisque  
 Omnibus exhaustos jam casibus , omnium egenos ,  
 Urbe , domo socias. Grates persolvere dignas 600  
 Non opis est nostræ , Dido ; nec quicquid ubique est

Gentis Dardaniæ , magnum quæ sparsa per orbem.

Dii tibi ( si qua pios respectant Numina , si quid .

Usquam justitiæ est ) & mens sibi conscia recti,

605 Præmia digna ferant. Quæ te tam læta tulerunt .

Secula ? qui tanti talem genuere parentes ?

In freta dum fluvii current , dum montibus umbræ

Lustrabunt convexa , polus dum sidera pascet :

Semper honos, nomenque tuum, laudesque manebunt,

610 Quæ me cumque vocant terræ. Sic fatus , amicum

Ilionea petit/dextrâ , lævâque Serestum ;

Post alios , fortemque Gyan, fortemque Cloanthum.

Obstupuit primò aspectu Sidonia Dido ,

Casus deinde viri tanto , & sic ore locuta est :

615 Quis te , nate Deâ , per tanta pericula casus

Insequitur ? quæ vis immanibus applicat oris ?

Tunc ille Æneas , quem Dardanio Anchisæ

Alma Venus Phrygii genuit Simoëntis ad undam ?

Atque equidem Teucrum memini Sidona venire ,

620 Finibus expulsum patriis , nova regna petentem

Auxilio Beli. Genitor tum Belus opimam

Vastabat Cyprum , & victor ditione tenebat.

Tempore jam ex illo casus mihi cognitus urbis

Trojanæ , nomenque tuum , regesque Pelasgi.

625 Ipse hostis Teucros insigni laude ferebat ,

Seque ortum antiquâ Teucrorum a stirpe volebat.

Quare agite , ô tectis , juvenes , succedite nostris.

Me quoque per multos similis fortuna labores .

Jaſtatam , hac demum voluit conſiſtere terrâ.  
Non ignara mali , miſeris ſuccurrere diſco. 630

Sic memorat : ſimul Ænean in regia ducit  
Teſta ; ſimul Divum templis indicit honorem.  
Nec minus interea fociis ad littora mittit  
Viginti tauros , magnorum horrentia centum  
Terga ſuum , pingues centum cum matribus agnos, 635  
Munera , lætitiâque Dei.

At domus interior regali ſplendida luxu  
Inſtruitur , mediisſque parant convivia teſtis.  
Arte laboratæ veſtes , oſtroque ſuperbo :  
Ingens argentum menſis , cælataque in auro 640  
Fortia facta patrum , ſeries longiſſima rerum ,  
Per tot ducta viros antiquæ ab origine gentis.

Æneas ( neque enim patrius conſiſtere mentem  
Paſſus amor ) rapidum ad naves præmittit Achaten ;  
Aſcanio ferat hæc , ipſumque ad mœnia ducat. 645  
Omnis in Aſcanio cari ſtat cura parentis.

Munera præterea , Iliacis erepta ruinis ,  
Ferre jubet , pallam ſignis auroque rigentem ,  
Et circumtextum croceo velamen acantho ,  
Ornatus Argivæ Helenæ , quos illa Mycenis, 650  
Pergama cùm peteret , inconceſſosque Hymenæos ,  
Extulerat , matris Ledæ mirabile donum :  
Præterea ſceptrum , Ilione quod geſſerat olim  
Maxima natarum Priami , colloque monile  
Bacchatum , & duplicem gemmis auroque coronam. 655

Hæc celerans , iter ad naves tendebat Achates.

At Cytherea novas artes , nova pectore versat

Consilia : ut faciem mutatus & ora Cupido

Pro dulci Ascanio veniat , donisque furentem

660 Incendat Reginam , atque ossibus implicet ignem.

Quippe domum timet ambiguum , Tyriosque bilingues :

Urit atrox Juno , & sub noctem cura recurSAT.

Ergo his aligerum dictis affatur Amorem :

Nate , meæ vires , mea magna potentia ; solus ,

665 Nate , Patris summi qui tela Typhoëa temnis ,

Ad te confugio , & supplex tua numina posco.

Frater ut Æneas pelago tuus omnia circum

Littora jactetur , odiis Junonis iniquæ ,

Nota tibi ; & nostro doluisti sæpe dolore.

670 Nunc Phœnissa tenet Dido , blandisque moratur

Vocibus : & vereor quò se Junonia vertant

Hospitia ; haud tanto cessabit cardine rerum.

Quocirca capere antè dolis & cingere flammâ

Reginam meditor ; ne quo se Numine mutet ,

675 Sed magno Æneæ mecum teneatur amore.

Quà facere id possis , nostram nunc accipe mentem.

Regius , accitu cari genitoris , ad urbem

Sidoniam puer ire parat , mea maxima cura ,

Dona ferens pelago & flammis restantia Trojæ.

680 Hunc ego sopitum somno , super alta Cythera ,

Aut super Idalium sacratâ sede recondam ;

Ne quâ scire dolos , mediufve occurrere possit.



Tu faciem illius , noctem non ampliùs unam ,  
 Falle dolo , & notos pueri puer indue vultus ;  
 Ut , cùm te gremio accipiet lætissima Dido , 685  
 Regales inter menfas laticemque Lyæum ,  
 Cùm dabit amplexus , atque oscula dulcia figet ,  
 Occultum inpires ignem , fallasque veneno.

    Paret Amor dictis caræ genitricis , & alas  
 Exfuit , & gressu gaudens incedit Iuli. 690

At Venus Ascanio placidam per membra quietem  
 Irrigat , & fotum gremio Dea tollit in altos  
 Idaliæ lucos , ubi mollis amaracus illum  
 Floribus & dulci adspirans complectitur umbrâ.

Jamque ibat dicto parens , & dona Cupido 695

Regia portabat Tyriis , duce lætus Achate.  
 Cùm venit , aulæis jam se Regina superbis  
 Auræa composuit spondâ , mediamque locavit.

Jam pater Æneas & jam Trojana juvenus  
 Conveniunt , stratoque super discumbitur ostro. 700

Dant famuli manibus lymphas , Cereremque canistris  
 Expediunt , tonsisque ferunt mantilia villis.

Quinquaginta intus famulæ , quibus ordine longo  
 Cura penum struere , & flammis adolere Penates.  
 Centum aliæ , totidemque pares ætate ministri , 705

Qui dapibus menfas onerent , & pocula ponant.

Nec non & Tyrii per limina læta frequentes  
 Convenere , toris jussi discumbere pictis.

Mirantur dona Æneæ , mirantur Iulum ,

- 710 Flagrantefque Dei vultus , ſimulataque verba ,  
Pallamque , & pictum croceo velamen acantho.  
Præcipuè infelix , peſti devota futura ,  
Expleri mentem nequit , ardeſcitque tuendo  
Phœniſſa , & puero pariter doniſque movetur.
- 715 Ille ubi complexu Æneæ colloque pependit ,  
Et magnum falſi implevit genitoris amorem ,  
Reginam petit : hæc oculis , hæc pectore toto  
Hæret , & interdum gremio foveat , inſcia Dido  
Infideat quantus miſeræ Deus : at memor ille
- 720 Matris Acidaliæ , paulatim abolere Sichæum  
Incipit , & vivo tentat prævertere amore  
Jampridem reſides animos deſuetaque corda.  
Poſtquam prima quies epulis , menſæque remotæ ,  
Crateras magnos ſtatuunt , & vina coronant.
- 725 Fit ſtrepitus teſtis , vocemque per ampla volutant  
Atria : dependent lichni laquearibus aureis  
Incenſi , & noctem flammis funalia vincunt.  
Hic Regina gravem gemmis auroque popoſcit ,  
Implevitque mero pateram , quam Belus & omnes
- 730 A Belo ſoliti. Tum facta ſilentia teſtis :  
Jupiter ( hoſpitibus nam te dare jura loquuntur )  
Hunc lætum Tyriiſque diem Trojâque proſectis  
Eſſe velis , noſtroſque hujus meminiffe minores.  
Adſit lætitiæ Bacchus dator , & bona Juno :
- 735 Et vos ô cœtum , Tyrii , celebrate faventes.  
Dixit : & in menſam laticum libavit honorem ,

Primaque libato fummo tenuis attingit ore.  
 Tum Bitiæ dedit increpitans : ille impiger hausit  
 Spumantem pateram , & pleno se proluit auro :  
 Pòst alii proceres. Citharâ crinitus Iopas 740  
 Personat auratâ , docuit quæ maximus Atlas.  
 Hic canit errantem Lunam , Solisque labores :  
 Unde hominum genus, & pecudes : unde imber & ignes ;  
 Arcturum, pluviasque Hyadas,geminosque Triones :  
 Quid tantùm Oceano properent se tingere Soles 745  
 Hybernî , vel quæ tardis mora noctibus obstet.  
 Ingeminant plausum Tyrii , Troësque sequuntur..  
 Nec non & vario noctem sermone trahebat  
 Infelix Dido , longumque bibebat amorem ;  
 Multa super Priamo rogitans , super Hectore multa : 750  
 Nunc , quibus Auroræ venisset filius armis :  
 Nunc, quales Diomedis equi , nunc quantus Achilles.  
 Immo age , & a prima dic , hospes , origine nobis  
 Insidias , inquit , Danaûm , casusque tuorum ,  
 Erroresque tuos : nam te jam septima portat 755  
 Omnibus errantem terris & fluctibus ætas.






# ARGUMENTUM

## LIBRI SECUNDI.

**N**ARRAT Didoni Æneas Trojani excidii seriem ; ea est ejusmodi. Græci decenni bello penè fracti , dolo capere urbem constituunt : fugam simulant ; circa Tenedum insulam latent ; equum relinquunt in castris , fœtum intus militibus. Quo per fraudem Sinonis , cui fidem mors Laocoontis faciebat , in urbem inducto , noctu reserato ejus utero Græci erumpunt ; admissoque exercitu , Trojam ferro & igne populantur. Admonetur in somnis Æneas ab Hectore , ut fugâ sibi consulat : Æneas mortem fugæ præferens , coactâ manu , Græcos aliquot cædit ; sumptisque eorum armis , suorum telis ferè obruitur. At vastatâ regiâ , Priamo Pyrrhi manu interfecto , Æneas domum revertitur , Anchisæ patri sacra Penatesque committit , suis eum imponit humeris ; & cum Ascanio filio , Creüsâque uxore , fugam arripit. Mox amissâ inter eundem Creüsâ , iter ad eam quærendam relegit : occurrit mortuæ uxoris umbra , monetque se a Cybele in Phrygia detineri. Redit ille in montem Idam , & cum sociis mari fugam parat.



*Le Roy delin.*

*Chiffon sculpt.*







## LIBER SECUNDUS.

**C**ONTICUERE omnes , intentique ora tenebant.

Inde toro pater Æneas sic orsus ab alto :

Infandum , Regina , jubes renovare dolorem ,

Trojanas ut opes & lamentabile regnum

Eruerint Danaï , quæque ipse miserrima vidi , 5

Et quorum pars magna fui. Quis talia fando

Myrmidonum , Dolopumve , aut duri miles Ulyssæi,

Temperet a lacrymis ? & jam nox humida cœlo

Præcipitat , suadentque cadentia fidera somnos.

Sed si tantus amor casus cognoscere nostros , 10

Et breviter Trojæ supremum audire laborem ,

Quamquam animus meminisse horret, luctuque refugit,

Incipiam. Fracti bello , fatisque repulsi

Ductores Danaûm , tot jam labentibus annis ,

Instar montis equum , divinâ Palladis arte 15

Ædificant , sectâque intexunt abiete costas.

Votum pro reditu simulant : ea fama vagatur.

Huc delecta virûm fortiti corpora , furtim

Includunt cæco lateri ; penitusque cavernas

Ingentes , uterumque armato milite complent. 20

Est in conspectu Tenedos notissima famâ

Insula , dives opum , Priami dum regna manebant :

Nunc tantum sinus , & statio malefida carinis.

Huc se provecti deserto in littore condunt.

Nos abiisse rati , & vento petiisse Mycenæ. 25

Ergo omnis longo solvit se Teucria luctu :  
Panduntur portæ : juvat ire , & Dorica castra ,  
Desertosque videre locos , littusque relictum.  
Hic Dolopum manus , hic sævus tendebat Achilles :

30 Classibus hic locus : hic acies certare solebant.  
Pars stupet innuptæ donum exitiale Minervæ ,  
Et molem mirantur equi : primusque Thymoetes  
Duci intra muros hortatur , & arce locari ;  
Sive dolo , seu jam Trojæ sic fata ferebant.

35 At Capys , & quorum melior sententia menti ,  
Aut pelago Danaûm insidias suspectaque dona  
Præcipitare jubent , subjectisque urere flammis ;  
Aut terebrare cavas uteri , & tentare latebras.

Scinditur incertum studia in contraria vulgus.

40 Primus ibi ante omnes , magnâ comitante catervâ ,  
Laocoon ardens summâ decurrit ab arce.

Et procul : O miseri , quæ tanta infania , cives ?  
Creditis avectos hostes ? aut ulla putatis  
Dona carere dolis Danaûm ? sic notus Ulysses ?

45 Aut hoc inclusi ligno occultantur Achivi ;  
Aut hæc in nostros fabricata est machina muros ,  
Inspectura domos , venturaque desuper urbi ;  
Aut aliquis latet error : equo ne credite , Teucri.  
Quicquid id est , timeo Danaos & dona ferentes.

50 Sic farus , validis ingentem viribus hastam  
In latus , inque ferri curvam compagibus alvum  
Contorfit : stetit illa tremens , uteroque recusso ,



Infonuere cavæ gemitumque dedêre cavernæ.  
 Et, si fata Deûm, si mens non læva fuisset,  
 Impulerat ferro Argolicas foedare latebras: 55  
 Trojaque, nunc stares; Priamique arx alta, maneres.

Ecce manus juvenem interea post terga revinctum  
 Pastores magno ad Regem clamore trahebant  
 Dardanidæ, qui se ignotum venientibus ultro,  
 Hoc ipsum ut strueret, Trojamque aperiret Achivis, 60  
 Obtulerat; fidens animi, atque in utrumque paratus,  
 Seu versare dolos, seu certæ occumbere morti.  
 Undique visendi studio Trojana juvenus  
 Circumfusa ruit, certantque illudere capto.

Accipe nunc Danaûm insidias, & crimine ab uno 65  
 Disce omnes.

Namque ut conspectu in medio turbatus, inermis  
 Constitit, atque oculis Phrygia agmina circumspexit:  
 Heu! quæ nunc tellus, inquit, quæ me æquora possint  
 Accipere, aut quid jam misero mihi denique restat! 70  
 Cui neque apud Danaos usquam locus: insuper ipsi  
 Dardanidæ infensi poenas cum sanguine poscunt.  
 Quo gemitu conversi animi, compressus & omnis  
 Impetus: hortamur fari, quo sanguine cretus,  
 Quidve ferat, memoret; quæ sit fiducia capto. 75  
 Ille hæc, depositâ tandem formidine, fatur:  
 Cuncta equidem tibi, Rex, fuerint quæcumque, fati bor  
 Vera, inquit: neque me Argolica de gente negabo;  
 Hoc primûm: nec, si miserum fortuna Sinonem

- 80 Finxit, vanum etiam mendacemque improba finget.  
Fando aliquod si fortè tuas pervenit ad aures  
Belidæ nomen Palamedis, & inclyta famâ  
Gloria; quem falsa sub proditione Pelasgi  
Infontem, infando indicio, quia bella vetabat,  
85 Demisere neci; nunc cassum lumine lugent:  
Illi me comitem, & consanguinitate propinquum  
Pauper in arma pater primis huc misit ab annis.  
Dum stabat regno incolumis, regnumque vigeat  
Consiliis, & nos aliquod nomenque decusque  
90 Gessimus. Invidiâ postquam pellacis Ulyssæi  
(Haud ignota loquor) superis concessit ab oris,  
Afflictus vitam in tenebris luctuque trahebam,  
Et casum infontis mecum indignabar amici.  
Nec tacui demens: & me, fors si qua tulisset,  
95 Si patrios umquam remeassem victor ad Argos,  
Promisi ultorem, & verbis odia aspera movi.  
Hinc mihi prima mali labes: hinc semper Ulysses  
Criminibus terrere novis; hinc spargere voces  
In vulgum ambiguas, & quærere conscius arma.  
100 Nec requievit enim, donec Calchante ministro....  
Sed quid ego hæc autem nequicquam ingrata revolve?  
Quidve moror? Si omnes uno ordine habetis Achivos,  
Idque audire sat est; jamdudum sumite pœnas:  
Hoc Ithacus velit, & magno mercentur Atridæ.  
105 Tum verò ardemus scitari, & quærere causas,  
Ignari scelerum tantorum artisque Pelasgæ.

Prosequitur pavitans , & ficto pectore fatur :  
 Sæpe fugam Danaï Trojâ cupiere relicta  
 Moliri , & longo fessî discedere bello :  
 Fecissentque utinam ! Sæpe illos aspera ponti 110  
 Interclusit hyems , & terruit Auster euntes.  
 Præcipuè cùm jam hic trabibus contextus acernis ,  
 Staret equus , toto sonuerunt æthere nimbi.  
 Suspensi Eurypilum scitatum oracula Phœbi  
 Mittimus ; isque adytis hæc tristia dicta reportat : 115  
 Sanguine placastis ventos , & virgine cæsâ ,  
 Cùm primùm Iliacas , Danaï , venistis ad oras ;  
 Sanguine quærendi reditus , animâque litandum  
 Argolicâ. Vulgi quæ vox ut venit ad aures ,  
 Obstupuere animi , gelidusque per ima cucurrit 120  
 Ossa tremor ; cui fata parent , quem poscat Apollo.  
 Hic Ithacus vatem magno Calchanta tumultu  
 Protrahit in medios ; quæ sint ea numina Divûm  
 Flagitat : & mihi jam multi crudele canebant  
 Artificis scelus , & taciti ventura videbant. 125  
 Bis quinos filet ille dies , tectusque recusat  
 Prodere voce suâ quemquam , aut opponere morti.  
 Vix tandem magnis Ithaci clamoribus actus ,  
 Compositò rumpit vocem , & me destinat aræ.  
 Assensere omnes : & quæ sibi quisque timebat , 130  
 Unius in miseri exitium conversa tulere.  
 Jamque dies infanda aderat : mihi sacra parari ,  
 Et falsæ fruges , & circum tempora vittæ ,

- Eripui , fateor , letho me , & vincula rupi ;  
 135 Limosoque lacu per noctem obscurus in ulva  
 Delitui , dum vela darent , si fortè dedissent.  
 Nec mihi jam patriam antiquam spes ulla videndi ,  
 Nec dulces natos exoptatumque parentem ,  
 Quos illi fors ad poenas ob nostra reposcent  
 140 Effugia , & culpam hanc miserorum morte piabunt.  
 Quod te per superos & conscia numina veri ,  
 Per , si qua est quæ restet adhuc mortalibus usquam  
 Intemerata fides , oro ; miserere laborum  
 Tantorum , miserere animi non digna ferentis.  
 145 His lacrymis vitam damus , & miserefcimus ultro.  
 Ipse viro primus manicas atque arcta levare  
 Vincula jubet Priamus , dictisque ita fatur amicis :  
 Quisquis es , amissos hinc jam obliviscere Graios :  
 Noster eris , mihiq; hæc ediffere vera roganti.  
 150 Quò molem hanc immanis equi statuère ? quis auctor  
 Quidve petunt ? quæ relligio ? aut quæ machina belli ?  
 Dixerat. Ille dolis instructus & arte Pelasgâ ,  
 Sustulit exfutas vinclis ad sidera palmas.  
 Vos , æterni ignes , & non violabile vestrum  
 155 Testor numen , ait : vos aræ ensesque nefandi ,  
 Quos fugi ; vittæque Deum , quas hostia gessi :  
 Fas mihi Graiorum sacrata resolvere jura ;  
 Fas odisse viros , atque omnia ferre sub auras ,  
 Si qua tegunt : teneor patriæ nec legibus ullis.  
 160 Tu modò promissis maneat , servataque serves

Troja

Troja fidem , si vera feram , si magna rependam.  
 Omnis spes Danaûm , & cœpti fiducia belli  
 Palladis auxiliis semper stetit. Impius ex quo  
 Tydides sed enim , scelerumque inventor Ulysses  
 Fatale aggressi sacrato avellere templo 165  
 Palladium , cæsis summæ custodibus arcis ,  
 Corripuere sacram effigiem , manibusque cruentis  
 Virgineas ausi Divæ contingere vittas :  
 Ex illo fluere ac retro sublapsa referri  
 Spes Danaûm : fractæ vires , aversa Deæ mens. 170  
 Nec dubiis ea signa dedit Tritonia monstris.  
 Vix positum castris simulacrum , ardere coruscæ  
 Luminibus flammæ arrectis ; salsusque per artus  
 Sudor iit , terque ipsa solo ( mirabile dictu )  
 Emicuit , parmamque ferens hastamque trementem. 175  
 Extemplo tentanda fugâ canit æquora Calchas ,  
 Nec posse Argolicis excindi Pergama telis ,  
 Omina ni repetant Argis , numenque reducant ,  
 Quod Pelago & curvis secum avexere carinis.

Et nunc quòd patrias vento petiere Mycenæ , 180  
 Arma Deosque parant comites ; pelagoque remenso,  
 Improvisi aderunt : ita digerit omnia Calchas.  
 Hanc pro Palladio moniti , pro numine læso ,  
 Effigiem statuère , nefas quæ triste piaret.  
 Hanc tamen immensam Calchas attollere molem 185  
 Roboribus textis , cœloque educere jussit ;  
 Ne recipi portis , aut duci in mœnia possit ,

Neq̃ populum antiqua sub religione tueri.

Nam si vestra manus violasset dona Minervæ ,

190 Tum magnum exitium ( quod Dii prius omen in ipsum  
Convertant ) Priami imperio Phrygibusque futurum:  
Sin manibus vestris vestram ascendisset in urbem ,  
Ultro Asiam magno Pelopeia ad moenia bello  
Venturam , & nostros ea fata manere nepotes.

195 Talibus insidiis , perjurique arte Sinonis ,  
Credita res : captique dolis , lacrymisque coactis ,  
Quos neque Tydides , nec Larissæus Achilles ,  
Non anni domuere decem , non mille carinæ.  
Hic aliud majus miseris multoque tremendum

200 Objicitur magis , atque improvida pectora turbat.  
Laocoon ductus Neptuno forte sacerdos  
Solemnes taurum ingentem mactabat ad aras.  
Ecce autem gemini a Tenedo tranquilla per alta  
( Horresco referens ) immensis orbibus angues

205 Incumbunt pelago , pariterque ad littora tendunt ;  
Pectora quorum inter fluctus arrecta , jubæque  
Sanguineæ exsuperant undas ; pars cetera pontum  
Ponè legit , sinuatque immensa volumine terga.  
Fit sonitus spumante salo : jamque arva tenebant ,

210 Ardentisque oculos suffecti sanguine & igni ,  
Sibila lambebant linguis vibrantibus ora.  
Diffugimus visu exsangues : illi agmine certo  
Laocoonta petunt ; & primum parva duorum  
Corpora natorum serpens amplexus uterque

Implicat , & miseros morfu depascitur artus. 215  
 Pòst ipsum auxilio subeuntem ac tela ferentem  
 Corripiunt , spirisque ligant ingentibus : & jam  
 Bis medium amplexi , bis collo squamea circum  
 Terga dati , superant capite & cervicibus altis.  
 Ille simul manibus tendit divellere nodos , 220  
 Perfusus sanie vittas atroque veneno ;  
 Clamores simul horrendos ad sidera tollit :  
 Quales mugitus , fugit cùm faucibus aram  
 Taurus , & incertam excussit cervice securim.  
 At gemini lapsu delubra ad summa dracones 225  
 Effugiunt , sævæque petunt Tritonidis arcem ;  
 Sub pedibusque Deæ , clypeiue sub orbe reguntur.  
 Tum verò tremefacta novus per pectora cunctis ?  
 Insinuat pavor ; & scelus expendisse merentem  
 Laocoonta ferunt ; sacrum qui cuspide robur 230  
 Læserit , & tergo sceleratam intorserit hastam.  
 Ducendum ad sedes simulacrum , orandaque Divæ  
 Numina conclamant.  
 Dividimus muros , & mœnia pandimus urbis.  
 Accingunt omnes operi , pedibusque rotarum 235  
 Subjiciunt lapsus , & stuppea vincula collo  
 Intendunt : scandit fatalis machina muros ,  
 Foeta armis : pueri circum innuptæque puellæ  
 Sacra canunt , funemque manu contingere gaudent.  
 Illa subit , mediæque minans illabitur urbi 240  
 O patria , ô Divûm domus Ilium , & inclyta bello

Moenia Dardanidûm ! quater ipso in limine portæ  
Substitit , atque utero sonitum quater arma dedere.  
Instamus tamen immemores , cæcique furore ,

245 Et monstrum infelix sacratâ sistimus arce.

Tunc etiam fatis aperit Cassandra futuris  
Ora , Dei jussu non umquam credita Teucris.  
Nos delubra Deûm miseri , quibus ultimus esset  
Ille dies , festâ velamus fronde per urbem.

250 Vertitur interea cœlum , & ruit Oceano nox ,  
Involvens umbrâ magnâ terramque polumque ,  
Myrmidonumque dolos : fusi per moenia Teucri  
Conticuere : sopor fessos complectitur artus.  
Et jam Argiva phalanx instructis navibus ibat

255 A Tenedo , tacitæ per amica silentia Lunæ  
Littora nota petens , flammâ cum regia puppis  
Extulerat ; fatisque Deûm defensus iniquis ,  
Inclusos utero Danaos , & pinea furtim  
Laxat claustra Sinon : illos patefactus ad auras

260 Reddit equus , lætique cavo se robore promunt  
Thestlandrus , Sthenelusque duces , & dirus Ulysses,  
Demissum lapsi per funem , Athamasque , Thoasque,  
Pelidesque Neoptolemus , primusque Machaon ,  
Et Menelaüs , & ipse doli fabricator Epeüs.

265 Invadunt urbem somno vinoque sepultam :  
Cæduntur vigiles : portisque patentibus omnes  
Accipiunt focios , atque agmina conscia jungunt.  
Tempus erat quo prima quies mortalibus ægris



Incipit, & dono Divûm gratissima serpit.

In fomnis ecce ante oculos mœstissimus Hector 270

Vifus adesse mihi, largosque effundere fletus;

Raptatus bigis, ut quondam, aterque cruento

Pulvere, perque pedes trajectus lora tumentes.

Hei mihi, qualis erat! quantûm mutatus ab illo

Hectore, qui redit exfuvias indutus Achillis, 275

Vel Danaûm Phrygios jaculatus puppibus ignes!

Squalentem barbam, & concretos sanguine crines,

Vulneraque illa gerens, quæ circum plurima muros

Accepit patrios: ultro flens ipse videbar

Compellare virum, & mœstas expromere voces. 280

O lux Dardaniæ, spes ô fidissima Teucrûm,

Quæ tantæ tenuere moræ? quibus Hector ab oris

Exspectate venis? ut te post multa tuorum

Funera, post varios hominumque urbisque labores

Defessi aspicimus! quæ causa indigna serenos 285

Fœdavit vultus? aut cur hæc vulnera cerno?

Ille nihil: nec me quærentem vana moratur:

Sed graviter gemitus imo de pectore ducens:

Heu fuge, nate Deâ, teque his, ait, eripe flammis.

Hostis habet muros: ruit alto a culmine Troja. 290

Sat patriæ Priamoque datum: si Pergama dextrâ

Defendi possent, etiam hâc defensa fuissent.

Sacra suosque tibi commendat Troja Penates.

Hos cape fatorum comites: his mœnia quære,

Magna pererrato statues quæ denique ponto. 295

Sic ait , & manibus vittas , Vestamque potentem ,  
Æternumque adytis effert penetralibus ignem.

Diverſo interea miſcentur mœnia luſtu :

Et magis atque magis ( quamquam ſecreta parentis

300 Anchifæ domus , arboribusque obteſta reſeſſit )

Clareſcunt ſonitus , armorumque ingruit horror.

Excutor ſomno , & ſummi faſtigia teſti

Aſcenſu ſupero , atque arreſtis auribus adſto.

In ſegetem veluti cùm flamma furentibus Auſtris

305 Incidit , aut rapidus montano flumine torrens

Sternit agros , ſternit ſata læta boumque labores ;

Præcipiteſque trahit ſylvas : ſtupet inſcius alto

Accipiens ſonitum ſaxi de vertice paſtor.

Tum verò manifeſta fides , Danaùmque pateſcunt

310 Inſidiæ. Jam Deiphobi dedit ampla ruinam ,

Vulcano ſuperante , domus : jam proximus ardet

Ucalegon : Sigea igni freta lata relucent.

Exoritur clamorque virum , clangorque tubarum.

Arma amens capio , nec ſat rationis in armis :

315 Sed glomerare manum bello , & concurrere in arcem

Cum fociis ardent animi : furor iraque mentem

Præcipitant , pulchrumque mori ſuccurrit in armis ,

Ecce autem telis Pantheus elapſus Achivum ,

Pantheus Otriades , arcis Phœbique ſacerdos ,

320 Sacra manu , victoſque Deos , parvumque nepotem

Ipſe trahit , curſuque amens ad limina tendit.

Quo res ſumma loco , Pantheu ? quam prendimus arcem ?

Vix ea fatus eram , gemitu cùm talia reddit :

Venit summa dies & ineluctabile tempus

Dardaniæ : fuimus Troës : fuit Ilium , & ingens 325

Gloria Teucrorum : ferus omnia Jupiter Argos

Transtulit : incensâ Danaï dominantur in urbe.

Arduus armatos mediis in moenibus adstans

Fundit equus , victorque Sinon incendia miscet

Insultans : portis alii bipatientibus adsunt , 330

Millia quot magnis numquam venere Mycenis.

Obsedere alii telis angusta viarum

Oppositi : stat ferri acies mucrone corusco

Stricta , parata neci : vix primi proelia tentant

Portarum vigiles , & cæco Marte resistunt. 335

Talibus Otriadæ dictis , & numine Divûm

In flammæ & in arma feror , quò tristis Erinnyis ,

Quò fremitus vocat , & sublatus ad æthera clamor.

Addunt se socios Ripheus & maximus annis

Iphitus : oblatis per lunam Hypanisque , Dymasque , 340

Et lateri agglomerant nostro , juvenisque Choroëbus

Mygdonides : illis qui ad Trojam fortè diebus

Venerat , infano Cassandræ incensus amore ;

Et gener auxilium Priamo Phrygibusque ferebat :

Infelix , qui non sponsæ præcepta furentis 345

Audierit.

Quos ubi confertos audere in proelia vidi ,

Incipio super his : Juvenes , fortissima frustra

Pectora : si vobis audentem extrema cupido est

- 350 Certa sequi ; quæ sit rebus fortuna , videris :  
Excessere omnes adytis arisque relictis :  
Dii , quibus imperium hoc steterat : succurritis urbi  
Incensæ : moriamur , & in media arma ruamus.  
Una salus victis , nullam sperare salutem.
- 355 Sic animis juvenum furor additus. Inde lupi ceu  
Raptores , atra in nebula , quos improba ventris  
Exegit cæcos rabies , catulique relictī  
Faucibus exspectant siccis : per tela , per hostes  
Vadimus haud dubiam in mortem , mediæque tenemus
- 360 Urbis iter : nox atra cavâ circumvolat umbrâ.  
Quis cladem illius noctis , quis funera fando  
Explicet , aut possit lacrymis æquare labores ?  
Urbs antiqua ruit , multos dominata per annos :  
Plurima perque vias sternuntur inertia passim
- 365 Corpora , perque domos , & relligiosa Deorum  
Limina. Nec soli poenas dant sanguine Teucri.  
Quondam etiam victis redit in præcordia virtus ;  
Victoresque cadunt Danaï : crudelis ubique  
Luctus , ubique pavor , & plurima mortis imago.
- 370 Primus se Danaûm , magnâ comitante catervâ ,  
Androgeos offert nobis , socia agmina credens  
Inscius , atque ultro verbis compellat amicis :  
Festinate , viri ; nam quæ tam fera moratur  
Segnities ? Alii rapiunt incensa feruntque
- 375 Pergama : vos celsis nunc primùm a navibus itis ?  
Dixit : & extemplo ( nèque enim responsa dabantur

Fida satis ) fenfit medios delapsus in hostes.  
 Obstupuit , retroque pedem cum voce repressit.  
 Improvisum aspris veluti qui sentibus anguem  
 Pressit humi nitens , trepidusque repentè refugit 380  
 Attollentem iras , & cœrula colla tumentem :  
 Haud secus Androgeos visu tremefactus abibat.  
 Irruimus , densis & circumfundimur armis ;  
 Ignarosque loci passim & formidine captos  
 Sternimus : adspirat primo fortuna labori. 385  
 Atque hic exultans successu animisque Choroëbus :  
 O focii , quâ prima , inquit , fortuna salutis  
 Monstrat iter , quâque ostendit se dextra , sequamur.  
 Mutemus clypeos , Danaûmque insignia nobis  
 Aptemus : dolus , an virtus , quis in hoste requirat ? 390  
 Arma dabunt ipsi. Sic fatus , deinde comantem  
 Androgei galeam , clypeique insigne decorum  
 Induitur ; laterique Argivum accommodat enssem.  
 Hoc Ripheus , hoc ipse Dymas , omnisque juvenus  
 Læta , facit : spoliis se quisque recentibus armat. 395  
 Vadimus immixti Danaïs , haud Numine nostro :  
 Multaque per cæcam congressi prælia noctem  
 Conferimus , multos Danaûm demittimus Orco.  
 Diffugiunt alii ad naves , & littora cursu  
 Fida petunt : pars ingentem formidine turpi 400  
 Scandunt rursus equum , & nota conduntur in alvo.  
 Heu nihil invitis fas quemquam fidere Divis !  
 Ecce trahebatur passis Priameïa virgo

Crinibus a templo Cassandra adytisque Minervæ,

405 Ad coelum tendens ardentia lumina frustra :

Lumina , nam teneras arcebant vincula palmas.

Non tulit hanc speciem furiatâ mente Choroëbus ,

Et sese medium iniecit moriturus in agmen.

Consequimur cuncti , & densis incurrimus armis.

410 Hic primùm ex alto delubri culmine telis

Nostrorum obruimur , oriturque miserrima cædes .

Armorum facie , & Graiarum errore jubarum.

Tum Danaï gemitu , atque ereptæ virginis irâ ,

Undique collecti invadunt : acerrimus Ajax ,

415 Et gemini Atridæ , Dolopumque exercitus omnis.

Adversi rupto ceu quondam turbine venti

Confligunt , Zephirusque ; Notusque , & latus Eois

Eurus equis ; stridunt sylvæ ; sævitque tridenti

Spumeus , atque imo Nereus ciet æquora fundo.

420 Illi etiam , si quos obscurâ nocte per umbram

Fudimus infidiis , totâque agitavimus urbe ,

Apparent : primi clypeos mentitaque tela

Agnoscent , atque ora sono discordia signant.

Illicet obruimur numero , primusque Choroëbus

425 Peneleï dextrâ , Divæ armipotentis ad aram

Procumbit : cadit & Ripheus , justissimus unus

Qui fuit in Teucris , & servantissimus æqui.

Diis aliter visum. Pereunt Hypanisque , Dymasque ,

Confixi a sociis : nec te tua plurima , Pantheu ,

430 Labentem pietas , nec Apollinis infula textit.

Iliaci cineres , & flamma extremâ meorum ,  
 Testor , in occasu vestro , nec tela , nec ulla  
 Vitavisse vices Danaûm ; & si fata fuissent  
 Ut caderem , meruisse manu. Divellimur inde ,  
 Iphitus & Pelias mecum ; quorum Iphitus ævo      435  
 Jam gravior , Pelias & vulnere tardus Ulyssæi.  
 Protinus ad sedes Priami clamore vocati.  
 Hic verò ingentem pugnam , cœu cetera nusquam  
 Bella forent , nulli tota morentur in urbe :  
 Sic Martem indomitum , Danaosque ad testâ ruentes      440  
 Cernimus , obsessumque actâ testudine limen.  
 Hærent parietibus scalæ , postesque sub ipsos  
 Nituntur gradibus : clypeosque ad tela sinistris  
 Protecti objiciunt , prensant fastigia dextris.  
 Dardanidæ contrâ turres ac testâ domorum      445  
 Culmina convellunt : his se , quando ultima cernunt  
 Extrema jam in morte parant defendere telis :  
 Auratasque trabes , veterum decora alta parentum ,  
 Devolvunt : alii strictis mucronibus imas  
 Obsedere fores : has servant agmine denso.      450  
 Instaurati animi regis succurrere testis ,  
 Auxilioque levare viros , vimque addere victis.  
 Limen erat , cæcæque fores , & pervius usus  
 Testorum inter se Priami , postesque relictî  
 A tergo , infelix quâ se , dum regna manebant ,      455  
 Sæpius Andromache ferre incommitata solebat  
 Ad soceros , & avo puerum Astyanacta trahebat.

Evaſo ad ſummi faſtigia culminis , unde

Tela manu miſeri jaſtabant irrita Teucri.

460 Turrim in præcipiti ſtātem , ſummiſque ſub aſtra

Eductam teſtis , unde omnis Troja videri ,

Et Danaū ſolitæ naves , & Achaïca caſtra ,

Aggreſſi ferro circū , quā ſumma labantes

Juncturas tabulata dabant , convellimus altis.

465 Sedibus , impulimusque. Ea lapſa repentē ruīnam

Cum ſonitu trahit , & Danaū ſuper agmina latē.

Incidit : aſt alii ſubeunt ; nec ſaxa , nec ullum

Telorum interea ceſſat genus.

Veſtibulum ante ipſum primoque in limine Pyrrhus

470 Exſultat , telis & luce coruſcus ahenā.

Qualis ubi in lucem coluber , mala gramina paſtus ,

Frigida ſub terra tumidum quem bruma tegebat ,

Nunc poſitis novus exſuviis , nitiduſque juventā ,

Lubrica convolvit ſublato pectore terga

475 Arduus ad Solem , & linguis micat ore trifulcis

Unā ingens Periphas , & equorum agitator Achillis

Armiger Automedon : unā omnis Scyria pubes

Succedunt teſto , & flammas ad culmina jaſtant.

Ipſe inter primos , correptā dura bipenni

480 Limina perrumpit , poſteſque a cardine vellit

Æratos : jamque exciſā trabe firma cavavit

Robora , & ingentem lato dedit ore feneftram.

Apparet domus intus , & atria longa pateſcunt :

Apparent Priami & veterum penetralia regum ;



Armatosque vident stantes in limine primo. 485  
 At domus interior gemitu miseroque tumultu  
 Miscetur ; penitusque cavæ plangoribus ædes  
 Femineis ululant : ferit aurea sidera clamor.  
 Tum pavidæ testis matres ingentibus errant ,  
 Amplexæque tenent postes , atque oscula figunt. 490  
 Instat vi patriâ Pyrrhus ; nec claustra , neque ipsi  
 Custodes sufferre valent : labat ariete crebro  
 Janua , & emoti procumbunt cardine postes.  
 Fit via vi : rumpunt aditus , primosque trucidant  
 Immissi Danaï , & latè loca milite complent. 495  
 Non sic , aggeribus ruptis cùm spumeus amnis  
 Exiit , oppositasque evicit gurgite moles ,  
 Fertur in arva furens cumulo , camposque per omnes  
 Cum stabulis armenta trahit. Vidi ipse furentem  
 Cæde Neoptolemum , geminosque in limine Atridas : 500  
 Vidi Hecubam , centumque nurus , Priamumque per aras  
 Sanguine foedantem , quos ipse sacraverat , ignes.  
 Quinquaginta illi thalami , spes tanta nepotum :  
 Barbarico postes auro spoliisque superbi  
 Procubere : tenent Danaï , quâ deficit ignis. 505  
 Forſitan & Priami fuerint quæ fata , requiras.  
 Urbis ubi captæ casum , convulsaque vidit .  
 Limina tectorum , & medium in penetralibus hostem ,  
 Arma diu senior desueta trementibus ævo  
 Circumdat nequicquam humeris , & inutile ferrum 510  
 Cingitur , ac densos fertur moriturus in hostes .

Ædibus in mediis , nudoque sub ætheris axe  
Ingens ara fuit , juxtaque veterrima laurus ,  
Incumbens aræ , atque umbrâ complexa Penates.

515 Hic Hecuba , & natæ nequicquam altaria circum ,  
Præcipites atrâ ceu tempestate columbæ ,  
Condensæ , & Divûm amplexæ simulacra sedebant.  
Ipsum autem sumptis Priamum juvenilibus armis  
Ut vidit : Quæ mens tam dira , miserrime conjux ,

520 Impulit his cingi telis ? aut quò ruis ? inquit.  
Non tali auxilio , nec defensoribus istis  
Tempus eget : non , si ipse meus nunc afforet Hector.  
Huc tandem concede : hæc ara tuebitur omnes ,  
Aut moriere simul. Sic ore effata , recepit

525 Ad sese , & sacrâ longævum in sede locavit.  
Ecce autem elapsus Pyrrhi de cæde Polites ,  
Unus natorum Priami , per tela , per hostes  
Porticibus longis fugit , & vacua atria lustrat  
Saucius : illum ardens infesto vulnere Pyrrhus

530 Insequitur , jam jamque manu tenet , & premit hastâ.  
Ut tandem ante oculos evasit , & ora parentum ,  
Concidit , ac multo vitam cum sanguine fudit.  
Hic Priamus , quamquam in media jam morte tenetur ,  
Non tamen abstinuit , nec voci , iræque pepercit.

535 At tibi pro scelere , exclamat , pro talibus ausis ,  
Dii ( si qua est cœlo pietas , quæ talia curet )  
Persolvant grates dignas , & præmia reddant  
Debita ; qui nati coràm me cernere lethum

Fecisti , & patrios foedasti funere vultus.

At non ille , fatum quo te mentiris , Achilles 540

Talis in hoste fuit Priamo ; sed jura fidemque

Supplicis erubuit , corpusque exsangue sepulcro

Reddidit Hectoreum , meque in mea regna remisit.

Sic fatus senior , telumque imbelli sine ictu

Conjecit ; rauco quod protinus ære repulsum , 545

Et summo clypei nequicquam umbone pependit.

Cui Pyrrhus : Referes ergo hæc , & nuntius ibis

Pelidæ genitori : illi mea tristia facta ,

Degeneremque Neoptolemum narrare memento.

Nunc morere. Hæc dicens, altaria ad ipsa trementem 550

Traxit , & in multo lapsantem sanguine nati ;

Implicuitque comam lævâ , dextrâque coruscum

Extulit , ac lateri capulo tenus abdidit enssem.

Hæc finis Priami fatorum : hic exitus illum

Sorte tulit, Trojam incensam , & prolapsa videntem 555

Pergama , tot quondam populis terrisque superbum

Regnatorem Asiæ : jacet ingens littore truncus ,

Avulsumque humeris caput , & sine nomine corpus.

At me tum primùm sævus circumstetit horror :

Obstupui : subiit cari genitoris imago , 560

Ut regem æquævum crudeli vulnere vidi

Vitam exhalantem : subiit deserta Creüsa ,

Et direpta domus , & parvi casus Iuli.

Respicio , & quæ sit me circum copia lustro.

Deseruere omnes defessi , & corpora saltu 565

Ad terram misere, aut ignibus ægra dedere.

Jamque adeo super unus eram, cum limina Vestæ  
Servantem, & tacitam secreta in fede latentem

Tyndarida aspicio: dant clara incendia lucem

570 Erranti, passimque oculos per cuncta ferenti.

Illa sibi infestos everfa ob Pergama Teucros,  
Et poenas Danaum, & deserti conjugis iras  
Permetuens, Trojæ & patriæ communis Erynnis;  
Abdiderat sese, atque aris invisa sedebat.

575 Exarsere ignes animo: subit ira cadentem

Ulcisci patriam, & sceleratas sumere poenas.

Scilicet hæc Spartam incolumis patriasque Mycenæ

Aspiciet? partoque ibit regina triumpho?

Conjugiumque, domumque, patres, natosque videbit,

580 Iliadum turbâ & Phrygiis comitata ministris?

Occiderit ferro Priamus? Troja arserit igni?

Dardanium toties sudarit sanguine littus?

Non ita: namque etsi nullum memorabile nomen

Feminea in poena est, nec habet victoria laudem;

585 Exstinxisse nefas tamen, & sumpsisse merentis

Laudabor poenas, animumque expleisse juvabit

Ultricis flammæ, & cineres fatiasse meorum.

Talia jactabam, & furiatâ mente ferebar,

Cum mihi se, non antè oculis tam clara, videndam

590 Obtulit, & purâ per noctem in luce refulsit

Alma parens, confessa Deam; qualisque videri

Coelicolis & quanta solet; dextrâque prehensum

Continuit, roseoque hæc insuper addidit ore :  
 Nate, quis indomitas tantus dolor excitat iras ?  
 Quid furis ? aut quonam nostri tibi cura recessit ? 595  
 Non prius aspicias ubi fessum ætate parentem  
 Liqueris Anchisen ? superet conjuxne Creüsa,  
 Ascaniusque puer ? quos omnes undique Graiæ  
 Circumerrant acies : & , ni mea cura resistat,  
 Jam flammæ tulerint, inimicus & hauserit ensis. 600  
 Non tibi Tyndaridis facies invisâ Lacænæ,  
 Culpatufve Paris ; verum inclementia Divum  
 Has evertit opes, sternitque a culmine Trojam.  
 Aspice : namque omnem, quæ nunc obducta tuenti  
 Mortales hebetat visus tibi, & humida circum 605  
 Caligat, nubem eripiam : tu ne qua parentis  
 Jussa time, neu præceptis parère recusa.  
 Hic ubi disjectas moles, avulsaque saxis  
 Saxa vides, mixtoque undantem pulvere fumum,  
 Neptunus muros, magnoque emota tridenti 610  
 Fundamenta quatit, totamque a sedibus urbem  
 Eruit. Hic Juno Scæas sævisîma portas  
 Prima tenet, sociumque furens a navibus agmen  
 Ferro accincta vocat.  
 Jam summas arces Tritonia, respice, Pallas 615  
 Insedit, nimbo effulgens & Gorgone sævâ.  
 Ipse Pater Danaïs animos viresque secundas  
 Sufficit ; ipse Deos in Dardana suscitât arma.  
 Eripe, nate, fugam, finemque impone labori.

- 620 Nusquam abero, & tutum patrio te limine sistam.  
Dixerat, & spissis noctis se condidit umbris.  
Apparent diræ facies, inimicaque Trojæ  
Numina magna Deûm.  
Tum verò omne mihi visum confidere in ignes.
- 625 Ilium, & ex imo verti Neptunia Troja.  
Ac veluti summis antiquam in montibus ornum  
Cum ferro accisam crebrisque bipennibus instant  
Eruere agricolæ certatim; illa usque minatur,  
Et tremefacta comam concusso vertice nutat:
- 630 Vulneribus donec paulatim evicta, supremum  
Congemuit, traxitque jugis avulsa ruinam.  
Descendo, ac, ducente Deo, flammam inter & hostes  
Expeditior: dant tela locum, flammæque recedunt.  
Ast ubi jam patriæ perventum ad limina sedis,
- 635 Antiquasque domos; genitor, quem tollere in altos  
Optabam primum montes, primumque petebam,  
Abnegat excisâ vitam producere Trojâ,  
Exsiliumque pati. Vos ô quibus integer ævi  
Sanguis, ait, solidæque suo stant robore vires,
- 640 Vos agitate fugam.  
Me si coelicolæ voluissent ducere vitam,  
Has mihi servassent sedes: satis una superque  
Vidimus excidia, & captæ superavimus urbi.  
Sic ô sic positum affati discedite corpus.
- 645 Ipse manu mortem inveniam: miserebitur hostis,  
Exuviasque petet: facilis jactura sepulcri est.

Jampridem invisus Divis & inutilis annos  
 Demoror : ex quo me Divum Pater atque hominum Rex  
 Fulminis afflavit ventis , & contigit igni.

Talia perstabat memorans , fixusque manebat. 650

Nos contra effusi lacrymis , conjuxque Creusa ,  
 Ascaniusque , omnisque domus , ne vertere secum  
 Cuncta pater , fatoque urgenti incumbere vellet.  
 Abnegat , inceptoque & sedibus hæret in iisdem.

Rursus in arma feror , mortemque miserrimus opto. 655

Nam quod consilium , aut quæ jam fortuna dabatur ?

Mene efferre pedem , genitor , te posse relicto

Sperasti ? tantumque nefas patrio excidit ore ?

Si nihil ex tanta Superis placet urbe relinqui ,

Et sedet hoc animo , perituræque addere Trojæ 660

Teque tuosque juvat ; patet isti janua letho.

Jamque aderit multo Priami de sanguine Pyrrhus ,

Natum ante ora patris , patrem qui obtruncat ad aras.

Hoc erat , alma parens , quod me per tela , per ignes

Eripis ? ut mediis hostem in penetralibus , utque 665

Ascaniumque , patremque meum , juxtaque Creusam ,

Alterum in alterius mactatos sanguine cernam ?

Arma , viri , ferte arma : vocat lux ultima victos.

Reddite me Danaïs , finite instaurata revivam

Proelia : numquam omnes hodie moriemur inulti. 670

Hic ferro accingor rursus , clypeoque sinistram

Insertabam aptans , meque extra tecta ferebam.

Ecce autem complexa pedes in limine conjux

Hærebat , parvumque patri tendebat Iūlum.

- 675 Si periturus abis , & nos rape in omnia tecum :  
Sin aliquam expertus sumptis spem ponis in armis,  
Hanc primū tutare domum : cui parvus Iūlus ,  
Cui pater , & conjux quondam tua dicta relinquitur ?  
Talia vociferans , gemitu tectum omne replebat ,  
680 Cū subitum dictūque oritur mirabile monstrum.  
Namque manus inter mœstorūque ora parentum ,  
Ecce levis summo de vertice visus Iūli  
Fundere lumen apex , tactūque innoxia molli  
Lambere flamma comas , & circum tempora pasci.  
685 Nos pavidi trepidare metu , crinemque flagrantem  
Excutere , & sanctos restinguere fontibus ignes.  
Et pater Anchises oculos ad sidera lætus  
Extulit , & cœlo palmas cum voce tetendit.  
Jupiter omnipotens , precibus si flecteris ullis ,  
690 Aspice nos , hoc tantum : & , si pietate meremur ,  
Da deinde auxilium , Pater , atque hæc omina firma.  
Vix ea fatus erat senior , subitoque fragore  
Intonuit lævum , & de cœlo lapsa per umbras  
Stella facem ducens multa cum luce cucurrit.  
695 Illam , summa super labentem culmina tecti ,  
Cernimus Idæâ claram se condere sylvâ ,  
Signantemque vias : tum longo limite fulcus  
Dat lucem , & latè circum loca sulfure fumant.  
Hic verò victus genitor se tollit ad auras ,  
700 Affaturque Deos , & sanctum fidus adorat.



Jam jam nulla mora est : sequor , & , quâ ducitis , adsum.

Dii patrii , servate domum , servate nepotem.

Vestrum hoc augurium , vestroque in numine Troja est.

Cedo equidem ; nec , nate , tibi comes ire recuso.

Dixerat ille ; & jam per moenia clarior ignis 705

Auditur , propiûsque æstus incendiavolvunt.

Ergo age , care pater , cervici imponere nostræ :

Ipse subibo humeris , nec me labor iste gravabit.

Quò res cumque cadent , unum & commune periculum ,

Una salus ambobus erit : mihi parvus Iûlus. 710

Sit comes , & longè servet vestigia conjux.

Vos famuli , quæ dicam animis advertite vestris.

Est urbe egressis tumulus , templumque vetustum

Desertæ Cereris : juxtâque antiqua cupressus ,

Relligione patrum multos servata per annos. 715

Hanc ex diverso sedem veniemus in unam.

Tu , genitor , cape sacra manu , patriosque Penates.

Me bello e tanto digressum & cædè recenti

Attrectare nefas , donec me flumine vivo

Abluero. 720

Hæc fatus , latos humeros subjectaque colla

Veste super , fulvique insternor pelle leonis ,

Succedoque oneri : dextræ se parvus Iûlus

Implicuit , sequiturque patrem non passibus æquis.

Ponè subit conjux. Ferimur per opaca locorum : 725

Et me , quem dudum non ulla injecta movebant

Tela , neque adverso glomerati ex agmine Graii ;

- Nunc omnes terrent auræ, sonus excitat omnis  
Suspensum, & pariter comitique onerique timentem.
- 730 Jamque propinquabam portis, omnemque videbar  
Evasisse viam, subito cum creber ad aures  
Visus adesse pedum sonitus; genitorque per umbram  
Prospiciens: Nate, exclamat, fuge, nate; propinquant:  
Ardentes clypeos atque æra micantia cerno.
- 735 Hic mihi nescio quod trepido malè numen amicum  
Confusam eripuit mentem. Namque avia cursu  
Dum sequor, & notâ excedo regione viarum,  
Heu! misero conjux fatone erepta Creüsa  
Substitit, erravitne viâ, seu lassâ resedit,
- 740 Incertum: nec post oculis est reddita nostris.  
Nec prius amissam respexi, animumque reflexi,  
Quàm tumultum antiquæ Cereris, sedemque sacratam  
Venimus: hic demum collectis omnibus una  
Defuit, & comites natumque virumque fefellit.
- 745 Quem non inculcavi amens hominumque Deorumque  
Aut quid in everfa vidi crudelius urbe?  
Ascanium, Anchisenque patrem, Teucrosque Penates  
Commendo fociis, & curvâ valle recondo.  
Ipse urbem repeto, & cingor fulgentibus armis.
- 750 Stat casus renovare omnes, omnemque reverti  
Per Trojam, & rursus caput objectare periclis.  
Principiò muros, obscuraque limina portæ,  
Quâ gressum extuleram, repeto; & vestigia retro  
Observata sequor per noctem, & lumine lustrò.

Horror ubique animos , simul ipsa silentia terrent. 755  
 Inde domum , si fortè pedem , si fortè tulisset ,  
 Me refero : irruerant Danaï , & tectum omne tenebant.  
 Illicet ignis edax summa ad fastigia vento  
 Volvitur , exsuperant flammæ : furit æstus ad auras.  
 Procedo , & Priami fedes , arcemque reviso. 760  
 Et jam porticibus vacuis Junonis asylo  
 Custodes lecti Phoenix & dirus Ulysses  
 Prædam asservabant : huc undique Troia gaza  
 Incensis erepta adytis , mensæque Deorum ,  
 Crateresque auro solidi , captivaque vestis 765  
 Congeritur : pueri & pavidæ longo ordine matres  
 Stant circum.  
 Ausus quin etiam voces jactare per umbram ,  
 Implevi clamore vias , moestusque Creüsam  
 Nequicquam ingeminans , iterumque iterumque vocavi.  
 Quærenti , & tectis urbis sine fine furenti , 771  
 Infelix simulacrum atque ipsius umbra Creüsæ  
 Visa mihi ante oculos , & notâ major imago.  
 Obstupui , steteruntque comæ , & vox faucibus hæsit.  
 Tum sic affari , & curas his demere dictis : 775  
 Quid tantum infano juvat indulgere labori ,  
 O dulcis conjux ? non hæc sine numine Divum  
 Eveniunt ; nec te hinc comitem asportare Creüsam  
 Fas : aut ille finit superi regnator Olympi.  
 Longa tibi exilia , & vastum maris æquor arandum. 780  
 Ad terram Hesperiam venies , ubi Lydius , arva

Inter optima virum , leni fluit agmine Tybris.

Illic res lætæ , regnumque , & regia conjux

Parta tibi : lacrymas dilectæ pelle Creüsæ.

785 Non ego Myrmidonum sedes Dolopumve superbas

Aspiciam , aut Graiis servitum matribus ibo ,

Dardanis , & Divæ Veneris nurus.

Sed me magna Deum genitrix his detinet oris.

Jamque vale , & nati serva communis amorem.

790 Hæcubi dicta dedit , lacrymantem & multa volentem

Dicere deseruit , tenuesque recessit in auras.

Ter conatus ibi collo dare brachia circum :

Ter frustra comprehensa manus effugit imago ,

Par levibus ventis , volucrique simillima somno.

795 Sic demum socios , consumptâ nocte , reviso.

Atque hîc ingentem comitum affluxisse novorum

Invenio admirans numerum , matresque , virosque ,

Collectam exilio pubem , miserabile vulgus.

Undique convenere , animis opibusque parati ,

800 In quascumque velim pelago deducere terras.

Jamque jugis summæ surgebat Lucifer Idæ ,

Ducebatque diem ; Danaïque obsessâ tenebant

Limina portarum : nec spes opis ulla dabatur.

Cessi , & sublato montem genitore petivi.



## ARGUMENTUM



*Cochius iussu suo.**J. D. B. del.*

# ARGUMENTUM


## LIBRI TERTII.

**P**ERGIT *Æneas* enarrare *Didoni* casus suos, quorum altera pars hoc libro continetur, nempe navigatio. *Æneas*, incensâ *Trojâ*, classe viginti navium ad urbem *Antandrum* clam fabricatâ, deferitur in *Thraciam*, ubi cùm urbem conderet, territus prodigio cæsi a *Polymnestore* rege *Polydori*, navigat in insulam *Delum*, consulturus oraculum *Apollinis*; a quo monitus, ut antiquam matrem exquireret, *Anchisæ* interpretatione *Cretam* esse insulam ratus, *Trojanæ* gentis originem, ed contendit, urbemque novam ædificat. At indè peste depulsus, monitus in somnis a *Dîis Penatibus*, *Italiam* vera esse *Trojanorum* cunabula, *Italiam* petit. In itinere actus tempestate in insulas *Strophades*, infestas habet *Harpyias*; quarum ex una audit se non priùs in *Italia* fixurum sedes quàm fame coactus fuerit mensas absumere. Hinc delatus ad *Actium* promontorium, ibi ludos celebrat. Tum in *Epirum* appulsus, *Andromachen*

reperit, jam Heleni uxorem, & mortuo  
Pyrrho in Chaonia Epiri parte regnan-  
tem. Audit ab Heleno, rege eodem ac-  
vate, sedem sibi a Diis in Italia para-  
tam, eo loco, ubi suam albam inveniret  
triginta fœtus enixam. Admonetur ab eo-  
dem, ne in proxima Italiæ parte confi-  
dat, Græcorum metu, qui ventis edis-  
jecti fuerant: tum ne Siculum trajiciat  
fretum, metu Scyllæ & Carybdis: sed de-  
flexo ad occasum cursu Siciliam circum-  
eat. Igitur relicta Epiro, Tarentum,  
quæ in vicina Italiæ ora est, & Siciliæ  
partem Ætnæ monti proximam præter-  
vectus: hinc supplicem recipit Achæmeni-  
dem, socium Ulyssis, ab eoque de feri-  
tate Cycloperum edoctus, observatis omnibus  
Heleni præceptis, tandem Drepanum,  
occidentalem Siciliæ portum, obtinet, ubi  
moritur Anchises. Atque hinc mediâ æstate  
solvens Æneas in Italiam, tempestate  
in Africam ejicitur. Et hic finis est nar-  
rationis.







## LIBER TERTIUS.

**P**OSTQUAM res Asiæ, Priamique evertere gentem  
Immeritam visum Superis, ceciditque superbum  
Ilium, & omnis humo fumat Neptunia Troja;  
Diversa exsilia, & desertas quærere terras,  
Auguriis agimur Divùm, classẽque sub ipsa 5  
Antandro, & Phrygiæ molimur montibus Idæ,  
Incerti quò fata ferant, ubi sistere detur;  
Contrahimusque viros. Vix prima incœperat æstas,  
Et pater Anchises dare fatis vela jubebat.  
Littora tum patriæ lacrymans, portusque relinquo, 10  
Et campos ubi Troja fuit: feror exsul in altum  
Cum fociis, natoque, Penatibus, & magnis Diis.

Terra procul vastis colitur Mavortia campis,  
Thraces arant, acri quondam regnata Lycurgo:  
Hospitium antiquum Trojæ, sociique Penates, 15  
Dum fortuna fuit. Feror huc, & littore curvo  
Mœnia prima loco, fatis ingressus iniquis;  
Æneadæque meo nomen de nomine fingo.  
Sacra Dionææ matri, Divisq; ferebam  
Auspiciis cœptorum operum: superoque nitentem 20  
Cœlicolûm regi mactabam in littore taurum.  
Fortè fuit juxtâ tumulus, quo cornea summo  
Virgulta, & densis hastilibus horrida myrtus.  
Accessi, viridemque ab humo convellere sylvam  
Conatus, ramis tegerem ut frondentibus aras; 25

- Horrendum , & dictu video mirabile monstrum.  
Nam , quæ prima solo ruptis radicibus arbos  
Vellitur , huic atro liquuntur sanguine guttæ ,  
Et terram tabo maculant. Mihi frigidus horror  
30 Membra quatit , gelidusque coit formidine sanguis.  
Rursus & alterius lentum convellere vimen  
Insequor , & causas penitus tentare latentes ;  
Ater & alterius sequitur de cortice sanguis.  
Multa movens animo Nymphas venerabar agrestes,  
35 Gradivumque patrem , Geticis qui præfidet arvis ,  
Rite secundarent visus , omenque levarent.  
Tertia sed postquam majore hastilia nisu  
Aggredior , genibusque adversæ obluor arenæ :  
Eloquar , an fileam ? gemitus lacrymabilis imo  
40 Auditur tumulo , & vox reddita fertur ad aures :  
Quid miserum , Ænea , laceras ? jam parce sepulto ;  
Parce pias scelerare manus : non me tibi Troja  
Externum tulit , aut cruor hic de stipite manat.  
Heu ! fuge crudeles terras ; fuge littus avarum.  
45 Nam Polydorus ego : hic confixum ferrea textit  
Telorum seges , & jaculis increvit acutis.  
Tum verò ancipiti mentem formidine pressus  
Obstupui , steteruntque comæ , & vox faucibus hæsit.  
Hunc Polydorum auri quondam cum pondere magno  
50 Infelix Priamus furtim mandarat alendum  
Threicio regi , cum jam diffideret armis  
Dardaniæ , cingique urbem obsidione videret.

Ille, ut opes fractæ Teucrûm, & fortuna recessit,  
 Res Agamemnonias victriciaque arma secutus,  
 Fas omne abrumpit, Polydorum obtruncat, & auro 55  
 Vi potitur. Quid non mortalia pectora cogis,  
 Auri sacra fames! Postquam pavor ossa reliquit,  
 Delectos populi ad proceres, primumque parentem,  
 Monstra Deûm refero, & quæ sit sententia posco.  
 Omnibus idem animus sceleratâ excedere terrâ, 60  
 Linquere pollutum hospitium, & dare classibus Austros.  
 Ergo instauramus Polydoro funus; & ingens  
 Aggeritur tumulo tellus: stant Manibus aræ,  
 Cœruleis mœstæ vittis atrâque cupressô;  
 Et circum Iliades crinem de more solutæ. 65  
 Inferimus tepido spumantia cymbia lacte,  
 Sanguinis & sacri pateras; animamque sepulcro  
 Condimus, & magna supremum voce ciemus.  
 Inde ubi prima fides pelago, placataque venti  
 Dant maria, & lenis crepitans vocat Aufter in altum; 70  
 Deducunt focii naves, & littora complent.  
 Provehimur portu, terræque urbesque recedunt.  
 Sacra mari colitur medio gratissima tellus  
 Nereidum matri & Neptuno Ægæo:  
 Quam pius Arcitenens oras & littora circum 75  
 Errantem, Mycone celsa Gyaroque revinxit,  
 Immotamque coli dedit, & contemnere ventos.  
 Huc feror: hæc fessos tuto placidissima portu  
 Accipit: egressi veneramur Apollinis urbem.

80 Rex Anius, rex idem hominum, Phœbique sacerdos  
 Vittis & sacrâ redimitus tempora lauro  
 Occurrit, veterem Anchisen agnoscit amicum.  
 Jungimus hospitio dextras, & tecta subimus.

Templa Dei saxo venerabar structa vetusto:

85 Da propriam, Thymbræe, domum, da mœnia fessis,  
 Et genus, & mansuram urbem: serva altera Trojæ  
 Pergama, reliquias Danaûm atque immitis Achillei.  
 Quem sequimur? quôve ire jubes? ubi ponere sedes?  
 Da, Pater, augurium, atque animis illabere nostris.

90 Vix ea fatus eram; tremere omnia visa repentè,  
 Liminaque, laurusque Dei, totusque moveri  
 Mons circum, & mugire adytis cortina reclusis.  
 Submissi petimus terram, & vox fertur ad aures:  
 Dardanidæ duri, quæ vos a stirpe parentum

95 Prima tulit tellus, eadem vos ubere læto  
 Accipiet reduces: antiquam exquirite matrem.  
 Hic domus Æneæ cunctis dominabitur oris,  
 Et nati natorum, & qui nascentur ab illis.

Hæc Phœbus: mixtoque ingens exorta tumultu

100 Lætitia, & cuncti quæ sint ea mœnia quærunt:  
 Quò Phœbus vocet errantes, jubeatque reverti.  
 Tum genitor, veterum volvens monumenta virorum:  
 Audite, ô procures, ait, & spes discite vestras.

Creta Jovis magni medio jacet insula ponto,  
 105 Mons Idæus ubi, & gentis cunabula nostræ:  
 Centum urbes habitant magnas, uberrima regna.

Maximus unde pater , si rite audita recordor ,  
 Teucrus Rhœteas primùm est advectus ad oras ,  
 Optavitque locum regno : nondum Ilium & arces  
 Pergameæ steterant : habitabant vallibus imis.      110  
 Hinc mater cultrix Cybele , Corybantiaque æra ,  
 Idæumque nemus : hinc fida silentia sacris ,  
 Et juncti currum dominæ subiere leones.  
 Ergo agite ; & , Diyûm ducunt quâ jussâ , sequamur.  
 Placemus ventos , & Gnosia regna petamus.      115  
 Nec longo distant cursu : modò Jupiter adsit ,  
 Tertia lux classẽm Cretæis sistet in oris.  
 Sic fatus , meritos aris mactavit honores ,  
 Taurum Neptuno , taurum tibi , pulcher Apollo ,  
 Nigram Hyemi pecudem , Zephyris felicibus albam.      120

Fama volat , pulsũ regnis cessisse paternis  
 Idomenea ducem , desertaque littora Cretæ ;  
 Hoste vacare domos , sedesque adstare relictas.  
 Linquimus Ortygiæ portus , pelagoque volamus ;  
 Bacchatamque jugis Naxon , viridemque Donyfam ,      125  
 Olearon , niveamque Paron , sparsasque per æquor  
 Cycladas , & crebris legimus freta confita terris.  
 Nauticus exoritur vario certamine clamor.  
 Hortantur focii : Cretam proavosque petamus.  
 Prosequitur surgens a puppi ventus euntes :      130  
 Et tandem antiquis Curetum allabimur oris.  
 Ergo avidus muros optatæ molior urbis ,  
 Pergameamque voco , & lætam cognomine gentem

Hortor amare focos , arcemque attollere tectis.

135 Jamque fere ficco subductæ littore puppes :

Connubiis arvisque novis operata juvenus :

Jura domosque dabam , subito cùm tabida membris ,

Corrupto coeli tractu , miserandaque venit

Arboribusque fatisque lues , & lethifer annus.

140 Linquebant dulces animas , aut ægra trahebant

Corpora : tum steriles exurere Sirius agros.

Arebant herbæ , & victum seges ægra negabat.

Rurfus ad oraculum Ortygiæ , Phœbumque remenso

Hortatur pater ire mari , veniamque precari :

145 Quam fessis finem rebus ferat , unde laborum

Tentare auxilium jubeat , quò vertere cursus.

Nox erat , & terris animalia somnus habebat.

Effigies sacræ Divùm , Phrygiique Penates ,

Quos mecum a Troja mediisque ex ignibus urbis

150 Extuleram , visi ante oculos adstare jacentis

In somnis , multo manifesti lumine , quâ se

Plena per insertas fundebat Luna fenestras.

Tum sic affari , & curas his demere dictis :

Quod tibi delato Ortygiam dicturus Apollo est ,

155 Hic canit , & tua nos en ultro ad limina mittit.

Nos te , Dardaniâ incensâ , tuaque arma secuti ;

Nos tumidum sub te permensi classibus æquor ,

Iidem venturos tollemus in astra nepotes ,

Imperiumque urbi dabimus : tu moenia magnis

160 Magna para , longumque fugæ ne linque laborem.

Mutandæ sedes : non hæc tibi littora suasit  
 Delius , aut Cretæ jussit confidere Apollo.  
 Est locus , Hesperiam Graii cognomine dicunt ,  
 Terra antiqua , potens armis atque ubere glebæ :  
 Ænotrii coluere viri : nunc fama minores 165  
 Italiam dixisse , ducis de nomine , gentem.  
 Hæ nobis propriæ sedes : hinc Dardanus ortus ,  
 Jafiusque pater , genus a quo principe nostrum.  
 Surge , age , & hæc lætus longævo dicta parenti  
 Haud dubitanda refer. Corythum , terrasque require 170  
 Ausonias : Dictæa negat tibi Jupiter arva.

Talibus attonitus visis ac voce Deorum ,  
 ( Nec sopor illud erat ; sed coram agnoscere vultus ,  
 Velatâsque comas , præsentiaque ora videbar :  
 Tum gelidus toto manabat corpore sudor ) 175  
 Corripio e stratis corpus , tendoque supinas  
 Ad cælum cum voce manus , & munera libo  
 Intemerata focis : perfecto lætus honore ,  
 Anchisen facio certum , remque ordine pando.  
 Agnovit prolem ambiguum , geminosque parentes, 180  
 Seque novo veterum deceptum errore locorum.  
 Tum memorat : Nate Iliacis exercite fati ,  
 Sola mihi tales casus Cassandra canebat.  
 Nunc repeto hæc generi portendere debita nostro ,  
 Et sæpe Hesperiam , sæpe Italia regna vocare. 185  
 Sed quis ad Hesperia venturos littora Teucros  
 Crederet ? aut quem tum vates Cassandra moveret ?

Cedamus Phœbo , & moniti meliora sequamur.

Sic ait , & cuncti dictis paremus ovantes.

190 Hanc quoque deferimus sedem , paucisque relictis ,  
Vela damus , vastumque cavâ trabe currimus æquor.

Postquam altum tenuere rates , nec jam amplius ullæ  
Apparent terræ ; cœlum undique , & undique pontus :  
Tum mihi cœruleus supra caput adstitit imber ,

195 Noctem hyememque ferens , & inhorruit unda tenebris.

Continuò venti volvunt mare , magnaue surgunt  
Æquora : dispersi jactamur gurgite vasto :

Involvère diem nimbi , & nox humida cœlum  
Abstulit : ingeminant abruptis nubibus ignes.

200 Excutimur cursu , & cæcis erramus in undis.

Ipsæ diem noctemque negat discernere cœlo ,  
Nec meminisse viæ mediâ Palinurus in unda.

Tres adeo incertos cæcâ caligine soles  
Erramus pelago , totidem sine fidere noctes.

205 Quarto terra die primùm se attollere tandem

Visa , aperire procul montes , ac volvere fumum.  
Vela cadunt , remis insurgimus : haud mora nautæ  
Adnixi torquent spumas , & cœrula verrunt.

Servatum ex undis Strophadum me littora primùm

210 Accipiunt. Strophades Graio stant nomine dictæ

Insulæ Ionio in magno , quas dira Celæno ,  
Harpyiæque colunt aliæ , Phineia postquam  
Clausa domus , mensasque metu liquere priores.  
Tristius haud illis monstrum , nec sævior ulla



Pestis & ira Deum Strygiis sese extulit undis.      215  
 Virginei volucrum vultus , foedissima ventris  
 Proluvies , uncæque manus , & pallida semper  
 Ora fame.

Huc ubi delati portus intravimus ; ecce  
 Læta boum passim campis armenta videmus ,      220  
 Caprigenumque pecus , nullo custode , per herbas.  
 Irruimus ferro , & Divos ipsumque vocamus  
 In partem prædamque Jovem : tunc littore curvo  
 Exstruimusque toros , dapibusque epulamur opimis.  
 At subitæ horrifico lapsu de montibus adsunt      225  
 Harpyiæ , & magnis quatiunt clangoribus alas ,  
 Diripiuntque dapes , contactuque omnia foedant  
 Immundo : tum vox tetrum dira inter odorem.  
 Rursum in secessu longo , sub rupe cavata ,  
 Arboribus clausi circum atque horrentibus umbris ; 230  
 Instruimus mensas , arisque reponimus ignem.  
 Rursum ex diverso cœli cæcisque latebris ,  
 Turba sonans prædam pedibus circumvolat uncis ,  
 Polluit ore dapes. Sociis tunc , arma capeffant  
 Edico , & dirâ bellum cum gente gerendum.      235  
 Haud secus ac jussi faciunt , tectosque per herbam  
 Disponunt enses , & scuta latentia condunt.  
 Ergo ubi delapsæ sonitum per curva dedere  
 Littora , dat signum speculâ Misenus ab alta  
 Ære cavo : invadunt focii , & nova prælia tentant , 240  
 Obscœnas pelagi ferro foedare volucres.

Sed neque vim plumis ullam, nec vulnera tergo  
Accipiunt: celerique fugâ sub sidera lapsæ,  
Semefam prædam & vestigia foeda relinquunt.

- 245 Una in præcelsa confedit rupe Celæno,  
Infelix vates, rupitque hanc pectore vocem:  
Bellum etiam pro cæde bouum stratique iuvenis,  
Laomedontiadæ, bellumne inferre paratis,  
Et patrio infontes Harpyias pellere regno?  
250 Accipite ergo, animis atque hæc mea figite dicta:  
Quæ Phœbo Pater omnipotens, mihi Phœbus Apollo  
Prædixit, vobis Furiarum ego maxima pando.  
Italiam cursu petitis, ventisque vocatis  
Ibitis Italiam, portusque intrare licebit.  
255 Sed non antè datam cingetis mœnibus urbem,  
Quàm vos dira fames, nostræque injuria cædis,  
Ambefas subigat malis absumere mensas.  
Dixit, & in sylvam pennis ablata refugit.  
At fociis subitâ gelidus formidine sanguis  
260 Diriguit: cecidere animi; nec jam ampliùs armis,  
Sed votis precibusque jubent exposcere pacem:  
Sive Deæ, seu sint diræ obscœnæque volucres.  
At pater Anchises passis de littore palmis  
Numina magna vocat, meritosque indicit honores:  
265 Dii, prohibete minas; Dii, talem avertite casum,  
Et placidi servate pios. Tum littore funem  
Deripere, excussosque jubet laxare rudentes.  
Tendunt vela noti: fugimus spumantibus undis,

Quà cursum ventusque gubernatorque vocabant.  
 Jam medio apparet fluctu nemorosa Zacynthos, 270  
 Dulichiumque, Sameque, & Neritos ardua faxis:  
 Effugimus scopulos Ithacæ, Laërtia regna;  
 Et terram altricem sævi exsecramur Ulyssæi.  
 Mox & Leucatæ nimboſa cacumina montis,  
 Et formidatus nautis aperitur Apollo. 275  
 Hunc petimus fessi, & parvæ succedimus urbi.  
 Anchora de prora jacitur, stant littore puppes.  
 Ergo insperatâ tandem tellure potiti,  
 Lustramurque Jovi, votisque incendimus aras;  
 Actiaque Iliacis celebramus littora ludis. 280  
 Exercent patrias oleo labente palæstras  
 Nudati focii: juvat evasisse tot urbes  
 Argolicas, mediosque fugam tenuisse per hostes.  
 Interea magnum Sol circumvolvitur annum,  
 Et glacialis hyems Aquilonibus asperat undas. 285  
 Ære cavo clypeum, magni gestamen Abantis,  
 Postibus adversis figo, & rem carmine signo:  
*Æneas hæc de Danaïs victoribus arma.*  
 Linquere tum portus jubeo, & confidere transtris.  
 Certatim focii feriunt mare, & æquora verrunt. 290  
 Protinus aërias Phæacum abscondimus arces,  
 Littoraque Epiri legimus, portuque subimus  
 Chaonio, & celsam Buthroti ascendimus urbem.  
 Hic incredibilis rerum fama occupat aures,  
 Priamiden Helenum Graias regnare per urbes, 295

Conjugio Æacidæ Pyrrhi sceptrisque potitum ,  
 Et patrio Andromachen iterum cessisse marito.  
 Obstupui ; miroque incensum pectus amore  
 Compellare virum , & casus cognoscere tantos.

300 Progredior portu , classes & littora linquens.

Solennes tum fortè dapes & tristia dona  
 Ante urbem , in luco , falsi Simoëntis ad undam ,  
 Libabat cineri Andromache ; manesque vocabat  
 Hectoreum ad tumulum, viridi quem cespite inanem,

305 Et geminas , causam lacrymis , sacra verat aras.

Ut me conspexit venientem , & Troïa circum  
 Arma amens vidit ; magnis exterrita monstribus ,  
 Diriguit visu in medio ; calor ossa reliquit ;  
 Labitur , & longo vix tandem tempore fatur :

310 Verane te facies , verus mihi nuntius affers ,  
 Nate Deâ ? vivisne ? aut si lux alma recessit ,  
 Hector ubi est ? Dixit , lacrymasque effudit , & omnem  
 Implevit clamore locum. Vix pauca furenti  
 Subjicio , & raris turbatus vocibus hisco :

315 Vivo equidem , vitamque extrema per omnia duco.

Ne dubita , nam vera vidēs.

Heu , quis te casus dejectam conjuge tanto  
 Excipit ? aut quæ digna satis fortuna revisit ?

Hectoris Andromache , Pyrrhin' connubia servas ?

320 Dejecit vultum , & demissâ voce locuta est :

O felix una ante alias Priameïa virgo ,

Hostilem ad tumulum Trojæ sub mœnibus altis

Jussa mori , quæ sortitus non pertulit ullos ,  
 Nec victoris heri tetigit captiva cubile !  
 Nos , patriâ incensâ , diversa per æquora vectæ , 325  
 Stirpis Achilleæ fastus , juvenemque superbum  
 Servitio enixæ tulimus : qui deinde secutus  
 Ledæam Hermionem , Lacedæmoniosque Hymenæos ,  
 Me famulam famuloque Heleno transmisit habendam .  
 Ast illum , ereptæ magno inflammatum amore 330  
 Conjugis , & scelerum furiis agitatus Orestes ,  
 Excipit incautum , patriasque obtruncat ad aras .  
 Morte Neoptolemi , regnorum reddita cessit  
 Pars Heleno ; qui Chaonios cognomine campos ,  
 Chaoniamque omnem Trojano a Chaone dixit , 335  
 Pergamaque , Iliacamque jugis hanc addidit arcem .  
 Sed tibi qui cursum venti , quæ fata dedêre ?  
 Aut quis te ignarum nostris Deus appulit oris ?  
 Quid puer Ascanius ? superatne , & vescitur aurâ ?  
 Quem tibi jam Troja . . . . . 340  
 Ecquæ jam puero est amissæ cura parentis ?  
 Ecquid in antiquam virtutem , animosque viriles  
 Et pater Æneas , & avunculus excitat Hector ?  
 Talia fundebat lacrymans , longosque ciebat  
 Incaßum fletus , cùm sese a moenibus Heros 345  
 Priamides multis Helenus comitantibus affert ,  
 Agnoscitque suos , lætusque ad limina ducit ?  
 Et multum lacrymas verba inter singula fundit .  
 Procedo , & parvam Trojam , simulataque magnis

- 350 Pergama , & arentem Xanthi cognomine rivum  
 Agnosco , Scææque amplector limina portæ.  
 Nec non & Teucri sociâ simul urbe fruuntur.  
 Illos porticibus Rex accipiebat in amplis.  
 Aulâ in medio libabant pocula Bacchi ,  
 355 Impositis auro dapibus , patêrasque tenebant.  
 Jamque dies alterque dies processit ; & auræ  
 Vela vocant , tumidoque inflatur carbasus austro.  
 His vatem aggredior dictis , ac talia quæso :  
 Trojugena , interpres Divûm , qui numina Phœbi ,  
 360 Qui tripodas , Clarii lauros , qui sidera sentis ,  
 Et volucrum linguas , & præpetis omina pennæ ,  
 Fare age ( namque omnem cursum mihi prospera dixit  
 Relligio : & cuncti suaferunt numine Divi  
 Italiam petere , & terras tentare repostas :  
 365 Sola novum dictuque nefas Harpyia Celæno  
 Prodigium canit , & tristes denuntiat iras ,  
 Obscœnamque famem ) quæ prima pericula vito ?  
 Quidve sequens , tantos possum superare labores ?  
 Hic Helenus , cæsis primùm de more juvencis ,  
 370 Exorat pacem Divûm , vittasque resolvit  
 Sacrati capitis ; neque ad tua limina , Phoebe ,  
 Ipse manu multo suspensum numine ducit.  
 Atque hæc deinde canit divino ex ore sacerdos :  
 Nate Deâ , nam te majoribus ire per altum  
 375 Auspiciis manifesta fides : sic fata Deûm rex  
 Sortitur , volvitque vices , is vertitur ordo.

Pauca tibi e multis , quò tutior hospita lustres  
 Æquora , & Ausonio possis confidere portu ,  
 Expediam dictis : prohibent nam cetera Parcæ  
 Scire Helenum , farique vetat Saturnia Juno.      380  
 Principiò Italiam , quam tu jam rère propinquam ,  
 Vicinosque , ignare , paras invadere portus ,  
 Longa procul longis via dividit invia terris.  
 Antè & Trinacrià lentandus remus in unda ,  
 Et falis Ausonii lustrandum navibus æquor ,      385  
 Infernique lacus , Æææque insula Circes ,  
 Quàm tutâ possis urbem componere terrâ.  
 Signa tibi dicam , tu condita mente teneto.  
 Cùm tibi sollicito secreti ad fluminis undam  
 Littoreis ingens inventa sub ilicibus sus ,      390  
 Triginta capitum foetus enixa jacebit ,  
 Alba , solo recubans , albi circum ubera nati ;  
 Is locus urbis erit , requies ea certa laborum.  
 Nec tu mensarum morsus horresce futuros.  
 Fata viam invenient , aderitque vocatus Apollo.      395  
 Has autem terras , Italique hanc littoris oram ,  
 Proxima quæ nostri perfunditur æquoris æstu ,  
 Effuge : cuncta malis habitantur moenia Graiis.  
 Hic & Narycii posuerunt moenia Locri ,  
 Et Salentinos obsedit milite campos      400  
 Lyctius Idomeneus : hîc illa ducis Melibœi  
 Parva Philoctetæ subnixa Petilia muro.  
 Quin ubi transmissæ steterint trans æquora classes ,

Et positis aris jam vota in littore solves ;

405 Purpureo velare comas adopertus amictu ,  
Ne qua inter sanctos ignes in honore Deorum  
Hostilis facies occurrat , & omina turbet.

Hunc socii morem sacrorum , hunc ipse teneto :  
Hâc casti maneant in relligione nepotes. •

410 Ast ubi digressum Siculæ te admoverit oræ  
Ventus , & angusti rarefcent claustra Pelori ;  
Læva tibi tellus & longo læva petantur  
Æquora circuitu : dextrum fuge litus & undas.  
Hæc loca , vi quondam & vastâ convulsa ruinâ

415 ( Tantum ævi longinqua valet mutare vetustas )  
Diffiluisse ferunt : cùm protinus utraque tellus  
Una foret , venit medio vi pontus , & undis  
Hesperium Siculo latus abscidit : arvaque & urbes  
Littore diductas angusto interluit æstu.

420 Dextrum Scylla latus , lævum implacata Charybdis  
Obsidet : atque imo barathri ter gurgite vastos  
Sorbet in abruptum fluctus , rursusque sub auras  
Erigit alternos , & sidera verberat undâ.

At Scyllam cæcis cohibet spelunca latebris ,

425 Ora exsertantem , & naves in faxa trahentem.  
Prima hominis facies , & pulchro pectore virgo  
Pube tenus : postrema immani corpore pristis ,  
Delphinum caudas utero commissa luporum.

Præstat Trinacrii metas lustrare Pachyni

430 Cessantem , longos & circumflectere cursus ,



Quàm semel informem vasto vidisse sub antro  
Scyllam , & coeruleis canibus resonantia faxa.

Præterea , si qua est Heleno prudentia vari,  
Si qua fides , animum si veris implet Apollo;  
Unum illud tibi , nate Deâ , præque omnibus unum 435  
Prædicam, & repetens iterumque iterumque monebo.

Junonis magnæ primùm prece numen adora :  
Junoni cane vota libens , dominamque potentem  
Supplicibus supera donis : sic denique victor  
Trinacriâ fines Italos mittère relicta. 440

Huc ubi delatus Cumæam accesseris urbem ,  
Divinosque lacus , & Aversa sonantia sylvis;  
Insanam vatem aspicies , quæ rupe sub ima  
Fata canit , foliisque notas & nomina mandat.  
Quæcumque in foliis descripsit carmina virgo , 445  
Digerit in numerum , atque antro seclusâ relinquit :  
Illa manent immota locis , neque ab ordine cedunt.

Verùm eadem verso tenuis cùm cardine ventus  
Impulit , & teneras turbavit janua frondes ;  
Numquam deinde cavo volitantia prendere saxo , 450  
Nec revocare situs , aut jungere carmina curat.

Inconsulti abeunt , sedemque odère Sibyllæ.  
Hic tibi ne qua moræ fuerint dispendia tanti ,  
Quamvis increpitent focii , & vi cursus in altum  
Vela vocet , possisque sinus implere secundos , 455  
Quin adeas vatem , precibusque oracula poscas ;  
Ipsa canat , vocemque volens atque ora resolvat.

- Illa tibi Italiæ populos , venturaque bella ,  
Et quo quemque modo fugiasque , ferasque laborem  
460 Expediet , curfusque dabit venerata secundos.  
Hæc sunt quæ nostrâ liceat te voce moneri.  
Vade age , & ingentem factis fer ad æthera Trojam.  
Quæ postquam vates sic ore effatus amico est ,  
Dona dehinc auro gravia , sectoque elephanto  
465 Imperat ad naves ferri : stipatque carinis  
Ingens argentum , Dodonæosque lebetas ;  
Loricam confertam hamis , auroque trilicem ,  
Et conum insignis galeæ , cristasque comantes ,  
Arma Neoptolemi : sunt & sua dona parenti.  
470 Addit equos , additque duces.  
Remigium supplet : socios simul instruit armis.  
Interea classem velis aptare jubebat  
Anchises , fieret vento mora ne qua ferenti.  
Quem Phœbi interpres multo compellat honore :  
475 Conjugio Anchisa Veneris dignate superbo ,  
Cura Deûm , bis Pergameis erepte ruinis ,  
Ecce tibi Ausoniæ tellus : hanc arripe velis.  
Et tamen hanc pelago præterlabare necesse est.  
Ausoniæ pars illa procul , quam pandit Apollo.  
480 Vade , ait , ô felix nati pietate : quid ultra  
Provehor , & fando surgentes demoror austros ?  
Nec minùs Andromache , digressu mœsta supremo ,  
Fert picturatas auri subtemine vestes ,  
Et Phrygiam Ascanio chlamydem : nec cedit honori

Textilibusque onerat donis , ac talia fatur : 485  
 Accipe & hæc , manuum tibi quæ monumenta mearum  
 Sint,puer,& longum Andromaches testentur amorem  
 Conjugis Hectoreæ. Cape dona extrema tuorum ,  
 O mihi sola mei super Astyanactis imago !  
 Sic oculos , sic ille manus , sic ora ferebat : 490  
 Et nunc æquali tecum pubesceret ævo.  
 Hos ego digrediens lacrymis affabar obortis :  
 Vivite felices , quibus est fortuna peracta  
 Jam sua : nos alia ex aliis in fata vocamur.  
 Vobis parta quies , nullum maris æquor arandum, 495  
 Arva neque Aufoniæ semper cedentia retro  
 Quærenda : effigiem Xanthi , Trojamque videtis ,  
 Quam vestræ fecere manus : melioribus , opto ,  
 Auspiciis , & quæ fuerit minùs obvia Graiis.  
 Si quando Tybrim vicinaque Tybridis arva 500  
 Intrâro , gentique meæ data mœnia cernam ;  
 Cognatas urbes olim , populosque propinquos ,  
 Epiro , Hesperîâ , quibus idem Dardanus auctor ,  
 Atque idem casus , unam faciemus utramque  
 Trojam animis : maneat nostros ea cura nepotes. 505  
 Provehimur pelago vicina Ceraunia juxta ,  
 Unde iter Italiam , cursusque brevissimus undis.  
 Sol ruit interea , & montes umbrantur opaci.  
 Sternimur optatæ gremio telluris ad undam ,  
 Sortiti remos , passimque in littore ficco 510  
 Corpora curamus : fessos sopor irrigat artus.

Necdum orbem medium nox horis acta subibat :  
Haud segnis strato surgit Palinurus , & omnes  
Explorat ventos , atque auribus aëra captat.

515 Sidera cuncta notat tacito labentia cœlo ,  
Arcturum, pluviasque Hyadas, geminosque Triones,  
Armatumque auro circumspicit Oriona.

Postquam cuncta videt cœlo constare sereno ,  
Dat clarum e puppi signum : nos castra movemus ,  
520 Tentamusque viam , & velorum pandimus alas.

Jamque rubescebat stellis Aurora fugatis ,  
Cum procul obscuros colles , humilemque videmus  
Italiam. Italiam primus conclamat Achates :  
Italiam læto focii clamore salutant.

525 Tum Pater Anchises magnum cratera coronâ  
Induit , implevitque mero ; Divosque vocavit ,  
Stans celsa in puppi :

Dii maris & terræ tempestatumque potentes ,  
Ferte viam vento facilem , & spirate secundi.

530 Crebrescunt optatæ auræ : portusque patescit  
Jam propior , templumque apparet in arce Minervæ.  
Vela legunt focii , & proras ad littora torquent.

Portus ab Eoo fluctu curvatur in arcum :  
Objectæ falsâ spumant aspergine cautes.

535 Ipse latet : gemino demittunt brachia muro  
Turriti scopuli ; refugitque a littore templum.

Quatuor hic, primum omen, equos in gramine vidi  
Tondentes campum latè, candore nivali.

Et pater Anchifes : Bellum , ô terra hospita , portas.  
 Bello armantur equi : bellum hæc armenta minantur. 540  
 Sed tamen iidem olim curru succedere fueti  
 Quadrupedes , & fræna jugo concordia ferre :  
 Spes est pacis , ait. Tum numina sancta precamur  
 Palladis armisonæ , quæ prima accepit ovantes :  
 Et capita ante aras Phrygio velamur amictu ; 545  
 Præceptisque Heleni , dederat quæ maxima , rite  
 Junoni Argivæ jussos adolemus honores.  
 Haud mora , continuo perfectis ordine votis ,  
 Cornua velatarum obvertimus antennarum ;  
 Grajugenumque domos, suspectaque linquimus arva.  
 Hinc sinus Herculei , si vera est fama , Tarenti 551  
 Cernitur : attollit se Diva Lacinia contra ,  
 Caulonisque arces , & navifragum Scylacæum.  
 Tum procul e fluctu Trinacria cernitur Ætna :  
 Et gemitum ingentem pelagi , pulsataque faxa 555  
 Audimus longè , fractasque ad littora voces ;  
 Exsultantque vada , atque æstu miscentur arenæ.  
 Et pater Anchifes : Nimirum hæc illa Charybdis :  
 Hos Helenus scopulos , hæc faxa horrenda canebat.  
 Etipite , ô focii , pariterque insurgite remis. 560  
 Haud minùs ac jussi faciunt , primusque rudentem  
 Contorsit lævas proram Palinurus ad undas :  
 Lævam cuncta cohors remis ventisque petivit.  
 Tollimur in cœlum curvato gurgite , & iidem  
 Subductâ ad manes imos descendimus undâ. 565

Ter scopuli clamorem inter cava faxa dedere ;  
 Ter spumam elifam & rorantia vidimus astra.

Interea fessos ventus cum sole reliquit :  
 Ignarique viæ , Cyclopum allabimur oris.

570 Portus ab accessu ventorum immotus , & ingens  
 Ipse ; sed horrificis juxta tonat Ætna ruinis ;  
 Interdumque atram prorumpit ad æthera nubem ,  
 Turbine fumantem piceo & candente favillâ ,  
 Attollitque globos flammarum , & sidera lambit :

575 Interdum scopulos avulsaque viscera montis  
 Erigit eructans , liquefactaque faxa sub auras  
 Cum gemitu glomerat , fundoque exæstuat imo.  
 Fama est Enceladi semiustum fulmine corpus  
 Urgeri mole hac , ingentemque insuper Ætnam  
 580 Impositam , ruptis flammam exspirare caminis ;  
 Et fessum quoties mutat latus , intremere omnem  
 Murmure Trinacriam , & cœlum subtexere fumo.

Noctem illam tecti sylvis immania monstra  
 Perferimus : nec quæ sonitum det causa videmus.

585 Nam neque erant astrorum ignes , nec lucidus æthrâ  
 Sidereâ polus ; obscuro sed nubila cœlo ,  
 Et Lunam in nimbo nox intempesta tenebat.  
 Postera jamque dies primo surgebat Eo ,

Humentemque Aurora polo dimoverat umbram ,  
 590 Cùm subitò.e sylvis , macie confecta supremâ  
 Ignoti nova forma viri , miserandaque cultu  
 Procedit , supplexque manus ad littora tendit.

Respicimus :

Respicimus : dira illuvies , immiffaque barba ,  
 Confertum tegmen fpinis ; at cetera Graius ,  
 Et quondam patriis ad Trojam miffus in armis. 595  
 Ifque ubi Dardanios habitus & Troia vidit  
 Arma procul , paulum afpectu conterritus hæfit ,  
 Continuitque gradum ; mox fefe ad littora præceps  
 Cum fletu precibusque tulit : Per fidera teftor ,  
 Per Superos , atque hoc coeli fpirabile lumen, 600  
 Tollite me , Teucri , quafcumque abducite terras.  
 Hoc fat erit. Scio me Danaïs e claffibus unum ,  
 Et bello Iliacos fateor petiiffe Penates.  
 Pro quo , fi fceleris tanta eft injuria noftri ,  
 Spargite me in fluctus , vaftoque immergite ponto. 605  
 Si pereo , manibus hominum periiffe juvabit.  
 Dixerat : & genua amplexus , genibusque volutans  
 Hærebat. Qui fit , fari , quo fanguine cretus ,  
 Hortamur ; quæ deinde agitet fortuna , fateri.  
 Ipfe pater dextram Anchifes , haud multa moratus, 610  
 Dat juveni , atque animum præfenti pignore firmat.  
 Ille hæc, deponit tandem formidine , fatur :  
 Sum patria ex Ithaca , comes infelicis Ulyffeï ,  
 Nomen Achemenides ; Trojam genitore Adamafto  
 Paupere ( maniffetque utinam fortuna ! ) profectus. 615  
 Hic me , dum trepidi crudelia limina linquunt ,  
 Immemores focii vafto Cyclopi in antro  
 Deferuere. Domus fanie dapibusque cruentis  
 Intus opaca , ingens : ipfe arduus , altaque pulfat

- 620 Sidera ( Dii , talem terris avertite pestem )  
Nec visu facilis , nec dictu affabilis ulli.  
Visceribus miserorum , & sanguine vescitur atro.  
Vidi egomet , duo de numero cùm corpora nostro ,  
Prensa manu magnâ , medio resupinus in antro ,  
625 Frangeret ad faxum , fanieque aspersa natarent  
Limina : vidi , atro cùm membra fluentia tabo  
Manderet , & tepidi tremerent sub dentibus artus.  
Haud impune quidem : nec talia passus Ulysses ,  
Oblitusve sui est Itachus discrimine tanto.
- 630 Nam simul expletus dapibus , vinoque sepultus  
Cervicem inflexam posuit , jacuitque per antrum  
Immensus , faniem eructans ac frustra cruento  
Per somnum commixta mero ; nos , magna precati  
Numina , fortitique vices , unâ undique circùm  
635 Fundimur , & telo lumen terebramus acuto  
Ingens , quod torvâ solum sub fronte latebat ,  
Argolici clypei aut Phœbeæ lampadis instar :  
Et tandem læti sociorum ulciscimur umbras.  
Sed fugite , ô miseri , fugite , atque ab littore funem  
640 Rumpite.  
Nam qualis quantusque cavo Polyphemus in antro  
Lanigeras claudit pecudes , atque ubera prestat ;  
Centum alii curva hæc habitant ad littora vulgò  
Infandi Cyclopes , & altis montibus errant.
- 645 Tertia jam Lunæ se cornua lumine complent ,  
Cùm vitam in sylvis , inter deserta ferarum



Lustra domosque traho , vastosque ab rupe Cyclo-  
 Prospicio , sonitumque pedum vocemque tremisco.  
 Victum infelicem , baccas , lapidosaque corna  
 Dant rami , & vulfis pascunt radicibus herbæ. 650  
 Omnia collustrans , hanc primùm ad littora classem  
 Conspexi venientem ; huic me , quæcumque fuisset,  
 Addixi : fatis est gentem effugisse nefandam.  
 Vos animam hanc potiùs quocumque absumite letho.

Vix ea fatus erat , summo cùm monte videmus 655  
 Ipsum inter pecudes vastâ se mole moventem  
 Pastorem Polyphemum , & littora nota petentem :  
 Monstrum horrendum, informe, ingens, cui lumen ademptum.  
 Trunca manum pinus regit , & vestigia firmat.  
 Lanigeræ comitantur oves , ea sola voluptas , 660  
 Solamenque mali : de collo fistula pendet.  
 Postquam altos tetigit fluctus , & ad æquora venit ;  
 Luminis effossi fluidum lavit inde cruorem ,  
 Dentibus infrendens gemitu ; graditurque per æquor  
 Jam medium , necdum fluctus latera ardua tinxit. 665  
 Nos procul inde fugam trepidi celerare , recepto  
 Supplice , sic merito , tacitique incidere funem :  
 Verrimus & proni certantibus æquora remis.  
 Sensit , & ad sonitum vocis vestigia torfit.  
 Verùm ubi nulla datur dextram affectare potestas , 670  
 Nec potis Ionios fluctus æquare sequendo ;  
 Clamorem immensum tollit , quo pontus & omnes  
 Intremuere undæ , penitusque exterrita tellus

- Italiæ , curvisque immugiit Ætna cavernis.  
 675 At genus e sylvis Cyclopum & montibus altis  
 Excitum ruit ad portus , & littora complent.  
 Cernimus adstantes nequicquam lumine torvo  
 Ætnæos fratres , cœlo capita alta ferentes ,  
 Concilium horrendum : quales cùm vertice celfo  
 680 Aëriæ quercus aut coniferæ cyparissi  
 Constiterunt , sylva alta Jovis , lucusve Dianæ.  
 Præcipites metus acer agit quocumque rudentes  
 Excutere , & ventis intendere vela secundis.  
 Contra jussa monent Heleni Scyllam atque Charybdim ;  
 685 Inter utramque viam , lethi discrimine parvo ,  
 Nî teneant cursus : certum est dare lintea retro.  
 Ecce autem Boreas angusta ab sede Pelori  
 Missus adest : vivo prætervehor ostia saxo  
 Pantagiæ , Megarosque finus , Tapsumque jacentem.  
 690 Talia monstrabat relegens errata retrorsum  
 Littora Achemenides , comes infelicis Ulyssæi.  
 Sicanio prætenta sinu jacet insula , contra  
 Plemmyrium undosum ; nomen dixere priores  
 Ortygiam. Alphæum fama est huc , Elidis amnem ,  
 695 Occultas egisse vias subter mare ; qui nunc  
 Ore , Ærethusa , tuo Siculis confunditur undis.  
 Jussi numina magna loci veneramur , & inde  
 Exsupero præpingue solum stagnantis Helori.  
 Hinc altas cautes projectaque saxa Pachyni  
 700 Radimus ; & fatis numquam concessa moveri

Apparet Camarina procul, campique Geloi,  
 Immanisque Gela, fluvii cognomine dicta.  
 Arduus inde Acragas ostentat maxima longè  
 Moenia, magnanimùm quondam generator equorum.  
 Teque datis linquo ventis, palmosa Selinus;      705  
 Et vada dura lego faxis Lilybeia cæcis.  
 Hinc Drepani me portus & illætabilis ora  
 Accipit. Hic, pelagi tot tempestatibus actus,  
 Heu! genitorem, omnis curæ casûsque levamen,  
 Amitto Anchisen. Hic me, pater optime, fessum      710  
 Deferis, heu! tantis nequicquam erepte periclis.  
 Nec vates Helenus, cùm multa horrenda moneret,  
 Hos mihi prædixit luctus, non dira Celæno.  
 Hic labor extremus, longarum hæc meta viarum.  
 Hinc me digressum vestris Deus appulit oris.      715  
 Sic pater Æneas, intentis omnibus, unus  
 Fata renarrabat Divùm, cursusque docebat:  
 Conticuit tandem, factoque hic fine quievit.





## ARGUMENTUM

### LIBRI QUARTI.

**D**IDO amores in Æneam suos Annæ sorori aperit ; ejusque consilio animum adjicit ad nuptias. Juno , ut Æneam ab Italia deducat , agit cum Venere de conciliandis inter utrumque nuptiis. Æneas ac Dido venatum abeunt , subortâque Junonis artibus tempestate , confugiunt in antrum ; ibidemque falsum illud infaus- tumque conjugium perficitur. Iarbas, Ge- tulorum rex , Jovis Ammonis filius , Di- donis procus , advenam sibi præferri in- dignans , apud Jovem graviter queritur. Jupiter , & ejus precibus , & fati ur- gentibus adductus , Mercurium ad Æneam mittit , qui eum abire in Italiam jubeat. Parat clam Æneas omnia ad navigatio- nem necessaria : quod suspicata Dido , precibus & lacrymis deterrere eum ab in-



*Le Duc de la Rochelle del.*

*El Duclos sculp.*






cepto , tum per se , tum per sororem conatur. *Æneas* iterum a *Mercurio* in somnis admonitus , nocte intempestâ anchoras solvit. *Dido* doloris impatiens , exstructam simulatione sacri magici pyram conscendens , ipso *Æneæ* gladio sibi vitam adimit.

Unus hic è libris omnibus plurimum artis habet ac suavitatis , motusque animi tenerrimos quosque ac violentissimos : præsertim in oçto *Didonis* orationibus , quibus I Sorori amorem aperit , v. 9. II Dissuadet *Æneæ* profectiõnem , v. 305. III Eidem multa exprobrat , & multa comminatur , v. 365. IV Sororem adhibet apud *Æneam* conciliatricem , v. 416. V Desperatis omnibus , specie sacri magici , moriendi consilium sorori dissimulat , v. 478. VI Secum ipsa noctu varia consilia agitat , v. 534. VII Fugientium Trojanorum aspectu extremùm fuit , v. 590. VIII Stricto ense sibi imminens

*in verba novissima erumpit , v. 631. Accusant Virgilium aliqui , quodd ex Argon. Apollonii lib. 4 multa decerpserit : quos damnat Scaliger : neque convenit argumentum , nisi hoc uno , quod hospitem hic Dido , illic Medea , suum ament. At nihil admodum , præter comparationes pauculas , indè excerptum est : qualia etiam nonnulla ex Calypsûs & Ulyssis amoribus Odyss. l. 5 , tum ex Euripidis Medea & Hyppolyto , & Catulli carmine de Pelei nuptiis , excerpta sunt.*







## LIBER QUARTUS.

**A**T Regina gravi jamdudum faucibus curâ  
Vulnus alit venis, & cæco carpitur igni.  
Multa viri virtus animo, multusque recurſat  
Gentis honos: hærent infixi pectore vultus,  
Verbaque; nec placidam membris dat cura quietem. 5  
Poſtera Phœbeâ luſtrabat lampade terras,  
Humentemque Aurora polo dimoverat umbram,  
Cum ſic unanimem alloquitur malefana ſororem:  
Anna ſoror, quæ me ſuſpenſam inſomnia terrent?  
Quis novus hic noſtris ſucceſſit ſedibus hoſpes? 10  
Quem ſeſe ore ferens! quàm forti pectore & armis!  
Credo equidem (nec vana fides) genus eſſe Deorum.  
Degeneres animos timor arguit. Heu quibus ille  
Jaſtatus fatiſ! quæ bella exhausta canebat!  
Si mihi non animo fixum immorumque ſederet 15  
Ne cui me vinclo vellem fociare jugali,  
Poſtquam primus amor deceptam morte ſefellit:  
Si non pertæſum thalami tædæque fuiſſet;  
Huic uni forſan potui ſuccumbere culpæ.  
Anna (fatebor enim) miſeri poſt fata Sichæi 20  
Conjugis, & ſparſos fraternâ cæde Penates;  
Soluſ hic inflexit ſenſus, animumque labantem  
Impulit: agnoſco veteriſ veſtigia flammæ.  
Sed mihi vel telluſ optem priùs ima dehifcat,  
Vel pater omnipotens adigat me fulmine ad umbras, 25

Pallentes umbras Erebi , noctemque profundam ,  
 Antè , pudor , quàm te violo , aut tua jura resolvo.  
 Ille meos , primus qui me sibi junxit , amores  
 Abstulit : ille habeat secum , fervetque sepulcro.

30 Sic effata , finum lacrymis implevit obortis.

Anna refert : O luce magis dilecta sorori ,

Solane perpetuâ mœrens carpère juventâ ?

Nec dulces natos , Veneris nec præmia noris ?

Id cinerem , aut manes credis curare sepultos ?

35 Efto : ægram nulli quondam flexere mariti ;

Non Libyæ , non antè Tyro : despectus Iarbas ,

Ductoresque alii , quos Africa terra triumphis

Dives alit : placitone etiam pugnabis amori ?

Nec venit in mentem quorum confideris arvis ?

40 Hinc Getulæ urbes , genus insuperabile bello ,

Et Numidæ infræni cingunt , & inhospita Syrtis :

Hinc deferta siti regio , latèque furentes .

Barcæi . Quid bella Tyro surgentia dicam ,

Germanique minas ?

45 Diis equidem auspiciis reor , & Junone secundâ ,

Huc cursum Iliacas vento tenuisse carinas .

Quam tu urbem soror hanc cernes ! quæ surgere regna

Conjugio tali ! Teucrûm comitantibus armis ,

Punica se quantis attollet gloria rebus !

50 Tu modò postea Deos veniam , sacrisque litatis ,

Indulge hospitio , causasque innefte morandi ;

Dum pelago desævire hyems , & aquosus Orion ,

Quassatæque rates , & non tractabile cœlum.

His dictis incensum animum inflammavit amore ,  
 Spemque dedit dubiæ menti , solvitque pudorem. 55  
 Principio delubra adeunt , pacemque per aras  
 Exquirunt : maestant lectas de more bidentes  
 Legiferæ Cereri , Phœboque , patrique Lyæo ;  
 Junoni ante omnes , cui vincla jugalia curæ.  
 Ipsa tenens dextrâ pateram pulcherrima Dido , 60  
 Candentis vaccæ media inter cornua fundit ;  
 Aut ante ora Deûm pingues spatiat ad aras ,  
 Instauratque diem donis , pecudumque reclusis  
 Pectoribus inhians , spirantia consulit exta.  
 Heu vatum ignaræ mentes ! quid vota furentem , 65  
 Quid delubra juvant ? est mollis flamma medullas  
 Interea , & tacitum vivit sub pectore vulnus.

Uritur infelix Dido , totâque vagatur  
 Urbe furens : qualis conjectâ cerva sagittâ ,  
 Quam procul incautam nemora inter Cressia fixit 70  
 Pastor agens telis , liquitque volatile ferrum  
 Nescius ; illa fugâ sylvas saltusque peragrat  
 Dictæos : hæret lateri lethalis arundo.  
 Nunc media Ænæan secum per mœnia ducit ;  
 Sidoniasque ostentat opes , urbemque paratam : 75  
 Incipit effari , mediaque in voce resistit.  
 Nunc eadem labente die convivia quærit ,  
 Iliacosque iterum demens audire labores  
 Exposcit , pendetque iterum narrantis ab ore.

K vj

- 80 Pòst , ubi digressi , lumenque obscura vicissim  
 Luna premit , suadentque cadentia sidera somnos ,  
 Sola domo mœret vacuâ , stratisque relictis  
 Incubat : illum absens absentem auditque videtque :  
 Aut gremio Ascanium , genitoris imagine capta ,  
 85 Detinet , infandum si fallere possit amorem.  
 Non cœptæ affurgunt turre , non arma Juventus  
 Exercet , portusve aut propugnacula bello  
 Tuta parant : pendent opera interrupta , minæque  
 Murorum ingentes , æquataque machina cœlo.
- 90 Quam simul ac tali perferens peste teneri  
 Cara Jovis conjux , nec famam obstare furori ;  
 Talibus aggreditur Venerem Saturnia dictis :  
 Egregiam verò laudem & spolia ampla refertis ,  
 Tuque puerque tuus , magnum & memorabile nomen ,  
 95 Una dolo Divûm si femina victa duorum est.  
 Nec me adeo fallit , veritam te mœnia nostra ,  
 Suspectas habuisse domos Carthaginis altæ.  
 Sed quis erit modus ? aut quò nunc certamine tanto ?  
 Quin potiùs pacem æternam pactosque hymenæos  
 100 Exerceamus ? habes totâ quod mente petisti :  
 Ardet amans Dido , traxitque per ossa furorem.  
 Communem hunc ergo populum , paribusque regamus  
 Auspiciis : liceat Phrygio servire marito ,  
 Dotalesque tuæ Tyrios permittere dextræ.
- 105 Olli ( sensit enim simulatâ mente locutam ,  
 Quò regnum Italiæ Libycas averteret oras )

Sic contrà est ingressa Venus : Quis talia demens  
 Abnuat , aut tecum malit contendere bello ?  
 Si modò , quod memoras , factum fortuna sequatur ,  
 Sed fatis incerta feror , si Jupiter unam 110  
 Esse velit Tyriis urbem , Trojàque profectis ;  
 Miscerive probet populos , aut foedera jungi.  
 Tu conjux : tibi fas animum tentare precando.  
 Perge , sequar. Tum sic excepit regia Juno :  
 Mecum erit iste labor : nunc quâ ratione quod instat 115  
 Confieri possit , paucis , adverte , docebo.  
 Venatum Æneas unâque miserrima Dido  
 In nemus ire parant , ubi primos crastinus ortus  
 Extulerit Titan , radiisque retexerit orbem.  
 His ego nigrantem commixtâ grandine nimbum , 120  
 Dum trepidant alæ , saltusque indagine cingunt ,  
 Desuper infundam , & tonitru coelum omne ciebo.  
 Diffugient comites , & nocte tegentur opacâ.  
 Speluncam Dido , dux & Trojanus eamdem  
 Devenient : adero ; & , tua si mihi certa voluntas , 125  
 Connubio jungam stabili , propriamque dicabo.  
 Hic Hymenæus erit. Non adversata , petenti  
 Annuit , atque dolis risit Cytherea repertis.  
 Oceanum interea surgens Aurora reliquit.  
 It portis , jubare exorto , delecta juvenus , 130  
 Retia rara , plagæ , lato venabula ferro ,  
 Massylisque ruunt equites , & odora canum vis.  
 Reginam thalamo cunctantem ad limina primi

- Pœnorum exspectant ; ostroque insignis & auro  
 135 Stat sonipes , ac fræna ferox spumantia mandit.  
 Tandem progreditur , magnâ stipante catervâ ,  
 Sidoniam picto chlamydem circumdata limbo :  
 Cui pharetra ex auro , crines nodantur in aurum ,  
 Aurea purpuream subnectit fibula vestem.
- 140 Nec non & Phrygii comites , & lætus Iûlus ,  
 Incedunt : ipse ante alios pulcherrimus omnes  
 Infert se socium Æneas , atque agmina jungit.  
 Qualis ubi hybernâ Lyciam Xantique fluenta  
 Deferit , æ Delum maternam invisit Apollo ,  
 145 Instauratione choros ; mixtique altaria circum  
 Cretesque Driopesque fremunt , pictique Agathyrsi.  
 Ipse jugis Cynthi graditur , mollique fluentem  
 Fronde premit crinem fingens , atque implicat auro :  
 Tela sonant humeris. Haud illo segnior ibat
- 150 Æneas : tantum egregio decus enitet ore.  
 Postquam altos ventum in montes, atque invia lustra;  
 Ecce feræ saxi dejectæ vertice capræ  
 Decurrere jugis : alia de parte patentes  
 Transmittunt cursu campos , atque agmina cervi  
 155 Pulverulenta fugâ glomerant , montesque relinquunt.  
 At puer Ascanius mediis in vallibus acri  
 Gaudet equo : jamque hos cursu , jam præterit illos ;  
 Spumantemque dari pecora inter inertia votis  
 Optat aprum , aut fulvum descendere monte leonem.
- 160 Interea magno misceri murmure cœlum

Incipit : insequitur commixtâ grandine nimbus.  
 Et Tyrii comites passim , & Trojana juvenus ,  
 Dardaniusque nepos Veneris , diversa per agros  
 Testa metu petiere : ruunt de montibus amnes.  
 Speluncam Dido , dux & Trojanus eandem 165  
 Deveniunt : prima & Tellus & pronuba Juno  
 Dant signum : fulfere ignes & conscius æther  
 Connubii , summoque ululârunt vertice Nymphæ.  
 Ille dies primus lethi primusque malorum  
 Causa fuit : neque enim specie famâve movetur , 170  
 Nec jam furtivum Dido meditatur amorem :  
 Conjugium vocat , hoc prætexit nomine culpam.  
 Extemplo Libyæ magnas it Fama per urbes ,  
 Fama , malum quo non aliud velocius ullum ;  
 Mobilitate viget , viresque acquirit eundo : 175  
 Parva metu primò ; mox sese attollit in auras ,  
 Ingrediturque solo , & caput inter nubila condit.  
 Illam Terra parens , irâ irritata Deorum ,  
 Extremam ( ut perhibent ) Cœo Enceladoque sororem  
 Progenuit , pedibus celerem & pernicibus alis : 180  
 Monstrum horrendum , ingens ; cui quot sunt corpore plumæ ,  
 Tot vigiles oculi subter ( mirabile dictu )  
 Tot linguæ , totidem ora sonant , tot subrigit aures.  
 Nocte volat cœli medio terræque per umbram  
 Stridens , nec dulci declinat lumina somno : 185  
 Luce sedet custos , aut summi culmine tecti ,  
 Turribus aut altis , & magnas territat urbes ;

Tam ficti pravique tenax , quàm nuntia veri.

Hæc tum multiplici populos sermone replebat

190 Gaudens , & pariter factâ atque infecta canebat :

Venisse Ænean Trojano a sanguine cretum ,

Cui se pulchra viro dignetur jungere Dido :

Nunchyemem inter se luxu , quàm longa , fovere ,

Regnorum immemores , turpique cupidine captos.

195 Hæc passim Dea foeda virum diffundit in ora.

Protinus ad regem cursus detorquet Iarbam ,

Incenditque animum dictis , atque aggerat iras.

Hic Ammone satus , raptâ Garamantide Nymphâ ,

Templa Jovi centum latis immania regnis ,

200 Centum aras posuit ; vigilemque sacraverat ignem ,

Excubias Divum æternas , pecudumque cruore

Pingue solum , & variis florentia limina fertis.

Isque amens animi , & rumore accensus amaro

Dicitur ante aras , media inter numina Divum ,

205 Multa Jovem manibus supplex orasse supinis :

Jupiter omnipotens , cui nunc Maurusia pictis

Gens epulata toris Lenæum libat honorem ,

Aspicias hæc ? an te , genitor , cum fulmina torques

Nequicquam horremus ? cæcique in nubibus ignes

210 Terrificant animos , & inania murmura miscent ?

Femina , quæ nostris errans in finibus urbem

Exiguam pretio posuit , cui littus arandum ,

Cuique loci leges dedimus , connubia nostra

Reppulit , ac dominum Ænean in regna recepit.



Et nunc ille Paris , cum semiviro comitatu , 215  
 Mæoniâ mentum mitrâ , crinemque madentem  
 Subnixus , rapto potitur : nos munera templis  
 Quippe tuis ferimus , famamque fovemus inanem.

Talibus orantem dictis , arasque tenentem  
 Audiit Omnipotens ; oculosque ad moenia torlit 220  
 Regia , & oblitos famæ melioris amantes.

Tum sic Mercurium alloquitur , ac talia mandat :  
 Vade age , nate , voca zephyros , & labere pennis ;  
 Dardaniumque ducem , Tyriâ Carthagine qui nunc  
 Exspectat , fatisque datas non respicit urbes , 225  
 Alloquere , & celeres defer mea dicta per auras.

Non illum nobis genitrix pulcherrima talem  
 Promisit , Græiûmque ideo bis vindicat armis :  
 Sed fore qui gravidam imperiis , belloque frementem  
 Italiam regeret , genus alto a sanguine Teucris 230  
 Proderet , ac totum sub leges mitteret orbem.

Si nulla accendit tantarum gloria rerum ,  
 Nec super ipse suâ molitur laude laborem ,  
 Afcanione pater Romanas invidet arces ?  
 Quid fruit ? aut quâ spe inimica in gente moratur ? 235  
 Nec prolem Aufoniam & Lavinia respicit arva ?  
 Naviget : hæc summa est , hic nostri nuntius esto.

Dixerat : ille patris magni parêre parabat  
 Imperio : & primùm pedibus talaria neſtit  
 Aurea , quæ ſublimem alis , five æquora ſupra , 240  
 Seu terram , rapido pariter cum flamine portant.

Tum virgam capit : hâc animas ille evocat Orco  
Pallentes , alias sub tristia tartara mittit ;  
Dat somnos adimitque , & lumina morte resignat.

- 245 Illâ fretus agit ventos , & turbida tranat  
Nubila. Jamque volans âpicem & latera ardua cernit  
Atlantis duri , cœlum qui vertice fulcit ;  
Atlantis , cinctum assidue cui nubibus atris  
Piniferum caput & vento pulsatur & imbri :  
250 Nix humeros infusa tegit : tum flumina mento  
Præcipitant sepi , & glacie riget horrida barba.  
Hic primùm paribus nitens Cyllenius alis  
Constitit ; hinc toto præceps se corpore ad undas  
Misit , avi similis , quæ circum littora , circum  
255 Pisciferos scopulos , humilis volat æquora juxta.  
Haud aliter , terras inter cœlumque , legebat  
Littus arenosum Libyæ , ventosque secabat  
Materno veniens ab avo Cyllenia proles.

- Ut primùm alatis tetigit magalia plantis ,  
260 Ænean fundantem arces , ac tecta novantem  
Conspicit : atque illi stellatus jaspide fulvâ  
Ensis erat , Tyrioque ardebat murice læna  
Demissa ex humeris , dives quæ munera Dido  
Fecerat , & tenui telas discreverat auro.  
265 Continuò invadit : Tu nunc Carthaginis altæ  
Fundamenta locas , pulchramque uxorius urbem  
Exstruis , heu ! regni rerumque oblite tuarum !  
Ipse Deum tibi me claro demittit Olympo

Regnator, cælum & terras qui numine torquet :  
 Ipse hæc ferre jubet celeres mandata per auras : 270  
 Quid struis ? aut quâ spe Libycis teris otia terris ?  
 Si te nulla movet tantarum gloria rerum ,  
 Nec super ipse tua moliris laude laborem ;  
 Ascanium surgentem , & spes heredis Iûli  
 Respice , cui regnum Italiæ , Romanaque tellus 275  
 Debentur. Tali Cyllenius ore locutus ,  
 Mortales visus medio sermone reliquit ,  
 Et procul in tenuem ex oculis evanuit auram.

At verò Æneas aspectu obmutuit amens :  
 Arrectæque horrore comæ , & vox faucibus hæsit. 280  
 Ardet abire fugâ , dulcesque relinquere terras ,  
 Attonitus tanto monitu imperioque Deorum.  
 Heu ! quid agat ? quo nunc Reginam ambire furentem  
 Audeat affatu ? quæ prima exordia sumat ?  
 Atque animum nunc huc celerem, nunc dividit illuc, 285  
 In partesque rapit varias , perque omnia versat.  
 Hæc alternanti potior sententia visa est.  
 Mnesthea, Sergestumque vocat, fortemque Cloanthum :  
 Classẽ aptent taciti , sociosque ad littora cogant ,  
 Arma parent ; & quæ sit rebus causa novandis 290  
 Dissimulent : sese interea , quando optima Dido  
 Nesciat , & tantos rumpi non speret amores ,  
 Tentaturum aditus , & quæ mollissima fandi  
 Tempora , quis rebus dexter modus. Ociùs omnes  
 Imperio læti parent , ac jussa facessunt. 295

- At Regina dolos ( quis fallere possit amantem ? )  
 Præsenfit , motusque exceptit prima futuros ,  
 Omnia tuta timens : eadem impia Fama furenti  
 Detulit armari classem , cursumque parari.
- 300 Sævit inops animi , totamque incensa per urbem  
 Bacchatur : qualis commotis excita sacris  
 Thyias , ubi audito stimulant trieterica Baccho  
 Orgia , nocturnusque vocat clamore Cithæron.  
 Tandem his Ænean compellat vocibus ultro :
- 305 Dissimulare etiam sperasti , perfide , tantum  
 Posse nefas , tacitusque meâ decedere terrâ ?  
 Nec te noster amor , nec te data dextera quondam ;  
 Nec moritura tenet crudeli funere Dido ?  
 Quin etiam hyberno moliris fidere classem ,
- 310 Et mediis properas Aquilonibus ire per altum ,  
 Crudelis ! Quid , si non arva aliena , domosque  
 Ignotas peteres , & Troja antiqua maneret ,  
 Troja per undosum peteretur classibus æquor ?  
 Mene fugis ? per ego has lacrymas dextramque tuam, te
- 315 ( Quando aliud mihi jam miseræ nihil ipsa reliqui )  
 Per connubia nostra , per inceptos hymenæos ;  
 Si bene quid de tē merui , fuit aut tibi quicquam  
 Dulce meum , miserere domûs labentis ; & istam ;  
 Oro , si quis adhuc precibus locus , exsue mentem.
- 320 Te propter Libycæ gentes , Nomadumque tyranni  
 Odere , infensi Tyrii : te propter eundem  
 Exstinctus pudor , & quâ solâ sidera adibam ,

Fama prior : cui me moribundam deferis , hospes ?  
 Hoc solum nomen quoniam de conjuge restat.  
 Quid moror ? an mea Pygmalion dum mœnia frater 325  
 Destruat ? aut captam ducat Getulus Iarbas ?  
 Saltem si qua mihi de te suscepta fuisset  
 Ante fugam soboles , si quis mihi parvulus aulâ  
 Luderet Æneas , qui te tantum ore referret ;  
 Non equidem omnino capta aut deserta viderer. 330  
 Dixerat. Ille Jovis monitis immota tenebat  
 Lumina , & obnixus curam sub corde premebat.  
 Tandem pauca refert : Ego te , quæ plurima fando  
 Enumerare vales , numquam , Regina , negabo  
 Promeritam : nec me meminisse pigebit Elisæ , 335  
 Dum memor ipse mei , dum spiritus hos reget artus.  
 Pro re pauca loquar. Neque ego hanc abscondere furto  
 Speravi , ne finge , fugam ; nec conjugis umquam  
 Prætendi tædas , aut hæc in fœdera veni.  
 Me si fata meis paterentur ducere vitam 340  
 Auspiciis , & sponte meâ componere curas ;  
 Urbem Trojanam primum , dulcesque meorum  
 Reliquias colerem : Priami tecta alta manerent ,  
 Et recidiva manu posuissem Pergama victis.  
 Sed nunc Italiam magnam Grynæus Apollo , 345  
 Italiam Lyciæ jussere capeffere sortes :  
 Hic amor , hæc patria est. Si te Carthaginis arces  
 Phoenissam , Libycæque aspectus detinet urbis ;  
 Quæ tandem Ausoniâ Teucros confidere terrâ

350 Invidia est ? & nos fas extera quærere regna.

Me patris Anchisæ , quoties humentibus umbris  
Nox operit terras , quoties astra ignea surgunt ,  
Admonet in somnis & turbida terret imago :  
Me puer Ascanius , capitisque injuria cari ,

355 Quem regno Hesperiaë fraudo & fatalibus arvis.

Nunc etiam interpret Divûm , Jove niissus ab ipso  
( Testor utrumque caput ) celeres mandata per auras  
Detulit : ipse Deum manifesto in lumine vidi  
Intrantem muros , vocemque his auribus hausi.

360 Define meque tuis incendere , teque querelis :

Italiam non sponte sequor.

Talia dicentem jamdudum averfa tuetur ,  
Huc illuc volvens oculos ; totumque pererrat  
Luminibus tacitis , & sic accensa profatur :

365 Nec tibi Diva parens , generis nec Dardanus auctor ,

Perfide ; sed duris genuit te cautibus horrens  
Caucasus , Hyrcanæque admôrunt ubera tigres.

Nam quid dissimulo ? aut quæ me ad majora reservo ?

Num fletu ingemuit nostro ? num lumina flexit ?

370 Num lacrymas victus dedit ? aut miseratus amantem est ?

Quæ quibus anteferam ? jam jam nec maxima Juno ,  
Nec Saturnius hæc oculis Pater aspicit æquis.

Nusquam tuta fides. Ejectum littore , egentem  
Excepi , & regni demens in parte locavi :

375 Amissam classem , socios a morte reduxi.

Heu ! furiis incensa feror. Nunc augur Apollo ,

Nunc Lyciæ fortes , nunc & Jove missus ab ipso  
 Interpres Divum fert horrida jussa per auras.  
 Scilicet is Superis labor est , ea cura quietos  
 Sollicitat. Neque te teneo , neque dicta refello. 380  
 I , sequere Italiam ventis , pete regna per undas.  
 Spero equidem mediis , si quid pia numina possunt,  
 Supplicia hausurum scopulis , & nomine Dido  
 Sæpe vocaturum. Sequar atris ignibus absens :  
 Et cum frigida mors animam seduxerit artus , 385  
 Omnibus umbra locis adero : dabis , improbe , poenas.  
 Audiam , & hæc manes veniet mihi fama sub imos.

His medium dictis sermonem abrumpit , & auras  
 Ægra fugit : seque ex oculis avertit & aufert ,  
 Linquens multa metu cunctantem , & multa parantem 390  
 Dicere. Suscipiunt famulæ , collapsaque membra  
 Marmoreo referunt thalamo , stratisque reponunt.

At pius Æneas , quamquam lenire dolentem  
 Solando cupit , & dictis avertere curas ,  
 Multa gemens , magnoque animum labefactus amore ; 395  
 Jussa tamen Divum exsequitur , classemque revisit.  
 Tum verò Teucri incumbunt , & littore celsas  
 Deducunt toto naves : natat uncta carina ,  
 Frondentesque ferunt remos , & robora sylvis  
 Infabricata , fugæ studio. 400

Migrantes cernas , totaque ex urbe ruentes.  
 Ac veluti ingentem formicæ farris acervum  
 Cum populant , hyemis memores , tectoque reponunt ;

It nigrum campis agmen , prædamque per herbas  
405 Convectant calle angusto : pars grandia trudunt  
Obnixæ frumenta humeris : pars agmina cogunt ,  
Castigantque moras : opere omnis femita fervet.

Quis tibi nunc , Dido , cernenti talia sensus ?  
Quosve dabas gemitus , cùm littora fervere latè  
410 Prospiceres arce ex summa , totumque vidères  
Misceri ante oculos tantis clamoribus æquor ?  
Improbe amor , quid non mortalia pectora cogis ?  
Ire iterum in lacrymas , iterum tentare precando  
Cogitur , & supplex animos submittere amanti ;  
415 Ne quid inexpertum ( frustra ) moritura relinquat.

Anna , vides toto properari littore circum :  
Undique convenere : vocat jam carbasus auras ;  
Puppibus & læti nautæ imposuere coronas.  
Hunc ego si potui tantum sperare dolorem ,  
420 Et perferre , soror , potero. Miserae hoc tamen unum  
Exsequere , Anna , mihi : solam nam perfidus ille  
Te colere , arcanos etiam tibi credere sensus ;  
Sola viri molles aditus & tempora noras.

I , soror , atque hostem supplex affare superbum :  
425 Non ego cum Danaïs Trojanam excindere gentem  
Aulide juravi , classemve ad Pergama misi :  
Nec Patris Anchisæ cineres manesve revelli.  
Cur mea dicta negat duras demittere in aures ?  
Quò ruit ? extremum hoc miserae det munus amanti :  
430 Exspectet facilemque fugam , ventosque ferentes.

Non



Non jam conjugium antiquum , quod prodidit , oro ;  
 Nec pulchro ut Latio careat , regnumque relinquat.  
 Tempus inane peto , requiem spatiumque furori ,  
 Dum mea me victam doceat fortuna dolere.  
 Extremam hanc oro veniam ( miserere sororis ) 435  
 Quam mihi cum dederit, cumulatam morte remittam.

Talibus orabat , talesque miserrima fletus  
 Fertque refertque soror : sed nullis ille movetur  
 Fletibus , aut voces ullas tractabilis audit.  
 Fata obstant ; placidasque viri Deus obstruit aures. 440  
 Ac veluti annofo validam cum robore quercum  
 Alpini Boreæ , nunc hinc , nunc flatibus illinc  
 Eruere inter se certant ; it stridor , & altè  
 Consternunt terram , concusso stipite , frondes :  
 Ipsa hæret scopulis ; & quantum vertice ad auras 445  
 Æthereas , tantum radice in tartara tendit.  
 Haud secus assiduis hinc atque hinc vocibus heros  
 Tunditur , & magno perferent pectore curas :  
 Mens immota manet , lacrymæ volvuntur inanes.

Tum verò infelix fatis exterrita Dido 450  
 Mortem orat , tædet cœli convexa tueri.  
 Quò magis incoëptum peragat , lucemque relinquat ,  
 Vidit , thuricremis cum dona imponeret aris  
 ( Horrendum dictu ) latices nigrescere sacros ,  
 Fusaque in obscœnum se vertere vina cruorem. 455  
 Hoc visum nulli , non ipsi effata sorori.

Præterea fuit in tectis de marmore templum

Conjugis antiqui , miro quod honore colebat ,  
Velleribus nivæis & festâ fronde revinctum.

460 Hinc exaudiri voces & verba vocantis

Visa viri , nox cùm terras obscura teneret ;  
Solaque culminibus ferali carmine bubo  
Sæpe queri , & longas in fletum ducere voces.  
Multaque præterea vatum prædicta priorum

465 Terribili monitu horrificant. Agit ipse furem

In somnis ferus Æneas : semperque relinqui  
Sola sibi , semper longam incommitata videtur  
Ire viam , & Tyrios desertâ quærere terrâ.

Eumenidum veluti demens videt agmina Pentheus ,

470 Et solem geminum , & duplices se ostendere Thebas :

Aut Agamemnonius scenis agitatus Orestes ,  
Armatam facibus matrem & serpentibus atris  
Cùm fugit , ultricesque sedent in limine Diræ.

Ergo ubi concepit furias evicta dolore ,

475 Decrevitque mori ; tempus secum ipsa modumque

Exigit , & mœstam dictis aggressa sororem ,  
Consilium vultu tegit , ac spem fronte serenat.

Inveni , germana , viam , gratare forori ,

Quæ mihi reddat eum , vel eo me solvat amantem.

480 Oceani finem juxta solemque cadentem ,

Ultimus Æthiopum locus est , ubi maximus Atlas  
Axem humero torquet stellis ardentibus aptum.

Hinc mihi Massylæ gentis monstrata sacerdos ,  
Hesperidum templi custos , epulasque draconi

Quæ dabat , & sacros servabat in arbore ramos , 485  
 Spargens humida mella , soporiferumque papaver.  
 Hæc se carminibus promittit solvere mentes  
 Quas velit ; ast aliis duras immittere curas :  
 Sistere aquam fluviis , & vertere sidera retro :  
 Nocturnosque ciet manes. Mugire videbis 490  
 Sub pedibus terram , & descendere montibus ornos.  
 Testor , cara , Deos , & te , germana , tuumque  
 Dulce caput , magicas invitam accingier artes.  
 Tu secreta pyram tecto interiore sub auras  
 Erige , & arma viri , thalamo quæ fixa reliquit 495  
 Impius , exfuviasque omnes , lectumque jugalem  
 Quo perii , superimponas. Abolere nefandi  
 Cuncta viri monumenta jubet monstratque sacerdos.  
 Hæc effata filet ; pallor simul occupat ora.  
 Non tamen Anna novis prætexere funera sacris 500  
 Germanam credit ; nec tantos mente furores  
 Concipit , aut graviora timet , quàm morte Sichæi.  
 Ergo iussa parat.

At Regina , pyrâ penetrâli in sede sub auras  
 Erectâ ingenti , tædis atque ilice sectâ , 505  
 Intenditque locum fertis , & fronde coronat  
 Funereâ ; super exfuvias , ensẽque relictum ,  
 Effigiemque toro locat , haud ignara futuri.  
 Stant aræ circum ; & crines effusa sacerdos  
 Ter centum tonat ore Deos , Erebumque , Chaosque , 510  
 Tergeminamque Hecaten , tria virginis ora Dianæ.

Sparferat & latices simulatos fontis Averni.

Falcibus & messæ ad Lunam quæruntur ahenis

Pubentes herbæ, nigri cum lacte veneni.

515 Quæritur & nascentis equi de fronte revulsus,  
Et matri præreptus amor.

Ipsa molâ manibusque piis, altaria juxta,

Unum exfuta pedem vinclis, in veste recincta,

Testatur moritura Deos, & conscia fati

520 Sidera: tum, si quod non æquo fœdere amantes  
Curæ numen habet, justumque memorque, precatur.

Nox erat, & placidum carpebant fessâ soporem

Corpora per terras, sylvæque & sæva quierant

Æquora; cùm medio volvuntur fidera lapsu;

525 Cùm tacet omnis ager, pecudes, piætæque volucres,

Quæque lacus latè liquidos, quæque aspera dumis

Rura tenent, somno positæ sub nocte silenti

Lenibant curas, & corda oblita laborum.

At non infelix animi Phœnissâ; neque umquam

530 Solvitur in somnos, oculisve aut pectore noctem

Accipit: ingeminant curæ, rursusque resurgens

Sævit amor, magnoque irarum fluctuat æstu.

Sic adeo insistit, secumque ita corde volutat:

En quid ago? rursusne procos irrisa priores

535 Experiar? Nomadumque petam connubia supplex,

Quos ego sim toties jam dedignata maritos?

Iliacas igitur classes atque ultima Teucrûm

Iussa sequar? quiane auxilio juvat antè levatos,

Et bene apud memores veteris stat gratia facti ?  
 Quis me autem , fac velle , finet ? ratibusque superbis 540  
 Invisam accipiet ? nescis heu ! perditâ , necdum  
 Laomedontæ sentis perjurâ gentis ?  
 Quid tum ? sola fugâ nautas comitabor ovantes ?  
 An Tyriis , omnique manu stipata meorum  
 Inferar ? & quos Sidoniâ vix urbe revelli , 545  
 Rursus agam pelago , & ventis dare vela jubebo ?  
 Quin morere , ut merita es , ferroque averte dolorem .  
 Tu lacrymis evicta meis ; tu prima furem  
 His , germana , malis oneras , atque objicis hosti !  
 Non licuit thalami expertem sine crimine vitam 550  
 Degere more feræ , tales nec tangere curas ?  
 Non servata fides cineri promissa Sichæo .  
 Tantos illa suo rumpebat pectore questus .  
 Æneas celsa in puppi , jam certus cundi ,  
 Carpebat somnos , rebus jam rite paratis . 555  
 Huic se forma Dei vultu redeuntis eodem  
 Obtulit in somnis , rursusque ita visa monere est ;  
 Omnia Mercurio similis , vocemque , coloremque ,  
 Et crines flavos , & membra decora juventæ :  
 Nate Deâ , potes hoc sub casu ducere somnos ? 560  
 Nec quæ circumstent te deinde pericula cernis  
 Demens , nec zephyros audis spirare secundos ?  
 Illa dolos dirumque nefas in pectore versat ,  
 Certa mori , varioque irarum fluctuat æstu .  
 Non fugis hinc præceps , dum præcipitare potestas ? 565

Jam mare turbari trabibus , fœvasque videbis  
Collucere faces , jam fervere littora flammis ,  
Si te his attigerit terris Aurora morantem .

Eia age , rumpe moras : varium & mutabile semper  
570 Femina. Sic fatus nocti se immiscuit atræ.

Tum verò Æneas , subitis exterritus umbris ,  
Corripit e somno corpus , sociosque fatigat :  
Præcipites vigilate viri , & confidite transtris :  
Solvite vela citi : Deus æthere missus ab alto ,  
575 Festinare fugam tortosque incidere funes  
Ecce iterum stimulat. Sequimur te , sancte Deorum ,  
Quisquis es , imperioque iterum paremus ovantes.  
Adsis ô , placidusque juves , & sidera cœlo  
Dextra feras. Dixit : vaginâque eripit ensẽ  
580 Fulmineum , strictoque ferit retinacula ferro.

Idem omnes simul ardor habet : rapiuntque , ruuntque :  
Littora deseruere : latet sub classibus æquor :  
Adnixi torquent spumas , & cœrula verrunt.

Et jam prima novo spargebat lumine terras ,  
585 Tithoni croceum linquens Aurora cubile.

Regina e speculis ut primùm albescere lucem  
Vidit , & æquatis classem procedere velis ,  
Littoraque & vacuos sensit sine remige portus ;  
Terque quaterque manu pectus percussa decorum ,  
590 Flavescentque abscissa comas : Proh Jupiter ! ibit  
Hic , ait , & nostris illuserit advena regnis ?  
Non arma expedient ? totaque ex urbe sequentur ?

Diripientque rates alii navalibus ? ite :  
 Ferte citi flammæ , date vela , impellite remos.  
 Quid loquor ? aut ubi sum ? quæ mentem infania mutat ?  
 Infelix Dido , nunc te fata impia tangunt. 596  
 Tum decuit , cùm sceptrâ dabas. En dextra fidesque !  
 Quem secum patrios aiunt portare Penates ,  
 Quem subiisse humeris confectum ætate parentem !  
 Non potui abreptum divellere corpus , & undis 600  
 Spargere ? non socios , non ipsum absumere ferro  
 Ascanium , patriisque epulandum apponere mensis ?  
 Verùm anceps pugnae fuerat fortuna. Fuisset.  
 Quem metui moritura ? faces in castra tulissem ,  
 Impleissemque foros flammis : natumque patremque 605  
 Cum genere exstinxem : memet super ipsa dedissem.  
 Sol , qui terrarum flammis opera omnia lustras ;  
 Tuque harum interpretres curarum & conscia Juno ;  
 Nocturnisque Hecate triviis ululata per urbes ;  
 Et Diræ ultrices , & Dii morientis Elisæ , 610  
 Accipite hæc , meritumque malis advertite numen ,  
 Et nostras audite preces. Si tangere portus  
 Infandum caput , ac terris adnare necesse est ;  
 Et sic fata Jovis poscunt , hic terminus hæret.  
 At bello audacis populi vexatus & armis , 615  
 Finibus extorris , complexu avulsus Iulii ,  
 Auxilium imploret , videatque indigna suorum  
 Funera ; nec cùm se sub leges pacis iniquæ  
 Tradiderit , regno , aut optatâ luce fruatur :

- 620 Sed cadat ante diem , mediâque inhumatus arenâ.  
Hæc precor : hanc vocem extremam cum sanguine fundo.  
Tum vos , ô Tyrii , stirpem & genus omne futurum  
Exercete odiis ; cinerique hæc mittite nostro  
Munera : nullus amor populis , nec foedera sunt.
- 625 Exoriare aliquis nostris ex ossibus ultor ,  
Qui face Dardanios ferroque sequare colonos ,  
Nunc , olim , quocumque dabunt se tempore vires.  
Littora littoribus contraria , fluctibus undas  
Imprecor , arma armis : pugnent ipsique nepotes.
- 630 Hæc ait : & partes animum versabat in omnes ,  
Invisam quærens quamprimum abrumpere lucem.  
Tum breviter Barcen nutricem affata Sichæi ;  
Namque suam patriâ antiquâ cinis ater habebat.  
Annam , cara mihi nutrix , huc siste sororem :
- 635 Dic corpus properet fluviali spargere lymphâ ,  
Et pecudes secum , & monstrata piacula ducat.  
Sic veniat : tuque ipsa piâ tege tempora vittâ.  
Sacra Jovi Stygio , quæ rite incepta paravi ,  
Perficere est animus , finemque imponere curis ;
- 640 Dardaniique rogum capitis permittere flammæ.  
Sic ait. Illa gradum studio celerabat anili.  
At trepida , & coeptis immanibus effera Dido ,  
Sanguineam volvens aciem , maculisque trementes  
Interfusa genas , & pallida morte futurâ ,
- 645 Interiora domûs irrumpit limina , & altos  
Conscendit furibunda rogos , ensesque recludit



Dardanium , non hos quæsitum munus in usus.  
 Hic , postquam Iliacas vestes notumque cubile  
 Conspexit , paulum lacrymis & mente morata ,  
 Incubuitque toro , dixitque novissima verba : 650  
 Dulces exsuviae , dum fata Deusque finebant ,  
 Accipite hanc animam , meque his exsolve curis.  
 Vixi , & quem dederat cursum fortuna , peregi :  
 Et nunc magna mei sub terras ibit imago.  
 Urbem præclaram statui ; mea moenia vidi ; 655  
 Ultra virum , poenas inimico a fratre recepi ;  
 Felix , heu ! nimium felix , si littora tantum  
 Numquam Dardaniæ tetigissent nostra carinæ !  
 Dixit , & os impressa toro : moriemur inultæ ?  
 Sed moriamur , ait : sic sic juvat ire sub umbras. 660  
 Hauriat hunc oculis ignem crudelis ab alto  
 Dardanus , & nostræ secum ferat omina mortis.

Dixerat : atque illam media inter talia ferro  
 Collapsam aspiciunt comites , ensesque cruore  
 Spumantem , sparsasque manus. It clamor ad alta 665  
 Atria : concussam bacchatur fama per urbem :  
 Lamentis gemituque & femineo ululatu  
 Tecta fremunt ; resonat magnis plangoribus æther.  
 Non aliter quam si immixtis ruat hostibus omnis  
 Carthago , aut antiqua Tyros , flammæque furentes 670  
 Culmina perque hominum volvantur perque Deorum.

Audiit exanimis , trepidoque exterrita cursu ,  
 Unguibus ora soror foedans & pectora pugnīs ,

Per medios ruit, ac morientem nomine clamat :

675 Hoc illud, germana, fuit? me fraude petebas!

Hoc rogos iste mihi, hoc ignes aræque parabant!

Quid primum deserta querar? comitemne sororem

Sprevisti moriens? eadem me ad fata vocasses:

Idem ambas ferro dolor atque eadem hora tulisset.

680 His etiam struxi manibus, patriosque vocavi

Voce Deos, sic te ut positâ, crudelis, abessem?

Extinxi te meque, soror, populumque, patresque

Sidonios, urbemque tuam. Date, vulnera lymphis

Abluam; & extremus si quis super halitus errat,

685 Ore legam. Sic fata, gradus evaserat altos,

Semianimemque sinu germanam amplexa fovebat

Cum gemitu, atque atros ficcabat veste cruores.

Illa graves oculos conata attollere, rursus

Deficit: infixum fridet sub pectore vulnus.

690 Ter sese attollens cubitoque innixa levavit,

Ter revoluta toro est; oculisque errantibus, alto

Quæsiuit coelo lucem, ingemuitque repertâ.

Tum Juno omnipotens, longum miserata dolorem,

Difficilesque obitus, Irim demisit Olympo,

695 Quæ luctantem animam, nexosque resolveret artus.

Nam quia nec fato, meritâ nec morte peribat,

Sed misera ante diem, subitoque accensa furore;

Nondum illi flavum Proserpina vertice crinem


Abstulerat, Stygioque caput damnaverat Orco.

700 Ergo Iris croceis per coelum roscida pennis,

Mille trahens varios adverſo ſole colores,  
 Devolat & ſupra caput adſtitit. Hunc ego Diti  
 Sacrum juſſa fero, teque iſto corpore ſolvo.  
 Sic ait, & dextrâ crinem ſecat: omnis & unâ  
 Dilapſus calor, atque in ventos vita receſſit.

705





# ARGUMENTUM

## LIBRI QUINTI.

*ÆNEAS*, è Libya in Italiam navigans, deflectere in Siciliam vi tempestatis cogitur, ubi ab Aceste Trojano benevolè exceptus; patri, quem illic superiore anno mors abstulerat, anniversarium celebrat sacrum, ludosque quatuor, cursum navalem, ac pedestrem, cestuum pugnam, sagittarum ejaculationem, quibus addit Ascanius equestrem decursum. Interim Trojanæ mulieres, Junonis impulsu, hortatu Iridis, tædio navigationis, incendunt naves: quarum quatuor exuruntur, ceteræ immissâ a Jove pluviâ servantur. Quare suadet Æneæ Nautæ, ut, avecto secum juvenum flore, senes ac mulieres in Sicilia relinquat. Firmat id consilium Anchises in somnis: idemque suadet Æneæ, ut appulsus, in Italiam adeat Sibyllam; eâque duce descendat ad inferos, ubi posterorum seriem & eventus docebitur. Paret Æneas patris monitis, & conditâ in Sicilia urbe Acestâ, Neptuno per Venerem conciliato, solvit in Italiam: quo in cursu Palinurus navis gubernator dormiens in mare excutitur. Delineatus est hic liber ad exemplum libri Iliad. 23, ubi ludî ab Achille ad tumulum Patrocli celebrantur.





B  
VE

C. V. H. M. M. M.

C. V. H. M. M. M.



## LIBER QUINTUS.

INTEREA medium Æneas jam classe tenebat  
certus iter, fluctusque atros aquilone secabat,  
Troenia respiciens, quæ jam infelicis Elifæ  
collucent flammis. Quæ tantum accenderit ignem;  
causa latet; duri magno sed amore dolores 5  
colluto, notumque furens quid femina possit,  
risse per augurium, Teucrorum pectora ducunt.  
Ut pelagus tenuere rates, nec jam ampliùs ulla  
occurrit tellus, maria undique & undique cœlum;  
illi cœruleus supra caput adstitit imber, 10  
ocstem hyememque ferens; & inhorruit unda tenebris.  
Ise gubernator puppi Palinurus ab alta:  
heu! quianam tanti cinxerunt æthera nimbi?  
vidve, pater Neptune, paras? Sic deinde locutus,  
colligere arma jubet, validisque incumbere remis; 15  
oblignatque sinus in ventum, ac talia fatur:  
sagnum Ænea, non, si mihi Jupiter auctor  
pondeat, hoc sperem Italiam contingere cœlo.  
lutati transversa fremunt, & vespere ab atro  
onsurgunt venti; atque in nubem cogitur aër. 20  
Nec nos obniti contrà, neque tendere tantum  
afficimus: superat quoniam fortuna, sequamur;  
quòque vocat, vertamus iter. Nec littora longè  
ida reor fraterna Erycis, portusque Sicanos,  
i modò rite memor servata remetior astra. 25

- Tum pius Æneas : Equidem sic poscere ventos  
 Jamdudum , & frustra cerno te tendere contra.  
 Flecte viam velis. An sit mihi gratior ulla ,  
 Quóve magis fessas optem dimittere naves ,
- 30 Quàm quæ Dardanium tellus mihi servat Acesten ,  
 Et patris Anchisæ gremio complectitur ossa ?  
 Hæc ubi dicta , petunt portus , & vela secundi  
 Intendunt zephyri : fertur cita gurgite classis ,  
 Et tandem læti notæ advertuntur arenæ.
- 35 At procul excelfo miratus vertice montis  
 Adventum sociasque rates , occurrit Acestes ,  
 Horridus in jaculis & pelle Libyftidis urfæ ;  
 Troïa Criniso conceptum flumine mater  
 Quem genuit. Veterum non immemor ille parentum,
- 40 Gratatur reduces , & gazâ lætus agresti  
 Excipit , ac fessos opibus solatur amicis.  
 Postera cùm primo stellas oriente fugârat  
 Clara dies , socios in cœtum littore ab omni  
 Advocat Æneas , tumulique ex aggere fâtur :
- 45 Dardanidæ magni , genus alto a sanguine Divûm ,  
 Annuus exactis completur mensibus orbis ,  
 Ex quo relliquias divinique ossa parentis  
 Condidimus terrâ , moestasque sacravimus aras.  
 Jamque dies, ni fallor, adest, quem semper acerbum ,
- 50 Semper honoratum ( sic Dii voluistis ) habebom.  
 Hunc ego Gætulis agerem si fyrtibus exsul ,  
 Argolicove mari deprensus , & urbe Mycenæ ;



Annua vota tamen , folennesque ordine pompas ;  
 Exfequerer ; ſtrueremque ſuis altaria donis.  
 Nunc ultro ad cineres ipſius & oſſa parentis , 55  
 Haud equidem ſine mente, reor, ſine numine Divûm,  
 Adſumus , & portus delati intramus amicos.  
 Ergo agite, & lætum cuncti celebremus honorem :  
 Poſcamus ventos , atque hæc me ſacra quotannis  
 Urbe velit poſitâ templis ſibi ferre dicatis. 60  
 Bina boum vobis Trojâ generatus Aceſtes  
 Dat numero capita in naves : adhibete Penates  
 Et Patrios epulis , & quos colit hoſpes Aceſtes.  
 Præterea ſi nona diem mortalibus alium  
 Aurora extulerit , radiisſque retexerit orbem , 65  
 Prima citæ Teucris ponam certamina claſſis :  
 Quique pedum curſu valet , & qui viribus audax ,  
 Aut jaculo incedit melior , levibuſque ſagittis ,  
 Seu crudo fidit pugnam committere cæſtu :  
 Cuncti adſint , meritæque exſpectent præmia palmæ. 70  
 Ore favete omnes , & cingite tempora ramis.  
 Sic fatuſ , velat maternâ tempora myrto :  
 Hoc Helymuſ facit : hoc ævi maturuſ Aceſtes ,  
 Hoc puer Aſcaniuſ : ſequitur quos cetera pubes.  
 Ille e concilio multis cum millibuſ ibat 75  
 Ad tumulum , magnâ mediuſ comitante catervâ.  
 Hic duo rite mero libans carcheſia Baccho.  
 Fundit humi , duo lacte novo , duo ſanguine ſacro ;  
 Purpureoſque jactat flores , ac talia fatur :

- 80 Salve , sancte parens : iterum salvete , recepti  
Nequicquam cineres , animæque umbræque paternæ.  
Non licuit fines Italos , fataliaque arva ,  
Nec tecum Aufonium , quicumque est , quærere Tybrim.

Dixerat hæc , adytis cùm lubricus anguis ab imis

- 85 Septem ingens gyros , septena volumina traxit ,  
Amplexus placidè tumulum , lapsusque per aras ;  
Cœruleæ cui terga notæ , maculosus & auro  
Squamam incendebat fulgor ; ceu nubibus arcus  
Mille trahit varios adverfo sole colores.

- 90 Obstupuit visu Æneas ; ille agmine longo  
Tandem inter pateras & levia pocula serpens ,  
Libavitque dapes , rursusque innoxius imo  
Successit tumulo , & depasta altaria liquit.  
Hoc magis inceptos genitori instaurat honores ,

- 95 Incertus , geniumne loci , famulumne parentis  
Esse putet : cædit quinas de more bidentes ,  
Totque sues , totidem nigrantes terga juvencos ;  
Vinaque fundebat pateris , animamque vocabat  
Anchisæ magni , manesque Acheronte remissos.

- 100 Nec non & focii , quæ cuique est copia , læti  
Dona ferunt , onerantque aras , mactantque juvencos.  
Ordine ahena locant alii , fusique per herbam  
Subjiciunt verubus prunas , & viscera torrent.

Exspectata dies aderat , nonamque serenâ

- 105 Auroram Phaëtonis equi jam luce vehebant :  
Famaque finitimos & clari nomen Acestæ

Excierat : læto complebant littora cœtu ,  
 Visuri Æneadas , pars & certare parati.  
 Munera principiò ante oculos , circoque locantur  
 In medio , sacri tripodes , viridesque coronæ , 110  
 Et palmæ , pretium victoribus ; armaque , & ostro  
 Perfusæ vestes , argenti aurique talenta :  
 Et tuba commisso medio canit aggere ludos .

Prima pares ineunt gravibus certamina remis  
 Quatuor ex omni delectæ classe carinæ. 115  
 Velocem Mnestheus agit acri remige Pristin ,  
 Mox Italus Mnestheus , genus a quo nomine Memmi:  
 Ingentemque Gyas ingenti mole Chimæram ,  
 Urbis opus , triplici pubes quam Dardana versu  
 Impellunt , terno consurgunt ordine remi. 120  
 Sergestusque , domus tenet a quo Sergia nomen ,  
 Centauro invehitur magnâ : Scyllaque Cloanthus  
 Cœruléa , genus unde tibi , Romane Cluenti.

Est procul in pelago saxum , spumantia contra  
 Littora , quod tumidis submersum tunditur olim 125  
 Fluctibus , hyberni condunt ubi sidera Cori :  
 Tranquillo filet , immotæque attollitur undâ  
 Campus , & apricis statio gratissima mergis.  
 Hic viridem Æneas frondenti ex ilice metam  
 Constituit signum nautis pater : unde reverti 130  
 Scirent , & longos ubi circumflectere cursus.

Tum loca forte legunt , ipsique in puppibus auro  
 Ductores longè effulgent ostroque decori :

Cetera populeâ velatur fronde juvenus ,

135 Nudatosque humeros oleo perfusa nitescit.

Confidunt transtris , intentaque brachia remis

Intenti exspectant signum ; exsultantiaque haurit

Corda pavor pulsans , laudumque arrecta cupido.

Inde ubi clara dedit sonitum tuba , finibus omnes ,

140 Haud mora , profiluere suis : ferit æthera clamor

Nauticus : adductis spumant freta versa lacertis.

Insidunt pariter fulcos , torumque dehiscit

Convulsum remis , rostrisque tridentibus æquor.

Non tam præcipites bijugo certamine campum

145 Corripuere , ruuntque effusi carcere currus :

Nec sic immissis aurigæ undantia lora

Concussere jugis , pronique in verbera pendent.

Tum plausu fremituque virûm studiisque faventum

Consonat omne nemus , vocemque inclusa volutant

150 Littora , pulsati colles clamore resultant.

Effugit ante alios , primusque elabitur undis

: Turbam inter fremitumque Gyas ; quem deinde Cloant.

Consequitur , melior remis ; sed pondere pinus

Tarda tenet. Post hos æquo discrimine Pristis

155 Centaurusque locum tendunt superare priorem.

Et nunc Pristis habet ; nunc victam præterit ingens

Centaurus ; nunc unâ ambæ junctisque feruntur

Frontibus , & longâ sulcant vada salsa carinâ.

Jamque propinquabant scopulo , metamque tenebant ,

160 Cùm princeps medioque Gyas in gurgite victor

Rectorem navis compellat voce Menœten :

Quò tantùm mihi dexter abis ? huc dirige cursum :

Littus ama , & lævas stringat sine palmula cautes :

Altum alii teneant. Dixit : sed cæca Menœtes

Saxa timens , proram pelagi detorquet ad undas. 165

Quò diversus abis ? iterum pete saxa , Menœte ,

Cum clamore Gyas revocabat : & ecce Cloanthum

Respicit instantem tergo , & propiora tenentem.

Ille inter navemque Gyæ scopulosque sonantes

Radit iter lævum interior , subitusque priorem 170

Præterit , & metis tenet æquora tuta relictis.

Tum verò exarsit juveni dolor ossibus ingens ,

Nec lacrymis caruere genæ : segnemque Menœten ,

Oblitus decorisque sui fociùmque salutis ,

In mare præcipitem puppi deturbat ab alta. 175

Ipse gubernaclo rector subit , ipse magister ;

Hortaturque viros , clavumque ad littora torquet.

At gravis ut fundo vix tandem redditus imo est

Jam senior , madidaque fluens in veste Menœtes ;

Summa petit scopuli , siccaque in rupe resedit. 180

Illum & labentem Teucri , & risere natantem ,

Et falsos rident revomentem pectore fluctus.

Hic læta extremis spes est accensa duobus ,

Sergeſto Mneſtheoque , Gyan superare morantem.

Sergeſtus capit antè locum , scopuloque propinquat: 185

Nec totâ tamen ille prior præeunte carinâ ,

Parte prior , partem rostro premit æmula Priſtis.

- At mediâ focios incendens nave per ipsos  
Hortatur Mnestheus : Nunc , nunc insurgite remis ,  
190 Hecforei focii , Trojæ quos forte supremâ  
Delegi comites , nunc illas promite vires ,  
Nunc animos quibus in Gætulis fyrtibus usi ,  
Ionioque mari , Maleæque sequacibus undis.  
194 Non jam prima peto Mnestheus, neque vincere certo.  
Quamquam ô ! .. fed superent, quibus hoc, Neptune, dedisti.  
Extremos pudeat rediisse : hoc vincite , cives ,  
Et prohibete nefas. Olli certamine summo  
Procumbunt : vastis tremit ictibus ærea puppis ,  
Subtrahiturque solum : tum creber anhelitus artus  
200 Aridaque ora quatit : sudor fluit undique rivis.  
Attulit ipse viris optatum casus honorem.  
Namque furens animi dum proram ad faxa suburget  
Interior , spatiumque subit Sergestus iniquo ;  
Infelix faxis in procurentibus hæsit.  
205 Concussæ cautes , & acuto in murice remi  
Obnixi crepuere , illisæque prora pependit.  
Confurgunt nautæ , & magno clamore morantur :  
Ferratasque trudes & acutâ cuspide contos  
Expediunt , fractosque legunt in gurgite remos.  
210 At lætus Mnestheus successuque acrior ipso ,  
Agmine remorum celeri , ventisque vocatis ,  
Prona petit maria , & pelago decurrit aperto.  
Qualis speluncâ subito commota columba ,  
Cui domus & dulces latebroso in pumice nidi ,

Fertur in arva volans, plaufumque exterrita pennis 215  
 Dat teſto ingentem, mox aëre lapſa quieto,  
 Radit iter liquidum, celeres neque commovet alas.  
 Sic Mneſtheus, ſic ipſa fugâ fecat ultima Priſtis  
 Æquora; ſic illam fert impetus ipſe volantem.  
 Et primùm in ſcopulo luſtantem deferit alto 220  
 Sergeſtum, brevibuſque vadis, fruſtraque vocantem  
 Auxilia, & fractis diſcentem currere remis.  
 Inde Gyan, ipſamque ingenti mole Chimæram  
 Conſequitur: cedit, quoniam ſpoliata magiſtro eſt.  
 Solus jamque ipſo ſupereſt in fine Cloanthus, 225  
 Quem petit, & ſummis adnixus viribus urget.  
 Tum verò ingeminat clamor, cunctique ſequentem  
 Inſtigant ſtudiis; reſonatque fragoribus æther.  
 Hi proprium decus, & partum indignantur honorem,  
 Nè teneant, vitamque volunt pro laude paciſci. 230  
 Hos ſucceſſus alit: poſſunt, quia poſſe videntur.  
 Et fors æquatis cepiſſent præmia roſtris,  
 Nè palmas ponto tendens utraſque Cloanthus  
 Fudiſſetque preces, Divosque in vota vocaſſet.  
 Dii, quibus imperium eſt pelagi, quorum æquora curro,  
 Vobis lætus ego hoc candentem in littore taurum 236  
 Conſtituam ante aras voti reus, extaque falſos  
 Porriciam in fluctus, & vina liquentia fundam.  
 Dixit: eumque imis ſub fluctibus audiit omnis  
 Nereïdum Phorcique chorus, Panopeaque virgo; 240  
 Et pater ipſe manu magnâ Portunus euntem

Impulit : illa Noto citiùs volucrique sagittâ  
Ad terram fugit , & portu se condidit alto.

Tum fatus Anchisâ , cunctis ex more vocatis,

245 Victorem magnâ præconis voce Cloanthum

Declarat , viridique advelat tempora lauro ;

Muneraque in naves , ternos optare juvencos ,

Vinaque , & argenti magnum dat ferre talentum.

Ipsis præcipuos ductoribus addit honores ,

250 Victori chlamydem auratam , quam plurima circum

Purpura Mæandro duplici Melibœa cucurrit.

Intextusque puer frondosâ regius Idâ

Veloces jaculo cervos cursusque fatigat

Acer , anhelanti similis ; quem præpes ab Ida

255 Sublimem pedibus rapuit Jovis armiger uncis.

Longævi palmas nequicquam ad sidera tendunt

Custodes ; sævitque canum latratus in auras.

At , qui deinde locum tenuit virtute secundum ,

Levibus huic hamis confertam auroque trilicem

260 Loricam , quam Demoleo detraxerat ipse

Victor apud rapidum Simoënta sub Ilio alto ,

Donat habere viro , decus & tutamen in armis.

Vix illam famuli Phegeus Sagarisque ferebant

Multiplicem , connixi humeris ; indutus at olim

265 Demoleus , cursu palantes Troas agebat.

Tertia dona facit geminos ex ære lebetas ,

Cymbiaque argento perfecta atque aspera signis.

Jamque adeo donati omnes , opibusque superbi



Puniceis ibant evincti tempora tæniis ;  
 Cùm sævo e scopulo multa vix arte revulsus , 270  
 Amissis remis , atque ordine debilis uno ,  
 Irrisam sine honore ratem Sergestus agebat.  
 Qualis sæpe viæ deprensus in aggere serpens ,  
 Ærea quem obliquum rota transiit , aut gravis ictu  
 Seminecem liquit saxo lacerumque viator : 275  
 Nequicquam longos fugiens dat corpore tortus ,  
 Parte ferox , ardensque oculis , & sibila colla  
 Arduus attollens ; pars vulnere clauda retentat  
 Nexantem nodos , seque in sua membra plicantem.  
 Tali remigio navis se tarda movebat : 280  
 Vela facit tamen , & plenis subit ostia velis.  
 Sergestum Æneas promisso munere donat ,  
 Servatam ob navem lætus sociosque reductos.  
 Olli serva datur , operum haud ignara Minervæ ,  
 Cressa genus Pholoë , geminique sub ubere nati. 285  
 Hoc pius Æneas missio certamine , tendit  
 Gramineum in campum , quem collibus undique curvis  
 Cingebant sylvæ ; mediaque in valle theatri  
 Circus erat , quò se multis cum millibus heros  
 Confessu medium tulit , exstructoque refedit. 290  
 Hic qui fortè velint rapido contendere cursu ,  
 Invitat pretiis animos , & præmia ponit.  
 Undique conveniunt Teucri , mixtique Sicani :  
 Nisus , & Euryalus primi.  
 Euryalus formâ insignis , viridique juventà ; 295

- Nisus , amore pio pueri : quos deinde secutus  
 Regius egregia Priami de stirpe Diores.  
 Hunc Salius, simul & Patron, quorum alter Acarnan ,  
 Alter ab Arcadio Tegeæ sanguine gentis.
- 300 Tum duo Trinacrii juvenes , Helymus Panopesque ,  
 Assueti sylvis , comites senioris Acestæ.  
 Multi præterea quos fama obscura recondit.  
 Æneas quibus in mediis sic deinde locutus :  
 Accipite hæc animis , lætasque advertite mentes.
- 305 Nemo ex hoc numero mihi non donatus abibit.  
 Gnosia bina dabo levato lucida ferro  
 Spicula , cælatamque argento ferre bipennem :  
 Omnibus hic erit unus honos. Tres præmia primi  
 Accipient , flavâque caput nectentur olivâ.
- 310 Primus equum phaleris insignem victor habeto.  
 Alter Amazoniam pharetram , plenamque sagittis  
 Threiciis , lato quam circum amplectitur auro  
 Balteus , & tereti subnectit fibula gemma.  
 Tercius Argolicâ hac galeâ contentus abito.
- 315 Hæc ubi dicta , locum capiunt , signoque repentè  
 Corripiunt spatia audito , limenque relinquunt  
 Effusi , nimbo similes : simul ultima signant.  
 Primus abit , longèque ante omnia corpora Nisus  
 Emicat , & ventis & fulminis ocior alis.
- 320 Proximus huic , longo sed proximus intervallo ,  
 Insequitur Salius. Spatio post deinde relicto ,  
 Tertius Euryalus.

Euryalumque

Euryalumque Helymus sequitur:quo deinde sub ipso  
 Ecce volat, calcemque terit jam calce Diores,  
 Incumbens humero: spatia & si plura supersint, 325  
 Transeat elapsus prior, ambiguumve relinquat.  
 Jamque fere spatio extremo fessique sub ipsum  
 Finem adventabant, levi cum sanguine Nisus  
 Labitur infelix; cæsis ut fortè juvencis  
 Fusus humum viridesque super madefecerat herbas. 330  
 Hic juvenis, jam victor ovans, vestigia pressio  
 Haud tenuit titubata solo: sed pronus in ipso  
 Concidit immundoque fimo sacroque cruore.  
 Non tamen Euryali, non ille oblitus amorum;  
 Nam sese opposuit Salio per lubrica surgens. 335  
 Ille autem spissâ jacuit revolutus arenâ.  
 Emicat Euryalus, & munere victor ænici  
 Prima tenet, plausuque volat fremituque secundo.  
 Post Helymus subit, & nunc tertia palma Diores.  
 Hic totum caveæ confessum ingentis, & ora 340  
 Prima patrum magnis Salius clamoribus implet,  
 Ereptumque dolo reddi sibi poscit honorem.  
 Tutatur favor Euryalum, lacrymæque decoræ,  
 Gravior & pulchro veniens in corpore virtus.  
 Adjuvat, & magnâ proclamat voce Diores, 345  
 Qui subiit palmæ, frustra ad præmia venit  
 Ultima, si primi Salio redduntur honores.  
 Tum pater Æneas: Vestra, inquit, munera vobis  
 Certa manent, pueri; & palmam movet ordine nemo.

- 350 Me liceat casum miserari infantis amici.  
Sic fatus tergum Gætuli immane leonis  
Dat Salio, villis onerosum atque unguibus aureis.  
Hic Nifus : Si tanta, inquit, sunt præmia victis,  
Et te lapsorum miseret ; quæ munera Niso  
355 Digna dabis, primam merui qui laude coronam,  
Ni me, quæ Salium, fortuna inimica tulisset ?  
Et simul his dictis faciem ostentabat, & udo  
Turpia membra fimo. Risit pater optimus olli ;  
Et clypeum efferri jussit, Didymaonis artes,  
360 Neptuni sacro Danaïs de poste refixum.  
Hoc juvenem egregium præstanti munere donat.  
Post ubi confecti cursus, & dona peregit :  
Nunc, si cui virtus, animusque in pectore præfens,  
Adsit, & evinctis attollat brachia palmis.  
365 Sic ait, & geminum pugnae proponit honorem,  
Victori velatum auro vittisque juvenum ;  
Ensem, atque insignem galeam, solatia victo.  
Nec mora, continuo vastis cum viribus effert  
Ora Dares, magnoque virum se murmure tollit ;  
370 Solus qui Paridem solitus contendere contra ;  
Idemque ad tumulum, quo maximus occubat Hector,  
Victorem Buten immani corpore, qui se  
Bebrycia veniens Amici de gente ferebat,  
Perculit, & fulvâ moribundum extendit arenâ.  
375 Talis prima Dares caput altum in proelia tollit  
Ostenditque humeros latos, alternaque jactat

Brachia protendens , & verberat ictibus auras.  
 Quæritur huic alius ; nec quisquam ex agmine tanto  
 Audet adire virum , manibusque inducere cæstus.  
 Ergo alacris , cunctosque putans excedere palmâ , 380  
 Æneæ stetit ante pedes ; nec plura moratus ,  
 Tum lævâ taurum cornu tenet , atque ita fatur :  
 Nate Deâ , si nemo audet se credere pugnaë ,  
 Quæ finis standi ? quo me decet usque teneri ?  
 Ducere dona jube. Cuncti simul ore fremebant 385  
 Dardanidæ , reddique viro promissa juebant.  
 Hic gravis Entellum dictis castigat Acestes ,  
 Proximus ut viridante toro confederat herbæ :  
 Entelle , heroum quondam fortissime frustra ,  
 Tantane tam patiens nullo certamine tolli 390  
 Dona fines ? ubi nunc nobis Deus ille magister  
 Nequicquam memoratus Eryx ? ubi fama per omnem  
 Trinacriam , & spolia illa tuis pendentia rectis ?  
 Ille sub hæc : Non laudis amor , nec gloria cessit  
 Pulsa metu ; sed enim gelidus tardante senectâ 395  
 Sanguis hebet , frigentque effoetæ in corpore vires.  
 Si mihi , quæ quondam fuerat , quâque improbus iste  
 Exsultat fidens , si nunc foret illa juventa ;  
 Haud equidem pretio inductus pulchroque juvenco  
 Venissem ; nec dona moror. Sic deinde locutus , 400  
 In medium geminos immani pondere cæstus  
 Projecit , quibus acer Eryx in proelia fuetus  
 Ferre manum , duroque intendere brachia tergo.

M ij

Obstupuere animi : tantorum ingentia septem

405 Terga bouum plumbo infuto ferroque rigebant.

Ante omnes stupet ipse Dares , longèque recusat ;

Magnanimusque Anchisiades , & pondus , & ipsa

Huc illuc vinculorum immensa volumina versat.

Tum senior tales referebat pectore voces :

410 Quid si quis cæstus ipsius & Herculis arma

Vidisset , tristemque hoc ipso in littore pugnam ?

Hæc germanus Eryx quondam tuus arma gerebat ;

Sanguine cernis adhuc sparsoque infecta cerebro.

His magnum Alciden contra stetit ; his ego fuetus ,

415 Dum melior vires sanguis dabat , æmula necdum

Temporibus geminis canebat sparsa senectus.

Sed si nostra Dares hæc Troïus arma recusat :

Idque pio sedet Æneæ , probat auctor Acestes ;

Æquemus pugnas. Erycis tibi terga remitto ,

420 Solve metus : & tu Trojanos exsue cæstus.

Hæc fatus , duplicem ex humeris rejecit amictum :

Et magnos membrorum artus , magna ossa , lacertosque

Exsui ; atque ingens mediâ consistit arenâ.

Tum fatus Anchisâ cæstus pater extulit æquos ,

425 Et paribus palmas amborum innexuit armis.

Constitit in digitos extemplo arrectus uterque ,

Brachiaque ad superas interritus extulit auras.

Abduxere retro longè capita ardua ab ictu :

Immiscentque manus manibus , pugnamque laceffunt.

430 Ille pedum melior motu , fretusque iuventâ :

Hic membris & mole valens , sed tarda trementi  
 Genua labant , vastos quatit æger anhelitus arrus.  
 Multa viri nequicquam inter se vulnera jactant ,  
 Multa cavo lateri ingeminant , & pectore vastos  
 Dant sonitus ; erratque aures & tempora circum 435  
 Crebra manus , duro crepitant sub vulnere malæ.  
 Stat gravis Entellus , nisuque immotus eodem ,  
 Corpore tela modò atque oculis vigilantibus exit.  
 Ille velut celsam oppugnat qui molibus urbem ,  
 Aut montana sedet circum castella sub armis ; 440  
 Nunc hos , nunc illos aditus , omnemque pererrat  
 Arte locum , & variis assultibus irritus urget.

Ostendit dextram insurgens Entellus , & altè  
 Extulit : ille ictum venientem a vertice velox  
 Prævidit , celerique elapsus corpore cessit. 445  
 Entellus vires in ventum effudit , & ultro  
 Ipse gravis graviterque ad terram pondere vasto  
 Concidit ; ut quondam cava concidit , aut Erymantho ,  
 Aut Ida in magna , radicibus eruta pinus.  
 Confurgunt studiis Teucris & Trinacria pubes : 450  
 It clamor cœlo , primusque accurrit Acestes  
 Æquævumque ab humo miserans attollit amicum.  
 At non tardatus casu , neque territus heros  
 Acrior ad pugnam redit , ac vim fuscitat ira :  
 Tum pudor incendit vires & conscia virtus ; 455  
 Præcipitemque Daren ardens agit æquore toto ,  
 Nunc dextrâ ingeminans ictus , nunc ille sinistrâ.

Nec mora, nec requies : quàm multâ grandine nimbi  
 Culminibus crepitant, sic densis ictibus heros  
 460 Creber utrâque manu pulsat versatque Dareta.

Tum pater Æneas, procedere longiùs iras,  
 Et sævire animis Entellum haud passus acerbis;  
 Sed finem imposuit pugnæ, fessumque Dareta  
 Eripuit mulcens dictis, ac talia fatur :  
 465 Infelix ! quæ tanta animum dementia cepit ?  
 Non vires alias, conversaque numina sentis ?  
 Cede Deo. Dixitque, & proelia voce diremit.  
 Ast illum fidi æquales, genua ægra trahentem,  
 Jactantemque utrôque caput, crassumque cruorem

470 Ore rejectantem, mixtosque in sanguine dentes,  
 Ducunt ad naves, galeamque ensesque vocati  
 Accipiunt; palmam Entello taurumque relinquunt.  
 Hic victor, superans animis, tauroque superbus :  
 Nate Deâ, vosque hæc, inquit, cognoscite, Teucri,

475 Et mihi quæ fuerint juvenili in corpore vires,  
 Et quâ servetis revocatum a morte Dareta.  
 Dixit, & adversi contra stetit ora juvenci,  
 Qui donum adstabat pugnæ; duosque reducâ  
 Libravit dextrâ media inter cornua cæstus

480 Arduus, effraçtoque illisit in ossa cerebro.  
 Sternitur, exanimisque tremens procumbit humi bos.  
 Ille super tales effundit pectore voces :  
 Hanc tibi, Eryx, meliorem animam pro morte Daretis  
 Persolvo : hic victor cæstus artemque repono,



Protinus Æneas celeri certare sagittâ 485  
 Invitat qui fortè velint, & præmia ponit ;  
 Ingentique manu malum de nave Serefti  
 Erigit , & volucrem trajecto in fune columbam ,  
 Quò tendant ferrum , malo suspendit ab alto.  
 Convenere viri , dejectamque ærea sortem 490  
 Accepit galea : & primus clamore secundo  
 Hyrtacidæ ante omnes exit locus Hippocoontis ;  
 Quem modò navali Mnestheus certamine victor  
 Consequitur , viridi Mnestheus evinctus olivâ.  
 Tertius Eurytion , tuus ô clarissime frater , 495  
 Pandare , qui quondam jussus confundere fœdus ,  
 In medios telum torfisti primus Achivos.  
 Extremus galeâque imâ subsedit Acestes ,  
 Ausus & ipse manu juvenum tentare laborem.  
 Tum validis flexos incurvant viribus arcus 500  
 Pro se quisque viri , & depromunt tela pharetris :  
 Primaque per coelum , nervo stridente , sagitta  
 Hyrtacidæ juvenis volucres diverberat auras ,  
 Et venit , adversique infigitur arbore mali.  
 Intremuit malus , timuitque exterrita pennis 505  
 Ales , & ingenti sonuerunt omnia plausu.  
 Pòst acer Mnestheus adducto constitit arcu ,  
 Alta petens ; pariterque oculos telumque tetendit :  
 Ast ipsam miserandus avem contingere ferro  
 Non valuit ; nodos & vincula linea rupit , 510  
 Queis innexa pedem malo pendebat ab alto.

Illa notos atque atra volans in nubila fugit.  
Tum rapidus, jam dudum arcu contenta parato  
Tela tenens, fratrem Eurytion in vota vocavit :

515 Jam vacuo lætam coelo speculatus, & alis  
Plaudentem, nigra figit sub nube columbam.  
Decidit exanimis, vitamque reliquit in astris  
Aëriis, fixamque refert delapsa sagittam.

Amisâ solus palmâ superabat Acestes ;  
520 Qui tamen aërias telum contorsit in auras,  
Ostentans artem pariter, arcumque sonantem.  
Hic oculis subito objicitur magnoque futurum  
Augurio monstrum : docuit post exitus ingens,  
Seraque terrifici cecinerunt omina vates.

525 Namque volans liquidis in nubibus arsit arundo ;  
Signavitque viam flammis, tenuisque recessit  
Consumpta in ventos : coelo ceu sæpe refixa  
Transcurrunt, crinemque volantia sidera ducunt.  
Attonitis hæfere animis, superosque precamur

530 Trinacrii Teucrique viri : nec maximus omen  
Abnuît Æneas ; sed lætum amplexus Acesten,  
Muneribus cumulat magnis, ac talia fatur :  
Sume, pater ; nam te voluit Rex magnus Olympi  
Talibus auspiciis exsortem ducere honorem.

535 Ipsius Anchisæ longævi hoc munus habebis,  
Cratera impressum signis, quem Thracius olim  
Anchisæ genitori in magno munere Cisseus  
Ferre sui dederat monumentum & pignus amoris.

Sic fatus , cingit viridanti tempora lauro ,  
 Et primum ante omnes victorem appellat Acesten. 540  
 Nec bonus Eutytion prælato invidit honori ,  
 Quamvis solus avem cœlo dejecit ab alto.  
 Proximus ingreditur donis , qui vincula rupit :  
 Extremus , volucris qui fixit arundine malum.

At pater Æneas , nondum certamine misso , 545  
 Custodem ad sese comitemque impubis Iuli  
 Epytiden vocat , & fidam sic fatur ad aurem :  
 Vade age , & Ascanio , si jam puerile paratum  
 Agmen habet secum , cursumque instruxit equorum ,  
 Ducat avo turmas , & sese ostendat in armis , 550  
 Dic , ait. Ipse omnem longo decedere circo  
 Infusum populum , & campos jubet esse patentes.  
 Incedunt pueri ; pariterque ante ora parentum  
 Frænatis lucent in equis ; quos omnis euntes  
 Trinacriæ mirata fremit Trojæque juvenus. 555  
 Omnibus in morem tonsâ coma pressa coronâ ;  
 Cornea bina ferunt præfixo hastilia ferro ,  
 Pars leves humero pharetras : it pectore summo  
 Flexilis obtorti per collum circulus auri.  
 Tres equitum numero turmæ , ternique vagantur 560  
 Ductores : pueri bis seni quemque secuti ,  
 Agmine partito fulgent , paribusque magistris.  
 Una acies juvenum , ducit quam parvus ovanter  
 Nomen avi referens Priamus , tua clara , Polite ,  
 Progenies , auctura Italos ; quem Thracius albis 565

Portat equus bicolor maculis ; vestigia primi  
Alba pedis , frontemque ostentans arduus albam.  
Alter Atys , genus unde Atyi duxere Latini :  
Parvus Atys , pueroque puer dilectus Iūlo.

570 Extremus , formæque ante omnes pulcher Iūlus  
Sidonio est investus equo , quem candida Dido  
Esse sui dederat monumentum & pignus amoris.  
Cetera Trinacriis pubes senioris Aestæ  
Fertur equis.

575 Excipiunt plausu pavidos , gaudentque tuentes  
Dardanidæ , veterumque agnoscunt ora parentum.  
Postquam omnem læti confessum oculosque suorum  
Lustravere in equis , signum clamore paratis  
Epytides longè dedit , insonuitque flagello.

580 Olli discurrere pares , atque agmina terni  
Diductis solvere choris ; rursusque vocati  
Convertere vias , infestaque tela tulere.  
Inde alios ineunt cursus , aliosque recursus  
Adversis spatiis ; alternosque orbibus orbes

585 Impediunt , pugnaeque cient simulacra sub armis.  
Et nunc terga fugâ nudant , nunc spicula vertunt  
Infensi : factâ pariter nunc pace feruntur.

Ut quondam Creta fertur Labyrinthus in alta  
Parietibus textum cæcis iter ancipitemque  
590 Mille viis habuisse dolum , quâ signa sequendi  
Falleret indeprensus & irremeabilis error :  
Haud aliter Teucrûm nati vestigia cursu

Impediunt , texuntque fugas & proelia ludo :  
 Delphinûm similes , qui per maria humida nando §94  
 Carpathium Libycumque secant, luduntque per undas.  
 Hunc morem, hos cursus, atque hæc certamina primus  
 Ascanius , longam muris cùm cingeret Albam ,  
 Rettulit , & priscos docuit celebrare Latinos ,  
 Quo puer ipse modo , secum quo Troia pubes :  
 Albani docuere suos : hinc maxima porro 600  
 Accepit Roma , & patrium fervavit honorem ;  
 Trojaque nunc pueri , Trojanum dicitur agmen.  
 Hac celebrata tenus sancto certamina patri.

Hic primùm fortuna fidem mutata novavit.  
 Dum variis tumulto referunt solennia ludis , 605  
 Irim de cœlo misit Saturnia Juno  
 Iliacam ad classẽ , ventosque adspirat eunti ,  
 Multa movens , necdum antiquum saturata dolorem.  
 Illa viam celerans per mille coloribus arcum ,  
 Nulli visa , cito decurrit tramite virgo. 610  
 Conspicit ingentem concursum ; & littora lustrans ,  
 Desertosque videt portus , classẽque relictam.

At procul in sola secretæ Troades acta  
 Amissum Anchisen flebant , cunctæque profundum  
 Pontum aspectabant flentes. Heu ! tot vada fessis 615  
 Et tantum superesse maris ! vox omnibus una.  
 Urbem orant : tædet pelagi perferre laborem.  
 Ergo inter medias sese haud ignara nocendi  
 Conjicit , & faciemque Deæ vestemque reponit.

- 620 Fit Beroë, Ismarii conjux longæva Dorycli,  
Cui genus, & quondam nomen, natiq̃ue fuissent;  
Ac sic Dardanidũm mediam se matribus infert.  
O miseræ! quas non manus, inquit, Achaïca bello  
Traxerit ad lethum patriæ sub mœnibus! ô gens
- 625 Infelix! cui te exitio fortuna reservat?  
Septima post Trojæ excidium jam vertitur ætas,  
Cum freta, cum terras omnes, tot inhospita saxa  
Sideraque emensæ ferimur: dum per mare magnum  
Italiam sequimur fugientem, & volvimur undis.
- 630 Hic Erycis fines fraterni, atque hospes Acestes:  
Quis prohibet muros jacere, & dare civibus urbem?  
O patria! & rapti nequicquam ex hoste Penates!  
Nullane jam Trojæ dicentur mœnia? nusquam  
Hectoreos amnes, Xanthum & Simoënta videbo?
- 635 Quin agite, & mecum infaustas exurite puppes.  
Nam mihi Cassandra per somnum vatis imago  
Ardentes dare visa faces: hic quærite Trojam,  
Hic domus est, inquit, vobis, jam tempus agit res;  
Nec tantis mora prodigiis: en quatuor aræ
- 640 Neptuno: Deus ipse faces animumque ministrat.  
Hæc memorans, prima infensum vi corripit ignem,  
Sublatâque procul dextrâ connixa coruscat,  
Et jacit. Arrestæ mentes, stupefactaque corda  
Iliadum. Hic una e multis, quæ maxima natu,
- 645 Pyrgo, tot Priami natorum regia nutrix:  
Non Beroë vobis; non hæc Rhœteia, matres,

Est Dorycli conjux : divini signa decoris,  
 Ardentisque notate oculos ; qui spiritus illi,  
 Qui vultus , vocisve sonus , vel gressus eunti.  
 Ipsa egomet dudum Beroën digressa reliqui 650  
 Ægram , indignantem tali quòd sola careret  
 Munere , nec meritos Anchisæ inferret honores.  
 Hæc effata.

At matres primò ancipites , oculisque malignis  
 Ambiguæ spectare rates , miserum inter amorem 655  
 Præsentis terræ , fatisque vocantia regna ;  
 Cùm Dea se paribus per coelum sustulit alis ,  
 Ingentemque fugâ secuit sub nubibus arcum.  
 Tum verò attonitæ monstribus , actæque furore  
 Conclamant , rapiuntque focus penetralibus ignem : 660  
 Pars spoliant aras , frondem ac virgulta facesque  
 Conjiciunt : furit immixtis Vulcanus habenis  
 Transra per & remos , & pictas abiete puppes.

Nuntius Anchisæ ad tumultum cuneosque theatri  
 Incensas perfert naves Eumelus ; & ipsi 665  
 Respiciunt atram in nimbo volitare favillam.  
 Primus & Ascanius , cursus ut lætus equestres  
 Ducebat , sic acer equo turbata petivit  
 Castra ; nec exanimes possunt retinere magistri.  
 Quis furor iste novus ? quò nunc , quò tenditis , inquit , 670  
 Heu miseræ cives ! non hostem , inimicaque castra  
 Argivûm ; vestras spes uritis : en ego vester  
 Ascanius. Galeam ante pedes projecit inanem ,

Quà ludo indurus belli simulacra ciebat.

675 Accelerat simul Æneas, simul agmina Teucrùm.

Ast illæ diversa metu per littora passim

Diffugiunt, sylvasque, & sicubi concava furtim

Saxa perunt: piget incoepti lucisque; suosque

Mutatæ agnoscunt; excussaue pectore Juno est.

680 Sed non idcirco flammæ atque incendia vires

Indomitas posuere: udo sub robore vivit

Stuppa vomens tardum fumum; lentusque carinas

Est vapor, & toto descendit corpore pestis:

Nec vires heroum, infusaue flumina profunt.

685 Tum pius Æneas humeris abscindere vestem,

Auxilioque vocare Deos, & tendere palmas:

Jupiter omnipotens, si nondum exosus ad unum

Trojanos, si quid pietas antiqua labores

Respicit humanos; da flammam evadere classi

690 Nunc, Pater, & tenues Teucrùm res eripe letho:

Vel tu, quod superest, infesto fulmine morti,

Si mereor, demitte, tuâque hîc obrue dextrâ.

Vix hæc ediderat, cùm effusis imbribus atra

Tempesta sine more furit, tonitruque trêmiscunt

695 Ardua terrarum, & campi: ruit æthere toto

Turbidus imber aquâ, densisque nigerrimus austris:

Implenturque super puppes, semiusta madescunt

Robora: restinctus donec vapor omnis, & omnes,

Quatuor amissis, servatæ a peste carinæ.

700 At pater Æneas casu concussus acerbo,



Nunc huc ingentes , nunc illuc pectore curas  
 Mutabat , versans Siculisne resideret arvis  
 Oblitus fatorum , Italasne capefferet oras.  
 Tum senior Nautes , unum Tritonia Pallas  
 Quem docuit , multaque insignem reddidit arte , 705  
 Hæc responsa dabat ; vel quæ portenderet ira  
 Magna Deum , vel quæ fatorum posceret ordo.  
 Isque his Ænean solatus vocibus inquit :  
 Nate Deâ , quò fata trahunt retrahuntque sequamur :  
 Quicquid erit , superanda omnis fortuna ferendo est. 710  
 Est tibi Dardanius divinæ stirpis Acestes :  
 Hunc cape consiliis socium , & conjunge volentem.  
 Huic trade , amissis superant qui navibus , & quos  
 Pertæsum magni incepti rerumque tuarum est ;  
 Longævofque senes , ac fessas æquore matres , 715  
 Et quicquid tecum invalidum , metuensque pericli est,  
 Delige ; & his habeant terris sine mœnia fessi.  
 Urbem appellabunt permisso nomine Acestam.  
 Talibus incensus dictis senioris amici ,  
 Tum verò in curas animus diducitur omnes. 720  
 Et nox atra polum bigis subvecta tenebat :  
 Visa dehinc cœlo facies delapsa parentis  
 Anchisæ , subito tales effundere voces :  
 Nate , mihi vitâ quondam , dum vita manebat ,  
 Care magis , nate Iliacis exercite fatis , 725  
 Imperio Jovis huc venio , qui classibus ignem  
 Depulit , & cœlo tandem miseratus ab alto est.

- Confiliis pare , quæ nunc pulcherrima Nautes  
Dat senior : lectos juvenes , fortissima corda ,  
730 Defer in Italiam : gens dura , atque aspera cultu  
Debellanda tibi latio est. Ditis tamen antè  
Infernas accede domos , & Averna per alta  
Congressus pete , nate , meos. Non me impia namque  
Tartara habent tristesque umbræ ; sed amœna piorum  
735 Concilia , Elysiumque colo. Huc casta Sibylla  
Nigrantum multo pecudum te sanguine ducet.  
Tum genus omne tuum , & quæ dentur moenia , disces.  
Jamque vale : torquet medios nox humida curfus ,  
Et me sævus equis Oriens afflavit anhelis.  
740 Dixerat , & tenues fugit , ceu fumus , in auras.  
Æneas : Quò deinde ruis ? quò proripis ? inquit.  
Quem fugis ? aut quis te nostris complexibus arcet ?  
Hæc memorans , cinerem & sopitos suscitât ignes :  
Pergameumque Larem , & canæ penetralia Vestæ  
745 Farre pio & plenâ supplex veneratur acerrâ.  
Extemplo socios , primumque arcessit Acesten ;  
Et Jovis imperium , & cari præcepta parentis  
Edocet , & quæ nunc animo sententia constet.  
Haud mora consiliis , nec jussa recusât Acestes.  
750 Transcribunt urbi matres , populumque volentem  
Deponunt , animos nil magnæ laudis egentes.  
Ipsi transtra novant , flammisque ambesâ reponunt  
Robora navigiis ; aptant remosque rudentesque ,  
Exigui numero , sed bello vivida virtus.

Interea Æneas urbem designat aratro , 755  
 Sortiturque domos : hoc Ilium , & hæc loca Trojæ  
 Esse jubet ( gaudet regno Trojanus Acestes )  
 Indicitque forum , & patribus dat jura vocatis.  
 Tum vicina astris Erycino in vertice sedes  
 Fundatur Veneri Idaliæ ; tumuloque sacerdos 760  
 Et lucus latè sacer additur Anchisæo.

Jamque dies epulata novem gens omnis , & aris  
 Factus honos : placidi straverunt æquora venti ,  
 Creber & adspirans rursus vocat Aufter in altum.  
 Exoritur procurva ingens per littora fletus : 765  
 Complexi inter se noctemque diemque morantur.  
 Ipsæ jam matres , ipsi quibus aspera quondam  
 Visa maris facies & non tolerabile numen ,  
 Ire volunt , omnemque fugæ perferre laborem.  
 Quos bonus Æneas dictis solatur amicis , 770  
 Et consanguineo lacrymans commendat Acestæ.  
 Tres Eryci vitulos , & tempestatibus agnam  
 Cædere deinde jubet , solvique ex ordine funes.  
 Ipse caput tonsæ foliis evinctus olivæ ,  
 Stans procul in prora , pateram tenet, extaque salsos 775  
 Porricit in fluctus , ac vina liquentia fundit.  
 Prosequitur surgens a puppi ventus euntes.  
 Certatim socii feriunt mare , & æquora verrunt.

At Venus interea Neptunum exercita curis  
 Alloquitur , talesque effundit pectore questus : 780  
 Junonis gravis ira & inexsaturabile pectus

Cogunt me, Neptune, preces descendere in omnes :  
 Quam nec longa dies , pietas nec mitigat ulla ;  
 Nec Jovis imperio fatifve infracta quiescit.

785 Non media de gente Phrygum exedisse nefandis  
 Urbem odiis fatis est , nec pœnam traxe per omnem  
 Reliquias ; Trojæ cineres atque ossa peremptæ  
 Insequitur : causas tanti sciat illa furoris.

Ipse mihi nuper Libycis tu testis in undis

790 Quam molem subito excierit ; maria omnia cœlo  
 Miscuit , Æoliis nequicquam freta procellis ,  
 In regnis hoc ausa tuis.

Per scelus ecce etiam , Trojanis matribus actis ,  
 Exussit fœdè puppes , & classe subegit .

795 Amisâ socios ignotæ linquere terræ.

Quod superest , oro , liceat dare tuta per undas  
 Vela tibi , liceat Laurentem attingere Tybrim ,  
 Si concessa peto , si dant ea moenia Parcæ.

Tum Saturnius hæc domitor maris edidit alti :

800 Fas omne est , Cytherea , meis te fidere regnis ;  
 Unde genus ducis : merui quoque ; sæpe furores  
 Compressi , & rabiem tantam cœlique marisque.  
 Nec minor in terris ( Xanthum Simoëntaque testor )  
 Æneæ mihi cura tui. Cùm Troïa Achilles

805 Exanimata sequens impingeret agmina muris ,  
 Millia multa daret letho , gementque repleti  
 Amnes , nec reperire viam atque evolvere posset  
 In mare se Xanthus ; Pelidæ tunc ego forti

Congressum Ænean , nec Diis , nec viribus æquis ,  
Nube cavâ eripui , cuperem cùm vertere ab imo 810  
Structa meis manibus perjuræ moenia Trojæ.

Nunc quoque mens eadem perstat mihi , pelle timores :  
Tutus quos optas portus accedet Averni.

Unus erit tantùm , amissum quem gurgite quæret ;  
Unum pro multis dabitur caput. 815

His ubi læta Deæ permulsi pectora dictis ,  
Jungit equos curru genitor , spumantiaque addit  
Fræna feris , manibusque omnes effundit habenas.  
Cœruleo per summa levis volat æquora curru :  
Subsident undæ , tumidumque sub axe tonanti 820  
Sternitur æquor aquis ; fugiunt vasto æthere nimbi.

Tum variæ comitum facies : immania cete ,  
Et senior Glauci chorus , Inoïsq̃ue Palæmon ,  
Tritonesque citi , Phorcique exercitus omnis.  
Læva tenent Thetis & Melite , Panopœaque virgo , 825  
Nesæe , Spioquæ , Thaliaque , Cymodoceque.

Hic patris Æneæ suspensam blanda vicissim  
Gaudia pertentant mentem : jubet ociùs omnes  
Attolli malos , intendi brachia velis.

Unâ omnes fecere pedem ; pariterque sinistros , 830  
Nunc dextros solvere sinus : unâ ardua torquent  
Cornua , detorquentque : ferunt sua flamina classem.

Princeps ante omnes densum Palinurus agebat  
Agmen ; ad hunc alii cursum contendere jussi.

Jamque ferè mediam cœli nox humida metam 835

- Contigerat ; placidâ laxârant membra quiete  
 Sub remis fusi per dura sedilia nautæ ,  
 Cùm levis æthereis delapsus Somnus ab astris ,  
 Aëra dimovit tenebrosum , & dispulit umbras ;  
 840 Te , Palinure , petens , tibi tristia somnia portans  
 Infonti ; puppique Deus confedit in alta ,  
 Phorbanti similis , fuditque has ore loquelas :  
 Iaside Palinure , ferunt ipsa æquora classẽ ,  
 Æquatæ spirant auræ , datur aura quieti.
- 845 Pone caput , fessosque oculos furare labori.  
 Ipse ego paulisper pro te tua munera inibo.  
 Cui vix attollens Palinurus lumina fatur :  
 Mene salis placidi vultum fluctusque quietos  
 Ignorare jubes ? mene huic confidere monstro ?
- 850 Ænean credam quid enim fallacibus austris ,  
 Et cœli toties deceptus fraude sereni ?  
 Talia dicta dabat ; clavumque affixus & hærens  
 Nusquam amittebat , oculosque sub astra tenebat.  
 Ecce Deus ramum Lethæo rore madentem ,
- 855 Vique soporatum Stygiâ , super utraque quassat  
 Tempora ; cunctantique natantia lumina solvit.  
 Vix primos inopina quies laxaverat artus ,  
 Et super incumbens , cum puppis parte revulsa ,  
 Cumque gubernaclo liquidas projecit in undas
- 860 Præcipitem , ac socios nequicquam sæpe vocantem.  
 Ipse volans tenues se sustulit ales in auras.  
 Currit iter tutum non secius æquore classis ,

Promissisque patris Neptuni interrita fertur.  
 Jamque adeo scopulos Sirenum advecta subibat ,  
 Difficiles quondam , multorumque ossibus albos : 865  
 Tum rauca assiduo longè sale saxa sonabant ;  
 Cùm pater amisso fluitantem errare magistro  
 Sensit , & ipse ratem nocturnis rexit in undis ,  
 Multa gemens , casuque animum concussus amici.  
 O nimiùm cœlo & pelago confise sereno ,  
 Nudus in ignota , Palinure , jacebis arena ! 870





## ARGUMENTUM

### LIBRI SEXTI.

*APPULSUS Æneas in Italiam ad Cumas , petit antrum Sibyllæ Deiphobes : dumque varia Phæbeo in templo descripta contemplatur , jubetur victimas cædere ; peractisque sacrificiis consulit Sibyllam de futuris eventibus , deque descensu ad inferos. Sibylla tria respondet : bellum ab Italis instare gravissimum ; ratum aureum , inventu perdifficilem , adeunti inferos parandum esse ; denique unum ex amicis in littore mortem interim obiisse. Redit Æneas ad suos ; mortuum Misenum reperit : hujus exstruendo rogo dum exciditur sylva , columbæ , aves Veneris , ad auream arborem Æneam deducunt. Hic igitur funere perfunctus , nocturnisque sacrificiis ad Avernum antrum inferorum numina veneratus , ad*





*A. J. B. del. inv.*

*A. P. Pinet. sculp.*

B  
V



*infernus Sibyllâ duce descendit. Videt illic I. In vestibulo, monstra varia. II. In ripa fluviorum infernorum, umbras defunctorum aditum petentes; inque iis, Orontem, Palinurum. III. In ipso flumine, Charonta portitorem, quem secum de aditu rixantem aurei rami conspectu demulcet. IV. In limine, Cerberum canem, quem sopit objecta offa. V. Ultra limen, sedes varias, quas incolebant: 1. Infantes: 2. Injustâ morte damnati: 3. Propriâ manu perempti: 4. Amantes, in quibus Dido. 5. Bellatores, inter quos Deiphobus, aliique Trojani & Græci duces. Ad sinistram, eminens carcerem videt impiorum pœnis destinatum: quem locum adire cum non possit, a Sibylla varia variorum supplicia edocetur, Gigantum, Salmonei, Lapitharum, Ixionis; Thesei, &c. VII. Ad dexteram verso itinere, pervenit ad Elysios campos: ubi multos heroum nactus, a Musæo de loci*

incolarumque conditione , deque *Anchisa*  
certior factus , in ipsum *Anchisen* incidit.  
*VIII. Anchises* , multa de animarum  
natura juxta *Pythagoræ* documenta præ-  
fatus , clarissimum quemque posterorum  
ad usque *Augustum* ei ostendit. *IX. De-*  
nique perlustratis omnibus , per eburneam  
*Somni* portam *Æneas* ad suos revertitur ;  
& e *Cumano* littore , ad *Cajetanum* na-  
vigat.





## LIBER SEXTUS.

**S**IC fatur lacrymans, clasſique immittit habenas,  
Et tandem Euboicis Cumarum allabitur oris.  
Obvertunt pelago proras : tum dente tenaci  
Ancora fundabat naves , & littora curvæ  
Prætexunt puppes : juvenum manus emicat ardens 5  
Littus in Hesperium : quærit pars semina flammæ  
Abstrusa in venis filicis : pars , densa ferarum  
Teſta , rapit ſylvas , inventaque flumina monſtrat.  
At pius Æneas arces quibus altus Apollo  
Præſidet , horrendæque procul ſecreta Sibyllæ , 10  
Antrum immane petit , magnam cui mentem animumque  
Delius inſpirat vates , aperitque futura.  
Jam ſubeunt Triviæ lucos , atque aurea teſta.  
Dædalus , ut fama eſt fugiens Minoïa regna ,  
Præpetibus pennis auſus ſe credere cœlo , 15  
Inſuetum per iter gelidas enavit ad Arctos ,  
Chalcidicæque levis tandem ſuperadſtitit arce.  
Redditus his primùm terris , tibi , Phœbe , ſacravit  
Remigium alarum , poſuitque immania templa.  
In foribus lethum Androgeo , tum pendere pœnas 20  
Cecropidæ juſſi , miſerum ! ſeptena quotannis  
Corpora natorum : ſtat ductis fortibus urna.  
Contra elata mari reſpondet Gnoſia tellus.  
Hic crudelis amor tauri , ſuppoſtaque furto  
Paſiphaë , mixtumque genus , proleſque biformis ; 25

- Minotaurus inest, veneris monumenta nefandæ.  
 Hic labor ille domûs, & inextricabilis error.  
 Magnum Regina sed enim miseratus amorem  
 Dædalus, ipse dolos tecti ambagesque resolvit,
- 30 Cæca regens filo vestigia. Tu quoque magnam  
 Partem opere in tanto, sineret dolor, Icare, haberes.  
 Bis conatus erat casus effingere in auro :  
 Bis patriæ cecidere manus. Quin protinus omnia  
 Perlegerent oculis, ni jam præmissus Achates
- 35 Afforet, atque unâ Phœbi Triviæque sacerdos,  
 Deiphobe Glauci, fatur quæ talia Regi :  
 Non hoc ista sibi tempus spectacula poscit ;  
 Nunc grege de intacto septem mactare juvencos  
 Præstiterit, totidem lectas de more bidentes.
- 40 Talibus affata Ænean ( nec sacra morantur  
 Jussa viri ) Teucros vocat alta in templa sacerdos.  
 Excisum Euboicæ latus ingens rupis in antrum,  
 Quò lati ducunt aditus centum, ostia centum ;  
 Unde ruunt totidem voces, responsa Sibyllæ.
- 45 Ventum erat ad limen, cùm virgo : Poscere fata  
 Tempus, ait : Deus, ecce, Deus. Cui talia fanti  
 Ante fores, subitò non vultus, non color unus,  
 Non comptæ mansere comæ ; sed pectus anhelum,  
 Et rabie fera corda tument, majorque videri,
- 50 Nec mortale sonans, afflata est numine quando  
 Jam propiore Dei. Cessas in vota precesque,  
 Tros, ait, Ænea ? cessas ? neque enim antè dehiscunt

Attonitæ magna ora domûs. Et talia fata ,  
 Conticuit. Gelidus Teucris per dura cucurrit  
 Ossa tremor , fuditque preces Rex pectore ab imo : 55  
 Phœbe , graves Trojæ semper miserate labores ,  
 Dardana qui Paridis direxisti tela manusque  
 Corpus in Æacidæ ; magnas obeuntia terras  
 Tot maria intravi , duce te , penitusque repositas  
 Massylûm gentes , prætentaque Syrtibus arva : 60  
 Jam tandem Italiæ fugientis prendimus oras.  
 Hac Trojana tenus fuerit fortuna secuta.  
 Vos quoque Pergameæ jam fas est parcere genti ,  
 Diique Deæque omnes, quibus obstitit Ilium , & ingens  
 Gloria Dardaniæ. Tuque , ô sanctissima vates , 65  
 Præscia venturi , da ( non indebita posco  
 Regna meis fatis ) Latio confidere Teucros ,  
 Errantesque Deos , agitataque numina Trojæ.  
 Tum Phœbo & Triviæ solido de marmore templum  
 Instituam , festosque dies de nomine Phœbi. 70  
 Te quoque magna manent regnis penetralia nostris.  
 Hic ego namque tuas sortes , arcanaque fata  
 Dicta meæ genti ponam , lectosque sacrobo ,  
 Alma , viros : foliis tantûm ne carmina manda ,  
 Ne turbata volent rapidis ludibria ventis : 75  
 Ipsa canas , oro. Finem dedit ore loquendi.

At Phœbi nondum patiens immanis in antro  
 Bacchatur vates , magnum si pectore possit  
 Excussisse Deum : tantò magis ille fatigat

- 80 Os rabidum, fera corda domans, fingitque premendo.  
 Ostia jamque domûs patuere ingentia centum  
 Sponte suâ, vatîsque ferunt responsa per auras :  
 O tandem magnis pelagi defuncte periclis !  
 Sed terrâ graviora manent. In regna Lavini
- 85 Dardanidæ venient , mitte hanc de pectore curam ;  
 Sed non & venisse volent. Bella , horrida bella ,  
 Et Tybrim multo spumantem sanguine cerno.  
 Non Simoïs tibi , nec Xantus , nec Dorica castra  
 Defuerint : alius Latio jam partus Achilles ,
- 90 Natus & ipse Deâ ; nec Teucris addita Juno  
 Usquam aberit. Quem tu supplex in rebus egenis ,  
 Quas gentes Italûm , aut quas non oraveris urbes !  
 Causa mali tanti conjux iterum hospita Teucris ,  
 Externique iterum thalami.
- 95 Tu ne cede malis ; sed contrâ audentior ito ,  
 Quàm tua te fortuna finet. Via prima salutis ,  
 Quod minimè reris , Graiâ pandetur ab urbe.  
 Talibus ex adyto dictis Cumæa Sibylla  
 Horrendas canit ambages , antroque remugit ,
- 100 Obscuris vera involvens : ea fræna furenti  
 Concutit , & stimulos sub pectore vertit Apollo.  
 Ut primùm cessit furor , & rabida ora quierunt ;  
 Incipit Æneas heros : Non ulla laborum ,  
 O virgo ! nova mi facies inopinave surgit :
- 105 Omnia præcepi , atque animo mecum antè peregi.  
 Unum oro : quando hîc inferni janua Regis



Dicitur , & tenebroſa palus Acheronte reſuſo ,  
 Ire ad conſpectum cari genitoris , & ora  
 Contingat : doceas iter , & ſacra oſtia pandas.  
 Illum ego per flammæ & mille ſequentia tela 110  
 Eripui his humeris , medioque ex hoſte recepi :  
 Ille meum comitatus iter , maria omnia mecum ,  
 Atque omnes pelagique minas cœlique ferebat  
 Invalidus , vires ultra fortemque ſenectæ.  
 Quin , ut te ſupplex peterem , & tua limina adirem , 115  
 Idem orans mandata dabat. Natique patrifque ,  
 Alma, precor, miſerere : potes namque omnia ; nec te  
 Nequicquam lucis Hecate præfecit Avernis.  
 Si potuit manes arceſſere conjugis Orpheus ,  
 Threiciâ fretus citharâ fidibusque canoris ; 120  
 Si fratrem Pollux alternâ morte redemit ,  
 Itque reditque viam toties : quid Theſea , magnum  
 Quid memorem Alciden ? & mi genus ab Jove ſummo.

Talibus orabat dictis , aſaque tenebat ,  
 Cùm ſic orſa loqui vates : Sate ſanguine Divûm , 125  
 Tros Anchifiade , facilis deſcenſus Averni :  
 Noctes atque dies patet atri janua Ditis ;  
 Sed revocare gradum , ſuperasque evadere ad auras ,  
 Hoc opus , hic labor eſt. Pauci , quos æquus amavit  
 Jupiter , aut ardens evexit ad æthera virtus , 130  
 Diis geniti , potuere. Tenent media omnia ſylvæ ,  
 Cocytusque ſinu labens circumvenit atro.  
 Quòd ſi tantus amor menti , ſi tanta cupido eſt

Bis Stygios innare lacus , bis nigra videre

135 Tartara , & infano juvat indulgere labori ;

Accipe quæ peragenda priùs. Latet arbore opacà

Aureus & foliis & lento vimine ramus ,

Junoni infernæ dictus sacer : hunc tegit omnis

Lucus , & obscuris claudunt convallibus umbræ.

140 Sed non antè datur telluris operta subire ,

Auricomos quàm quis decerpserit arbore foetus.

Hoc sibi pulchra suum ferri Proserpina munus

Instituit. Primo avulso , non deficit alter

Aureus , & simili frondescit virga metallo.

145 Ergo altè vestiga oculis , & rite repertum

Carpe manu: namque ipse volens facilisque sequetur,

Si te fata vocant ; aliter , non viribus ullis

Vincere , nec duro poteris convellere ferro.

Præterea jacet exanimum tibi corpus amici ,

150 Heu nescis ! totamque incestat funere classem ,

Dum consulta petis , nostroque in limine pendes :

Sedibus hunc refer antè suis , & conde sepulcro.

Duc nigras pecudes : ea prima piacula funto.

Sic demum lucos Stygios , regna invia vivis

155 Aspicies. Dixit , pressoque obmutuit ore.

Æneas mœsto defixus lumina vultu ,

Ingreditur , linquens antrum ; cæcosque volutat

Eventus animo secum ; cui fidus Achates

It comes , & paribus curis vestigia figit.

160 Multa inter sese vario sermone ferebant ,

Quem socium exanimem vates, quod corpus humandum  
 Diceret. Atque illi Misenum in littore ficco ,  
 Ut venere , vident indignâ morte peremptum ;  
 Misenum Æoliden , quo non præstantior alter  
 Ære ciere viros , Martemque accendere cantu. 165  
 Hæctoris hic magni fuerat comes : Hæctora circum  
 Et lituo pugnâ insignis obibat & hastâ.  
 Postquam illum victor vitâ spoliavit Achilles ,  
 Dardanio Æneâ sese fortissimus heros  
 Addiderat socium , non inferiora secutus. 170  
 Sed tum fortè cavâ dum personat æquora conchâ ,  
 Demens & cantu vocat in certamina Divos ;  
 Æmulus exceptum Triton , si credere dignum est ,  
 Inter saxa virum spumosa immerferat undâ.  
 Ergo omnes magno circum clamore fremebant , 175  
 Præcipuè pius Æneas. Tum jussa Sibyllæ ,  
 Haud mora , festinant flentes ; aramque sepulcri  
 Congerere arboribus , coeloque educere certant.  
 Itur in antiquam sylvam , stabula alta ferarum :  
 Procumbunt piceæ : sonat iستا securibus ilex , 180  
 Fraxineæque trabes ; cuneis & fissile robur  
 Scinditur : advolvunt ingentes montibus ornos.  
 Nec non Æneas opera inter talia primus  
 Hortatur socios , paribusque accingitur armis :  
 Atque hæc ipse suo tristi cum corde volutat , 185  
 Aspectans sylvam immensam , & sic ore precatur :  
 Si nunc se nobis ille aureus arbore ramus

Ostendat nemore in tanto ! quando omnia verè  
 Heu nimiùm de te vates, Mifene, locuta est.

- 190 Vix ea fatus erat, geminæ cùm fortè columbæ  
 Ipsa sub ora viri cœlo venere volantes,  
 Et viridi sedere solo. Tum maximus heros  
 Maternas agnoscit aves, lætusque precatur:  
 Este duces, ô, si quia via est, cursumque per auras  
 195 Dirigite in lucos, ubi pinguem dives opacat  
 Ramus humum: tuque ô dubiis ne defice rebus,  
 Diva parens. Sic effatus vestigia pressit,  
 Observans quæ signa ferant, quò tendere pergant.  
 Pascentes illæ tantùm prodire volando;  
 200 Quantùm acie possent oculi servare sequentum.  
 Inde ubi venere ad fauces grave olentis Averni,  
 Tollunt se celeres, liquidumque per aëra lapsæ,  
 Sedibus optatis gemina super arbore fidunt,  
 Discolor unde auri per ramos aura refulsit.  
 205 Quale solet sylvis brumali frigore viscum  
 Fronde virere novâ, quod non sua seminat arbos,  
 Et croceo foetu teretes circumdare truncos:  
 Talis erat species auri frondentis opacâ  
 Illice: sic leni crepitabat bractea vento.  
 210 Corripit extemplo Æneas, avidusque refringit  
 Cunctantem, & vatis portat sub tecta Sibyllæ.  
 Nec minùs interea Mifenum in littore Teucris  
 Flebant, & cineri ingrato suprema ferebant.  
 Principiò pinguem tædis & robore secto

Ingentem struxere pyram ; cui frondibus atris 215  
 Intexunt latera , & ferales antè cupressos  
 Constituunt , decorantque super fulgentibus armis.  
 Pars calidos latices & athena undantia flammis  
 Expediunt , corpusque lavant frigentis & ungunt.  
 Fit gemitus : tum membra toro defleta reponunt , 220  
 Purpureasque super vestes , velamina nota ,  
 Conjiciunt. Pars ingenti subiere feretro ,  
 Triste ministerium ; & subjectam more parentum  
 Aversi tenuere facem : congesta cremantur  
 Thurea dona , dapes , fuso crateres olivo. 225  
 Postquam collapsi cineres , & flamma quievit ,  
 Reliquias vino & hibulam lavère favillam ,  
 Ossaque lecta cado texit Corinæus atheno.  
 Idem ter socios purâ circumtulit undâ ,  
 Spargens rore levi & ramo felicitis olivæ ; 230  
 Lustravitque viros , dixitque novissima verba.  
 At pius Æneas ingenti mole sepulcrum  
 Imponit , suaque arma viro , remumque , tubamque  
 Monte sub ærio , qui nunc Misenus ab illo  
 Dicitur , æternumque tenet per secula nomen. 235  
 His actis , properè exsequitur præcepta Sibyllæ.  
 Spelunca alta fuit , vastoque immanis hiatu ,  
 Scrupea , ruta lacu nigro nemorumque tenebris ,  
 Quam super haud ullæ poterant impunè volantes  
 Tendere iter pennis : talis sese halitus atris 240  
 Faucibus effundens supera ad convexa ferebat ;

- Unde locum Graii dixerunt nomine Avernum.  
Quatuor hic primùm nigrantes terga juvencos  
Constituit , frontique invergit vina sacerdos ;  
245 Et summas carpens media inter cornua fetas ,  
Ignibus imponit sacris , libamina prima ,  
Voce vocans Hecaten Cœloque Ereboque potentem.  
Supponunt alii cultros , tepidumque cruorem  
Suscipiunt pateris. Ipse atri velleris agnam  
250 Æneas matri Eumenidum magnæque sorori  
Ense ferit ; sterilemque tibi , Proserpina , vaccam.  
Tum Strygio regi nocturnas inchoat aras ,  
Et solida imponit taurorum viscera flammis ,  
Pingue oleum super infundens ardentibus extis.  
255 Ecce autem , primi sub lumina solis , & ortus ,  
Sub pedibus mugire solum , & juga cœpta moveri  
Sylvarum ; visæque canes ululare per umbram ,  
Adventante Deâ. Procul ô , procul , este , prophani ,  
Conclamat vates , totoque absistite luco.  
260 Tuque invade viam , vaginâque eripe ferrum :  
Nunc animis opus , Ænea , nunc pectore firmo.  
Tantùm effata , furens antro se immisit aperto :  
Ille ducem haud timidis vadentem passibus æquat.  
Dii, quibus imperium est animarum, umbræque silentes;  
265 Et Chaos , & Phlegethon , loca nocte silentia latè ,  
Sit mihi fas audita loqui ; sit numine vestro  
Pandere res altâ terrâ & caligine mersas.  
Ibant obscuri sola sub nocte per umbram ,

Perque domos Ditis vacuas , & inania regna ;  
 Quale per incertam lunam sub luce maligna 270  
 Est iter in fylvis , ubi cœlum condidit umbrâ  
 Jupiter , & rebus nox abstulit atra colorem .

Vestibulum ante ipsum primisque in faucibus Orci,  
 Luctus & ultrices posuere cubilia Curæ ;  
 Pallentesque habitant Morbi , tristisque Senectus , 275  
 Et Merus , & malefuada Fames & turpis Egestas ,  
 Terribiles visu formæ ; Lethumque , Laborque ;  
 Tum consanguineus Lethi Sopor , & mala mentis  
 Gaudia , mortiferumque adverso in limine Bellum ,  
 Ferreique Eumenidum thalami , & Discordia demens , 280  
 Vipereum crinem vittis innexa cruentis .

In medio ramos annosaque brachia pandit  
 Ulmus opaca , ingens ; quam sedem Somnia vulgò  
 Vana tenere ferunt , foliisque sub omnibus hærent.  
 Multaque præterea variarum monstra ferarum , 285  
 Centauri in foribus stabulant , Scyllæque bifformes ,  
 Et centum geminus Briareus , ac bellua Lernæ  
 Horrendum stridens , flammisque armata Chimæra ;  
 Gorgones , Harpyiæque , & forma tricorporis umbræ .  
 Corripit hic subitâ trepidus formidine ferrum 290  
 Æneas , strictamque aciem venientibus offert .  
 Et ni docta comes tenues sine corpore vitas  
 Admoneat volitare cava sub imagine formæ ,  
 Irruat , & frustra ferro diverberet umbras .

Hinc via tartarei quæ fert Acherontis ad undas : 295

- Turbidus hic cœno vastâque voragine gurgēs  
 Æstuat , atque omnem Cocyto eructat arenam.  
 Portitor has horrendus aquas & flumina servat  
 Terribili squalore Charon , cui plurima mento  
 300 Canities inculta jacet ; stant lumina flammâ ;  
 Sordidus ex humeris nodo dependet amictus.  
 Ipse ratem conto subigit , velisque ministrat ,  
 Et ferrugineâ subvectat corpora cymbâ ,  
 Jam senior ; sed cruda Deo viridisque senectus.  
 305 Huc omnis turba ad ripas effusa ruebat :  
 Matres , atque viri , defunctaque corpora vitâ  
 Magnanimûm heroum , pueri , innuptæque puellæ ,  
 Impositique rogis juvenes ante ora parentum :  
 Quàm multa in sylvis autumnî frigore primo  
 310 Lapsa cadunt folia , aut ad terram gurgite ab alto  
 Quàm multæ glomerantur aves , ubi frigidus annus  
 Trans pontum fugat , & terris immittit apricis.  
 Stabant orantes primi transmittere cursum ,  
 Tendebantque manus , ripæ ulterioris amore.  
 315 Navita sed tristis nunc hos , nunc accipit illos ;  
 Ast alios longè summos arcet arenâ.  
 Æneas ( miratus enim , motusque tumultu )  
 Dic , ait , ô virgo ! quid vult concursus ad amnem ?  
 Quidve petunt animæ ? vel quo discrimine ripas  
 320 Hæ linquunt , illæ remis vada livida verrunt ?  
 Olli sic breviter fata est longæva sacerdos :  
 Anchisâ generate , Deûm certissima proles ,



Cocyti stagna alta vides , Strygiamque paludem ,  
 Dii cujus jurare timent & fallere numen. 324

Hæc omnis, quam cernis, inops , inhumataque turba est :

Portitor ille , Charon : hi , quos vehit unda , sepulti ;

Nec ripas datur horrendas , & rauca fluenta

Transportare prius , quàm sedibus ossa quierunt.

Centum errant annos, volitantque hæc littora circum :

Tum demum admissi stagna exoptata revisunt. 330

Constitit Anchisæ satus , & vestigia preffit ,

Multa putans , sortemque animo miseratus iniquam.

Cernit ibi mœstos , & mortis honore carentes ,

Leucaspim , & Lyciæ ductorem classis Orontem ,

Quos simul a Troja ventosa per æquora vectos 335

Obruit auster , aquâ involvens navemque virosque.

Ecce gubernator sese Palinurus agebat ,

Qui Libyco nuper cursu , dum fidera servat ,

Exciderat puppi , mediis effusus in undis.

Hunc ubi vix multâ mœstum cognovit in umbra , 340

Sic prior alloquitur : Quis te , Palinure , Deorum

Eripuit nobis , medioque sub æquore merfit ?

Dic age : namque mihi fallax haud antè repertus ,

Hoc uno responso animum delusit Apollo ,

Qui fore te ponto incolumem , finesque canebat 345

Venturum Ausonios : en hæc promissa fides est ?

Ille autem : Neque te Phœbi cortina fefellit ,

Dux Anchisiade ; nec me Deus æquore merfit.

Namque gubernaculum multâ vi fortè revulsum ,

- 350 Cui datus hærebam custos , cursusque regebam ,  
Præcipitans traxi mecum. Maria aspera juro ,  
Non ullum pro me tantum cepisse timorem ,  
Quàm tua ne spoliata armis , excussa magistro ,  
Deficeret tantis navis surgentibus undis.
- 355 Tres Notus hybernas immensa per æquora noctes  
Vexit me violentus aqua : vix lumine quarto  
Prospexi Italiam , summa sublimis ab unda.  
Paulatim adnabam terræ , & jam tuta tenebam ,  
Ni gens crudelis madida cum veste gravatum ,
- 360 Prenfantemque uncis manibus capita aspera montis  
Ferro invasisset , prædamque ignara putasset.  
Nunc me fluctus habet , versantque in littore venti.  
Quod te per cœli jucundum lumen & auras ,  
Per genitorem oro , per spem surgentis Iuli ,
- 365 Eripe me his , invicte , malis : aut tu mihi terram  
Injice , namque potes , portusque require Velinos :  
Aut tu , si qua via est , si quam tibi Diva creatrix  
Ostendit ( neque enim , credo , sine numine Divûm  
Flumina tanta paras , Strygiamque innare paludem )
- 370 Da dextram misero , & tecum me tolle per undas ,  
Sedibus ut saltem placidis in morte quiescam.  
Talia fatus erat , coepit cùm talia vates :  
Unde hæc , ô Palinure ! tibi tam dira cupido ?  
Tu Strygias inhumatus aquas , amnemque severum
- 375 Eumenidum aspicias ? ripamve injussus abibis ?  
Desine fata Deûm flecti sperare precando.

Sed cape dicta memor, duri solatia casûs.  
 Nam tua finitimi longè latéque per urbes,  
 Prodigiiis acti cœlestibus, ossa piabunt,  
 Et statuent tumulum, & tumulo solennia mittent, 380  
 Æternumque locus Palinuri nomen habebit.  
 His dictis curæ emotæ, pulsusque parumper  
 Corde dolor tristi: gaudet cognomine terrâ.

Ergo iter inceptum peragunt, fluvioque propinquant.  
 Navita quos jam inde ut Stygia prospexit ab unda 385  
 Per tacitum nemus ire, pedemque advertere ripæ,  
 Sic prior aggreditur dictis, atque increpat ultro:  
 Quisquis es, armatus qui nostra ad flumina tendis,  
 Fare age quid venias: jam istinc & comprime gressum:  
 Umbrarum hic locus est, Somni Noctisque soporæ: 390  
 Corpora viva nefas Stygiâ vectare carinâ.  
 Nec verò Alciden me sum lætatus euntem  
 Accepisse lacu, nec Thesea, Pirithoûmque;  
 Diis quamquam geniti, atque invicti viribus essent.  
 Tartareum ille manu custodem in vincla petivit, 395  
 Ipsius a folio Regis traxitque trementem:  
 Hi dominam Ditis thalamo deducere adorti.  
 Quæ contra breviter fata est Amphryfia vates:  
 Nullæ hîc insidiæ tales, absiste moveri;  
 Nec vim tela ferunt: licet ingens janitor antro 400  
 Æternum latrans exsanguis terreat umbras;  
 Casta licet patrui fervet Proserpina limen.  
 Troius Æneas, pietate insignis & armis,

Ad genitorem , imas Erebi descendit ad umbras.

405 Si te nulla movet tantæ pietatis imago ,

At ramum hunc ( aperit ramum qui veste latebat )

Agnoscas. Tumida ex irâ tum corda residunt.

Nec plura his. Ille admirans venerabile donum

Fatalis virgæ , longo post tempore visum ,

410 Cœruleam advertit puppim , ripæque propinquat.

Inde alias animas , quæ per juga longa fedebant ,

Deturbat , laxatque foros ; simul accipit alveo

Ingentem Æneam. Gemuit sub pondere cymba

Sutilis , & multam accepit rimosa paludem.

415 Tandem trans fluvium incolumes vatemque virumque

Informi limo glaucaque exponit in ulva.

Cerberus hæc ingens latratu regna trifauci

Personat , adverso recubans immanis in antro.

Cui vates horrere videns jam colla colubris ,

420 Melle soporatum & medicatis frugibus offam

Objicit : ille fame rabidâ tria guttura pandens ,

Corripit objectam , atque immania terga resolvit

Fusus humi , totoque ingens extenditur antro.

Occupat Æneas aditum , custode sepulto ,

425 Evaditque celer ripam irremeabilis undæ.

Continuò auditæ voces , vagitus & ingens ,

Infantumque animæ flentes in limine primo ;

Quos dulcis vitæ exfortes , & ab ubere raptos.

Abstulit atra dies , & funere merfit acerbo.

430 Hos juxta falso damnati crimine mortis.

Nec verò hæc sine forte datæ , sine iudice sedes.  
 Quæsitur Minos urnam movet : ille silentum  
 Conciliumque vocat , vitasque & crimina discit.  
 Proxima deinde tenent mœsti loca , qui sibi lethum  
 Infantes peperere manu , lucemque perosi 435  
 Projecere animas. Quàm vellent æthere in alto  
 Nunc & pauperiem & duros perferre labores !  
 Fata obstant , tristisque palus inamabilis undà  
 Alligat , & novies Styx interfusa coercet.  
 Nec procul hinc partem fusi monstrantur in omnem 440  
 Lugentes campi ; sic illos nomine dicunt.  
 Hic quos durus amor crudeli tabe peredit ,  
 Secreti celant calles , & myrtea circum  
 Sylva tegit ; curæ non ipsa in morte relinquunt.  
 His Phædræ Procrinque locis , mœstamque Eriphylen  
 Crudelis nati monstrantem vulnera cernit , 446  
 Evadnenque , & Pasiphaën. His Laodamia  
 It comes ; & , juvenis quondam , nunc femina Cæneus ,  
 Rursus & in veterem fato revoluta figuram.  
 Inter quas Phœnissæ recens a vulnere Dido 450  
 Errabat sylva in magna ; quam Troïus heros  
 Ut primùm juxta stetit , agnovitque per umbram  
 Obscuram , qualem primo qui surgere mense  
 Aut videt aut vidisse putat per nubila lunam ,  
 Demisit lacrymas , dulcique affatus amore est : 455  
 Infelix Dido , verus mihi nuntius ergo  
 Venerat extinctam , ferroque extrema secutam.

Funeris heu tibi causa fui ! Per fidera juro ,  
Per superos , & si qua fides tellure sub ima est ;

460 Invitus , Regina , tuo de littore cessi.

Sed me iussa Deum , quæ nunc has ire per umbras ,  
Per loca senta situ cogunt noctemque profundam ,  
Imperitis egere suis ; nec credere quivi  
Hunc tantum tibi me discessu ferre dolorem.

465 Siste gradum , teque aspectu ne subtrahe nostro.

Quem fugis ? extremum fato quod te alloquor , hoc est.  
Talibus Æneas ardentem & torva tuentem  
Lenibat dictis animum , lacrymasque ciebat.  
Illa solo fixos oculos averſa tenebat :

470 Nec magis incœpto vultum sermone movetur ,

Quàm si dura filex aut stet Marpesia cautes.  
Tandem proripuit sese , atque inimica refugit  
In nemus umbriferum , conjux ubi pristinus illi  
Respondet curis , æquatque Sichæus amorem.

475 Nec minùs Æneas casu percussus iniquo ,

Prosequitur lacrymans longè , & miseratur euntem.  
Inde datum molitur iter ; jamque arva tenebant

Ultima , quæ bello clari secreta frequentant.

Hic illi occurrit Tydeus , hic inclytus armis

480 Parthenopæus , & Adraſti pallentis imago.

Hic multùm fleti ad superos , belloque caduci  
Dardanidæ ; quos ille omnes longo ordine cernens ,  
Ingemuit, Glaucumque, Medontaque, Therſilochumque,  
Tres Antenoridas , Cererique sacrum Polyboeten ,

Idæumque , etiam currus , etiam arma tenentem. 485  
 Circumstant animæ dextrâ lævâque frequentes.  
 Nec vidisse semel fatis est : juvat usque morari ,  
 Et conferre gradum , & veniendi discere causas.  
 At Danaûm proceres, Agamemnoniæque phalanges,  
 Ut vidère virum fulgentiaque arma per umbras , 490  
 Ingenti trepidare metu : pars vertere terga ,  
 Ceu quondam petiere rates : pars tollere vocem  
 Exiguam ; incoëptus clamor frustratur hiantes.

Atque hic Priamiden laniatum corpore toto  
 Deïphobum vidit , lacerum crudeliter ora , 495  
 Ora , manusque ambas , populataque tempora raptis  
 Auribus , & truncas inhonesto vulnere nares.  
 Vix adeo agnovit pavitantem , & dira tegentem  
 Supplicia ; & notis compellat vocibus ultro :  
 Deïphobe armipotens, genus alto a sanguine Teucris, 500  
 Quis tam crudeles optavit sumere pœnas ?  
 Cui tantùm de te licuit ? Mihi fama supremâ  
 Nocte tulit , fessum vastâ te cæde Pelasgûm ,  
 Procubuisse super confusæ stragis acervum.  
 Tunc egomet tumulum Rhœteo in littore inanem 505  
 Constitui , & magnâ manes ter vocē vocavi.  
 Nomen & arma locum servant. Te , amice , nequivi  
 Conspicere , & patriâ decedens ponere terrâ.  
 Atque hic Priamides : Nihil ô tibi, amice, relictum est,  
 Omnia Deïphobo solvistî , & funeris umbris. 510  
 Sed me fata mea & scelus exitiale Lacænæ

His mersere malis : illa hæc monumenta reliquit.  
Namque ut supremam falsa inter gaudia noctem  
Egerimus , nosti ; & nimium meminisse necesse est :

515 Cùm fatalis equus saltu super ardua venit  
Pergama , & armatum peditem gravis attulit alvo.  
Illa chorum simulans , Evantes orgia circum  
Ducebat Phrygias : flammam media ipsa tenebat  
Ingentem , & summa Danaos ex arce vocabat.

520 Tum me confectum curis , somnoque gravatum  
Infelix habuit thalamus , pressitque jacentem  
Dulcis & alta quies , placidæque simillima morti.  
Egregia interea conjux arma omnia tectis  
Emovet , & fidum capiti subduxerat ensen.

525 Intra tecta vocat Menelaum , & limina pandit ;  
Scilicet id magnum sperans fore munus amanti ,  
Et famam exstingui veterum sic posse malorum.  
Quid moror ? Irrumpunt thalamo , comes additur unâ  
Hortator scelerum Æolides. Dii , talia Graiis

530 Instaurate , pio si pœnas ore reposco.  
Sed te qui vivum casus , age , fare vicissim ,  
Attulerint : pelagine venis erroribus actus ,  
An monitu Divûm ? an quæ te fortuna fatigat ,  
Ut tristes sine sole domos , loca turbida adires ?

535 Hac vice sermonum roseis Aurora quadrigis  
Jam medium æthereo cursu trajecerat axem :  
Et fors omne datum traherent per talia tempus.  
Sed comes admonuit , breviterque affata Sibylla est :



Nox ruit , Ænea : nos flendo ducimus horas.  
 Hic locus est , partes ubi se via findit in ambas. 540  
 Dextera , quæ Ditis magni sub moenia tendit ;  
 Hæc iter Elyfium nobis : at læva malorum  
 Exercet poenas , & ad impia Tartara mittit.  
 Deïphobus contrà : Ne sævi , magna sacerdos ;  
 Discedam , explebo numerum , reddarque tenebris. 545  
 I , decus , i , nostrum ; melioribus utere fatis.  
 Tantùm effatus , & in verbo vestigia torfit.

Respicit Æneas subitò , & sub rupe sinistra  
 Moenia lata videt , triplici circumdata muro ;  
 Quæ rapidus flammis ambit torrentibus amnis 550  
 Tartareus Phlegethon , torquetque sonantia faxa.  
 Porta adversa , ingens , solidoque adamante columnæ ;  
 Vis ut nulla virùm , non ipsi excindere ferro  
 Coelicolæ valeant : stat ferrea turris ad auras :  
 Tisiphoneque sedens , pallâ succincta cruentâ , 555  
 Vestibulum infomnis servat noctesque diesque.  
 Hinc exaudiri gemitus , & sæva sonare  
 Verbera : tum stridor ferri , tractæque catenæ.  
 Constitit Æneas , strepitumque exterritus hausit :  
 Quæ scelerum facies , ô virgo , effare ; quibusve 560  
 Urgentur poenis ? quis tantus plangor ad auras ?  
 Tum vates sic orsa loqui : Dux inclyte Teucrùm ,  
 Nulli fas casto sceleratum insistere limen.  
 Sed me , cùm lucis Hecate præfecit Avernis ,  
 Ipsa Deùm poenas docuit , perque omnia duxit. 565

Gnosius hæc Rhadamanthus habet durissima regna ,  
 Castigatque , auditque dolos : subigitque fateri  
 Quæ quis apud superos , furto lætatus inani ,  
 Distulit in feram commissa piacula mortem.

- 570 Continuò fontes ultrix accincta flagello  
 Tisiphone quatit insultans ; torvosque finistrâ  
 Intentans angues , vocat agmina sæva fororum.  
 Tum dè mùm horrifono stridentes cardine sacræ  
 Panduntur portæ. Cernis , custodia qualis  
 575 Vestibulo sedeat ? facies quæ limina fervet ?  
 Quinquaginta atris immanis hiatibus hydra .  
 Sævior intus habet sedem : tum Tartarus ipse  
 Bis patet in præceps tantùm , tenditque sub umbras ,  
 Quantus ad æthereum cœli suspectus Olympum.  
 580 Hic genus antiquum terræ , Titania pubes ,  
 Fulmine dejecti fundo volvuntur in imo.  
 Hic & Aloïdas geminos , immania vidi  
 Corpora ; qui manibus magnum rescindere cœlum  
 Aggressi , superisque Jovem detrudere regnis.  
 585 Vidi & crudeles dantem Salmonea pœnas ,  
 Dum flammæ Jovis & sonitus imitatur Olympi.  
 Quatuor hic investus equis , & lampada quassans ,  
 Per Graiùm populos , mediæque per Elidis urbem  
 Ibat ovans , Divùmque sibi poscebat honorem :  
 590 Demens ! qui nimbos & non imitabile fulmen  
 Ære & cornipedum pulsu simulârat equorum.  
 At pater omnipotens densa inter nubila telum

Contorfit ( non ille faces, nec fumea tædis  
 Lumina ) præcipitemque immani turbine adegit.  
 Nec non & Tityon, Terræ omniparentis alumnum, 595  
 Cernere erat, per tota novem cui jugera corpus  
 Porrigitur ; rostroque immanis vultur obunco  
 Immortale jecur tundens , fecundaque pœnis  
 Viscera, rimaturque epulis , habitatque sub alto  
 Pectore ; nec fibris requies datur ulla renatis. 600

Quid memorem Lapithas, Ixiona, Pirithoûmque,  
 Quos super atra fílex jamjam lapsura , cadentique  
 Imminet assimilis ? Lucent genialibus altis  
 Aurea fulcra toris , epulæque ante ora paratæ  
 Regifico luxu : Furiarum maxima juxtâ 605  
 Accubat, & manibus prohibet contingere mensas ,  
 Exfurgitque facem attollens , atque intonat ore.  
 Hic quibus invisi fratres , dum vita manebat ,  
 Pulsatusve parens , & fraus innexa clienti ;  
 Aut qui divitiis soli incubuere repertis , 610  
 Nec partem posuere suis , quæ maxima turba est ;  
 Quique ob adulterium cæsi , quique arma secuti  
 Impia , nec veriti dominorum fallere dextras ,  
 Inclusi pœnam exspectant. Ne quære doceri 614  
 Quam pœnam, aut quæ forma viros fortunave merfit.  
 Saxum ingens volvunt alii , radiisque rotarum  
 Districti pendent : sedet , æternûmque sedebit  
 Infelix Theseus ; Phlegyasque miserrimus omnes  
 Admonet , & magnâ testatur voce per umbras :

- 620 Discite justitiam moniti , & non temnere Divos.  
 Vendidit hic auro patriam,dominumque potentem  
 Imposuit : fixit leges pretio atque refixit.  
 Hic talamum invasit natæ , vetitosque hymenæos.  
 Ausi omnes immane nefas ausoque potiti.
- 625 Non , mihi si linguæ centum sint , oraque centum ,  
 Ferrea vox , omnes scelerum comprehendere formas ,  
 Omnia poenarum percurrere nomina possim.  
 Hæc ubi dicta dedit Phœbi longæva sacerdos :  
 Sed jam age,carpe viam,& susceptum perface munus :
- 630 Acceleremus , ait. Cyclopum educta caminis  
 Moenia conspicio , atque adverso fornice portas ,  
 Hæc ubi nos præcepta jubent deponere dona.  
 Dixerat ; & pariter gressi per opaca viarum ,  
 Corripiunt spatium medium,foribusque propinquant.
- 635 Occupat Æneas aditum , corpusque recenti  
 Spargit aquâ , ramumque adverso in limine figit.  
 His demum exactis , perfecto munere Divæ ,  
 Devenere locos lætos , & amœna virota  
 Fortunatorum nemorum , fedesque beatas.
- 640 Largior hic campos æther & lumine vestit  
 Purpureo ; solemque suum , sua fidera norunt.  
 Pars in gramineis exercent membra palæstris ,  
 Contendunt ludo , & fulvâ luctantur arenâ :  
 Pars pedibus plaudunt choreas , & carmina dicunt.
- 645 Nec non Threïcius longa cum veste sacerdos  
 Obloquitur numeris septem discrimina vocum ;  
 Jamque

Jamque eadem digitis , jam pectine pulsat eburno.  
 Hic genus antiquum Teucris , pulcherrima proles ,  
 Magnanimi heroës , nati melioribus annis ,  
 Ilusque , Aslaracusque , & Trojæ Dardanus auctor, 650  
 Arma procul , currusque virum miratur inanes.  
 Stant terrâ defixæ hastæ , passimque soluti  
 Per campos pascuntur equi : quæ gratia currum  
 Armorumque fuit vivis , quæ cura nitentes  
 Pascere equos , eadem sequitur tellure repostos. 655

Conspicit ecce alios dextrâ lævâque per herbam  
 Vescentes , lætumque choro Pæana canentes  
 Inter odoratum lauri nemus , unde superne  
 Plurimus Eridani per sylvam volvitur amnis.  
 Hic manus , ob patriam pugnando vulnera passi ; 660  
 Quique sacerdotes casti , dum vita manebat ;  
 Quique pii vates , & Phœbo digna locuti ;  
 Inventas aut qui vitam excoluere per artes ;  
 Quique sui memores alios fecere merendo :  
 Omnibus his niveâ cinguntur tempora vittâ. 665  
 Quos circumfusus sic est affata Sibylla ,  
 Musæum ante omnes ; medium nam plurima turba  
 Hunc habet , atque humeris exstantem suspicit altis :

Dicite , felices animæ , tuque , optime vates ,  
 Quæ regio Anchisen , quis habet locus ? illius ergo 670  
 Venimus , & magnos Erebi tranavimus amnes.  
 Atque huic responsum paucis ita reddidit heros :  
 Nulli certa domus , lucis habitamus opacis ,

- Riparumque toros & prata recentia rivis  
675 Incolimus : sed vos , si fert ita corde voluntas ,  
Hoc superate jugum , & facili jam tramite sistam.  
Dixit ; & antè tulit gressum , camposque nitentes  
Desuper ostentat : dehinc summa cacumina relinquunt.  
At pater Anchises penitus convalle virenti  
680 Inclusas animas , superumque ad lumen ituras ,  
Lustrabat studio recolens ; omnemque suorum  
Fortè recensebat numerum , carosque nepotes ,  
Fataque , fortunæque virum , moresque , manusque.  
Isque ubi tendentem adversum per gramina vidit  
685 Ænean , alacris palmas utraq; tetendit ;  
Effusæque genis lacrymæ , & vox excidit ore :  
Venisti tandem , tuæque spectata parenti  
Vicit iter durum pietas ! datur ora tueri ,  
Nate , tua , & notas audire & reddere voces.  
690 Sic equidem ducebam animo , rebarque futurum ,  
Tempora dinumerans ; nec me mea cura fefellit.  
Quas ego te terras & quanta per æquora vectum  
Accipio ! quantis jactatum , nate , periclis !  
Quàm metui , ne quid Libyæ tibi regna nocerent !  
695 Ille autem : Tua me , genitor , tua tristis imago  
Sæpius occurrens hæc limina tendere adegit.  
Stant fæle Tyrrheno classes. Da jungere dextram ,  
Da , genitor ; teque amplexu ne subtrahe nostro.  
Sic memorans , largo fletu simul ora rigabat.  
700 Ter conatus ibi collo dare brachia circum ;

Ter frustra comprehensa manus effugit imago,  
Par levibus ventis, volucrique simillima somno.

Interea videt Æneas in valle reducta  
Seclusum nemus & virgulta sonantia sylvis;  
Lethæumque, domos placidas qui prænatat, amnem. 705  
Hunc circum innumeræ gentes populique volabant.  
Ac veluti in pratis, ubi apes æstate ferenâ  
Floribus insidunt variis, & candida circum  
Lilia funduntur: strepit omnis murmure campus.  
Horrescit visu subito, causasque requirit 710  
Inscius Æneas: Quæ sint ea flumina porro;  
Quive viri tanto compleverint agmine ripas.  
Tum pater Anchises: Animæ, quibus altera fato  
Corpora debentur, Lethæi ad fluminis undam  
Securos latices & longa oblivia potant. 715  
Has equidem memorare tibi atque ostendere coram,  
Jampridem hanc prolem cupio enumerare meorum,  
Quò magis Italiâ mecum lætere repertâ.  
O pater, anne aliquas ad cœlum hinc ire putandum est  
Sublimes animas? iterumque ad tarda reverti 720  
Corpora? Quæ lucis miseris tam dira cupido!  
Dicam equidem, neque te suspensum, nate, tenebo,  
Suscipit Anchises; atque ordine singula pandit.  
Principiò, cœlum ac terras, camposque liquentes,  
Lucentemque globum Lunæ, Titaniaque astra 725  
Spiritus intus alit; totamque infusa per artus  
Mens agitat molem, & magno se corpore miscet.

O ij

Inde hominum pecudumque genus, vitæque volantum,  
Et quæ marmoreo fert monstra sub æquore pontus.

730 Igneus est ollis vigor, & coelestis origo

Seminibus, quantum non noxia corpora tardant,  
Terrenique hebetant artus, moribundaque membra.

Hinc metuunt cupiuntque, dolent gaudentque; neque auras  
Dispiciunt, clausæ tenebris & carcere cæco.

735 Quin & supremo cùm lumine vita reliquit,

Non tamen omne malum miseris, nec funditus omnes  
Corporeæ excedunt pestes; penitusque necesse est  
Multa diu concreta modis inolescere miris.

Ergo exercentur poenis, veterumque malorum

740 Supplicia expendunt. Aliæ panduntur inanes

Suspensæ ad ventos: aliis sub gurgite vasto  
Infectum cluitur scelus, aut exuritur igni.

Quisque suos patimur Manes. Exinde per amplum  
Mittimur Elysiū, & pauci læta arva tenemus;

745 Donec longa dies perfecto temporis orbe,

Concretam exemit labem, purumque reliquit  
Æthereum sensum, atque auræ simplicis ignem.

Has omnes, ubi mille rotam volvere per annos,  
Lethæum ad fluvium Deus evocat agmine magno:

750 Scilicet immemores supera ut convexa revisant,  
Rursus & incipiant in corpora velle reverti.

Dixerat Anchises: natumque, unaque Sibyllam,  
Conventus trahit in medios turbamque sonantem;  
Et tumulum capit, unde omnes longo ordine possit



Adversos legere, & venientum discere vultus. 755

Nunc age, Dardaniam prolem quæ deinde sequatur

Gloria, qui maneant Itala de gente nepotes,

Illustres animas nostrumque in nomen ituras,

Expeditam dictis, & te tua fata docebo.

Ille, vides, purâ juvenis qui nititur hastâ, 760

Proxima forte tenet lucis loca, primus ad auras

Æthereas Italo commixtus sanguine surget,

Sylvius, Albanum nomen, tua postuma proles;

Quem tibi longævo serum Lavinia conjux

Educet sylvis regem, regumque parentem: 765

Unde genus longâ nostrum dominabitur Albâ.

Proximus ille, Procas, Trojanæ gloria gentis;

Et Capys, & Numitor; & qui te nomine reddet,

Sylvius Æneas, pariter pietate vel armis

Egregius, si umquam regnandam acceperit Albam. 770

Qui juvenes quantas ostentant, aspice, vires!

At qui umbrata gerunt civili tempora quercu,

Hi tibi Nomentum, & Gabios, urbemque Fidenam;

Hi Collatinas imponent montibus arces,

Pometios, Castrumque Inui, Bolamque, Coramque. 775

Hæc tum nomina erunt, nunc sunt sine nomine terræ.

Quin & avo comitem sese Mavortius addet

Romulus, Assaraci quem sanguinis Ilia mater

Educet. Viden ut geminæ stant vertice cristæ,

Et pater ipse suo Superûm jam signat honore? 780

En hujus, nate, auspiciis illa inclyta Roma

- Imperium terris, animos æquabit Olympo;  
 Septemque una sibi muro circumdabit arces,  
 Felix prole virum: qualis Berecynthia mater  
 785 Invehitur curru Phrygias turrita per urbes,  
 Læta Deum partu, centum complexa nepotes,  
 Omnes coelicolas, omnes supera alta tenentes.  
 Huc, geminas huc flecte acies: hanc aspice gentem,  
 Romanosque tuos. Hic Cæsar, & omnis Iuli  
 790 Progenies magnum coeli ventura sub axem.  
 Hic vir, hic est: tibi quem promitti sæpius audis,  
 Augustus Cæsar, Divi genus, aurea condet  
 Secula qui rursus Latio, regnata per arva  
 Saturno quondam, super & Garamantas & Indos  
 795 Proferet imperium; jacet extra sidera tellus,  
 Extra anni solisque vias, ubi coelifer Atlas  
 Axem humero torquet stellis ardentibus aptum.  
 Hujus in adventum jam nunc & Caspia regna  
 Responsis horrent Divum; & Mæotica tellus,  
 800 Et septem gemini turbant trepida ostia Nili.  
 Nec verò Alcides tantum telluris obivit;  
 Fixerit æripedem cervam licet, aut Erymanthi  
 Pacarit nemora, & Lernam tremefecerit arcu.  
 Nec qui pampineis victor juga flectit habenis  
 805 Liber, agens celso Nisæ de vertice tigres.  
 Et dubitamus adhuc virtutem extendere factis?  
 Aut metus Aufoniâ prohibet consistere terrâ?  
 Quis procul ille autem ramis insignis olivæ,

Sacra ferens ? nosco crines incanaque menta  
 Regis Romani , primus qui legibus urbem 810  
 Fundabit , Curibus parvis & paupere terrâ  
 Missus in imperium magnum. Cui deinde subibit ,  
 Otia qui rumpet patriæ , residesque movebit  
 Tullus in arma viros , & jam defueta triumphis  
 Agmina. Quem juxta sequitur jactantior Ancus , 815  
 Nunc quoque jam nimium gaudens popularibus auris.  
 Vis & Tarquinius reges , animamque superbam  
 Ultoris Bruti , fascesque videre receptos ?  
 Consulis imperium hic primus , sævasque secures  
 Accipiet ; natosque pater , nova bella moventes , 820  
 Ad poenam pulchra pro libertate vocabit ,  
 Infelix ; utcumque ferent ea facta minores ,  
 Vincet amor patriæ , laudumque immensa cupido.  
 Quin Decios , Drusosque procul , sævumque securi  
 Aspice Torquatum , & referentem signa Camillum. 825  
 Illæ autem, paribus quas fulgere cernis in armis ,  
 Concordes animæ nunc , & dum nocte prementur ,  
 Heu quantum inter se bellum , si lumina vitæ  
 Attigerint , quantas acies stragemque ciebunt !  
 Aggeribus focer Alpinis , atque arce Monoeci 830  
 Descendens ; gener adversis instructus Eois.  
 Ne , pueri , ne tanta animis affuescite bella :  
 Neu patriæ validas in viscera vertite vires.  
 Tuque prior , tu parce , genus qui ducis Olympo :  
 Projice tela manu , sanguis meus. 835

Ille triumphatâ Capitolia ad alta Corintho  
 Victor aget currum , cæsis insignis Achivis.  
 Eruct ille Argos , Agamemnoniasque Mycenæ ,  
 Ipsumque Æaciden , genus armipotentis Achillei ;

840 Ultus avos Trojæ , templa & temerata Minervæ.

Quis te , magne Cato , tacitum ; aut te , Cossæ , relinquat ?  
 Quis Gracchi genus ? aut geminos , duo fulmina belli ,  
 Scipiadas , cladem Libyæ ? parvoque potentem  
 Fabricium ? vel te fulco , Serrane , serentem ?

845 Quò fessum rapitis , Fabii ? Tu maximus ille es ,  
 Unus qui nobis cunctando restituis rem.

Excudent alii spirantia mollius æra ,  
 Credo equidem : vivos ducent de marmore vultus ;  
 Orabunt causas melius , coelique meatus :

850 Describent radio , & surgentia fidera dicent.

Tu regere imperio populos , Romane , memento ;  
 Hæ tibi erunt artes , pacisque imponere morem ,  
 Parcere subjectis , & debellare superbos.

Sic pater Anchises ; atque hæc mirantibus addit :

855 Aspice , ut insignis spoliis Marcellus opimis

Ingreditur , victorque viros supereminet omnes.

Hic rem Romanam , magno turbante tumultu ,  
 Sistet eques ; sternet Pœnos , Gallumque rebellem ;  
 Tertiaque arma patri suspendet capta Quirino.

860 Atque hic Æneas ( unâ namque ire videbat

Egregium formâ juvenem & fulgentibus armis ;

Sed frons læta parum , & dejecto lumina vultu )

Quis, pater, ille virum qui sic comitatur euntem?  
 Filius? anne aliquis magna de stirpe nepotum? 864  
 Qui strepitus circa comitum! quantum instat in ipso est!  
 Sed nox atra caput tristi circumvolat umbrâ.  
 Tum pater Anchises lacrymis ingressus obortis:  
 O nate, ingentem luctum ne quære tuorum.  
 Ostendent terris hunc tantum fata, neque ultra  
 Esse sinent. Nimum vobis Romana propago 870  
 Visa potens, Superi, propria hæc si dona fuissent.  
 Quantos ille virum magnam Mavortis ad urbem  
 Campus aget gemitus! vel quæ, Tyberine, videbis  
 Funera, cum tumulum præterlabere recentem!  
 Nec puer Iliaca quisquam de gente Latinos 875  
 In tantum spe tollet avos; nec Romula quondam  
 Ullo se tantum tellus jactabit alumno.  
 Heu pietas! heu prisca fides! invictaque bello  
 Dexterâ! non illi quisquam se impunè tulisset  
 Obvius armato, seu cum pedes iret in hostem, 880  
 Seu spumantis equi foderet calcaribus arnos.  
 Heu, miserande puer! si quæ fata aspera rumpas,  
 Tu Marcellus eris. Manibus date lilia plenis:  
 Purpureos spargam flores animamque nepotis  
 His saltem accumulem donis, & fungar inani 885  
 Munere. Sic totâ passim regione vagantur  
 Aëris in campis latis, atque omnia lustrant.  
 Quæ postquam Anchises natum per singula duxit,  
 Incenditque animum famæ venientis amore;

890 Exin bella viro memorat quæ deinde gerenda,  
 Laurentesque docet populos, urbemque Latini;  
 Et quo quemque modo fugiatque feratque laborem.

Sunt geminæ Somni portæ, quarum altera fertur  
 Cornea, quâ veris facilis datur exitus umbris:

895 Altera, candenti perfecta nitens elephanto;  
 Sed falsa ad cœlum mittunt insomnia manes:  
 His ubi tum natum Anchises unâque Sibyllam  
 Prosequitur dictis, portâque emittit eburnâ.  
 Ille viam secat ad naves, sociosque revisit.

900 Tum se ad Caietæ recto fert littore portum:  
 Ancora de prora jacitur, stant littore puppes.

*Finis Tomi primi.*



